

2/4/150

96: 82



5.

N^o 2044.

MAR.MU

1562.41561.

*N. la grande marque de Langdica
au Privilège, après la Différence -
et après la loterie contre les ennemis
poctis.*



UNIVERSITÉS DE PARIS
BIBLIOTHÈQUE DE LA SORBONNE
13, RUE DE LA SORBONNE - 75257 PARIS CEDEX 05
TEL: 01 40 46 30 27 - FAX: 01 40 46 30 44

Inv. A/43124

SIGB

Sibil

SU 60404563

Cote RRA 78 in - 80

1153327838



31571

ŒUVRES
DE IOACHIM

DU BELLAY ANGEVIN, FIDÈ-
lement reueues, & corrigees oultre les pre-
cedentes impressions.

*

C'EST A SCAVOIR,

La Deffense & Illustration de la Langue Françoisé.

L'Oliue augmentee.

L'Anterotique de la vieille & ieune amye.

Quelques vers Lyriques.

La Musagneomachie.

Le recueil de poesie.

Et plusieurs autres œuures poetiques.

*

AVEC PRI




VILEGE.



A PARIS,

Par Charles Langelier, Libraire iuré, tenant sa boutique
au perron de la salle des merciers, ioignant la porte
de la grand' salle du Palais.

1562



EPITRE



A MONSEI-

GNEVR LE REVEREN-
dissime Cardinal du Bel-
lay. S.

*



VE le personnage, que tu ioues au Spectacle de toute l'Europe, voire de tout le monde en ce grand Theatre Romain, veu tant d'affaires, & tels que seul quasi tu soutiës: ô l'honneur du sacré College? pecheroy'-ie pas (comme dit le Pindare Latin) contre le bien publicq' si par longues paroles i'empeschoy' le temps que tu donnes au seruice de ton Prince, au profit de la Patrie, & à l'accroissement de ton immortelle renommee? Epiant donques quelque heure de ce peu de relais, que tu prës pour respirer souz si pesant faiz des affaires Francoisës (charge vrayement digne de si robustes epaules, nō moins que le Ciel de celle du grād Hercule) ma Muse a pris la hardi esse d'entrer au sacré Cabinet de

EPISTRE.

tes saintes & studieuses occupatiōs: & l'a entre tant de riches & excellens vœuz de iour en iour dediez à l'image de ta grandeur, pendre le sien hūble & petit: mais toutesfois biē heureux sil rencōtre quelque faueur deuāt les yeux de ta bonté, semblable à celle des Dieux immortels, qui n'ont moins agreables les pauures presens d'un biē riche vouloir, que ces superbes & ambicieuses offrandes. C'est en effect la Deffense & Illustration de nostre Langue Francoise. A l'entreprise de laquelle rien ne m'a induit, que l'affectiō naturelle enuers ma Patrie: & à te la dedier, que la grādeur de ton nō. A fin qu'elle se cache (cōme souz le bouclier d'Aiax) cōtre les traictz enuenimez de ceste antique ennemie de vertu, souz l'vmbre de tes esles. De toy, dy-ie, dont l'incomparable scauoir, vertu & conduite, toutes les plus grandes choses, de si long tens de tout le monde sont experimentees, que ie ne les scauroy plus au vif exprimer, que les courāt (suyuant la ruse de ce noble peintre Tymante) souz le voile de silence. Pour ce, que de vne si grande chose il vault trop mieux (comme de Carthage disoit T. Line) se taire du tout, que d'en dire peu. Recoy donques avec ceste accoustumee bonté, qui ne te rend moins amiable entre les plus petis, que ta vertu & auctorité venerable entre les plus grāds, les premiers fruiçts, ou pour mieux dire les premieres fleurs du Printens de celuy qui en toute reuerence & humilité baise les mains de ta R. S. Priant le ciel te departir autant d'heureuse & longue vie, & à tes haultes entreprises estre autant favorable, comme enuers toy a esté liberal, voire prodigue de ses graces. A Dieu, de Paris ce quinziesme de Feurier, mil cinq cens quaranteneuf.

L'auteur prie les Lecteurs differer leur iugement iusques à la fin du liure, & ne le condamner sans auoir premierement bien veu, & examiné ses raisons.

Ἰωάννης Ἀνατολὸς εἰς κελτικῆς
γλώσσης Ἀπολογία.

Εἷς οἰονὸς ἀειτος ἀμύνεσθαι πατρός,
Εἶπεν ὀμυρέων ἐνεπίη χερίτων.
Εἴν δὲ κλέος μέγ' ἀειτον ἀμύνεσθαι πατρός γλώττης
Τῆς πατρός, καὶ γὰρ φημι παρωδιόν
Βελλὰ ὡς γῆν σεῦ παρόχοι φιλοπάτριδες ἀνδρες
Ἡέκασαν, πατρίδας γῆς πέρι μαρνάμενοι.
Οὕτως καὶ πατρίδας σὺ συνηγορέων πατρός γλώττης,
Κληδόν' ἀεὶ σχήσεις, ὡς φιλόπατρις ἀνὴρ.

A iiij



À L'AMBICIEUX ET A-
uare Ennemy des bonnes
Lettres.

Sonnet.

*Serf de Faueur, Esclaué d'Auarice,
Tu n'heuz iamais sur toymesmes pouuoir,
Et ie me veux d'un tel Maitre pouruoir,
Que l'Esprit libre en plaisir se nourrisse.
L'Air, la Fortune, & l'humaine Police
Ont en leurs mains ton malheureux Auoir.
Le Iuge auare icy n'a rien à voir:
Ny les trois Seurs, ny du Tens la malice.
Regarde donc qui est plus souhaitable
L'ayse, ou l'ennuy, le certain, ou l'instable.
Quant à l'honneur, i'espere estre immortel:
Car vn cler Nom souz Mort iamais ne tumbe.
Le tien obscur ne te promet rien tel,
Ainsi, tous deux serez souz mesme Tumble.*

COELO MVSA BEAT.



La Deffence & Illu-

STRATION DE LA

Langue Françoise.

*

LIVRE PREMIER.

L'origine des Langues.

CHAP. I.



SI LA NATURE (dont quelque personnage de grand' renommee non sans raison a douté, si on la deuoit appeller Mere, ou Maratre) eust donné aux Hommes vn commun vouloir & consentement, outre les innumerables commoditez qui en feussent procedees, l'inconstance humaine n'eust eu besoing de se forger tant de manieres de parler. Laquelle diuersité & confusion, se peut à bon droict appeller la Tour de Babel. Donques les langues ne sont nees d'elles mesmes en facon d'herbes, racines & arbres: les vnes infirmes & debiles en leurs especes: les autres saines & robustes, & plus aptes à porter le faiz des conceptions humaines: mais toute leur vertu est nee au monde du vouloir & arbitre des mortels. Cela (ce me semble) est vne grande raison, pourquoy on ne doit ainsi louer vne langue, & blasmer l'autre: veu qu'elles viennent toutes d'une mesme source

LA DEFFENSE DE

Et origine, c'est la fantasie des hommes, Et ont esté formées d'un mesme iugemēt, à vne mesme fin, c'est pour signifier entre nous les conceptions Et intelligēces de l'esprit. Il est vray que par successiō de tens les vnes, pour auoir esté plus curieusement reiglees, sont deuenues plus riches que les autres, mais cela ne se doit attribuer à la felicité desdictes Langues, ains au seul artifice Et industrie des hommes. Ainsi dōcques toutes les choses que la Nature a crees, tous les ars Et sciences en toutes les quatre parties du Monde, sont chacune endroict soy vne mesme chose, mais pource que les hommes sont de diuers vouloir, ilz en parlent Et escriuent diuersement. A ce propos, ie ne puis assez blamer la sottise arrogance Et temerité d'aucuns de nostre nation, qui n'estāns riens moins que Grecz, ou Latins, deprisent Et reietent d'un sourcil plus que Stoique, toutes choses ecrites en Francois: Et ne me puis assez emerueiller de l'etrange opinion d'aucuns scauans, qui pensent que nostre vulgaire soit incapable de toutes bonnes lettres Et erudition, comme si vne inuention pour le Langage seulemēt deuoit estre iugee bonne ou mauuaise. A ceūx la ie n'ay entrepris de satisfaire. A ceūx cy ie veux bien, sil m'est possible, faire changer d'opinion par quelques raisons, que brefuement i'espere deduire: non que ie me sente plus cler voyant en cela, ou autres choses, qu'ils ne sont, mais pour ce que l'affection qu'ils portent au Langues estrangeres, ne permet qu'ils veillent faire sain, Et entier iugement de leur vulgaire.

Que

Que la Langue Françoise ne doit estre
nommee Barbare.

CHAP. II.

POUR commencer donques à entrer en matiere, quant à la signification de ce mot Barbare: Barbaires anciennement estoient nommez ceux qui ineptement parloient Grec. Car comme les estrangers venans à Athenes s'efforcoient de parler grec, ils tumboiēt souuent en ceste voix absurde ^{Βαβαεως}. Depuis les Grecz transporterent ce nom aux meurs brutaux & cruels, appellant toutes natiōs hors la grece, Barbare. Ce qui ne doit en rien diminuer l'excellence de nostre langue, veu que c'est arrogance greque, admiratrice seulement de ses inuentions, n'auoit loy ny priuilege de legitimer ainsi sa nation, & abatardir les autres, comme Anacharsis disoit que les Scythes estoyent Barbaires entre les Atheniens, mais les Atheniens aussi entre les Scythes. Et quand la barbarie des meurs de noz ancestres eust deu le mouuoir à nous appeller Barbaires, si est ce que ie ne voy point, pour quoy on nous doiue maintenāt estimer tels, veu qu'ē ciuilité de meurs equité de loix, magnanimité de courages, bref en toutes formes & manieres de viure non moins louables, que profitables, nous ne sommes rien moins qu'eux, mais bien plus, veu qu'ils sont tels maintenant que nous les pouuons iustement appeller par le nom, qu'ils ont dōné aux autres. Encores moins doit auoir lieu de ce que les Romains nous ont apellez Barbaires, veu leur ambition & insatiable faim de gloire, qui tachoyēt non seulement à subiuguer, mais à rendre toutes autres nations viles & abietes au pres d'eux: principalement les Gauloys, dont ils ont receu plus de honte & dōmage, que des autres. A ce propos, son-

geant beaucoup de fois, d'ou vient que les gestes du peuple Romain, sont tât celebrez de tout le Monde, voyre de si l'og interua le preferez a ceux de toutes les autres nations ensemble, ie ne treuue point plus grande raison que ceste cy: c'est que les Romains ont eu si grande multitude d'Ecrinains, que la plus part de leurs gestes (pour ne dire pis) par l'espace de tant d'annees, ardeur de batailles, vastité d'Italie, incursions d'estrangers, sest cõseruee entiere iusques à nostre temps. Au contraire les faiz des autres nations singulierement des Gauloys, auant qu'ils tum bassent en la puissance des Francois, & les faiz des Francois mesmes depuis qu'ils ont donné leur nom aux Gaules, ont esté si mal recueillis, que nous en auons quasi perdu non seulement la gloire, mais la memoire, A quoy à bien aydé l'enuie des Romains, qui comme par vne certaine coniuuration conspirant contre nous, ont extenué en tout ce qu'ils ont peu, noz louanges beliques, dont ils ne pouuoient endurer la clarté: & non seulement nous ont faict tort en cela, mais pour nous rendre encor' plus odieux & contemptibles, nous ont appellez brutaux, cruels & Barbares. Quelqu'vn dira, pourquoy ont ils exempté les Grecz de ce nom: pource qu'ils se feussent faict plus grand tort, qu'aux Grecz mesmes, dont ils auoyent emprunté tout ce qu'ils auoyent de bon, au moins quant aux sciences & illustration de leur langue. Ces raisons me semblent suffisantes de faire entendre à tout equitable estimateur des choses que nostre langue (pour auoir esté nommez Barbares ou de noz ennemys, ou de ceux qui n'auoyent loy de nous bailler ce nom) ne doit pourtant estre deprisee, mesmes de ceux aux quels elle est propre & naturelle: & qui en rien ne sont moindres que les Grecz ou Romains.

Pourquoy la Langue Françoise n'est si riche,
que la Grecque & Latine.

CHAP. III.

ET si nostre langue n'est si copieuse & riche que la Grecque ou Latine, cela ne doit estre imputé au default d'icelle, comme si d'elle mesme elle ne pouvoit iamais estre si non pauvre & sterile: mais bien on le doit attribuer à l'ignorance de noz maieurs, qui ayās (comme dict quelqu'un, parlant des anciens Romains) en plus grande recommandation le bien faire, que le bien dire: & mieux aymans laisser à leur posterité les exemples de vertu, que les preceptes: se sont priuez de la gloire de leurs bien faictz, & nous du fruct de l'immitation d'iceux: & par mesme moyen nous ont laissé nostre Langue si pauvre & nue, qu'elle a besoing des ornemētz, & (sil fault ainsi parler) des plumes d'autruy. Mais qui voudroit dire que la Grecque & Romaine eussent tousiours esté en l'excellence qu'on les à veues du Tens d'Home re & de Demosthene, de Virgile & de Ciceron? Et si ces auteurs eussent iugé, que iamais pour quelque diligence & culture, qu'on y eust peu faire, elles ne eussent sceu produire plus grand fruct, se feussent ils tāt eforcez de les mettre au poinct, ou nous les voyons maintenant? Ainsi puis-ie dire de nostre langue, qui commence encores à fleurir, sans fructifier, ou plus tost comme vne Plante & Vergette, n'a point encores fleury, tant se fault qu'elle ait apporté tout le fruct qu'elle pourroit bien produire. Cela certainement non pour le default de la nature d'elle aussi apte à engendrer que les autres: mais pour la coulpe de ceux qui l'ont eue en garde, & ne l'ont cultiuee à suffisance, ains comme vne plante sauuage, en celuy mesmes Desert, ou elle auoit com-

mencé à naistre, sans iamais l'arrouser, la tailler, ny defendre
 des Ronces & Espines, qui luy faisoÿt ombre, l'ont laissée en
 uieillir, & quasi mourir. Que si les anciens Romains eussent e-
 sté aussi negligens à la culture de leur Langue, quand premiere-
 ment elle commença à pululer, pour certain en si peu de temps
 elle ne feust deuenue si grande. Mais eux en guise de bons Agri-
 culteurs, l'ont premierement transmuee d'un lieu sauuaige en
 un domestique: puis affin que plus tost & mieux elle peust fru-
 ctifier, coupant à l'entour les inutiles rameaux, l'ont pour e-
 change d'iceux restauree de Rameaux francs & domestiques
 magistralement tirez de la langue Grecque, lesquels soudaine-
 ment se sont si bien entez & faiz semblables à leur tronc, que
 desormais ne apparoissent plus adoptiz: mais naturels. De là
 sont nees en la Langue Latine ces fleurs & ces fruiçts colorez
 de ceste grande eloquence, avecques ces nombres, & ceste liaison
 si artificielle, toutes lesquelles choses non tant de sa propre natu-
 re, que par artifice toute langue à coustume de produire. Donc-
 ques si les Grecs & Romains plus diligens à la culture de leurs
 langues, que nous à celle de la nostre, n'ont peu trouuer en icelles
 sinon avecques grand labeur & industrie ny grace, ny, Nom-
 bre, ny finablement aucune eloquence, nous devons nous emer-
 ueiller si nostre vulgaire n'est si riche comme il pourra bien estre,
 & de là prendre occasion de le mespriser comme chose vile, &
 de petit prix? Le temps viendra (peut estre) & ie l'espere moy-
 ennant la bonne destinee Francoise, que ce noble & puissant
 royaume obtiendra à son tour les regnes de la Monarchie, &
 que nostre Langue, (si avecques Francois n'est du tout enseuelie
 la Langue Francoise) qui commence encor' à iecter ses racines,
 sortira de terre, & s'enleuera en telle hauteur & grosseur que
 elle se pourra egaler aux mesmes Grecz & Romains, produi-

sant comme eux, des Homeres, Demosthenes, Virgiles, & Cicérons, aussi bien que la France a quelquefois produit des Pericles, Nicies, Alcibiades, Themistocles, Césars & Scipions.

Que la Langue Françoise n'est si pauvre que beaucoup l'estiment.

CHAP. IIII.

Ne n'estime pourtant nostre vulgaire, tel qu'il est maintenant, estre si vil & abiect, comme le font ces ambicieux admirateurs des Langues Grecque & Latine, qui ne penseroient, & feussent ils la mesme Pythô, Deesse de persuasion, pouuoir rien dire de bon, si n'estoit en l'agaige estranger, & non entendu du vulgaire. Et qui voudra de bien pres y regarder, trouuera que nostre langue Françoise n'est si pauvre, qu'elle ne puisse rendre fidelement ce qu'elle emprunte des autres, si infertile, qu'elle ne puisse produyre de soy quelque fruct de bonne inuention, au moyen de l'industrie & diligence des cultiueurs d'icelle, si quelques vns se treuuent tant amys de leur pais, & d'eux mesmes, que ils s'y veillent employer. Mais à qui, apres Dieu, rendrôs nous graces d'un tel benefice, sinon à nostre feu bon Roy & pere François, premier de ce nom & de toutes vertus? le dy premier d'autant qu'il a en son noble royaume premierement restitué tous les bons ars & sciences en leur ancienne dignité: & si a nostre langaige au parauant scabreux & mal poly, rendu elegant, & si non tant copieux, qu'il pourra bien estre, pour le moins fidele interprete de tous les autres. Et qu'ainsi soit, Philosophes, Historiens, Medecins, Poetes, Orateurs, Grecs & Latins ont aprins à parler Francois. Que diray-ie des Hebreux? Les saintes let-

tres donnent ample tesmoignage de ce que ie dy. Je laisseray en cest endroit les superstitieuses raisons de ceux qui soustiennent, que les mysteres de la Theologie ne doiuent estre decouuers, & quasi comme prophanes en langue vulgaire, & ce que vont allegant ceux qui sont d'opinion contraire. Car ceste disputation n'est propre à ce que i'ay entrepris, qui est seulement de montrer que nostre langue n'ha point eu à sa naissance les Dieux & les Astres si ennemis, qu'elle ne puisse vn iour paruenir au point d'excellence & de perfection aussi bien que les autres, entendu que toutes sciences se peuuent fidelemēt & copieusement traicter en icelle, comme on peut voir en si grād nombre de liures Grecz & Latins, voyre biē Italiens, Espaignols, & autres traduits en Francoys, par maintes excellentes plumes de nostre Tens.

Que les Traductions ne sont suffisantes pour
donner perfection à la Langue
Françoise.

CHAP. V.

TOUTES FOIS ce tant louable labour de traduyre ne me semble moyen vnique & suffisant, pour eleguer nostre vulgaire à l'egal & Parāgon des autres plus fameuses lāgues. Ce que ie pretēs prouuer si clerement, que nul ny voudra (ce croy-ie) contredire, sil n'est manifeste calumniateur de la verité. Et premier, c'est vne chose accordee entre tous les meilleurs Aucteurs de Rethorique, qu'il y a cinq parties de bien dire, l'Inuention, l'Eloquution, la Disposition, la Memoire, & la Pronunciation. Or pour autant que ces deux dernieres ne se apprennent tant par le benefice des Langues, comme elles sont donnees à cha-

cun selon la felicité de sa Nature, augmentees & entretenues par studieux exercice & continuelle diligence, pour autant aussi que la Disposition gist plus en la discretion & bon iugement de l'Orateur, qu'en certaines reigles & preceptes, veu que les euenementz du Tens, la circonstance des lieux, la condition des personnes, & la diuersité des occasions sont innombrables. Je me contenteray de parler des deux premieres, scauoir de l'Inuention, & de l'Eloquution. L'office donques de l'Orateur est de chacune chose proposee elegamment & copieusement parler. Or ceste faculté de parler ainsi de toutes choses, ne se peut acquerir que par l'intelligence parfaite des sciences, les quelles ont eté premierement traitees par les Grecz, & puis par les Romains imitateurs d'iceux. Il fault donques necessairement que ces deux langues soient entendues de celuy qui veut acquerir cete copie, & richesse d'Inuention, premiere & principale piece du Harnois de l'Orateur. Et quant à ce point, les fideles Traducteurs peuuent grandement seruir & soulager ceux qui n'ont le moyen Vnique de vacquer aux Langues estrangeres. Mais quant à l'Eloquution, partie certes la plus difficile, & sans laquelle toutes autres choses restent comme inutiles, & semblables à vn Glayue encores couuert de sa Guyne. Eloquution (dy-ie) par la quelle Principalement vn Orateur est iugé plus excellent, & vn Genre de dire meilleur que l'autre: comme celle dont est appelée la mesme Eloquence, & dont la vertu gist aux mots propres, vsitez & non alienes du commun vsaige de parler: aux Metaphores, Allegories, Comparaisons, Similitudes, Energies, & tant de autres figures, & ornements, sans les quels toute oraison, & Poeme sont nudz, manques, & debiles. Je ne croyray iamais qu'on puisse bien apprendre tout cela des Traducteurs, pour ce

qu'il est impossible de le rendre avecques la mesme grace, dont l'Aucteur en a vsé: d'autant que chacune Langue à ie ne scay quoy propre seulement à elle, dont si vous efforcez exprimer le Naif en vn autre Langue obseruant la Loy de traduyre, qui est n'espacier point hors des Limites de l'Aucteur, vostre dictiõ sera contrainte, froide, & de mauuaise grace. Et que ainsi soit, qu'on me lise vn Demosthene, & Homere Latins, vn Ciceron, & Virgile Francoys, pour voir s'ils vous engendreront telles affections, voire ainsi qu'vn Prothee vous transformeront en diuerses sortes, comme vous sentez lisant ces Aucteurs en leurs Langues. Il vous semblera passer de l'ardete Mõtagne d'AEthne sur le froid Sommet de Caucase. Et ce, que ie dy des Langues Latine, & Grecque, ce doit reciproquement dire de tous les vulgaires, dont i' allegueray seulement vn Petrarque, duquel i' ose bien dire, que si Homere, & Virgile renaissans auoient entrepris de le traduyre, ils ne le pourroient rendre avecques la mesme grace, & naifueté, qu'il est en son vulgaire Toscan. Toutefois quelques vns de nostre Tens ont entrepris de le faire parler Frãcois. Voyla en brief les raisons, qui m'ont fait penser, que l'office & diligẽce des Traducteurs, autrement fort vtile pour instruire les ignorans des Langues estrangeres en la congnoissance des choses, n'est suffisante pour donner à la nostre ceste perfection, & comme font les Peintres à leurs tableaux ceste derniere main, que nous desirõs. Et si les raisons, que i'ay alleguees, ne semblent assez fortes, ie produiray pour mes garans, & defenseurs les anciens Aucteurs Romains, Poetes principalemẽt, & Orateurs, lesquels (combien que Ciceron ait traduit quelques liures de Xenophon, & d'Arate, & qu'Horace baille les preceptes de bien traduyre) ont vacqué à ceste partie plus pour leur estude, & profit particulier, que pour le publier à l'amplification

fication de leur Langue, à leur gloire & commodité d'autruy. Si aucuns ont veu quelques Oeuures de ce tens la soubz tiltre de traduction, i'entens de Ciceron, de Virgile & de ce bienheureux Siecle d'Auguste, ils me pourroient dementir de ce que ie dy.

Des mauuais Traducteurs, & de ne traduy-
re les Poetes.

CHAP. VI.

MAIS que diray-ie d'aucuns vrayement mieux dignes d'estre appelez Traditeurs, que Traducteurs? Veü qu'ils trahissent ceux qu'ils entreprennent exposer, les frustrant de leur gloire, & par mesme moyen seduysent les Lecteurs ignorans, leur montrant le blanc pour le noyr, qui pour acquerir le nom de scauans, traduyssent à credit les langues, dont iamais ils n'ont entendu les premiers Elementz, comme l'Hebraique, & la Grecque, & encor' pour mieux se faire valoir, se prennent aux Poetes, genre d'Aucteurs certes, auquel si ie scauoy', ou vouloy' traduyre, ie m'adroisseroy' aussi peu à cause de ceste Diuinité d'inuention, qu'ilz ont plus que les autres, de ceste grandeur de style, magnificence de motz, grauité de sentences, audace & varieté de figures, & mil' autres lumieres de Poesie: bref ceste Energie, & ne scay quel Esprit, qui est en leurs escritz, que les Latins appelle-roient Genius. Toutes les quelles choses se peuuent autant exprimer en traduisant, comme vn Peintre peut représenter l'Amme avecques le Cors de celuy, qu'il entreprend tyrer apres le Naturel. Ce que ie dy ne s'adroisse pas à ceux, qui par le commandement des princes & grands seigneurs traduyssent les plus fameux Poetes Grecz, & Latins: pource que l'obeissance, qu'on

doit à telz personnages, ne recoit aucune Excuse en cest endroit, mais bien i'entēs parler à ceux, qui de gayeté de cueur (cōme on dict) entreprennent telles choses legerement, & s'en aquitent de mesmes. O Apolon, O Musēs, prophaner ainsi les sacrees reliques de l'Antiquité? Mais ie n'en diray autre chose. Celuy donques qui voudra faire œuvre digne de prix en son vulgaire, laisse ce Labeur de traduyre principalement les Poetes, à ceux, qui de chose laborieuse, & peu profitable, i'ose dire encor' inutile, voyre pernicieuse à l'Acroissement de leur Langue, emportent à bon droict plus de molestie, que de gloire.

Comment les Romains ont enrichy leur Langue.

CHAP. VII.



SI les Romains (dira quelqu'un) n'ont vacqué à ce Labeur de Traduction, par quels moyēs donques ont ils peu ainsi enrichir leur Langue, voyre iusques à l'egaller quasi à la Grecque? Immitant les meilleurs Aucteurs Grecs, se transformant en eux, les deuorant: & apres les auoir bien digerez, les conuertissant en sang, & nourriture, se proposant chacun selon son Naturel, & l'Argument, qu'il vouloit elire, le meilleur Autheur, dont ils obseruoient diligemment toutes les plus rares, & exquises vertuz, & icelles comme Grepes, ainsi que i'ay dict deuant, entoint & appliquoient à leur Langue. Cela faisant (dy-ie) les Romains ont baty tous ces beaux Ecriz, que nous louons, & admirons si fort: egalant ores quelqu'un d'iceux, ores le preferant aux Grecz. Et de ce, que ie dy, font bonne preuue Ciceron & Virgile que volontiers & par Honneur ie nōme tousiours

en la Langue Latine, des quels comme l'un se feut entierement adonné à l'Immitation des Grecs, contre-fist & exprima si au vis la copie de Platon, la vehemence de Demosthene, & la ioyeuse douceur d'Isocrate: que Molon Rhodien l'oyant quelquefois declamer, s'ecria, qu'il emportoit l'eloquence Grecque à Rome. L'autre immita si bien Homere, Hesiode, & Theocrit, que depuis on a dict de luy, que de ces trois il a surmonté l'un, égalé l'autre, & aproché si pres de l'autre, que si la felicité des argumens qu'ils ont traictez, eust esté pareille, la Palme seroit bien douteuse. Je vous demande donq' vous autres, qui ne vous employez qu'aux Translations, si ces tant fameux Aucteurs se fussent amusez à traduyre, eussent ils eleué leur Langue à l'excellence & haulteur, ou nous la voyons maintenant?

Ne pensez doncques quelque diligence, & industrie, que vous puissiez mettre en cest endroit, faire tant que nostre Langue encores rampante à terre, puisse hausser la teste, & s'eleuer sur piedz.

D'amplifier la Langue Françoise par l'im-
mitation des anciens Aucteurs
Grecs, & Romains.

CHAP. VIII.



Se compose donq' celuy qui voudra enrichir sa Langue, à l'immitation des meilleurs Aucteurs Grecs, & Latins, & à toutes leurs plus grandes vertuz, comme à vn certain but, dirige la pointe de son Style. Car il n'y ha point de doute, que la plus grand' part de l'Artifice ne soit contenue en l'immitation: & tout ainsi que ce feut le plus louable aux Anciës de bien in-

uenter, aussi est ce le plus vtile de bien immiter, mesmes à
 ceux, dont la langue n'est encor bien copieuse, & riche. Mais
 entende celuy qui voudra immiter que ce n'est chose facile de
 bien suyure les vertus d'un bon Aucteur, & quasi comme se
 transformer en luy, veu que la Nature mesmes aux choses,
 qui paroissent tressemblables, n'a sceu tant faire, que par quel-
 que notte, & difference elles ne puissent estre discernées. Je dy
 cecy, pour ce qu'il y en a beaucoup en toutes Langues, qui sans
 penetrer aux plus cachees, & interieures parties de l'Aucteur,
 qu'ils se sont proposé, s'adaptent seulement au premier Re-
 gard, & s'amusant à la beauté des Mots, perdent la force des
 choses. Et certes, comme ce n'est point chose vicieuse, mais gran-
 dement louable emprunter d'une Langue estrangere les Sēten-
 ces, & les mots, & les approprier à la sienne, aussi est-ce chose
 grandement à reprimandre, voire odieuse à tout lecteur de liberale
 Nature, voir en vne mesme langue vne telle Immitation, com-
 me celle d'aucuns Scauans mesmes, qui s'estiment estre des
 meilleurs, quand plus ils ressemblent un Heroet, ou un Ma-
 rot. Je t'amoneste donques (ô toy, qui desires l'accroissement de
 ta langue, & veux exceller en icelle) de non immiter à piéle-
 ué, comme n'agueres a dict quelqu'un, les plus fameux Au-
 ctieurs d'icelle, ainsi que font ordinairement la plus part de
 nos Poetes Francois, chose certes autant vicieuse, comme de
 nul profit à nostre vulgaire: veu que ce n'est autre chose (ô grā-
 de libralité) sinon de luy donner ce, qui estoit a luy. Je voudroy
 bien que nostre Langue feust si riche d'exemples domestiques,
 que n'eussions besoing d'auoir recours aux Estrangers. Mais
 si Virgile, & Ciceron se feussent contentez d'immiter ceux de
 leur langue, qu'auront les Latins outre Enuie, ou Lucreffe,
 outre Crasse, ou Antoyne.

Response à quelques obiections.

CHAP. IX.



A P R E S auoir le plus succintement qu'il m'a esté possible ouuert le chemin a ceux, qui desirēt l'amplification de notre langue, il me semble bon, & necessaire de repondre a ceux, qui l'estiment barbare & irreguliere, incapable de cete elegance & copie, qui est en la Grecque & Romaine: d'autant (disent ils) qu'elle n'a ses Declinations, ses piedz & ses Nombres, comme ces deux autres Langues. Ie ne veux alleguer en cest endroit (bien que ie le peusse faire sans honte) la simplicité de noz Maieurs, qui se sont contentez d'exprimer leurs Conceptions avecques paroles nues, sans Art, & Ornement: non Immitans la curieuse diligence des Grecz, aux quels la Muse auoit donné la bouche ronde (comme dict quelqu'vn) c'est a dire, parfaire en toute elegance, & Venusté de paroles: cōme depuis aux Romains Immitateurs des Grecz. Mais ie diray biē, que nostre Langue n'est tant irreguliere, qu'on voudroit bien dire: veu qu'elle se decline si non par les Noms, Pronoms, & Participes pour le moins par les Verbes, en tous leurs Tens, Modes, & Personnes. Et si elle n'est si curieusement reiglee, ou plus tost liee est gehinnee en ses autres parties, aussi n'ha elle point tant d'Hetheroclites, & Anomaux, monstres etranges de la Grecque, & de la Latine. Quant aux piedz, & aux nombres, ie diray au second Liure en quoy nous les recompēsons. Et certes (comme dict vn grand Aucteur de Rethorique parlant de la felicité, qu'ont les Grecz en la composition de leurs mots) ie ne pense que telles choses se facent par la nature desdictes Langues, mais nous fauorisons toujours siles Estrangers. Qui eust gardé

noz Ancestres de varier toutes les parties declinables, d'allonger vne syllabe, & accoursir l'autre: & en faire des piedz, ou des mains? Et qui gardera noz successeurs d'observer telles choses, si quelqs Scauāns, & nō moins ingenieux de cest aage entreprēnēt de les reduyre en Art? cōme Ciceron promettoit de faire au droit Ciuil, chose, qui à quelques vns a semblé impossible, aux autres non. Il ne fault point icy alleguer l'excellence de l'antiquité: & comme Homere se plaignoit que de son tens les cors estoient trop petits, dire que les Espris modernes ne sont à comparer aux anciens. L'architecture, l'art du Nauigaige, & autres Inuentions antiques certainemēt sont admirables, non toutesfois si on regarde à la necessité mere des Ars, du tout si grandes, qu'on doynie estimer les cieux, & la Nature y auoir dependu toute leur vertu, vigueur, & industrie. Je ne produyray pour tesmoings de ce que ie dy l'Imprimerie Sœur des Muses, & dixieme d'elles, & ceste non moins admirable, que pernicieuse foudre d'artillerie, avecques tant d'autres non antiques inuentions, qui montrent veritablement, que par le long cours des Siecles, les Espris des hommes ne sont point si abatardiz, qu'on voudroit bien dire. Je dy seulement, qu'il n'est pas impossible, que notre Langue puisse receuoir quelquefois cest ornement, & artifice aussi curieux, qu'il est aux Grecs, & Romains Quant au son, & ie ne scay quelle naturelle douceur (comme ils disent) qui est en leurs Langues, ie ne voy point que nous l'ayons moindre au iugement de plus delicates Oreilles. Il est bien vray que nous vsons du prescript de Nature, qui pour parler nous a seulement donné la Langue. Nous ne vomissons pas noz paroles de l'estommac, comme les yurons: nous ne les estranglons de la Gorge, comme les Grenoilles: nous ne les decoupons pas dedans le Palat comme les Oy-

zeaux, nous ne les siffions pas des leures comme les Serpens. Si en telles manieres de parler gist la douceur des Langues, ie confesse que la notre est rude, & mal sonnante. Mais aussi nous auons cest auantage de ne tordre point la Bouche en cent mille sortes, comme les Singes, voire comme beaucoup mal se souuenans de Minerue, qui iouant quelquefois de la fluste, & voyant en vn myroir la deformité de ses leures, la ieta bien loing, malheureuse rencontre au presumptueux Marsye, qui depuys en fut ecorché. Quoy donques, dira quelque vn, veux-tu à l'exemple de Marsye, qui osa comparer sa Fluste rustique à la douce Lyre d'Apolon, egaler ta Langue à la Grecque, & Latine? Ie confesse, que les Aucteurs d'icelles nous ont surmontez en scauoir & facunde: esquelles choses leur ha été bien facile de vaincre ceux qui ne repugnoient point. Mais que par longue, & diligente Immitation de ceux, qui ont occupé les premiers, ce que Nature n'ha pourtant denié aux autres, nous ne puissions leur succeder aussi bien en cela, que nous auons desia faiçt en la plus grand' part de leurs Ars Mecaniques, & quelquefois en leur monarchie, ie ne le diray pas: car telle iniure ne setendroit seulement contre les Espris des Hommes: mais contre Dieu, qui a donné pour loy inuiolable à toute chose cree de ne durer perpetuellement: mais passer sans fin d'un Etat en l'autre: et à la fin, & Corruptiõ de l'un, le cõmencement, & generation de l'autre. Quelque Opiniatre repliquera encores. Ta Langue tarde trop à receuoir ceste perfectiõ. Et ie dy, que ce retardement ne prouue point qu'elle ne puisse la receuoir, aincois ie dy qu'elle se pourra tenir certaine de la garder longuement, l'ayant acquise avec si longue peine, suyuant la Loy de Nature, qui a voulu, tout Arbre qui naist, Florist, & fructifie bien tost: biẽ tost auf-

si enuieillisse, & meure: & au contraire, celuy durer par longues Annees, qui a longuement trauaillé à iecter ses Racines.

Que la Langue Françoise n'est incapable de la Philosophie, & pourquoy les anciens estoient plus sçauans que les Hommes de nostre Aage.

CHAP. X.

TOUT ce, que i'ay dict pour la deffence, & illustration de nostre Langue, appartient principalement a ceux, qui font profession de bien dire, comme les Poetes, & les Orateurs. Quant aux autres parties de Literatures, & ce Rond de Sciences, que les Grecz ont nommé Encyclopedie. I'en ay touché au commencement vne partie, de ce, que m'en semble: c'est que l'industrie des fideles Traducteurs est en cest endroit fort vtile, & necessaire: & ne les doit retarder, s'ils rencontrent quelquesfois des Mots, qui ne peuuent estre receuz en la famille Françoise, veu que les Latins ne se sont point eforcez de traduyre tous les vocables Grecz, comme Rethorique, Musique, Arithmetique, Geometrie, Philosophie & quasi tous les noms des Sciences, les noms des figures, des Herbes, des Maladies, la Sphere, & ses parties, & generalement la plus grand' part des termes vsitez aux sciences naturelles & Mathematiques. Ces motz la donques seront en notre Langue comme estrangers en vne Cité: aux quels toutesfois les Periphrazes seruiront de truchements. Encores seroy' ie bien d'opinion que le scauant Translateur fist plus tost l'office de Paraphraste, que de Traducteur, s'efforcant donner à toutes les Sciences qu'il voudra traiter, l'ornement,

& lu-

& lumiere de sa Langue, comme Ciceron se vante d'auoir fait
 en la Phylosophie, & à l'exemple des Italiens qui l'ont quasi
 toute conuertie en leur vulgaire, principalement la Platonique
 Et si on veut dire que la Phylosophie, est vn faiz d'autres E-
 paules, que de celle de nostre Lague, i'ay dict au commencement
 de cest œuure, & le dy encores, que toutes Langues sont d'vne
 mesme valeur, & des mortels à vne mesme fin d'vn mesme iu-
 gement formees. Parquoy ainsi comme sans muer des coustu-
 mes ou de nation, le Francois & l'Alement, non seulement le
 Grec, ou Romain se peut donner à Phylosopher, aussi ie croy,
 qu'à vn chacun sa Langue puisse competemment communi-
 quer toute doctrine. Donques si la Phylosophie semee par Ari-
 stote, & Platon au fertile champ Atique estoit replantee en no-
 stre Pleine Francoise, ce ne seroit la iecter entre les Ronses, &
 Epines, ou elle deuint sterile: mais ce seroit la faire de loingtai-
 ne, prochaine, & d'Etrangere Citadine de nostre Republique.
 Et parauenture ainsi que les Episseries, & autres Richesses
 Orientales, que l'Inde nous enuoye, sont mieulx congneues, &
 traitees de nous & en plus grand prix qu'en l'endroiect de ceux
 qui les sement ou recueillent, semblablement les Speculations
 Phylosophiques deuiendroient plus familiares, qu'elles ne sont
 ores, & plus facilement seroient entendues de nous, si quelque
 scauant Homme les auoit transportez de Grec, & Latin en
 nostre Vulgaire, que de ceux, qui les vont (s'il fault ainsi parler)
 cueiller aux lieux ou elles croissent. Et si on veut dire, que diuer-
 ses Langues sont aptes à signifier diuerses conceptions, aucunes,
 les conceptions des Doctes, autres, celles des Indoctes: & que
 la Grecque principalement conuient si bien avecques les doctri-
 nes, que pour les exprimer il semble, qu'elle ait esté formee de la

mesme Nature, non de l'humaine Prouidence. Le dy, qu'icelle Nature, qui en tout Aage, en toute Prouince, en toute Habitude est tousiours vne mesme chose, ainsi comme voluntiers elle exerce son Art par tout le monde, non moins en la Terre, que au ciel, & pour estre ententiuë à la production des Creatures raisonnables, n'oublie pourtant les irraisonnables: mais avecques vn egal Artifice engendre cestes cy, & celles la, aussi est elle digne d'estre congnue, & louee de toutes personnes, & en toutes Langues. Les Oyseaux, les Poissons, & les Bestes terrestres de quelquonque maniere ores avecques vn son, ores avecques l'autre, sans distinction de paroles, signifient leurs Affections. Beaucoup plus tost nous Hommes deurions faire le semblable, chacun avecques sa langue: sans auoir recours aux autres. Les escritures & langaiges ont esté trouuez non pour la conseruation de la Nature, laquelle (comme diuine qu'elle est) n'a mestier de nostre aide: mais seulement à nostre bien & vtilité: affin que presens, absens, vifs, & mors manifestans l'vn à l'autre le secret de noz cueurs, plus facilement paruenions à nostre propre felicité, qui gist en l'intelligence des sciences, non point au son des paroles: & par consequent celles langues, & celles escritures deuroient plus estre en vsaige, lesquelles on apprendroit plus facilement. Las & combien seroit meilleur, qu'il y eust au monde vn seul langage naturel, que d'employer tant d'annees pour apprendre des motz: & ce iusques à l'aage bien souuent, que n'auons plus ny le moyen, ny le loisir de vaquer à plus grandes choses. Et certes songeant beaucoup de fois, d'ou prouient que les hommes de ce siecle generalement sont moins scauans en toutes sciences, & de moindre prix que les anciens, entre beaucoup de raisons ie treuve ceste

cy, que i'oseroy', dire la principale: c'est l'Estude des langues Grecque, & Latine. Car si le Temps, que nous consumons à reprendre les dites langues, estoit employe à l'estude des Sciences, la Nature certes n'est point deuenue si brehaigne, qu'elle n'enfantast de nostre Tēps des Platons, & des Aristotes. Mais nous, qui ordinairement affectons plus d'estre veuz scauans, que de l'estre, ne consumons pas seulement nostre ieunesse en ce vain exercice: mais comme nous repentans d'auoir laissé le Berseau, & d'estre deuenuz Hommes, retournons encor' en Enfance, & par l'espace de vingt ou trente ans ne faisons autre chose que apprédre à parler, qui Grec, qui Latin, qui Hebreu. Les quels ans finiz, & finie avecques eux ceste vigueur & promptitude, qui naturellement regne en l'esprit des iennes hommes, alors nous procurons estre faictz Phylosophes, quād pour les maladies, troublez d'affaires domestiques, & autres empeschemēts qu'ameine le Tēps, nous ne sommes plus aptes à la speculation des choses. Et bien souuēt estonnez de la difficulté, & longueur de apprendre des mots seulement, nous laissons tout par desespoir, & hayons les lettres premier que les ayōs goustees, ou commencé à les aimer, fault il donques laisser l'estude des langues? non, d'autant que les Ars & Sciences sont pour le present entre les mains des Grecs & Latins. Mais il se deuroit faire à l'auenir qu'on peust parler de toute chose, par tout le monde, & en toute langue. Tentens bien que les Professeurs des langues ne seront pas de mon opinion, encores moins ces venerables Druydes, qui pour l'ambicieux desir, qu'ils ont d'estre entre nous ce, qu'estoit le Phyllosophe Anacharsis entre les Scythes, ne craignent rien tant, que le Secret de leurs mysteres, qu'il fault apprendre d'eux, non autrement que iadis les iours

des Chaldees, soit descouuert au Vulgaire: & que on ne creue (comme dict Ciceron) les yeulx des Corneilles. A ce propos, il me souuient auoir ouy dire maintesfois à quelques vns de leur academie, que le Roy Francois. Je dy celuy Francois, à qui la France ne doit moins qu'à Auguste. Romme auoit deshonoré les Sciences, & laissé les Doctes en mespris. O Tens! ô Meurs! ô crasse Ignorance! n'entendre point que tout ainsi qu'un mal, quand il sestent plus long, est d'autant plus pernicieux, aussi est un bien plus profitable, quand plus il est commun. Et s'ils veulēt dire (comme aussi disent ils) que d'autant est un tel bien moins excellent, & admirable entre les Hommes. Je repondray, qu'un si grand appetit de Gloire, & vne telle Enuiene deuroit regner aux Coulonnes de la Republique Chrestienne: mais bien en ce Roy ambicieux qui se plainnoit à son Maistre pource qu'il auoit diuulgué les Sciences Arcamatiques c'est à dire, qui ne se peuuent apprendre que par l'Audition du Precepteur. Mais quoy? ces Geans Ennemis du Ciel veulent ils limiter la puissance des Dieux, & ce qu'ils ont par un singulier benefice donné aux Hommes, restreindre, & enserrer en la Main de ceux, qui n'en scauroient faire bonne garde? Il me souuient de ces Reliques: qu'on voit seulement par vne petite vitre, & qu'il n'est permis toucher avecques la Main. Ainsi veulent ils faire de toutes les Disciplines, qu'ils tiennent enfermées dedans les liures Grecs, & Latins, ne permettent qu'on les puisse voir autrement: ou les transporter de ces paroles mortes en celles, qui sont viues, & volent ordinairement par les bouches des Hommes. J'ay (ce me semble) deu assez contenter ceux, qui disent, que nostre Vulgaire est trop vil & barbare, pour traiter si haultes Matieres, que la

Phylosophie. Et s'ils n'en sont encores bien satisfais, ie leur demanderay: Pourquoi donques ont voyagé les Anciens Grecz par tant de pais & dangers, les vns aux Indes pour voir les Gymnosophistes, les autres en Egypte, pour emprunter de ces vieux prestres, & prophetes ces grandes richesses, dont la Grece est maintenant si superbe? Et toutefois ces natiōs, ou la Phylosophie a si volontiers habitée, produysioient (ce croy-ie) des personnes aussi barbares, & inhumaines, que nous sommes: & des paroles aussi estrāges, que les nostres. Biē peu me soucyroy-ie de l'elegance d'Oraison, qui est en Platon & en Aristote, si leurs liures sans raison estoient escrits. La Phylosophie vrayment les a adoptez pour ses fils, non pour estre nez en Grece: mais pour auoir d'un hault sens bien parlé, & bien escrit d'elle. La verité si biē par eux cherchée, la dispositiō & l'ordre des choses, la sentencieuse brefueté de l'un, & la diuine copie de l'autre est propre à eux, & non à autres: mais la Nature, dont ils ont si bien parlé est Mere de tous les autres, & ne dedaigne point se faire congnoistre à ceux qui procurent avecques toute industrie entendre ses secrets non pour deuenir Grecz, mais pour estre faiçts Phylosophes. Vray est que pour auoir les Ars, & Sciences tousiours esté en la puissance des Grecs, & Romains plus studieux de ce, qui peut rendre les Hommes immortels, que les autres, nous croyons que par eulx seulement elles puissent & doiuent estre traitées. Mais le Temps viendra parauenture (& ie suplye au Dieu tres-bon, & tres-grand, que ce soit de nostre Aage) que quelque bonne personne non moins hardie, qu'ingenieuse, & scauante: non ambicieuse, non craignant l'enuie, ou hayne d'aucun, nous osterà ceste faulse persuasion, donnant à nostre Langue la fleur, & le fruiçt des bonnes let-

tres, autrement si l'affection : que nous portons aux Langues estrangeres (quelque excellence, qui soit en elles) empeschoit ceste nostre si grande felicité, elles seroient dignes veritablement non d'enuie, mais de hayne, non de fatigue, mais de facherie, elles seroient dignes finablement d'estre non apprises, mais reprises de ceux, qui ont plus de besoing du vif intellect de l'Esprit, que du son des paroles mortes. Voyla quant aux Disciplines. Je reuiens aux poetes, & orateurs principal obiect de la matiere, que ie traite, qui est l'ornement, & illustration de nostre lague.

Qu'il est impossible d'egaler les Anciens
en leurs Langues.

CHAP. XI.

POUR TOUTES personnes de bon Esprit entendront assez, que cela, que i'ay dict pour la deffence de nostre langue, n'est pour decouraiger aucun de la Grecque & Latine : car tant s'en fault, que ie soye de ceste opinion, que ie confesse, & soustiens celuy ne pouoir faire œuure excellent en son vulgaire, qui soit ignorant de ces deux langues, ou qui n'entende la Latine pour le moins. Mais ie seroy bien d'auis qu'apres les auoir apprises, on ne deprisast la sienne : & que celuy qui par vne inclination naturelle (ce qu'on peut iuger par les œuures Latines & Thoscanes de Petrarque, & Boccace: voire d'aucuns scauans hommes de nostre Tēps) se sentiroit plus propre à escrire en sa Lague, que en Grec ou en Latin, s'estudiaist plus tost a se rendre immortel entre les siens, escriuant bien en son vulgaire, que mal escriuāt en ces deux autres langues, estre vil aux doctes pareillement &

aux indoctes . Mais sil s'en trouuoit encores quelques vns de ceux , qui de simples paroles font tout leur Art & Science : en sorte que nommer la langue Grecque & Latine , leur semble parler d'une langue diuine : & parler de la vulgaire , nommer vne langue inhumaine , incapable de toute erudition , sil s'en trouuoit de telz , dy-ie , qui voulussent faire des braues , & de-priser toutes choses escrites en François : le leur demanderoy' volontiers en ceste sorte . Que pensent doncques faire ces Reblanchisseurs de murailles : qui iour & nuit se rompēt la teste a im-imiter : que dy-ie imiter ? Mais transcrire vn Virgile & vn Ciceron ? batissant leur Poemes de Hemystiches de l'vn , & iurant en leurs proses aux mots & sentences de l'autre : songeant , comme à dict quelqu'vn , des Peres conscripts , des Consuls , des Tribuns , des Commices , & toute l'antique Rome , non autrement qu'Homere , qui en sa Batracomyomachie adapte aux Raz , & Grenouilles les magnifiques Tiltres des Dieux & Deesses . Ceux la certes meritent bien la punition de celuy , qui rauy au Tribunal du grand Iuge , respondit qu'il estoit Ciceronien . Pensent ils doncques ie ne dy egaler : mais approcher seulement de ces Aucteurs , en leurs langues ? recueillant de cest Orateur , & de ce Poete ores vn Nom , ores vn Verbe , ores vn Vers , & ores vne Sentence : comme si en la facon qu'on rebatist vn vieil Edifice , il s'attēdoient rendre par ces pierres ramassees à la ruinee Fabrique de ces lāgues , sa premiere grādeur & excellence . Mais vous ne serez ia si bons Massons (vous , qui estes si grands Zelateurs des langues Grecque & Latine) que leur puissiez rēdre celle forme , q̄ leur donnerēt premieremēt ces bōs & excellens Architectes , & si vous esperez (cōme fist Esculape des Mēbres d'Hippolite) que par ces fragments recueilliz , elles

puissent estre resuscitees, vous vous abusez: ne pensant point qu'à la cheute de si superbes Edifices coniointe à la ruine fatale de ces deux puissantes Monarchies, vne partie deuint poudre, & l'autre doit estre en beaucoup de pieces, les quelles vouloir reduire en vn, seroit chose impossible: outre que beaucoup d'autres parties sont demeurees aux fondements des vieilles Murailles, ou egarees par le long cours des Siecles, ne se peuuent trouuer d'aucun. Parquoy venant à r'edifier cete Fabrique, vous serez bien loing de luy restituer sa premiere grandeur, quand ou souloit estre la Sale, vous ferez parauanture les Chambres, les Estables, ou la Cuy sine, confundāt les Portes, & les Fenestres, bref changeant toute forme de l'Edifice. Finablement i'estimeroy' l'Art pouuoir exprimer la viue Energie de la Nature, si vous pouuiez rēdre ceste Fabrique renouvelée semblable à l'antique, estant manque l'Idée, de laquelle faudroit tirer l'exemple pour la r'edifier. Et ce (à fin d'exposer plus clerement ce que i'ay dist) d'autant que les anciens vsoiēt des langues, que ils auoyent succees auccques le laiēt de la Nourrice, & aussi bien parloient les Indoctes, comme les Doctes, si non que ceux cy aprenoient les Disciplines, & l'art de bien dire, se rendant par ce moyen plus eloquēs que les autres. Voyla pourquoy leurs bienheureux siecles estoient si fertiles de bōs Poetes, & orateurs. Voyla pourquoy les femmes mesmes aspiroient à ceste gloire de loquence & erudition, comme Sapho, Corinne, Cornelia, & vn milier, d'autres, dont les noms sont conioincts auccques la memoire des Grecz & Romains. Ne pensez dōques immitateurs Troupeau seruil, paruenir au point de leur excellence: veu qu'à grand'peine auez vous appris leurs motz, & voyla le meilleur de vostre aage passé. Vous desprisez nostre vulgaire, parauan-
ture

ture non pour autre raison, siñõ que des enfance, & sans estude nous l'apprenons, les autres avecques grãd' peine & industrie. Que sil estoit comme la Grecque, & Latine, pery & mis en reliquaire de liures, ie ne doute point que il ne feust (ou peu s'en faudroit) aussi difficile à apprendre comme elles sont. J'ay bien voulu dire ce mot, pource que la curiosité humaine admire trop plus les choses rares, & difficiles à trouuer, bien qu'elles en soient si commodes pour l'vsaige de la vie, comme les odeurs, & les Gemmes, que les communes & necessaires, comme le Pain & le vin. Ie ne voy pourtant qu'on doyeue estimer vne langue plus excellente que l'autre, seulement pour estre plus difficile, si on ne vouloit dire que Lycophon feust plus excellent qu'Homere, pour estre plus obscur, & Lucrece que Virgile, pour ceste mesme raison.

Deffence de l'Aucteur.

CHAP. XII.

Ceux qui penseront que ie soye trop grand admirateur de ma langue, aillent voir le premier liure des fins des biens & des maulx, fait par ce pere d'Eloquence latine Ciceron, qui au commencement dudit liure, entre autres choses, respond à ceux qui deprisoient les choses escrites en Latin, & les aimoient mieux liure en Grec. La conclusion du propos est, qu'il estime la langue Latine, non seulement n'estre pauvre, comme les Romains estimoiēt lors, mais encor' estre plus riche, que la Grecque. Quel ornement, dit il, d'Orayson copieuse, ou elegante à defaily, ie diray à nous, ou aux bons Orateurs, ou aux poetes, depuis qu'ils

E

LA DEFFENSE DE LA LANGVE FRANCOISE.

ont eu quelqu'un qu'ils peussent imiter ? Je ne veux pas donner si hault loz à nostre langue, pour ce qu'elle n'a point encores ses Cicerons & Virgiles : mais i'ose bien asseurer que si les sçavans Hommes de nostre Nation, la daignoient autant estimer, que les Romains faisoient la leur, elle pourroit quelque fois, & bien tost se mettre au ranc des plus fameuses. Il est temps de clorre ce pas, à fin de toucher particulieremēt les p̄cipaux poinct̄s de l'Amplification, & ornement de nostre langue. En quoy, Lecteur, ne t'ebahis, si ie ne parle de l'Orateur, comme du Poete. Car outre que les vertuz de l'un sont pour la plus grand' part communes à l'autre, ie n'ignore point qu'Estienne Dolet, Homme de bon iugemēt en nostre vulgaire, a formé l'Orateur Francoise, que quelqu'un (peut estre) amy de la memoire de l'Auteur, & de la France mettra de rechef, & fidelement en lumiere.

✻ FIN DV PREMIER LIVRE DE
la Deffense & Illustration de la Langue
Françoise.

*



LE

SECONDE LI

VRE DE LA DEFFENSE ET

Illustration de la Langue

Francoise.

*

De l'intention de L'auteur.

CHAP. I.

POUR ce que le Poete & l'Orateur sont comme les deux pilliers qui soustiennent l'Edifice de chacune langue, laissant celuy que i'entens auoir esté basty par les autres, i'ay bien voulu pour le deuoir en quoy ie suis obligé à la Patrie, tellement quellement ebaucher celuy qui restoit: esperant que par moy, ou par vne plus docte main, il pourra receuoir sa perfection. Or ne veux ie en ce faisant, feindre comme vne certaine figure de Poete, que on ne puisse ny des yeux, ny des oreilles, ny d'aucun sens apperceuoir, mais comprendre seulement de la cogitation & de la pensee: comme ces Idees, que Platon constituoit en toutes choses, ausquelles ainsi qu'à vne certaine Espece imaginatiue, se refere tout ce qu'on peut veoir. Cela certainement est de plus trop grand scauoir, & loisir, que le mien, & penseray auoir beaucoup merité des miens, si ie leur monstre seulement avecques le doy le chemin qu'ils doyuent suyure pour attaindre à l'excellence des Anciens,

ou quelque autre, peut estre, incité par nostre petit labueur les conduyra avecques la main. Mettons donques pour le commencement ce que nous auons (ce me semble) assez prouué au premier liure. C'est que sans l'immitation des Grecs & Romains nous ne pouuons donner à nostre langue l'excellence & lumiere des autres plus fameuses. Je scay que beaucoup me reprendront, qui ay osé le premier des Francois introduire quasi comme vne nouvelle Poesie, ou ne se tiendront plainemēt satisfaiçts, tant pour la brefueté, dont i'ay voulu vser, que pour la diuersité des Espris, dont les vns treuuent bon ce que les autres treuuent mauuais. Marot me plaist, dit quelqu'un, pour ce qu'il est facile, & ne s'eloingne point de la commune maniere de parler. Heroet, dit quelque autre, pour ce que tous ses vers sont doctes, graues & elabourez, les autres d'un autre se delectent. Quant à moy, telle superstition ne m'a point retiré de mon entreprinse: pour ce que i'ay tousiours estimé nostre Poesie Francoise estre capable de quelque plus hault & meilleur Style, que celuy, dōt nous sommes si longuement contentez. Disons donques breuement ce que nous semble de noz Poetes Francois.

Des Poetes François.

CHAP. II.



DE tous les anciens Poetes Francois, quasi vn seul Guillaume du Lauris, & Ian de Meun sont dignes d'estre leuz, non tant pour ce qu'il y ait en eux beaucoup de choses, qui se doyuent immiter des Modernes comme pour y voir quasi comme vne premiere Imaige de la langue Francoise, venerable pour son antiquité. Je ne doute point que tous les peres criroient la honte estre per-

due, si i'osoy' reprendre, ou emender quelque chose en ceux que Jeunes ils ont appris, ce que ie ne veux faire aussi, mais bien soustiens- ie que celuy est trop grand Admirateur de l' Ancienneté, qui veut defrauder les Jeunes de leur gloire meritee, n'estimant rien, comme dict Horace, si non ce que la mort a sacré, comme si le Temps, ainsi que les vins, rendoit les Poesies meilleures. Les plus recens, mesmes ceux qui ont esté nommez par Clemēt Marrot en vn certain Epygramme à Salel, sont assez congneuz par leurs Oeuures. I'y renuoye les Lecteurs, pour en faire iugemēt. Bien diray- ie, que Ian le Maire de Belges, me semble auoir premier Illustré & les Gaules, & la Langue Francoise, luy donnāt beaucoup de mots, & manieres de parler poetiques, qui ont bien seruy mesmes aux plus excellens de nostre Temps. Quant aux Modernes, ils seront quelques fois assez nommez, & si i' en vouloy' parler, ce seroit seulement pour faire chāger d'opinion, à quelques vns ou trop iniques, ou trop seueres Estimateurs des choses qui tous les iours treuuent à reprendre en trois, ou quatre des meilleurs, disant, qu'en l'vn default ce qui est le commencement de bien escrire, c'est le scauoir, & auroit augmēté sa gloire de la moitié, si de la moitié il eust diminuē son Liure. L'autre outre sa Ryme, qui n'est par tout bien riche, est tant denuē de tous ces delices & aornemens poetiques, qu'il merite plus le nom de Phylosophe, que de poete. Vn autre pour n'auoir encores rien mis en lumiere sous son nom, ne merite, qu'on luy donne le premier lieu: & semble (disent aucuns) que par les escriz de ceux de son Temps, il veille eternizer son nom, non autrement que Demade est ennobly par la contention de Demosthene, & Hortense, de Ciceron. Que si on en vouloit faire iugement au seul rapport de la Renommee, on rendroit les vices d'iceluy egaulx, voire plus grands, que ses vertus, d'autant que tous les

iours se lisent nouveaux Escriz soubz son Nom à mon aduis aussi eloignez d'aucunes choses, qu'on m'a quelquesfois asseuré estre de luy, comme en eulx n'y a ny grace, ny erudition. Quelque autre voulant trop s'eloingner du vulgaire, est tumbé en obscurité aussi difficile à eclercir en ses Escriz aux plus scauans, comme aux plus ignares. Voyla vne partie de ce que i'oy dire en beaucoup de lieux, des meilleurs de nostre langue, Que pleust à Dieu, le Naturel d'vn chacun estre aussi candide à louer les vertuz, comme diligent à obseruer les vices d'antruy. La Tourbe de ceux (hors mis cinq ou six) qui suyuent les principaulx, comme Port'enseignes, est si mal instruiete de toutes choses, que par leur moyen nostre vulgaire n'a garde d'estendre gueres loing les Bornes de son Empire. Et si i'estoy' du nombre de ces anciens Critiques Iuges des Poemes, comme vn Aristarque, & Aristophane, ou (sil fault ainsi parler) vn Sergent de Bande en nostre Langue Francoise, i'en mettroy' beaucoup hors de la bataille si mal armez, que se fiant en eux, nous serions trop eloignez de la victoire, ou nous devons aspirer. Ie ne doute point que beaucoup, principalement de ceux, qui sont accommodez à l'opinion vulgaire, & dont les tendres Oreilles, ne peuuent rien souffrir au desauantage de ceux, qu'ils ont desia receuz comme Oracles, trouuerront mauuais de ce, que i'ose si librement parler, & quasi comme Iuge souverain prononcer de noz Poetes Francois: mais si i'ay dit bien, ou mal, ie m'en rapporte à ceux, qui sont plus amis de la verité, que de Platon, ou Socrate: & ne sont immitateurs des Pythagoriques, qui pour toutes raisons n'alleguoient si non, cestuy la-l'a dit. Quant à moy, si i'estoy' enquis de ce, que me semble de noz meilleurs Poetes Francois, ie diroy' à l'exemple des Stoiques, qui interrogez si Zenon, si Cleante, si Chry-

sipe sont Saiges, respondent ceux la certainement auoir esté grands & venerables, n'auoir eu toutesfois ce, qui est le plus excellent en la Nature de l'Homme, ie respondroy' (dy-ie) que ils ont bien escrit, qu'ils ont illustré nostre langue, que la France leur est obligee: mais aussi diroy-ie bien, qu'on pourroit trouuer en nostre langue (si quelque scauant Homme y vouloit mettre la main) vne forme de Poesie beaucoup plus exquisite, laquelle il faudroit chercher en ces vieux Grecz, & Latins, non point es Auçteurs Francois: pour ce, qu'en ceux cy on ne scauroit prendre, que bien peu, comme la peau & la couleur, en ceux la on peut prendre la chair, les oz, les nerfs, & le sang. Et si quelqu'vn mal aisé à contenter ne vouloit prendre ces raisons en payement, ie diray (a fin de n'estre veu examiner, les choses si rigoreusement sans cause) qu'aux autres Ars & Sciences la mediocrité peut meriter quelque louange: mais aux Poetes nyles Dieux, nyles Hommes, nyles Coulonnes n'ont point concedé estre mediocres, suyuant l'opinion d'Horace, que ie ne puis assez souuent nommer: pour ce qu'es choses, que ie traicte, il me semble auoir le Cerueau mieux purgé, & le Nez meilleur, que les autres. Au fort comme Demosthene respondit quelquesfois à Echines, qui l'auoit repris, de ce qu'il vsoit de mots apres & rudes, de telles choses ne dependre les fortunes de Grece: aussi diray-ie, si quelqu'vn se fache de quoy ie parle si librement, que de là ne dependent les Victoires du Roy Henry, à qui Dieu vueille donner la felicité d'Auguste, & la bonté de Traian. I'ay bien voulu (Lecteur studieux de la Langue Francoise) demeurer longuement en ceste partie, qui te semblera (peut estre) contraire à ce, que i'ay promis: veu que ie ne prise assez haultement, ceux qui tiennent le premier lieu en nostre vulgaire, qui auoy' entrepris de le louer & deffendre.

Toutesfois ie croy que tu ne le trouueras point estrãge, si tu consideres que ie ne le puis mieux defendre, que attribuant la pau-
 ureté d'iceluy non à son propre, & naturel: mais à la negligenc-
 ce de ceux, qui en ont pris le gouuernemēt, & ne te puis mieux
 persuader d'y escrire, qu'en te monstrāt le moyen de l'enrichir,
 & illustrer, qui est l'Imitation des Grecs, & Romains.

Que le Naturel n'est suffisant à celuy qui en Poésie
 veult faire œuure digne de l'immortalité.

CH. AP. III.



MAIS pource qu'en toutes langues y en a de bons
 & de mauuais, ie ne veux pas, Lecteur, que
 sans election & iugement tu te prennes au pre-
 mier venu. Il vaudroit beaucoup mieus escrire
 sans imitation, que ressembler vn mauuais Aucteur. Ven-
 mesmes, que c'est chose accordee entre les plus scauans le Natu-
 rel faire plus sans la Doctrine, que la Doctrine sans le Natu-
 rel. Toutesfois d'autant que l'amplificatiõ de nostre langue (qui
 est ce que ie traite) ne se peut faire sans Doctrine & sans Eru-
 dition, ie veux bien auertir ceux qui aspirēt à ceste gloire, d'im-
 miter les bons Aucteurs Grecs & Romains, voire bien Ita-
 liens, Hespagnols & autres: ou du tout n' escrire point sinon à
 soy, comme on dit, & à ses Muses. Qu'on ne m'allegue point i-
 cy, quelques vns des nostres, qui sans doctrine, à tout le moins
 non autre, que mediocre, ont acquis grand bruit en nostre vul-
 gaire. Ceux qui admirent voluntiers les petites choses, & de-
 prisent ce qui excède leur iugemēt, en feront tel cas qu'ils voul-
 dront: mais ie scay bien que les scauans ne les mettront en autre
 ranc, que de ceux qui parlent bien Frãcois, & qui ont (comme
 disoit

disoit Ciceron des anciens Aucteurs Romains) bon Esprit, mais bien peu d'artifice. Qu'on ne m'allegue point aussi que les Poetes naissent, car cela sentend de ceste ardeur, & allegresse d'Esprit, qui naturellement excite les Poetes, & sans laquelle toute doctrine leur seroit manque & inutile. Certainement ce seroit chose trop facile, & pourtant contemptible, se faire eternal par Renommee, si la felicité de Nature dōnee mesmes aux plus indoctes, estoit suffisante pour faire chose digne de l'immortalité. Qui veut voler par les mains & bouches des Hommes, doit longuement demourer en sa chambre, & qui desire viure en la memoire de la posterité, doit comme mort en soy mesmes suer, & trembler maintes fois: & autant que noz Poetes Courtizans boyuent, mangent & dorment à leur oyse, endurer de faim, de soif & de longues vigiles. Ce sont les esles, dont les escliz des hommes volent au ciel. Mais a fin que ie retourne au commencement de ce propos, regarde nostre immitateur premieremēt ceux, qu'il voudra immiter, & ce qu'en eux il pourra, & qui se doit immiter pour ne faire comme ceux, qui voulans apparoiſtre semblables à quelque grand seigneur, immiteront plus tost vn petit geste & facon de faire viciense de luy, que ses vertus & bonnes graces. Auant toutes choses, fault que il ait ce iugement de cognoistre ses forces, & tenter combien ses Espaules peuuent porter qu'il fonde diligemment son naturel, & se compose à l'immitation de celuy, dont il se sentira approcher de plus pres. Autrement son immitation ressembleroit celle du

Singe.

LA DEFFENSE DE

Quels genres de Poemés doit elire le Poete François.

CHAP. IIII.



LY, donques, & rely premierement, ô Poete futur, fueillete de main nocturne & iournelle, les exēplaires Grecs & Latins, puis me laisse toutes ces vieilles Poesies Francoises aux Jeux Flo-raux de Tholouze, & au puy de Rouan: comme Rondeaux, Ballades, Vyrelaiz, Chants Royaulx, Chançons, & autres telles episseries, qui corrumpeēt le goust de nostre langue, & ne ser-uent sinon à porter temoingnaige de nostre ignorance. Iecte toy à ces plaisans Epigrammes, non point comme font au iourd'huy vn tas de faiseurs de comtes nouveaux, qui en vn dizain sont contens n'auoir rien dit qui vaille au neuf premiers vers, pour ueu qu'au dixiesme il y ait le petit mot pour rire, mais, à l'im-imitation d'vn Martial, ou de quelque autre bien approuué, si la lascinité ne te plaist, mesle le proffitabile avecques le doux. Distile avecques vn style coulant, & non scabreux ces pitoya-bles elegies, à l'exemple d'vn Ouide, d'vn Tibule, & d'vn pro-perce, y entremeslant quelquesfois de ces fables anciennes, non petit ornement de poesie. Chante moy ces Odes, incongnues en-cor' de la Muse Francoise, d'vn Luc bien accordé au son de la Lyre Grecque & Romaine, & qu'il n'y ait vers, ou n'apa-roisse quelque vestige de rare, & antique erudition. Et quant à ce, te fourniront de matiere les louāges des Dieux, & des Hom-mes vertueux, le discours fatal des choses mondaines, la solici-tude des ieunes hommes, cōme l'amour, les vins libres, & toute bonne chere. Sur toutes choses, prens garde que ce genre de Poe-me soit eloigné de vulgaire, enrichy, & illustré de mots pro-

pres, & Epithetes non oisifs, orné de graues sentences, & varié de toutes manieres de couleurs, & ornemens Poétiques: non comme vn *Laissez la verde couleur, Amour avecques Pſyches*. O combien est heureuse: & autres tels ouuraiges, mieux dignes d'estre nommez *Chansons vulgaires*, qu'*Odes* ou vers *Lyriques*. Quant aux *Epistres*, ce ne est vn Poeme, qui puisse grandement enrichir nostre vulgaire, pource, qu'elles sont volontiers de choses familiares & domestiques, si tu ne les voulois faire à l'immitation d'*Elegies*, comme *Ouide*: ou sentencieuses & graues, comme *Horace*. Autant te dy-ie des *Satyres*, que les *Francois*, ie ne scay comment ont appellees *Coqs à l'Asne*: esquels ie te conseille aussi peu t'exercer, comme ie te veux estre aliené de mal dire, si tu ne voulois à l'exēple des anciens en vers *Heroiques* (c'est à dire de x a xi) & non seulement de viij a ix, sous le nom de *Satire*, & non de ceste inepte appellatiō de *Coq*, a l'*Asne*, taxer modestemēt les vices de ton Temps, & pardonner aux noms des personnes vicieuses. Tu as pour cecy *Horace*, qui selon *Quintilian*, tient le premier lieu entre les *Satyriques*. Sonne moy ces beaux *Sonnetz*, non moins docte, que plaisante Inuention *Italienne*, conforme de Nom a l'*Ode*, & differente d'elle seulemēt, pource que le *Sonnet* a certains Vers reiglez & limitez: & l'*Ode* peut courir par toutes manieres de Vers librement, voire en inuenter à plaisir à l'exēple d'*Horace*, qui a chanté en dixneuf sortes de Vers comme disent les *Grammariens*. Pour le *Sonnet* donques tu as *Petrarque*, & quelques modernes *Italiens*. Chante moy d'une *Musette* bien resonante, & d'une *Fluste* bien iointe ces plaisantes *Ecclogues Rustiques* a l'exemple de *Theocrit* & de *Virgile*: *Marines* a l'exemple de *Sennazar gentilhomme Neapolitain*. Que pleust aux *Muses*, qu'en toutes les especes de *Poesie*, que i'ay nōmees nous eussions

beaucoup de telles imitations, qu'est ceste *Ecclogue* sur la naissance du filz de m^oseigneur le Dauphin, à mon gré vn des meilleurs petis ouvrages, que fist onque Marot. Adopte moy aussi en la famille Françoise ces coulans & mignars *Hendecasyllabes* à l'exemple d'vn *Catule*, d'vn *Pontan*, d'vn *Second*, ce que tu pourras faire, si non en quantité, pour le moins en nombre de *Syllabes*. Quant aux *Comedies*, & *Tragedies*, si les *Rois*, & les *Republiques* les vouloient restituer en leur ancienne dignité, qu'ont vsurpee les *Farces* & *Moralitez*, ie seroy' bien d'opinion que tu ty employasses, & si tu le veux faire pour l'ornement de ta langue, tu scais ou tu en dois trouuer les *Archetypes*.

Du long Poeme François.

CHAP. V.

DONQVE S ô toy qui doué d'une excellente félicité de Nature, instruiet de tous b^os arts & sciences, principalement *Naturelles*, & *Mathematiques*, versé en tous genres de bons *Aucteurs Grecs* & *Latins*, non ignorant des parties & offices de la vie humaine, non de trop haulte condition, ou appellé au regime publicq, non aussi abiect & pauvre, non troublé d'affaires domestiques: mais en repos & tranquillité d'esprit, acquise premiere-ment par la magnanimité de ton courage, puis entretenue par ta prudence & sage gouuernement, ô toy (dy-ie) orné de tant de graces & perfections, si tu as quelque fois pitié de ton pauvre langaige, si tu daignes l'enrichir de tes thresors, ce sera toy veritablement qui luy fera hausser la teste, & d'vn brane sourcil segaler aux superbes Langues *Greque* & *Latine*, comme à faict de nostre Temps en son vulgaire vn *Arioste* Italien, que

i'oseroy' (n'estoit la sainteté des vieux Poemes) comparer à vn Homere & Virgile. Comme luy donq', qui à bien voulu emprunter de nostre langue les noms, & l'Hystoire de son Poeme, choisi moy quelque vn de ces beaux vieux Romans Francois, comme vn Lancelot, vn Tristan, ou autres: & en fay renaistre au monde vn admirable Iliade, & laborieuse Eneide. Je veux bien en passant dire vn mot à ceux qui ne s'employent qu'à orner & amplifier noz Romans, & en font des liures certainement en beau & fluide langaige, mais beaucoup plus propre à bien entretenir Damoiselles, qu'à doctemēt escrire: ie voudroy' bien (dy-ie) les auertir d'employer ceste grande eloquence à recueillir ces fragments de vieilles Chroniques Frācoises, & comme a faict Tite Liue des Annales, & autres anciennes Chroniques Romaines, en bastir le corps entier d'vne belle Histoire, y entremeslant à propos ces belles concions, & Harāgues à l'imitation de celuy que ie viens de nommer, de Thucidide, Saluste, ou quelque autre bien approuué, selon le genre d'escrire, ou ils se sentiroient propres. Tel Oeuure certainement seroit à leur immortelle gloire, honneur de la France, & grāde illustration de nostre langue. Pour reprendre le propos que i'auoy' laissé. Quelqu'vn (peut estre) trouuerra estrange, que ie requiere vne si exacte perfection en celuy, qui vouldra faire vn long Poeme, ven aussi, qu'à peine se trouuerroient, encores qu'ils fussent instruits de toutes ces choses, qui vouldussent entreprendre vn œuure de si laborieuse longueur, & quasi de la vie d'vn homme. Il semblera à quelque autre, que voulant bailler les moyens d'enrichir nostre langue, ie face le contraire, d'autant que ie retarde plus tost & refroidis l'estude de ceux qui estoient bien affectionnez à leur vulgaire, que ie ne les incite, pource que debilitiez par desespoir ne voudront point essayer ce, à quoy ne s'attendent de

pouuoir paruenir. Mais c'est chose conuenable, que toutes choses
 soient experimentees de tous ceux qui desirent atteindre à quel
 que hault point d'excellence & gloire non vulgaire. Que si quel
 qu'un n'a du tout ceste grande vigueur d'esprit, ceste parfaicte
 intelligence des Disciplines, & toutes ces autres commoditez
 que i'ay nommees, tienne pourtant le cours tel qu'il pourra. Car
 c'est chose honneste à celuy qui aspire au premier Ranc, demeu-
 rer au second, voire au troisieme. Non Homere seul entre
 les Grecs, non Virgile entre les Latins, ont acquis loz & re-
 putation. Mais telle a esté la louange de beaucoup d'autres
 chacun en son genre, que pour admirer les choses haultes, on ne
 laissoit pourtant de louer les inferieures. Certainement si nous
 auions des Mecenes & des Augustes, les cieux & la nature ne
 sont point si ennemis de nostre siecle que n'eussions encores des
 Virgiles. L'honneur nourrist les ars, nous sommes tous par la
 gloire enflammez à l'estude des Sciences, & ne s'eleuent iamais
 les choses qu'on voit estre deprisees de tous. Les Roys & les
 Princes deuroient (ce me semble) auoir memoire de ce grand
 Empereur, qui vouloit plus tost la venerable puissance des
 Loix estre rompue, que les œuures de Virgile condammées au
 feu par le testament de l'Aucteur, fussent brulees. Que diray-ie
 de cest autre grand Monarque, qui desiroit plus le renaistre de
 Homere, que le gaing d'une grosse Battaille? & quelque fois e-
 stant pres du Tumbeau d'Achile, s'ecria haultement. O bien-
 heureux Adolescent, qui as trouué vn tel Buccinateur de tes
 louanges. Et a la verité sans la diuine Muse d'Homere, le mes-
 me tumbeau qui couuroit le corps d'Achile eust aussi accablé
 son renom. Ce qu'aduient a tous ceux qui mettent l'assurance
 de leur immortalité au Marbre, au Cuyure, aux Colosses, aux
 Pyramides, aux laborieux Edifices, & autres choses non

moins subiectes aux iniures du Ciel & du Temps de la flamme, & du fer, que de fraiz excessifs & perpetuelle sollicitude. Les Allechements de Venus, la gueule, & les ocieuses plumes ont chassé d'entre les Hommes tout desir de l'immortalité: mais encores est ce chose plus indigne que ceux, qui d'ignorance & toutes especes de vices font leur plus grande gloire, se moquent de ceux qui en ce tant louable labeur Poetique employent les heures que les autres consumēt au Ieu, aux Baings, aux Banques, & autres tels menuz plaisirs. Or neantmoins quelque infelicité de siecle, ou nous soyons, toy à qui les Dieux, & les Muses auront esté si fauorables comme i'ay dict, bien que tu soyes depourueu de la faueur des hommes, ne laisse pourtant à entreprendre vn œuure digne de toy, mais non deu à ceux, qui tout ainsi qu'ils ne font choses louables, aussi ne font ils cas d'estre louez: espere le fruiet de ton labeur de l'incorruptible, & non enuieuse posterité: c'est la Gloire, seule eschelle, par les degrez de laquelle les mortels d'un pié leger montent au Ciel, & se font compaignons des Dieux.

D'inuenter des mots, & quelques autres choses que doit obseruer le Poete François.

CHAP. VI.

MAIS de peur que le vent d'affectiō ne pousse mon nauire si auant en ceste mer, que ie soye en danger du naufrage, reprenant la route que i'auoy laissée, ie veux bien aduertir celuy qui entreprendra vn grand œuure qu'il ne craigne point d'inuenter, adopter & composer à l'imitation des Grecs quelques mots François, comme Ciceron se vante d'auoir fait en sa langue.

Mais si les Grecs & Latins eussent esté superstitieux en cest endroit, qu'auroient-ils ores de quoy magnifier si haultement ceste Copie, qui est en leurs langues? Et si Horace permet qu'on puisse en vn long Poeme dormir quelquefois, est-il deffendu en ce mesme endroit vser de quelques mots nouueaux, mesmes quand la necessité nous y contrainct? Nul, sil n'est vrayment du tout ignare, voire priué de sens commun, ne doute point que les choses n'ayent premierement esté, puis apres les mots auoir esté inuentez pour les signifier: & par consequent aux nouuelles choses estre necessaire imposer nouueaux mots, principalement es arts, dont l'vsaige n'est point encores commun & vulgaire, ce qui peut arriuer souuent à nostre poete, au quel sera necessaire emprunter beaucoup de choses non encor' traitees en nostre langue. Les ouuriers (a fin que ie ne parle des sciences liberales) iusques aux Laboueurs mesmes, & toutes sortes de gens mecaniques ne pourroient conseruer leurs mestiers, s'ils n'vsoient de mots à eux vsitez, & à nous incongnuz. Je suis bien d'opinion que les procureurs, & aduocats vsent des termes propres à leur profession sans rien innouer: mais vouloir oster la liberté à vn scauant homme, qui voudra enrichir sa langue, d'vsurper quelque fois des vocables nō vulgaires, ce seroit restraindre nostre langaige non encor' assez riche sous vne trop plus rigoureuse Loy, que celle, que les Grecs & Romains se sont donnée. Les quels combien qu'ils feussent sans comparaison, plus que nous copieux, & riches, neantmoins ont concedé aux Doctes Hommes vser souuent de mots non accoustumez es choses non accoustumees. Ne crains donques Poete futur, d'innouer quelques termes en vn long Poeme principalement, avecques modestie toutesfois, Analogie, & iugement de l'Oreille, & ne te soucie qui le treuve bon ou mauuais: esperant que la posterité

l'approuuera, comme celle, qui donne foy aux choses douteuses, lumiere aux obscures, nouveauté aux antiques, v'saige aux non accoustumees, & douceur aux aspres & rudes. Entre autres choses, se garde bien nostre Poete d'vser de noms propres Latins ou Grecz, chose vrayement aussi absurde, que si tu appliquois vne piece de Velours verd à vne Robe de Velours rouge, mais seroit-ce pas vne chose bien plaisante vser en son ouraige Latin d'un Nom propre d'Homme, ou d'autre chose, en Francois ? comme Ian currit. Loyre fluit, & autres semblables. Accommode donques tels noms propres de quelque langue, que ce soit à l'usage de ton vulgaire : suyuant les Latins, qui pour $\chi\rho\acute{\alpha}\lambda\eta\varsigma$, ont dict Hercules, pour, $\theta\upsilon\sigma\epsilon\upsilon\varsigma$, Theseus: & dy Hercule, Thesee, Achile, Vlysse, Virgile, Ciceron, Horace. Tu doibs pour tant vser en cela de iugement & discretion, car il y a beaucoup de tels noms, qui ne se peuuent approprier en Francois, les vns Monosyllabes, comme Mars, les autres dissyllabes, cōme Venus, aucuns de plusieurs syllabes, comme Iupiter, si tu ne voulois dire Ioue, & autres infini, dont ie ne te scauroy bailler certaine reigle. Parquoy ie renuoye tout au iugement de ton oreille. Quant au reste, v'se de mots puremēt Francois, non toutesfois trop commūns, non point aussi trop inuisitez, si tu ne voulois quelque fois vsurper, & quasi comme enchasser ainsi qu'vne pierre precieuse & rare, quelques mots antiques en ton Poeme, à l'exēple de Virgile, qui a v'sé de ce mot Olli, pour Illi. Aulai pour Aula, & autres. Pour ce faire te faudroit voir tous ces vieux Romans, & Poetes Francois, ou tu trouuerras vn Aiourner, pour faire Iour (que les Praticiens se sont faict propre) Anuiter pour faire Nuit. Assener, pour frapper, ou on visoit, & proprement d'un coup de Main, Isnel pour Leger, & mil' autres bons mots que nous auons perdus par

nostre negligence. Ne doute point que le moderé vsage de tels vocables ne donne grande maiesté tant aux Vers, comme à la Prose: ainsi que font les Reliques des saintes aux Croix, & autres sacrez ioyaux dediez aux Temples.

De la Rythme, & des vers sans Rythme.

CHAP. VII.



QVANT à la Rythme, ie suy bien d'opinion qu'elle soit riche pour ce qu'elle nous est ce, qu'est la quantité aux Grecs & Latins. Et bien que n'ayons cest vsaige de Piez comme eux, si est ce que nous auons vn certain nombre de Syllabes en chacun Genre de Poeme, par les quelles comme par Chesnons le vers Francois lié & enchainé, est contraint de se rendre en ceste estroite prison de Rythme, sous la garde le plus souuent d'une coupe feminine, facheux & rude Geolier, & incongnu des autres vulgaires. Quand ie dy, que la Rythme doit estre riche, ie n'entens qu'elle soit contrainte & semblable à celle d'aucuns, qui pensent auoir faict vn grand chef d'œuvre en Francois, quand ils ont ryme vn Imminent, & vn Eminent, vn Misericordieusement, & vn Melodieusement: & autres de semblable farine, encores qu'il n'y ait sens ou raison qui vaille. Mais la Rythme de nostre Poete sera volontaire non forcee: receue, non appellee: propre, non aliene: naturelle, non adoptiue, bref, elle sera telle que le vers tumbant en icelle ne contentera moins l'oreille, qu'une bien armonieuse Musique tumbante en vn bon & parfait accord. Ces equiuoques donq' & ces simples, Rymez avecques leurs composez, comme vn baisser & abaisser,

fils ne changent, ou augmentent grandement la signification de leurs simples, me soient chassés bien loing, autrement qui ne voudroit reigler sa R ythme comme i'ay dit, il vaudroit beaucoup mieux ne rymmer point: mais faire des vers libres, comme a fait Petrarque en quelque endroit: & de nostre Temps le Seigneur Loys Aleman en sa non moins docte que plaisante agriculture. Mais tout ainsi que les Peintres & Statuaires mettent plus grand' industrie à faire beaux & bien proportionnez les corps qui sont nuds, que les autres: aussi faudroit-il bien que ces Vers non rymez, feussent bien charnuz & nerueuz: a fin de compenser par ce moyen le default de la R ythme. Je n'ignore point que quelques vns ont fait vne diuision de R ythme, l'vne en son, & l'autre en escriture, à cause de ces dyphthögues. Ai. Ei. Oi. faisant conscience de rymmer maistre & prestre, Fontaines & Athenes, cognoistre & naistre. Mais ie ne veux que nostre Poete regarde si supersticieusement à ces petites choses, & luy doit suffire que les deux dernieres syllabes soient vnisones, ce qui arriueroit en la plus grand' part tant en voix qu'en escriture, si l'orthographe Francoise n'eust point esté deprauee par les Praticiens. Et pour ce que Loys Megret non moins ample-ment que doctement a traicté ceste partie, Lecteur, ie te renuoye à son liure: & feray fin à ce propos, t'ayant sans plus aduertuy de ce mot en passant, c'est que tu gardes de rythmer les mots manifestement longs avec les brefs, aussi manifestement brefs, comme vn passe & trace, vn maistre & mettre, vn cheuelú-
 re & hure, vn bast & bat, & ainsi
 des autres.

*

G ij

De ce mot Rythme, de l'inuention des Vers rymez, & de quelques autres Antiquitez vſitees en noſtre Langue.

CHAP. VIII.

LOVT ce qui tombe ſous quelque meſure & iugement de l'Oreille (dit Ciceron) en Latin ſ'appelle Numerus, en Grec ῥυθμός, non point ſeulement aux Vers, mais à l'Oraiſon. Parquoy improprement noz Anciens ont aſtraiect le nom du genre ſous l'Eſpece appellant Rythme ceſte conſonance de ſyllabes à la fin des vers, qui ſe deuroit plus toſt nommer ὁμοιοτέλευτον, c'eſt à dire finiſſant de meſmes, l'une des eſpeces du Rythme. Ainſi, les vers encores qu'ils ne finiſſent point en vn meſme ſon, généralement ſe peuuent appeller Rythme: d'autant que la ſignification de ce mot ῥυθμός, eſt fort ample, & emporte beaucoup d'autres termes comme κενών, μέτρον μέλος εὐφώνον, ἀκολυθία, τάξις, οὐγκρισις. Reigle, Meſure, Melodieuſe conſonance de voix, conſequention, ordre & comparaiſon. Or quant à l'antiquité de ces vers, que nous appellons rymez, & que les autres vulgaires ont empruntez de nous, ſi ont adiouſté foy à Ian le Maire de Belges diligent rechercheur de l'Antiquité, Bardus cinqieſme roy des Gaulles en fut inuenteur: & introduiſit vne ſecte de Poetes nommez Bardes, les quels chantoient melodieuſement leurs rymes avecques instruments, louant les vns, & blaſmant les autres, & eſtoient (comme temoingne Dyodore Sicilien en ſon ſixieſme Liure) de ſi grand' eſtime entre les Gaullois, que ſi deux armées ennemies eſtoient preſtes à combattre, & leſdicts Poetes ſe miſſent entre deux, la Bataille ceſſoit & moderoit chacun ſon ire. Je pourroy' alleguer aſſez d'autres antiquitez, dont

nostre langue aujour d' huy est ennoblie, & qui monstrent les Histoires n'estre faulses, qui ont dit les Gaulles anciennement auoir esté florissantes non seulement en armes, mais en toutes sortes de sciences & bonnes lettres. Mais cela requiert bien vn œuure entier: & ne seroit apres tant d'excellentes plumes, qui en ont escrit mesmes de nostre Temps, que retixtre (comme on dit) la toile de Penelope. Semblablement i'ay bien voulu, & ne me semble mal à propos monstrier l'Antiquité de deux choses fort vulgaires en nostre langue, & non moins anciennes entre les Grecs. L'vne est ceste inuersiõ de lettres en vn propre Nom, qui porte quelque Deuise conuenable à la personne, comme en FRANCOIS DE VALOIS, De facon suis Royal. HENRY DE VALOIS, Royes de nul hay. L'autre est en vn Epigramme, ou quelque autre œuure poetique vne certaine election des lettres capitales disposees en sorte, quelles portent ou le nom de l'Autheur, ou quelque sentence. Quant à l'inuersiõ de lettres que les Grecs appellent ἀναγραμματισμός l'interprete de Lycophron dit en sa vie. En ce temps la florissoit Lycophron, non tant pour la poesie, que pour ce qu'il faisoit des Anagrammatismes. Exemple du nom du Roy Ptolomee. Πτολομαῖος. ἀπὸ μέλιτος. c'est à dire, Emmiellé, ou de miel, De la Royne Arsinoe, qui fut femme dudit Ptolomee. ἀρσινόη. ἡ ῥα εἰς ἰόν, c'est à dire la Violette de Iuno. Artemidore, aussi le Stoique a laissé en son liure des songes vn chapitre de l'Anagrammatisme, ou il monstre, que par l'inuersiõ des lettres on peut exposer les songes. Quant à la disposition des Lettres Capitales, Eusebe au liure de la preparation euangelique dit, que la Sybille Erythree auoit prophetizé de IESVS CHRIST. Preposant à chacun de ses Vers certaines lettres qui declaroient le dernier Aduenement de Christ. Les dictes lettres portoient ces mots:

LA DEFFENSE DE

IESVS, CHRISTVS, SERVATOR, CRVX.
Les Vers furent translatez par saint Augustin (& c'est ce qu'on nomme les quinze signes du iugement) les quels se chantent encor en quelques lieux . Les Grecs appellent ceste preposition de lettres, au commencement des vers, ἀρροσιχίς. Ciceron en parle au liure de Diuination: voulant prouuer par ceste curieuse diligence que les vers des Sybilles, estoient faictz par artifice, & non par inspiration diuine. Ceste mesme antiquité se peut voir en tous les argumens de Plaute, dont chacun en ses lettres capitales, porte le nom de la Comedie.

Obseruation de quelques manieres de parler Françoises.

CHAP. IX.

L'AY declaré en peu de parolles, ce qui n'auoit encor esté (q̄ ie scache) touché de noz rhetoriqueurs François. Quant aux coupes feminines, apostrophes, accens, l'e masculin, & l'e feminin, & autres telles choses vulgaires, nostre Poete les apprendra de ceux qui en ont escrit. Quant aux Espèces de Vers qu'ils veulent limiter, elles sont aussi diuerses que la fantasie des Hommes, & que la mesme Nature. Quant aux vertus & vices de Poeme si diligemment traitez par les Anciens, comme Aristote, Horace, & apres eux Hieronyme Vide. Quant aux figures des sentences & des mots, & toutes les autres parties de l'Eloquution, les lieux de commiseration, de ioye, de tristesse, d'ire, d'admiration & toutes autres commotions de l'Ame, ie n'en parle point apres si grand nombre d'excellens Phylosophes & Orateurs, qui en ont traicté, que ie veux auoir esté bien leuz.

& releuz de nostre Poete, premier qu'il entreprenne quel-
 que hault & excellent ouurage. Et tout ainsi qu'entre les Au-
 teurs Latins, les meilleurs sont estimez ceux qui de plus pres
 ont imite les Grecs. Je veux aussi que tu t'efforces de rendre
 au plus pres du naturel, que tu pourras la phrase & manie-
 re de parler Latine, en tant que la proprieté de l'une & l'au-
 tre langue le voudra permettre. Autant te dy-ie de la Gre-
 que, dont les facons de parler sont fort approchantes de nostre
 vulgaire, ce que mesmes on peut cognoistre par les Articles,
 incongneuz de la Langue Latine. Vsez donques hardiment
 de l'infinitif pour le nom, comme l'Aller, le Chanter, le Viure,
 le Mourir. De l'Adiectif substantiué, comme le liquide des
 Eaux, le vuide de l'Air, le fraiz des Vmbres, l'esses des Fo-
 rests, l'enroué des Cimballes, pourueu que telle maniere de par-
 ler adiouste quelque grace, & vehemence, & non pas le Chault
 du feu, le froid de la Glace, le dur du Fer, & leurs semblables
 Des Verbes & Participes, qui de leur nature n'ont point d'inf-
 nitifs apres eux, avecques des infinitifs, comme tremblant de
 mourir, & volant d'y aller, pour craignāt de mourir, & se ha-
 stant d'y aller. Des Noms pour les Aduerbes, cōme ils combat-
 tent obstinez, pour obstineement, il vole leger, pour legerement,
 & mil' autres manieres de parler, que tu pourras micux obser-
 uer par frequente, & curieuse Lecture, que ie ne te les scauroy'
 dire. Entre autres choses ie t'auerty vser souuēt de la figure An-
 tonomasie aussi frequente aux Anciens Poetes, comme peu vfi-
 tee, voire incongneue des Frācois. La grace d'elle est quand on de-
 signe le Nom de quelque chose par ce, qui l'y est propre: comme
 le Pere foudroyant, pour Iupiter: le Dieu deux fois né, pour
 Bacchus, la vierge Chasseresse, pour Dyane. Ceste figure a beau-
 coup d'autres especes, que tu trouuerras chez les Rhetoriciens,

LA DEFFENSE DE

& à fort bonne grace principalement aux descriptions, comme depuis ceux, qui voyent premiers rougir l'Aurore iusques la, ou Thetis recoit en ses vndes le fils d'Hyperion, pour depuis l'Orient iusques à l'Occident. Tu en as assez d'autres exemples es Grecs, & Latins: mesmes en ces diuines experiences de Virgile, comme du fleuve Glacé, des douze Signes du Zodiaque, de Iris, des douze Labeurs d'Hercules, & autres. Quant aux Epithetes, qui sont en noz Poetes Francoisis, la plus grand' part ou Froids, qu'Ocieux, ou mal à propos, ie veux que tu en vses de sorte que sans eux ce que tu diras seroit beaucoup moindre, cōme la flamme deuorāte, les sourcilz mordans, la gehinnante sollicitude, & regarde bien qu'ils soient conuenables non seulement à leurs substantifs: mais, aussi à ce que tu d'escriras, à fin que tu ne dies l'Eau' vndoyante, quand tu la veux d'escire impetueuse: ou la flamme ardēte, quand tu la veux monstrier languissante. Tu as Horace entre les Latins fort heureux en cecy, comme en toutes choses. Garde toy aussi de tumber en vn vice commun, mesmes aux plus excellens de nostre langue, c'est l'omission des articles. Tu as exemple de ce vice en infiniz endroits de ces petites poesies Francoises. I'ay quasi oublié vn autre default bien vsté, & de tresmauuaise grace. C'est quand en la Quadrature des vers Heroiques la sentence est trop abruptement coupee, comme: Si non que tu en monstres vn plus seur. Voyla ce que ie te voulois dire breuement de ce que tu doibs obseruer tant au Vers, comme à certaines manieres de parler peu, ou point encor' vstées des Francoisis. Il y en a, qui fort superstitieusement entremeslent les vers Masculins avecques les Feminins, cōme on peut voir aux Psalmes traduits par Marot. Ce qu'il a obserué (comme ie croy') à fin que plus facilement on les peust chanter, sans varier la Musique, pour la diuersité des mefeures,

mesures, qui se trouueroient à la fin des Vers. Ie treuue ceste diligence fort bõne, pourueu que tu n'en faces point de religion, iusques à contraindre ta diction, pour obseruer telles choses. Regarde principalement, qu'en ton vers n'y ait rien dur, hyulque, ou redundant. Que les Perodes soient bien ioincts, numereux, bien remplissans l'Oreille: & tels, qu'ils n'excedent point ce terme & but, que naturellement nous sentons soit en lisant, ou escoutant.

De bien prononcer les vers.

CHAP. X.



*C*elieu ne me semble mal à propos, dire vn mot de la prononciation, que les Grecs appellent ἠπιόχρησις. A fin que sil t'aduient de reciter quelques fois tes vers, tu les prononces d'vn Son distinct, non confuz, viril, non effeminé: avecques vne voix accommodée à toutes les affections, que tu voudras exprimer en tes vers. Et certes comme icelle pronüciation & geste approprié à la matiere que l'on traite, voire par le iugement de Demosthene, est le principal de l'Orateur: aussi n'est ce peu de chose que de prononcer ses vers de bonne grace. Veu que la poesie (comme dit Ciceron) a esté inuentee par obseruation de prudence & mesure des oreilles, dont le iugement est tressuperbe comme de celles qui repudient toutes choses aspres & rudes, non seulement en composition, & structure de mots, mais aussi en modulatiõ de voix. Nous lisons ceste grace de prononcer auoir esté fort excellente en Virgile: & telle qu'vn poete de son temps disoit, que les vers de luy, par luy prononcez, estoient sonoreux & graues: par autres, flacques, & effeminez.

LA DEFFENSE DE

De quelques obseruations outre l'Artifice avecques vne inuectiue contre les mauuais Poetes François.

CHAP. XI.

NE ne demeureray longuement en ce que s'ensuit, pource que nostre Poete, tel que ie le veux, le pourra assez entendre par son bon iugement, sans aucunes Traditions de reigles. Du temps donques & du lieu qu'il fault elire pour la cogitation, ie ne luy en baille ray autres preceptes, que ceulx que son plaisir & sa disposition luy ordonneront. Les vns ayment les fresches vmbres des Forests, les clers ruisselez doucement murmurans parmi les prez ornez & tapissez de verdure. Les autres se delectent du secret des Chambres & doctes Estudes. Il fault s'accommoder à la saison & au lieu. Bien te veux- ie auertir de chercher la solitude, & le Silence amy des Muses, qui aussi (affin que ne laisses passer ceste fureur diuine, qui quelquesfois agite, & eschauffe les Espris Poetiques, & sans la quelle ne fault point que nul espere faire chose qui dure) n'ouurent iamais la porte de leur sacré cabinet sinon à ceux qui hurtent rudement. Ie ne veux oublier l'emendation, partie certes la plus vtile de noz estudes. L'office d'elle est adiouster, oster, ou muer à loysir ce que ceste premiere impetuosité & ardeur d'escrire n'auoit permis de faire. Pourtant est il necessaire, afin, que noz escrits comme enfans nouveaux nez, nous flattent, les remettre à part, les reuoir souuēt, & en la maniere des Ours à force de lecher leur dōner forme & facō de mēbres, nō immitāt ces importūs versificateurs, nommez de Grecs $\mu\sigma\sigma\pi\acute{\alpha}\tau\alpha\rho\iota$, qui rompēt à toutes heures les Oreilles des miserables auditeurs par leurs nouveaux Poemes.

Il ne fault pourtant y estre trop superstitieux, ou (comme les Elephans leurs petis) estre dix ans à enfanter ses vers. Sur tout nous conuient auoir quelque scauant & fidele compaignon, ou vn Amy bien familier, voire trois ou quatre qui veillent & puissent congnoistre noz fautes, & ne craignent point blesser nostre papier avecques les vngles. Encores te veu-x-ie aduertir de hanter quelquesfois non seulement les scauans : mais aussi toutes sortes d'ouuriers & gens Mecaniques, comme Mariniers, Fondeurs, Peintres, Engraneurs & autres, scauoir leurs inuentions, les Noms des matieres, des outils, & les termes vsitez en leurs ars & mestiers, pour tyrer de la ces belles comparaisons & viues descriptions de toutes choses. Vous semble point Messieurs, qui estes si ennemis de vostre langue, que nostre Poete ainsi armé puisse sortir à la campagne, & se monstrer sur les rancs, avecques les braues Scadrons Grecs & Romains? Et vous autres si mal equipez, dont l'ignorance a donné le ridicule nom de Rymeurs à nostre langue (comme les Latins appellent leurs mauuais Poetes versificateurs) osez vous bien endurer le Soleil, la poudre, & le dangereux Laueur de ce combat! Je suis d'opinion que vous retiriez au bagage avecques les Paiges & Laquais, ou bien (car i'ay pitié de vous) sous les fraiz vmbraiges, aux sumptueux Palais des grands Seigneurs & cours magnifiques des princes entre les Dames & Damoiselles, ou voz beaux & mignõs Escriz, non de plus longue duree, que vostre vie seront receuz, admirez, & adorez: non point aux doctes Estudes, & riches Byblyothesques des Scauans. Que pleust aux Muses, pour le bien que ie veuz à nostre Langue, que voz ineptes œuures feussent bannis, non seulement de la (comme ils sont) mais de toute la France. Je voudrois bien qu'à l'exemple de ce grand Monarque,

qui defendit que nul n'entreprist de le tirer en Tableau, sinon Apelle, ou en statue, sinon Lysippe, tous Roys & Princes amateurs de leur langue deffendissent, par edict expres, à leurs subiects de non mettre en lumiere œuure aucun, & aux Imprimeurs de non l'Imprimer, si premierement il n'auoit enduré la Lympe de quelque scauant homme aussi peu adulateur qu'estoit ce Quintilie, dont parle Horace en son art Poetique, ou, & en infniz autres endroiets dudit Horace, on peut voir les vices des Poetes modernes exprimez si au vif, qu'il semble auoir escrit non du temps d'Auguste, mais de Francois & de Henry. Les Medicins (dict il) promettent ce qui appartient aux Medicins, les Feuures traictent ce qui appartient aux Feuures: mais nous escriuons ordinairement des Poemes autant les Indoctes, comme les Doctes. Voyla pourquoy ne se fault emerueiller, si beaucoup de scauans ne daignent au iourd'huy escrire en nostre langue, & si les estrangers ne la prisent comme nous faisons la leur, d'autant qu'ils voyent en icelle tant de nouueaux Aucteurs ignorans, ce qui leur faict penser, qu'elle n'est capable de plus grand ornement & erudition. O combien ie desire voir secher ces Printemps, chastier ces petites ieunesses, rabbatre ces coups d'essay, tarir ces Fontaines, bref, abolir tous ces beaux titres assez suffisans pour degouster tout Lecteur scauant d'en lire d'auantaige. Ie ne souhaite moins que ces depourueuz, ces hūbles esperans, ces Benniz de lieffe, ces Esclauues, ces Trauerseurs soient renuoyez à la Table ronde: & ces belles petites deuises aux Gentilz hommes & Damoyzelles, d'ou on les a empruntees. Que diray plus? Ie supplie à Phebus Apollon, que la France apres auoir esté si longuemēt sterile, grosse de luy enfante bien tost vn poete, dont le Luc bien resonnant face taire ces enronees Cornemuses, non autrement que les Grenouilles, quand on iette

vne pierre en leur Mareiz. Et si nonobstāt cela, ceste fieure chau-
 de d'escrive les tormentoit encores, ie leur conseilleroy' ou d'al-
 ler prendre Medicine en Antycire: ou pour le mieux se remet-
 tre à l'estude: & sans honte à l'exemple de Caton, qui en sa vieil-
 lesse apprist les lettres Greques. Je pense bien, qu'en parlant ain-
 si de noz Rymeurs, ie sembleray à beaucoup trop mordant &
 Satyrique: mais veritable à ceux qui ont scauoir & iugement:
 & qui desirent la santé de nostre langue: ou cest vlcere & chair
 corrompue de mauuaises Poesies est si inueterée, qu'elle ne se
 peut oster qu'avecques le Fer & le Cautere. Pour conclure ce
 propos, saiches Lecteur, que celuy sera veritablement le Poete,
 que ie cherche en nostre langue, qui me fera indigner, apaysier,
 esiouyr, douloir, aimer, hair, admirer, estonner: bref qui tiendra
 la bride de mes affections, me tournant ca, & la à son plaisir.
 Voyla la vraye pierre de Touche, ou il fault que tu espreuues
 tous Poemes & en toutes langues. Je m'attens bien qu'il s'en
 trouuera beaucoup de ceux qui ne treuuent rien bon, si non ce
 qu'il entendent, & pensent pouuoir immiter: ausquels nostre
 Poete ne sera pas agreable: qui diront qu'il n'y a aucun plaisir,
 & moins de profit à lire tels escrits, que ce ne sont que fictions
 Poetiques, que Marot n'a point ainsi escrit. A tels pour ce qu'ils
 n'entendent la Poesie, que de nom, ie ne suis deliberé de respon-
 dre, produysant pour deffence tant d'excellens ouuraiges Poeti-
 ques Grecs, Latins, & Italiens aussi alienes de ce genre d'escri-
 re, qu'ils approuuent tant, comme ils sont eux mesmes eloin-
 gnez de toute bonne erudition. Seulement veu-x-ie admonne-
 ster celuy qui aspire à vne gloire non vulgaire, seloingner de
 ces ineptes Admirateurs, fuyr ce peuple ignorant, peuple enne-
 my de tout rare & antique scauoir: se contenter de peu de Le-
 cteurs à l'exemple de celuy, qui pour tous auditeurs ne deman-

doit que Platon : & d'Horace, qui veult ses œuvres estre leuz de trois, ou quatre seulement, entre les quels est Auguste. Tu as Lecteur, mon iugement de nostre Poete Francoiſ, lequel tu ſuyuras ſi tu le treuues bon, ou te tiendras au tien, ſi tu en as quelque autre. Car ie n'ignore point combien les iugemēts des Hommes ſont diuers, comme en toutes choſes, principalement en la Poēſie, laquelle eſt comme vne peincture, & non moins qu'elle, ſubiecte à l'opinion du vulgaire. Le principal But, ou ie viſe c'eſt la deffense de nostre langue, l'ornement & amplification d'icelle, en quoy ſi ie n'ay grandement ſoulagé l'industrie & labeur de ceux qui aſpirent à ceſte gloire, ou ſi du tout ie ne leur ay point aidé, pour le moins ie penſeray auoir beaucoup fait, ſi ie leur ay donné bonne volonté.

Exhortation aux François d'eſcrire en leur langue,
avec les louanges de la France.

CHAP. XII.



DON QUES ſ'il eſt ainſi que de nostre Temps les Aſtres, comme d'un accord, ont par vne heureuſe influence conſpiré en l'honneur & accroissement de nostre langue qui ſera celui des ſcauās, qui n'y voudra mettre la main, y rependant de tous costez les fleurs & fruiçts de ces riches Cornes d'abundance Greque & Latine? ou à tout le moins qui ne louera & approuuera l'industrie des autres? mais qui ſera celui qui la voudra blaſmer? Nul, ſ'il n'eſt vrayment ennemy du Nom François. Ce prudent & vertueux Themistocle Athenien monſtra bien que la meſme Loy naturelle, qui commande à chacun defendre le lieu de ſa naiſſance, nous oblige auſſi de garder la dignité de nostre lan-

gue, quand il condamna à mort vn *Herault du Roy de Perse* seulement pour auoir employé la lāgue Attique, aux commandemens du *Barbare*. La gloire du peuple *Romain* n'est moindre (comme à dit quelqu'vn) en l'amplification de son langage que de ses limites. Car la plus haute excellence de leur republique, voire du temps d'*Auguste*, n'estoit assez forte, pour se deffendre contre l'iniure du temps par le moyen de son capito-le, de ses thermes & magnifiques palaiz, sans le benefice de leur langue, pour la quelle seulement nous les louons, nous les admirons, nous les adorons. Sommes nous donques moindres que les *Grecs* ou *Romains*, qui faisoient si peu de cas de la nostre? Je n'ay entrepris de faire comparaison de nous à ceux la, pour ne faire tort à la vertu *Francoise*, la conferant à la vanité *Gregeoyse*: & moins à ceux cy pour la trop ennuyeuse lōgueur que ce seroit de repeter l'Origine des deux nations, leurs loix, meurs & manieres de viure: les *Consulz*, *Dictateurs*, & *Empereurs* de l'une, les *Royz*, *Ducs*, & *Princes* de l'autre. Je confesse que la fortune leur ait quelquesfois esté plus favorable qu'à nous: mais aussi diray ie biē (sans renouueler les vieilles playes de *Romme*, & de quelle excellence, en quel mespris de tout le monde, par ses forces mesmes elle a esté precipitee) que la *France* soit en repos ou en guerre, est de long interualle à preferer à l'*Italie*, serue maintenant & mercenaire de ceux aux quels elle souloit commander. Je ne parleray icy de la temperie de l'air, fertilité de la terre, abundance de tous genres de fruiçts necessaires pour l'aise & entretien de la vie humaine & autres innumerables commoditez, que le ciel plus prodigalement que liberalement a eslarg y à la *France*. Je ne conteray tant de grosses riuieres, tant de belles forests, tant de Villes non moins opulentes, que fortes, & pourueues de toutes munitions de guerre.

LA DEFFENSE DE

Finablement ie ne parleray de tant de mestiers, arz, & sciences, qui florissent entre nous, comme la Musique, Peinture, Statuaire, Architecture, & autres non gueres moins que iadis entre les Grecs & Romains. Et si pour trouuer l'or & l'argent, le fer n'y viole point les sacrees entrailles de nostre antique mere: si les gemmes, les odeurs & autres corruptions de la premiere generosité des hommes n'y sont point cherchees du Marchant auare: aussi le Tigre enragé, la cruelle semence des Lyons, les Herbes empoisonneresses, & tant d'autres pestes de la vie humaine, en sont bien eloingnees. Je suis content que ces felicitez nous soient communes avecques autres nations, principalemēt l'Italie: mais quant à la pieté, religion, integrité de meurs, magnanimité de courages & toutes ces vertus rares & antiques (qui est la vraye & solide louange) la France à tousiours obtenu sans controuerse le premier lieu. Pourquoi donques sommes nous si grands admirateurs d'autruy? pourquoi sommes nous tant iniques à nous mesmes? pourquoi mandions nous les langues estrangeres comme si nous auions honte d'vser de la nostre? Caton l'Aisné (ie dy celuy Caton, dont la graue sentence a esté tant de fois approuuee du Senat & peuple Romain) dist à Posthumie Albin se excusant de ce que luy, homme Romain auoit escrit vne Hystoire en Grec: Il est vray qu'il t'eust faillu pardonner, si par le Descriit des Amphyctioniens tu eusses esté contraint d'escire en Grec. Se moquant de l'ambicieuse curiosité de celuy qui aymoît mieux escire en vne langue estrangere, que en la sienne. Horace dit, que Romule en songe l'admonesta, lors qu'il faisoit des vers Grecs, de ne porter du boys en la forest. Ce que font ordinairement ceux qui escriuent en Grec & en Latin. Et quand la gloire seule, non l'amour de la vertu, nous deuroit induire aux actes vertueux, si ne voy-ie pourtant qu'elle

qu'elle soit moindre à celuy qui est excellent en son vulgaire, qu'à celuy qui n'escrit qu'en Grec, ou en Latin. Vray est que le nom de cestuy cy (pour autant que ces deux langues sont plus fameuses, s'estent en plus de lieux, mais bien souuent comme la fumee, qui sort grosse au commencement, peu à peu s'euanouist parmy le grand espace de l' Air, il se perd, ou pour estre oppri. né de l'infinie multitude des autres plus renommez, il demeure quasi en silence & obscurité. Mais la gloire de cestuy la, d'autant qu'elle se contiët en ses limites, & n'est diuisee en tant de lieux que l'autre, est de plus longue duree, comme ayant son siege, & demeure certaine. Quand Ciceron & Virgile se mirent à escrire en Latin, l'Eloquence, & la Poesie estoient encor en enfance entre les Romains, & au plus haut de leur excellence entre les Grecs. Si donques ceux que i'ay nômez, dedaignans leur langue, eussent escrit en Grec, est-il croyable, qu'ils eussent egalé Homere, & Demosthene? Pour le moins n'eussent ils esté entre les Grecs ce qu'ils sont entre les Latins. Petrarque semblablement. & Boccace combien qu'ils ayent beaucoup escrit en Latin, si est-ce que cela n'eust esté suffisant pour leur donner ce grand honneur qu'ils ont acquis, s'ils n'eussent escrit en leur langue. Ce que bien congnoissans maints bons esprits de nostre temps, combien qu'ils eussent ia acquis vn bruit non vulgaire entre les Latins, se sont neanmoins conuertiz à leurs langue maternelle, mesmes Italiens qui ont beaucoup plus grande raison d'adorer la langue Latine, que nous n'auons. Je me contenteray de nommer ce docte Cardinal Pierre Bende, duquel ie doute, si onques homme immita plus curieusement Ciceron, si ce n'est parauenture vn Christofle Longueil. Toutesfois par ce qu'il a escrit en Italien, tant en Vers comme en prose, il a illustré & sa langue & son nom plus trop qu'ils n'estoient au par-

auant. Quelqu'un (peut estre) desia persuadé par les raisons, que
 i'ay allegues, se conuertiroit volontiers a son vulgaire, sil a-
 uoit quelques exemples domestiques. Et ie dy, que d'autant si
 doit-il plus tost mettre pour occuper le premier ce, à quoy les au-
 tres ont failly. Les larges cāpaignes Greques & Latines sont
 desia si pleines, que bien peu reste d'espace vide. Ia beaucoup d'v
 ne course legere, ont atteint le But tant desiré. Long temps ya,
 que le prix est gagné. Mais, ô bon Dieu, combien de Mer nous
 reste encores, auant que soyons paruenuz au port, combien le ter-
 me de nostre course est encores loing. Toutesfois ie te veux bien
 aduertir que tous les scauans hommes de France n'ont point
 mesprisé leur vulgaire. Celuy qui faiët renaistre Aristophene,
 & fait si bien le nez de Lucian, en porte bon tesmoignage. A
 ma volonté que beaucoup en diuers genres d'escrire voulussent
 faire le semblable, non point s'amuser à dérober l'escorce de ce-
 luy, dont ie parle, pour en couvrir le bois tout vermoulu, de ie
 ne scay qu'elles lourderies si mal plaisantes qu'il ne faudroit au-
 tre recepte pour faire passer l'enuie de rire à Democrite. Ie ne
 craindray point d'alleguer encores pour tous les autres ces deux
 lumieres Francoises Guillaume Budé, & Lazare de Bayf.
 Dont le premier a escrit non moins amplement, que doctement
 l'Institution du prince, œuure certes assez recommandé par le
 seul nom de l'ouurier. L'autre n'a pas seulement traduit l'E-
 lectre de Sophocle quasi vers pour vers, chose laborieuse com-
 me entendent ceux qui ont essaye le semblable: mais d'auanta-
 ge a donné à nostre lāgue le nom d'Epigrammes & d'Elegies,
 auèques ce beau mot composé Aigredoulx afin qu'on n'attri-
 bue l'honneur de ces choses a quelque autre. Et de ce que ie dy,
 m'a assureé vn Gentilhomme mien amy, homme certes non
 moins digne de foy, que de singuliere erudition, & iugement

non vulgaire. Il me semble (Lecteur Amy des Musés Francoises) qu'après ceux que j'ay nommez, tu ne dois auoir honte d'escrire en ta l'ague, mais encores doibs-tu si tu es amy de la France, voire de toy mesmes, t'y donner du tout: avecques ceste genereuse opinion qu'il vault mieux estre vn Achille entre les siens, qu'vn Diomedé, voire bien souuēt vn Thersite entre les autres.

✿ Conclusion de tout l'Oeuure.



R. Sommes nous, la grace a Dieu, par beaucoup de perils & de flots estrangers, renduz au port, à seurete. Nous auons echappé du milieu des Grecs, & par les Scadrons Romains penetré iusques au Seing de la tant desirée France. La donques Francois, marchez couraigeusement vers ceste superbe Cité Romaine: & des serues despoilles d'elle (comme vous auez fait plus d'une fois) ornez voz Temples & autels. Ne craignez plus ces Oyes cryardes, ce fier Manlie, & ce traître Camile, qui sous vmbre de bonne foy vous suprenne tous nuds contans la rancou du Capitole. Donnez en ceste Grece Menteresse, & y semez encor vn coup la fameuse Nation des Gallogrecs. Pillez moy sans conscience les sacrez thresors de ce Temple Delphique, ainsi que vous auez fait autrefois: & ne craignez plus ce muet Apollon: ces faulx Oracles, ny ses fleches rebouchees. Vous souuienne de vostre ancienne Marseille, fecondes Athenes, & de vostre Hercule Gallique, tirant les peuples après luy par leurs oreilles avecques vne Chesne attachée à sa langue.

✿ FIN DE LA DEFFENSE ET ILLUSTRATION DE LA LANGVE FRANÇOISE.

AV LECTEUR.



MY Lecteur, tu trouueras estrange (peut estre) de ce que i'ay si breuement traicté vn si fertile & copieux argument, comme est l'Illustration de nostre Poesie Francoise: capable certes de plus grand ornement, que beaucoup n'estiment. Toutesfois tu doibs penser que les arts & sciéces n'ont receu leur perfection tout à vn coup, & d'une mesme main: aincois par succession de longues années, chacun y conserant quelque portion de son industrie, sont paruenuz au point de leur excellence. Recooy donques ce petit ouvrage, comme vn desseing, & protraict de quelque grand & laborieux edifice, que i'entreprendray (possible) de conduire, croissant mon loysir & mon scauoir: & si ie congnoy que la nation Francoise ait agreable ce mien bon vouloir (vouloir dy-ie) qui aux plus grandes choses a tousiours merité quelque louange. Quant à l'Ortographie, i'ay plus suyuy le commun & antiq' vsaige que la raison, d'autant que ceste nouvelle (mais legitime à mon iugement) facon d'escrire est mal receue en beaucoup de lieux, que la nouueauté d'icelle eust peu rendre l'œuvre non gueres de soy recommandable, mal plaisant, voire contemptible aux Lecteurs. Quant aux fautes qui se pourroient trouuer en l'Impression, comme de lettres transposées, omises, ou superflues, la premiere edition les excusera, & la discretion du Lecteur scauant, qui ne s'arrestera à si petites choses.

A Dieu, Amy Lecteur.

*

Priuilege du

ROY.



CHARLES, par la grace de Dieu, Roy de France, à noz amez & feaux conseillers, les gens tenans noz cours de Parlement à Paris, Toulouze, Rouen, Bordeaux, Diion, Dauphiné & Prouence, preuost de Paris, seneschaulx de Lyon, Toulouze, & Prouence, bailly de Rouen, iuges d'Aniou & du Maine, & à tous noz autres iusticiers & officiers ou à leurs lieutenans, & à chacun d'eulx, salut & dilection. Receue auons l'humble supplicatiō de nostre cher & biē aimé Charles Langelier, marchand libraire à Paris, lequel nous a faiēt dire & remonſtrer que à sa grande peine & labeur il a faiēt reuoir & corriger fidelement vn liure intitulé Oeuures de Ioachim du Bellay: lequel liure iceluy Langelier suppliant feroit volontiers imprimer: mais il doubte que apres qu'il aura faiēt les fraiz & employé grādes sōmes de deniers, autres libraires ou imprimeurs le voulsissent imprimer, contrefaire & desguiser & l'exposer en vente, & par ce moyen priuer & frustrer lediēt suppliant du merite de ses labeurs, frais & despens, sil ne luy estoit par nous pourueu de grace, & n'auoit sur ce noz lettres de prouisiō, priuilege, & deffenses à ce requises. Pource, est il que nous inclinans liberalement à la supplication dudiēt Langelier, & voulans en cest endroiēt luy suruenir à ce qu'il se puisse aucunement releuer des fraiz qu'il luy a conuenu faire, & que nul n'entreprene par dessus son impression, à iceluy auons de nostre grace speciale donné & donnons par ces presentes permission,

PRIVILEGE.

privilege, congé & octroy d'imprimer & faire imprimer
 e n telle marge, de tel caractere, tāt de fois & en tel nōbre qu'il
 voudra, & mettre en vête & distribuer iceluy liure: & auons
 prohibé & deffendu, prohibons & deffendons à tous libraires
 & imprimeurs & autres personnes de quelque qualité ou con-
 dition qu'ils soyent de n'imprimer, faire imprimer en quelque
 sorte que ce soit: ny vendre, faire vèdre & apporter d'ailleurs,
 ny debiter ny distribuer iceluy liure en noz pais terres & sei-
 gneuries, que ceux imprimez par luy, en son nom & aduen, du-
 rant le temps de six ans ensuyuās & consecutifs: durant lequel
 temps aussi ayant esgard à la composition dudit liure, auons
 d'abondāt deffendu à tous libraires & imprimeurs qu'ils n'ay-
 ent à changer ny muer le tiltre dudit liure, augmenter ou di-
 minuer en iceluy sous couleur de liure nouueau, & l'impri-
 mer vendre & distribuer, ny ensemblemēt, ny separement, ny
 en autre maniere que ce soit, en noz pais, terres & seigneuries,
 sur peine de confiscation & perdition des liures autrement im-
 primez & desguisez, & d'amende arbitraire applicable en-
 uers nous, & de tous despens dommages & interests dudit
 suppliant, & oultre voulons & tel est nostre plaisir, que met-
 tant lediēt suppliant la teneur de ces presentes dedans le liure,
 que icelles lettres soient tenues pour suffisamment signifiees &
 venues à la congnoissance de tous, & que ce soit de tel effect &
 vertu que si elles auoient esté expressement & particulierement
 signifiees & monstrees. Si vous mandons & commandons
 à chacun de vous endroiēt soy surce requis, & comme à luy ap-
 partiēdra que noz presens priuileges permissiō grace & octroy,
 inionction, inhibition & deffenses, & tout le contenu en ces pre

PRIVILEGE.

sentes, vous faciez garder & obseruer de poinct en poinct selon leur forme & teneur, procedant & faisant proceder contre les trāsgressours d'icelles: & faictes, souffrez & laissez ledict suppliant iouyr & vsfer plainement & paisiblement, sans luy mettre, ou dōner, ne souffrir estre faict, mis ou donnē aucun destourbier ou empeschement au cōtraire: lequel si faict, mis ou donnē luy estoit, reparez & remettez, ou faictes reparer & remettre incontinent & sans delay: & à ce faire, souffrir & obeir, contraignez ou faictes contraindre tous ceux qu'il appartiendra realement & de faict par toutes voyes deues & raisonnables: car tel est nostre plaisir, nonobstant quelcōques lettres impetrees ou à impetrer à ce contraires.

Donné à Paris, le vingtquatriesme iour d'Auril, l'an de grace, mil cinq cens soixante & vn: & de nostre regne, le premier.

PAR LE CONSEIL.

Ainsi signé,

DE COURLAY.

TRAVIÈGE

fontes, vous faciez garder & observer de point en point selon
leur forme & tenent, procédant & faisant procéder comme les
travailleurs d'elles: & faire passer & laisser ledit sup

plant tout
ne on du
pier on en
lay d'ar
incou

travaill
travaill
travaill

travaill
travaill

travaill
travaill

travaill
travaill

travaill
travaill

travaill
travaill



L'oliue augmentee

DEPVIS LES PRECE-
dentes editions.

*

LA

Musagnoemachie & autres
œuvres poetiques.



AVEC PRIVILEGE.

A PARIS.

*Par Charles Langelier, Libraire iuré, tenant sa bou-
tique au perron de la salle des merciers, joignant
la porte de la grand' salle du Palais.*

A TRESILLUSTRE PRIN-
cesse Madame Marguerite Sœur
Vnique du Roy, Luy
presentant ce
liure.

SONNET.

Par vn sentier incongneu à mes yeux
Vostre grandeur sur ses ailes me porte
Ou de Phebus la main scauante & forte
Guide le frein du chariot des cieux.
La eleué au cercle radieux
Par vn Demon heureux, qui me conforte,
Celle fureur tant douce i'en rapporte,
Dont vostre nom i'egalle aux plus haux dieux.
O Vierge donc, sous qui la Vierge Astree
A faict encor' en nostre siecle entree
Prenez en gré ces poetiques fleurs.
Ce sont mes vers, que les chastes Carites
Ont emaillez de plus de cent couleurs
Pour aller voir la fleur des Marguerites.

COELO MVSA BEAT.



Ombien que i'aye passé l'aage de mon enfance & la meilleure part de mon adolescence assez inutilement Lecteur, si est-ce que par ie ne scay quelle naturelle inclination i'ay tousiours ayme les bonnes lettres: singulierement nostre poesie Francoise, pour m'estre plus familiere, qui viuoy' entre ignorans des langues estrangeres. Depuis la raison m'a confirmé en ceste opinion: considerant que si ie voloy' gagner quelque nom entre les Grecz, & Latins, il y faudroit employer le reste de ma vie, & (peut estre) en vain, estat ia coulé de mon aage le temps le plus apte à l'estude: & me trouuât chargé d'affaires domestiques, dõt le soing est assez suffisant pour degouter vn homme beaucoup plus studieux que moy. Au moyen, de quoy, n'ayant ou passer le temps, & ne voulant du tout le perdre, ie me suis volontiers appliqué à nostre poesie: excitée & de mon propre naturel, & par l'exēple de plusieurs gentilz espritz Frācois, mesmes de ma profession, qui ne dedaignēt point manier l'epée & la plume, cõtre la faulse persuasion de ceux, qui pensent tel exercice de lettres deroger à l'estat de noblesse. Certainement Lecteur, ie ne pouroy' & ne voudroy' nier, q̄ si i'eusse escrit en Grec, ou en Latin, ce ne m'eust esté vn moyen plus expedié pour acquerir quelque degré entre les doctes hōmes de ce Royau me: mais il faut que ie confesse ce que diēt Ciceron en l'oraison pour Murcne: (*Qui cum cytharadi esse non possent,*) & ce qui sensuit. Considerant encores nostre langue estre bien loing de sa perfection qui me donnoit espoir de pouuoir auèques mediocre labeur y gagner quelque ranc, si non entre les premiers, pour le moins entre les seconds, ie voulu bien y faire quelque essay de ce peu d'esprit, que la nature m'a donné. *Voulant doncques enrichir*

nostre vulgaire d'une nouvelle, ou plustost ancienne renouuelee poesie, ie m'adonnay à l'imitation des anciens Latins, & des poetes Italiens, dont i'ay entëdu ce, que m'en a peu apprendre la communication familiere de mes amis. Ce fut pour quoy à la persuasion de Iaques Peletier ie choisi le Sonnet, & l'Ode, deux poemes de ce temps la (c'est depuis quatre ans) encores peu vsitez entre les nostres: estant le Sonnet d'Italien deuenü François, cõme ie croy, par Mellin de saint Gelais, & l'Ode, quant à son vray, & naturel stile representee en nostre langue par Pierre de Ronsard. Ce que ie viës de dire, ie l'ay dict encores en quelque autre lieu, se il m'en souuiët: & te l'ay bië voulu ramentenir, Lecteur, à fin que tu ne penses, que ie me vueille attribuer les inuentions d'autruy. Or à fin que ie retourne à mon premier propos, voulät satisfaire à l'instäte req̃ste de mes plus familiers amis, ie m'osay bien auanturer de mettre en lumiere mes petites poesies: apres toutesfois les auoir communiquees à ceux que ie pensoy' bien estre cler voyans en telles choses, singulierement à Pierre de Ronsard qui m'y donna plus grande hardiësse, que tous les autres: pour la bonne opinion que i'ay tousiours eue de son vif esprit, exacte scauoir, & solide iugement en nostre poesie Francoise. Je n'ay pas icy entrepris de respondre à ceux, qui me voudroyent blasmer d'auoir precipité l'edition de mes œures: & comme on dict, auoir trop tost mis la plume au vent. Car si mes escriz sont bons, ma ieunesse ne leur doit oster leur louange meritee. S'ilz ne sont telz, elle doyt pour le moins leur seruir d'excuse: d'autant q̃ si i'ay fait en cest endroit quelque acte de ieunesse, ie n'ay fait sinon ce que ie deuooy'. Pour le moins ce m'est vne faute commune avecques beaucoup d'autres meilleurs espritz que le mien. Je ne suis tel, que ie vueille blasmer le conseil d'Horace, quant à l'edition des poemes: mais aussi ne suis ie de l'opinion de ceux, qui gardent reli-

gieuſement leurs eſcriz, comme ſainctes reliques pour eſtre publiẽz apres leur mort: ſachant bien que tout ainſi que les morts ne mordent point, auſſi ne ſentent-ils les morſures. Ceſte conſcien-
 tieuſe difficultẽ Lecteur, n'eſtoit ce qui me retardoit le plus en la
 premiere editiõ de mes eſcriz. Je craignoy' vn autre inconueniẽt,
 qui me ſembloit auoir beaucoup plus apparente raiſon de futu-
 re reprehẽſiõ. C'eſt, que telle nouueautẽ de poeſie pour le cõmence-
 ment ſeroit trouuee fort eſtrange & rude. Au moyen de quoy,
 voulãt preuenir ceſte mauuiſe opinion, & quaſi comme appla-
 nir le chemin à ceux qui excitez par mõ petit labeur voudroyẽt
 enrichir noſtre vulgaire de figures, & locutions eſtrangeres: ie
 mis en lumiere ma deſſence & illuſtration de la langue Fran-
 coiſe, ne penſant toutesfois au commencement faire plus grand
 œuure qu'vne epiſtre, & petit aduertiffement au lecteur. Or ay-
 ie depuis experimentẽ ce qu'au parauant i'auoy' aſſez preueu:
 c'eſt, que d'vn tel œuure ie ne rapporteroy' iamais fauorable iu-
 gement de noz rethoriqueurs Francoiſ tant pour les raiſons aſ-
 ſez nouuelles & paradoxes introduites par moy en noſtre vul-
 gaire, que pour auoir (ce ſemble) heurtẽ vn peu trop rudement à
 la porte de noz ineptes rimaffeurs. Ce que i'ay faict, Lecteur, non
 pour autre raiſon, que pour eueiller le trop long ſilẽce des cignes:
 & endormir l'importun croiffemẽt des corbeaux. Ne t'eſbahis
 donques ſi ie ne reſpõs à ceux, qui m'ont appellẽ hardy repreneur:
 car mon intention ne fut onques d'auctorizer mes petis œuures
 par la reprehẽſion de telz gallãs. Si i'ay particularize quelques
 eſcriz, ſans toutesfois toucher aux noms de leurs aucteurs, la iu-
 ſte douleur m'y a contrainct voyãt noſtre langue quãt à ſa nayſ-
 ſe proprietẽ ſi copieuſe & belle, eſtre ſouillee de tant de barba-
 res poeſies, qui par ie ne ſcay quel noſtre malheur, plaiſent com-
 munement plus aux oreilles Francoiſes, que les eſcriz d'antique

& solide erudition. Les gentils esprits, mesmes ceux, qui suyuent
 la court seule escolle, ou voluntiers on apprend à bien, & propre-
 ment parler, deuroyent vouloir pour l'enrichissement de nostre
 langue, & pour l'honneur des espriz Francois, que tels poetes
 barbares ou fussent fouettez à la cuysine, iuste punition de ceux,
 qui abusent de la paciencie des princes, & grans Seigneurs par la
 Lecture de leurs ineptes œuures: ou (si on les vouloit plus douce-
 ment traicter) qu'on leur donnast argent pour se taire, suyuant
 l'exemple du grand Alexandre, qui vsa de semblable liberalité
 en l'endroiect de Cherille poete ignorant. Certes i'ay grand'honte
 quand ie voy, le peu d'estime que font les Italiens de nostre poe-
 sie en comparaison de la leur: & ne le treuve beaucoup estrange,
 quand ie considere que voluntiers ceux qui escriuēt en la langue
 Toscane, sont tous personnages de grand'erudition: voire iusques
 au Cardinaux mesmes, & autres seigneurs de renom, qui dai-
 gnent bien prendre la peine d'enrichir leur vulgaire par infinité
 de beaux escrits: vsant en cela de la diligence, & discretion fa-
 miliere a ceux, qui legerement n'exposent leurs conceptions au
 public iugement des hommes. Pense donques ie te prie Lecteur,
 quel pris doyuent auoir en l'endroiect de celle tant docte, & in-
 genieuse nation Italienne les escrits d'un petit Magister, d'un Co-
 nart, d'un Badaut, & autres mignōs de telle farine, dōt les oreil-
 les de nostre peuple sōt si abreuees qu'elles ne veulēt auior d'huy
 recevoir autre chose. Ie suis certain que tous Lecteurs de bō iuge-
 ment prendront ce, que ie dy, en bonne part: veu que ie ne parle
 du tout sans raison. Au fort si noz petis Rimeurs s'en trouuoÿēt
 un peu fachez, ie leur conseilley de prendre paciencie: conside-
 rant que ie ne suis un Aristarque, ou Aristophane, dont la graue
 censure doÿue oster leurs escrits du rôle de noz poesies: ou retarder
 leurs aucteurs de mieux faire à l'aduenir. Aussi leur mescontēte

mēt ne me doit rōpre ma deliberatiō, qui par veu solēnel me suis obligé aux Muses, de ne mentir iamais (q̄ ie le puisse entēdre) ny en vin, ny en poesie. Toutesfois ie ne veux pas du tout estre iuge si seuer, & incorruptible en matiere de poesie, que ie suyue l'heresie de celuy qui disoit **MITTE ME IN LAPICIDINAS**. Quelq̄s vns se plaignēt de quoy ie blame les traductiōs poetiq̄s en nostre lāgue, dont ils ne sont (disent-ils) illustateurs ny gaigez ny renommez. Aussi ne suis-ie. Mais s'ils n'alleguēt autre raison, ie n'y feray point de respōce. Encores moins à ce qu'ils disent, que i'ay reseruē la lecture de mes escritz à vne affectee de my douzaine de plus renōmez poetes de nostre langue. Car ie n'auoy' entrepris de faire vncatalogue de tous les autres, mesmes de ceux qui ne m'estoyent congneuz ny à leurs noms, ny à leurs œures. Ceux, dont ie ne cherche point les applaudissemens, ont occasion de gronder. Aussi me plaisent leurs aboys car ie n'en crains gueres les morsures. Ie fonde encor' (disent ils) l'immortalité de mon nom sur moindre chose que leurs escritz; dont toutesfois ils ne pretendent aucune louange. Ce n'est à eux, ny à moy à iuger de nostre cause: qui (dieu mercy) n'est de telle importāce, que la court y doynie estre longuement embesongnee. Aussi n'ay-ie pas fondé mon aduancement sur telles magnifiques cōparaisons. Si en mes poesies ie me loue quelques fois, ce n'est sans l'imitatiō des anciēs: & en cela ie ne pense auoir encor' esté si excessif, que i'aye pour il lustrer le miē, offensé l'honneur de personne. Et puis ie me vante d'auoir inuenté ce, que i'ay mot à mot traduit des autres. A peu que ie ne leur fay la responce, que fist Virgile à vn quidam Zoile, qui le reprenoit d'emprunter les vers d'Homere. I'ay (ce me semble) ailleurs assez deffendu l'imitation. C'est pourquoy ie ne feray longue responce à cest article. Qui voudroit à ceste balance examiner les escritz des anciens Romains, & des

modernes Italiens : leur arrachant toutes ces belles plumes empruntees dont ils volent si hautement : ils seroyent en hazard d'estre accoustrez en corneille Horacienne. Si par la lecture des bōs liures, ie me suis imprimé quelques traictz en la fantasie, qui apres venant à exposer mes petites conceptions selon les occasions, qui m'en sont donnees, me coulent beaucoup plus facilement en la plume, qu'ils ne me reuiennent en la memoire : doyt on pour ceste raison les appeler pieces rapportees ? Encor' diray-ie bien, que ceux, qui ont leu les œuures de Virgile, d'Ouide, d'Horace, de Petrarque, & beaucoup d'autres, que i'ay leuz quelque fois assez negligemmēt trouueront qu'en mes escritz y à beaucoup plus de naturelle inuention, que d'artificielle, ou superstitieuse imitation. Quelques vns voyans que ie finissoy', ou m'efforcoy' de finir mes Sonnetz par ceste grace, qu'entre les autres lāgues s'est fait propre l'Epigramme Francois, diligence qu'on peut facilement reconnoistre aux œuures de Cassola Italien, disent pour ceste raison, que ie l'ay imité: bien que de ce temps la il ne me feust cōgneu seulement de nom, ou Apollon iamais ne me soit en ayde. Je ne me suis beaucoup trauaillé en mes escritz de ressembler autre que moi mesmes : & si en quelque endroit i'ay vsurpe quelques figures, & facons de parler à l'imitation des estrangers: aus si n'auoit aucune loy, ou priuilege de me deffendre. Je dy encores cecy Lecteur, à fin que tu ne penses q' i'aye rien emprunté des nostres, si d'auanture tu venois à rencontrer quelques epithetes, quelques phrases, & figures prises des anciens, & appropriees à l'usage de nostre vulgaire. Si deux peintres s'efforcent de représenter au naturel quelque vis pourtraict, il est impossible qu'ils ne se rencōtrent en mesmes traictz & lineamēs, ayās mesme exemplaire deuant eux. Combien voit on entre les Latins imitateurs des Grecz, & entre les modernes Italiens imitateurs des

Latins

Latins de commencemens, & de fins de vers, de couleurs, & figures poetiques quasi semblables? Je ne parle point des orateurs. Ceux qui voudront considerer le stile des Ciceroniens, ou autres, ne trouueront estrange la ressemblance, qu'ont, ou pourrôt auoir les poemes Francois, si chacun s'efforce d'escrire par imitatiõ des estrangers. Tous arts, & sciences ont leurs termes naturelz. Tous mestiers ont leurs propres outilz. Toutes langues ont leurs mots & locutions vsitees: & qui n'en voudroit vser il se faudroit forger à part nouueaux arts, nouueaux mestiers & nouuelles langues. Ce que i'ay dict, cectuy ci la dict encor, & cectuy la: aussi les Muses n'ont restrainct, & enfermè en l'esprit de deux ou trois tout ce, qui se peut dire de bõne grace en nostre poesie. S'il y a quelques fautes en mes escriz, aussi ne sont tous les autres parfaicts. Ceux qui avecques raison me voudront faire ce biè de me reprendre, ie mettray peine d'en faire mon proffit. Car ie ne suis du nombre de ceux, qui aymèt mieux deffendre leurs fautes, que les corriger. Mais si quelques vns directement ou indirectement (comme on dict) me vouloyent taxer non point avecques la raison, & modestie accoustumee en toutes honnestes controuersies de lettres: mais seulement avecq' vne petite maniere d'irrision & contournement de nez, ie les aduertiy qu'ilz n'attendent aucune response de moy: car ie ne veux pas faire tant d'honneur à telles bestes masquées, que ie les estime seulement dignes de macholere. Si quelques vns vouloyent renouueler la farce de Marot & de Sagon, ie ne suis pour en empescher: mais il faut, qu'ilz cherchèt autre badin pour iouer ce rôle avecques eux. Voyla vn petit dessein Lecteur, de ce que ie pouroy' biè respondre à mes calumnia teurs si ie vouloy' prendre la peine de leur tenir plus long propos. Quant à ceux qui blament en moy cet estude poetique comme totalement inutile, silz veulent combatre contre la poesie, elle a des

AV LECTEUR.

armes, pour se deffendre: s'ils plaignent l'empeschement de ma promotion, ie les remercie de leur bonne volonté. Ceux qui ayment le ieu, les banquetz & autres menuz plaisirs, qu'ils y passent, & le iour, & la nuit, si bon leur semble. Quant à moy, n'ayant autre passetemps de plus grand plaisir, ie donneray volontiers quelques heures à la poesie. Et combien ce m'est vn labeur peu laborieux, & constumier, si ce n'est ou faisant quelque voiage, ou en lieu qui n'ait autre plus ioyeuse occupatiō, bien l'entendent ceux qui me hantent de familiarité. L'ayme la poesie, & me tire bien souuent la Muse (comme dict quelqu'un) furtiue-ment en son œuure: Mais ie n'y suis tant affecté, que facilement ie ne m'en retire, si la fortune me veut presenter quelque chose, ou auccques plus grand fruiet ie puisse occuper mon esprit. Ie te prie doncques amy Lecteur, me faire ce bien de penser que ma petite muse telle qu'elle est, n'est toutesfois esclau, ou mercenaire cōme d'un tas de rymeurs à gaiges: elle est seruetant seulement de mon plaisir. Ie te prie encores ne trouuer mauuais cet aduertissement, ou t'ennuyer de sa longueur, cōme outrepassant les bornes d'une epistre: En recompence dequoy ie te fay vn present de mon Olive augmentee de plus de la moitié & d'une Musagnoemachie: c'est à dire la guerre des Muses & de l'ignorance. Ceux qui ne treuuent rien bon, si non ce qui sort de leur main, y trouueront à mordre en beaucoup de lieux: mesme en cet endroit ou ie fay mention de quelques scauans hommes de nostre France. Les vns diront que i'en ay laissé, que ie ne deuoys pas oublier. Les autres, que ie n'ay pas gardé l'ordre: nōmant quelques vns les derniers, qui meritoient bien estre au premier ranc. Ie n'ay qu'une petite responce à toutes ces obiections friuoles: c'est que mon intention n'estoit alors d'escrire vne histoire, mais vne poesie. Et combien ce genre d'escrire est peu consciencieux en telles choses, ie m'en rap-

AV LECTEUR.

porte seulement à ceux qui l'entendent. Mais pour quoy prens-
 ie tant de peine Lecteur, à preoccuper l'excuse de ce qui sera trou-
 ué (peut estre) la moindre faute de mes œuures? I'ay tousiours e-
 stimé la poesie comme vn somptueux banquet, ou chacun est le
 bien venu, & n'y force l'on personne de menger d'une viande,
 ou boire d'un vin sil n'est à son goust, qui le sera (possible) à ce-
 luy d'un autre. C'est encor' la raison pourquoy i'ay si peu curieu-
 sement regardé à l'orthographie: la voyât au iour d'huy aussi di-
 uerse qu'il ya de sortes d'escrivains. I'appreue & loue grande-
 ment les raisons de ceux, qui l'ont voulu reformer: mais voyant
 que telle nouveauté desplait autât aux doctes comme aux indo-
 ctcs: i'ayme beaucoup mieux louer leur inuétion q̄ de la suyure:
 pource que ne fay pas imprimer mes œuures en intention qu'ils
 seruēt de cornetz aux apothequaires: ou qu'on les employe à quel
 que autre plus vil mestier. Si tu treuues quelques fautes en l'im-
 pression tu ne t'en dois prendre à moy, qui m'en suis rapporté à
 la foy d'autruy. Puis le labeur de la correction est tel, singuliere-
 ment en vn œuure nouveau, que tous les yeux d'argus ne fourni-
 roient à voir les fautes qui s'y treuuent.

A DIEV AMI LECTEUR.

✻ Ioannes auratus in Oliuam.

Sola virum nuper volitabat docta per ora

Laura tibi Tuscis dicta Petrarqua, Sonis.

Tantâque vulgaris fuerat facundia lingua,

Vt præmeret fastu scripta vetusta suo.

At nunc Tuscanam Lauram comitatur Oliua

Gallica, Bellaij cura, labôrque sui.

Phæbus amat Laurum, glaucam sua Pallas Oliuam.

Ille suum vatem, nec minus ista suum.

✿ SALMONII MACRINI IULIO-
dunensis Ode in Oliuam Ioachimi Bel-
laij Andensis.

*

Supreme Vatum hic postera quos feret,
Exacta & etas quos tulit haectenus,
Facunde Bellai coruscum
Andegauis, Ligerique lumen:

Me bellicoso condita Iulio
Illustre cuius nomen habet, tulit
Vrbs anserem raucè strepentem
Inter Apollineos olores.

Dulci tuo effers carmine me tamen,
Inter poetas atque aliquem facis,
De musca auens barrhum videri,
Metior at modulo meo me.

Dixere multi Pictona quem prius:
Malim sed Andes sint mihi patria,
Vrbs vrbiuum quòd nostra prorsus
In medio sita sit duarum.

De iudicatum sic & Horatio:
Lucanus, anceps, esset an Appulus,
Vtrúmque sub finem colonus
Cùm Venusinus agros araret.

Te propter atqui hinc Andegauus ferar,
Excîtus aure flatibus vt tuæ,
Sublimè cantem, prosperoque
Sydera celsa petam volatu.

Fælix Oliuæ carminibus tuæ,
An vate fælix illa suo magis,

Lauram secutura hinc Petrarca,
Quintiliam, Nemesin, Corinnam?
Coniungeretur his vtinam mea
Olim Gelonis! mortua sit licet,
Tristemque decedens Macrinum
Liquerit heu, saturumque vita.
Sic illa vixit cum vnanimi viro,
Laude vt perenni digna sit euehi:
At solus argutis valeres
Tu facere id Ioachime, rythmis.



L'OLIVE.

I.



*E ne quiers pas la fameuse couronne,
Saint ornement du Dieu au chef doré,
Ou que du Dieu aux Indes adoré
Le gay chapeau la teste m'environne.
Encores moins veux-ie, que lon me donne
Le mol rameau en Cypre decoré,*

*Celuy, qui est d'Athenes honoré
Seul ie le veux & le ciel me l'ordonne.*

*O tige heureux, que la sage Deesse
En sa tutelle, & garde a voulu prendre,
Pour faire honneur à son sacré autel!*

*Orne mon chef, donne moy hardiesse
De te chanter, qui espere te rendre
Egal vn iour au Laurier immortel.*

II.

*D'amour, de grace, & de haulte valeur
Les feux diuins estoyent ceinctz, & les cieux
S'estoyent vestus d'un manteau precieux
A raiz ardents, de diuerse couleur.
Tout estoit plein de beauté de bonheur
La mer tranquille, & le vent gracieux*

Quand celle là naquit en ces bas lieux
Qui a pillé du monde tout l'honneur.
Ell' prist son teint des beaux lyz blanchissans,
Son chef de l'or, ses deux leures des rozes,
Et du Soleil ses yeux resplandissans
Le ciel usant de liberalité.
Mist en l'esprit ses semences encloses,
Son nom des dieux prist l'immortalité.

III.

Loyre fameux, qui ta petite source
Enfles de maintz gros fleuves, & ruysseaux,
Et qui de loing coules tes cleres eaux
En l'Ocean d'une assez viue course.
Ton chef royal hardyement bien haut pousse
Et apparoy entre tous les plus beaux
Comme vn taureau sur les menus troupeaux
Quoy que le Pan enuieux s'en courrouce.
Commande doncq' aux gentilles Naiades
Sortir dehors leurs beaux palais humides.
Auecques toy, leur fleuve paternel.
Pour saluer de ioyeuses aubades.
Celle qui t'a, & tes filles liquides
Deifié de ce bruit eternal.

IIII.

L'heureuse branche à Pallas consacree,
Branche de paix, porte le nom de celle,
Qui le sens m'oste, & souz grand' beauté cele

La cruauté, qui à Mars tant agreee.
 Delaisse donq' ô cruelle obstinee!
 Ce tant doux nom, ou bien te monstre telle
 Qu'ainsi qu'en tout sembles estre immortelle,
 Sembles le nom auoir par destinee.
 Que du hault ciel il t'ait esté donné,
 Je ne suis point de le croire etonné.
 Veu qu'en esprit tu es la souveraine.
 Et que tes yeux à iceulx, qui te contemplent,
 Cœur, corps, esprit, sens, ame, & vouloir emblent
 Par leur douceur angelique, & seraine.

V.

C'estoit la nuit que la diuinité
 Du plus haut ciel en terre se rëdit
 Quand dessus moy amour son arc tendit
 Et me fist serf de sa grand' deité.
 Ny le sainct lieu de telle cruauté,
 Ny le temps mesme assez me deffendit:
 Le coup au cœur par les yeux descendit
 Trop ententifz à ceste grand' beauté.
 Je pensoy bien que l'archer eust visé
 A tous les deux; & qu'un mesme lien
 Nous deust ensemble egaleme't conioindre.
 Mais comme auenue, enfant, mal auisé,
 Vous a laissée (helas) qui esties bien
 La plus grand' proye, & à choisi la moindre,

VI.

Comme on ne peut d'œil constant soustenir

L'OLIVE ET TROUVÉ

Du beau Soleil la clarté violente,
 Aussi qui void vostre face excellente,
 Ne peut les yeux assez fermes tenir.
 Et si de pres il cuyde paruenir
 A contempler vostre beauté luyfante,
 Telle clarté à voir luy est nuysante
 Et si le faict au eugle deuenir.
 Regardez donq' si suffisant ie suis
 A vous louer, qui seulement ne puis
 Vos grans beautez contépler à mon gré,
 Que si mes yeux auoyent vn tel pouuoir,
 I'estimeroy' plus fermes les auoir,
 Que n'a l'oyseau à Iupiter sacré.

VII.

De grand' beauté ma Deesse est si pleine,
 Que ie ne voy' chose au monde plus belle,
 Soit que le frôt ie voye, ou les yeux d'elle,
 Dõt la clarté sainte me guide, & meine,
 Soit ceste bouche, ou sousspire vne balaine,
 Qui les odeurs des Arabes excelle,
 Soit ce chef d'or, qui rendoit l'estincelle,
 Du beau Soleil honteuse, obscure & vaine.
 Soyent ces cousteaux d'albastre, & main polie,
 Qui mō cœur serre, enferme, estreinct, & lie,
 Bref, ce que d'elle on peut ou voir, ou croire,
 Tout est diuin, celeste, incomparable:
 Mais i'ose bien me donner ceste gloire,
 Que ma constance est trop plus admirable.

Auray-ie bien de louer le pouuoir X.

Ceste beauté, qui decore le monde?

Quand pour orner sa chevelure blonde

Je sens ma langue ineptement mouvoir?

Ny le romain, ny l'atique scauoir,

Quoy que la fust l'escolle de faconde.

Aux cheueux mesme, ou le fin or abonde,

Eussent bien faict à demy leur deuoir.

Quand ie les voy' si reluy sans, & blons,

Entrenouez, crespes, egaux, & longs,

Ie m'esmerueille, & fay' telle complaincte.

Puis q' pour vous (cheueux) i'ay telle martyre,

Que n'ay-ie beu à la fontaine sainte?

Ie mourroy' cygne, ou ie meurs s'as mot dire.

IX.

Garde toy bien ô gracieux Zephire

D'empestrer l'esle en ces beaux neuds epars,

Que ca, & là, doucement tu depars

Sur ce beau col de marbre, & de porphire.

Situ t'y prens, plus ne voudra nous rire

Le verd printemps: aincois de toutes pars

Flore, voyant que d'autre amour tu ards,

Fera ses fleurs dessecher par grand' ire.

Que dy-ie las Zephire n'est ce point,

C'est toy amour, qui voles en ce point,

Tout à l'entour, & par dedans ces retz.

Que tu as faictz d'art plus laborieux

Que ceux, ausquelz iadis furent serrez

Ta douce mere, & le dieu furieux. IIII

X.

Ces cheueux dor sont les liens Madame,
 Dont fut premier ma liberté surprise,
 Amour la flamme autour du cœur eprise,
 Ces yeux le traict, qui me transperse l'ame.
 Fors sont les neuds aspre & viue la flamme
 Le coup, de main à tyrer bien apprise,
 Et toutes fois i' ayme, i' adore, & prise,
 Ce qui m'estraint, qui me brusle & entame.
 Pour briser donq' pour esteindre, & guerir,
 Ce dur lien, ceste ardeur, ceste playe,
 Ie ne quier fer, liqueur, ny medecine,
 L'heur, & plaisir, que ce m'est de perir
 De telle main, ne permet que i' essaye
 Glayue trenchant, ny froydeur, ny racine.

XI.

Des vens emuez la rage impetueuse
 Vn voyle noir estendoit par les cieus,
 Qui l'orizon iusqu'aux extremes lieux
 Rendoit obscur, & la mer fluctueuse.
 De mon Soleil la clarté radieuse
 Ne daignoit plus aparoitre à mes yeux
 Ains m'annoncoyent les flots audacieux
 De tous costez vne mort odieuse.
 Vne peur froide auoit saisi mon ame
 Voyant ma nef en ce mortel danger,

Quand de la mer la fille ie reclame,
Lors tout soudain ie voy le ciel changer,
Et sortir hors de leurs nubileux voyles
Ces feux iumeaux, mes fatales estoiles.

XII.

O de ma vie à peu pres expiree
Le seul filet! yeux, dont l'aveugle archer
Abien sceu mil, & mil fleches lascher
Sans qu'il en ayt oncq' vne en vain tiree.
Toute ma force est en vous retiree,
Vers vous ie vien' ma guerison chercher,
Qui pouuez seulz la playe dessecher,
Que i ay par vous (ô beaux yeulx!) enduree.
Vous estes seulz mon estoile amyable,
Vous pouuez seulz tout l'ennuy terminer
Ennuy mortel de mon ame offensee.
Vostre clarté me soit doncq' pitoyable,
Et d'un beau iour vous plaise illuminer
L'obsure nuit de ma triste pensée.

XIII.

La belle main, dont la forte foiblesse
D'un ioug captif dompte les plus puissans
La main, qui red les plus sains languissans,
Debedat l'arc meurtrier, qui les cœurs blesse
La belle main, qui gouverne, & radresse
Les freinz dorez des oiseaux blanchissans,
Quand sur les champs de pourpre rougissans
Guydent en l'air le char de leur maistresse,

Si bien en moy a graué le pourtraict
 De voz beautez au plus beau du ciel nees,
 Que n'y la fleur, qui le sommeil attraiet,
 Ny toute l'eau d'oubly, qui en est ceincte,
 Effaceroyent en mil, & mil' annees
 Vostre figure en vn iour en moy peinte. XII

XIIII.

Le fort sommeil, que celeste on doyt croire,
 Plus doux que miel, couloit aux yeux lassez
 Lors que d'amour les plaisirs amassez
 Entrent en moy par la porte d'iuoyre.
 I'auoy' lié ce col de marbre: voyre
 Ce sein d'albastre en mes bras enlassez
 Non moins qu'on void les ormes embrassez
 Du sep lascif, au second bord de Loyre.
 Amour auoit en mes lasses mouelles
 Dardé le traiet de ses flammes cruelles,
 Et l'ame erroit par ces leures de roses.
 Preste d'aller au fleuve obliuieux
 Quand le reueil de mon aise enuieux
 Du doux sommeil à les portes decloses. XIII

XV.

Pié que Thetis pour sien eust auoué,
 Pié, qui au bout montres cinq pierres telles,
 Que l'orient seroit enrichi d'elles,
 Cil orient en perles tant loué.
 Pié albastrin, sur qui est appuié
 Le beau seiour des graces immortelles, XIV

Qui fut baty sur deux colonnes belles
 De marbre blanc, poly, & essuyé.
 Si l'œil n'a plus de me nourrir esmoy,
 Si ses thresors la bouche ne m'octroye,
 Si les mains sont en mes playes si fortes,
 Au moins (ô pie) n'esloingne point de moy
 Mon triste cœur, dont amour a faict proye,
 L'emprisonnant en ce corps, que tu portes.

XVI.

Qui a peu voir celle, que Dele adore,
 Se deualer de son cercle congneu,
 Vers le pasteur d'un long sommeil tenu
 Dessus le mont, qui la carie honore.
 Et qui a veu sortir la belle Aurore
 Du iaune lict de son espoux chenu
 Lors que le ciel encor' tout peur & nu
 De mainte rose indique se colore.
 Celuy a veu encores (ce me semble)
 Non point le lyz, & les roses ensemble,
 Non ce, que peut le printemps concevoir.
 Mais il a veu la beauté n'ompareille
 De ma deesse, ou reluyre on peut voir
 La clere Lune, & l'Aurore vermeille.

XVII.

J'ay veu amour, (& tes beaux traictz dorez
 M'en soyët tesmoings) suyuant ma souuerain?
 N'aistre les fleurs de l'infertile arene
 Apres ses pas dignes d'estre adorez.

Phebus honteux ses cheueux honorez
 Cachez alors, que les vens par la plaine
 Eparpilloyent de leur souefue balaine
 Ceulx là, qui sont de fin or colorez.
 Puis sen voler de chacun œil d'icelle
 Iusques au ciel vne vne etincelle
 Dõt furēt faictz deux astres clers, & beaux.
 Favorisans d'influences heureuses
 (O feux diuins ! ô bien heureux flâbeaux !)
 Tous cœurs brustlās aux flâbes amoureuses.

XVIII.

Le chef doré cestuy blasonnera,
 Cestuy le corps, l'autre le blanc yuoire
 De l'estommac, l'autre eternelle gloire
 Aux yeux archers par ses vers donnera.
 Comme vne fleur tout cela perira,
 Mais en esprit, en faconde, & memoire
 Quand l'aage aura sur la beauté victoire,
 Mieux que deuant Madame florira !
 Que si en moy le souuerain donneur
 Pour tel subiect heureusement poursuiure
 Eust mis tāt d'art, tāt de grace & bon heur,
 Mieux qu'en tableau, en bronze, en marbre, en cuyure
 Je luy feroy, & à moy vn honneur,
 Qui elle, & moy feroit viure, & reuiure.

XIX.

Face le ciel (quand il voudra) reuiure
 Lisippe, Appelle, Homere, qui le pris

Ont

Ont emporté sur tous humains esprits
 En la statue, au tableau, & au liure.
 Pour engrauer, tirer, descrire, en cuyure,
 Peinture, & vers, ce qu'en vous est compris,
 Si ne pourroyent leur ouurage entrepris
 Cyzeau, pinceau, ou la plume bien suyure.
 Voila pourquoy ne fault, que ie souhette
 De l'engraueur, du peintre, ou du poete
 Marteau, couleur, ny encre, ô ma Deesse!
 L'art peut errer, la main fault, l'œil s'ecarte.
 De voz beautez mō cœur soit dōcq' sans cesse
 Le marbre seul, & la table, & la charte.

XX.

Puis que les cieux m'auoyent predestiné
 A vous aymer, digne obiect de celuy,
 Par qui Achille est encor aujourd'huy
 Contre les Grecz pour samye obstiné,
 Pourquoy aussi n'auoyent-ilz ordonné
 Renaistre en moy l'ame, & l'esprit de luy?
 Par maintz beaux vers tesmoïgs de mō ennuy
 Je leur rendroy, ce qu'ils vous ont donné.
 Helas nature, au moins puis que les cieux
 M'ont denié leurs liberalitez,
 Tu me deuois cent langues, & cent yeux,
 Pour admirer, & louer ceste la,
 Dont le renom (pour cent graces, qu'elle a)
 Merite bien cent immortalitez.

L'OLIVE

XXI.

Les bois fueilluz, & les herbeuses riuës
 N'admirent tant parmy sa troupe sainte
 Dyane, alors que le chaut l'a contrainte
 De pardonner aux bestes fugitiues,
 Que tes beautez, dont les autres tu priues
 De leurs honneurs, non sans enuie mainte
 Veu que tu rens toute lumiere estainte
 Par la clarté de deux estoiles viues.
 Les demydieux, & les nymphes des bois
 Par l'epaisseur des forests cheuelues
 Te regardant, s'etonnent maintes fois.
 Et pour à Loire eternité donner
 Contre leurs bords ses filles impolues
 Font ton hault bruit sans cesse resonner.

XXII.

O douce ardeur, que des yeux de ma dame
 Amour auецq' sa torche accoustumee
 Dedans mon cœur a si bien allumee,
 Que ie la sen au plus profond de l'ame.
 Combien le ciel favorable ie clame,
 Combien amour, combien ma destinée,
 Qui en ce point ma vie ont terminee
 Par le tourment d'une si douce flamme
 Qu'en moy (amour) ne durent tes doux feux,
 Le ne le puis & pouuoir ne le veux
 Bien que la chair soit caducque & mortelle.
 Car ceste ardeur, dont mon ame est rauie,
 Prendra aussi immortalité d'elle

Vivant par mort d'une eternelle vie.

XXIII.

*Si des beaux yeux, ou la beauté se mire,
 Voire le ciel, & la nature, & l'art,
 Depent le frein, qui en plus d'une part
 A son plaisir & m'arreste, & me vire,
 Pourquoi sont-ilz armez d'orgueil, & d'ire?
 Pourquoi s'esteint ce doux feu, qui en part?
 Pourquoi la main, qui le cœur me depart,
 Cache ses retz liens de mon martire?
 O belle main ô beaux cheveux dorez
 O clers flambeaux dignes d'estre adorez
 Par qui ie crain', i' espere, ie lamente.
 Mon fier destin, & vostre force extreme,
 En vous aimant, me cōmandent, que i' aime
 L'heureux obiect du bien, qui me tormente.*

XXIII.

*Piteuse voix, qui ecoutes mes pleurs,
 Et qui errant entre rochers & bois
 Auecques moy: m'as semblé maintes fois
 Avoir pitié de mes tristes douleurs.
 Voix que tes plainz meslez à mes clameurs,
 Mon dueil au tien, si appeler tu m'oïs
 Oline Oline: & Oline est ta voix.
 Et m'est auis, qu'auecques moy tu meurs.
 Seule ie t'ay pitoyable trouuée.
 O noble Nymphé! en qui (peut estre) encores
 L'antique feu de nouveau s'enuertue.*

L'OLIVE

Pareille amour nous auons eprouuee,
 Pareille peine aussi nous souffrons ores,
 Mais plus grande est la beauté qui me tue.

XXV.

Je ne croy point, veu le dueil que ie meine
 Pour l'apre ardeur d'une flamme subtile,
 Que mon œil fust en larmes si fertile,
 Si n'eusse au chef d'eau viue vne fontaine.
 Larmes ne sont, qu'auecq' si large veine
 Hors de mes yeux maintenant ie distile,
 Tout pleur seroit à finir intile
 Mō dueil, qui n'est qu'au milieu de sa peine.
 L'humeur vitale en soy toute reduite
 Deuant mon feu craintiue prent la fuyte
 Par le sentier, qui meine droict aux yeux.
 C'est ceste ardeur, dont mon ame rauie
 Fuyra bien tost la lumiere des cieux,
 Tirant à soy & ma peine & ma vie.

XXVI.

La nuit m'est courte & le iour trop me dure,
 Je fuy l'amour & le suy à la trace,
 Cruel me fuis, & requier vostre grace,
 Je pren' plaisir au torment que i'endure,
 Je voy' mon bien & mon mal ie procure,
 Desir m'enflâme, & creincte me rend glace,
 Je veux courir & iamais ne deplace
 L'obscur m'est cler, & la lumiere obscure.
 Vostre ie suis & ne puis estre mien,

AVGMENTEE.

Mon corps est libre, & d'un estroit lien
 Je sen' mon cœur en prison retenu.
 Obtenir veux, & ne puis requerir,
 Ainsi me blesse, & ne me veut guerir,
 Ce vieil enfant, aueugle archer, & nu.

XXVII.

Quand le soleil laue sa teste blonde
 En l'Ocean, l'humide, & noire nuit
 Vn coy sommeil, vn doux repos sans bruit
 Espant en l'air, sur la terre & souz l'onde.
 Mais ce repos qui soulage le monde
 Des ses trauaux, est ce qui plus me nuist,
 Et d'astres lors si grand nombre ne luist,
 Que i'ay d'ennuis, & d'angoisse profonde.
 Puis quand le ciel de rougeur se colore,
 Ce que ie puis de plaisir conceuoir
 Semble renaistre avec la belle Aurore.
 Mais qui me fait tant de bien receuoir?
 Le doux espoir, que i'ay de bien tost voir
 L'autre soleil, qui la terre decore.

XXVIII.

Ce que ie sen', la langue ne refuse
 Vous decouurer, quand suis de vous absent,
 Mais tout soudain q'pres de moy vous sent,
 Elle deuient & muette, & confuse.
 Ainsi, l'espoir me promet, & m'abuse,
 Moins pres ie suis quand plus ie suis present,
 Ce qui me nuist, c'est ce qui m'est plaisant,

Je quier' cela, que trouuer ie recuse.
 Ioyeux la nuit, le iour triste ie suis.
 J'ay en dormant ce, qu'en veillant poursuis
 Mon bien est faux, mon mal est veritable.
 D'une me plain', & deffaut n'est en elle,
 Fay doncq' amour, pour m'estre charitable,
 Breue ma vie, ou ma nuit eternelle.

XXIX.

Les cieux, l'amour, la mort, & la nature,
 Honneur, credit, faueur, enuie, ou crainte,
 De ceste forme en moy si bien emprainte
 N'effaceront la viue pourtraiture.
 Iuoire, gemme, & toute pierre dure
 Se peut briser, si du fer est attainte,
 Mais bien qu'ell' soit de se rompre cõtainte
 De se changer iamais ell' n'endure.
 Mon cœur est tel: & me le fist prouuer
 Amour alors que pour vous y grauer,
 A coups de trait me liura la bataille.
 Je scay combien son arc y trouuilla,
 Plus de cent coups non vn seul, me bailla
 Premier qu'il peust enleuer vne etaille.

XXX.

Bien que le mal, que pour vous ie supporte,
 Soit violent, toutesfois ie ne l'ose
 Appeler mal, pour ce qu'aucune chose
 Ne vient de vous, qui plaisir ne m'apporte.
 Mais ce m'est bien vne douleur plus forte

Que ie ne puis de ma tristesse enclose
 Tourner la clef, lors que ie me dispose
 A vous ouvrir de mes pensers la porte.
 Si donc mes pleurs, & mes sospirs cuysans
 Si mes ennuis ne vous sont suffisans
 Temoïgs d'amour, quelle plus seure preuue.
 Quelle autre foy, si non mourir me reste?
 Mais le remede (helas) trop tard se treuue
 A la douleur que la mort manifeste.

XXXI.

Le grand flambeau gouverneur de l'annee,
 Par la vertu de l'enflamnee corne
 Du blanc taureau, prez, montz, riuages orne
 De mainte fleur du sang des princes nee.
 Puis de son char la roue estant tournee
 Vers le cartier prochain du Capricorne,
 Froid est le vent la saison nue, & morne,
 Et toute fleur deuient seche & fencee.
 Ainsi, alors que sur moy tu estens
 O mon Soleil! tes clers rayons epars,
 Sentir me fais vn gracieux printemps.
 Mais tout soudain que de moy tu depars,
 Le sens en moy venir de toutes pars
 Plus d'un hyuer, tout en vn mesme temps.

XXXII.

Tout ce, qu'icy la Nature enuironne,
 Plus tost il naist, moins longuement il dure.
 Le gay printemps s'enrichist de verdure,

L'OLIVE

Mais peu fleurist l'honneur de sa couronne.
 L'ire du ciel facilement estonne
 Les fruietz d'esté, qui craignent la froidure
 Contre l'hiuer ont l'ecorce plus dure
 Les fruietz tardifs, ornement de l'autonne.
 De ton printemps les fleurettes seichees
 Seront vn iour de leur tige arrachees,
 Non la vertu, l'esprit & la raison.
 A ces doux fruietz en toy meurs deuant l'aage
 Ne faiet l'esté, ny l'autonne dommage,
 Ny la rigueur de la froide saison.

XXXIII.

O prison douce, ou captif ie demeure
 Non par dedaing, force, ou inimitié,
 Mais par les yeux de ma douce moitié
 Qui m'y tiendra iusq' à tant que ie meure.
 O l'an heureux, le mois, le iour, & l'heure,
 Que mon cœur fut avecq' elle allié!
 O l'heureux nœu, par qui i'y fu' lié
 Bien que souuēt ie plain, sousspire, & pleure.
 Tous prisonniers, vous estes en soucy,
 Craignant la loy, & le iuge seuer
 Moy plus heureux, ie ne suis pas ainsi.
 Mile doux motz doucement exprimez,
 Mil doux baisers, doucement imprimez,
 Sont mes tourmens ou ma foy perseuer.

XXXIIII.

Après auoir d'un bras victorieux

Domté

Domté l'effort des superbes courages: XXX
 Aucuns iadis bastirent haults ouurages,
 Pour se venger du temps iniurieux.
 Autres craignans leurs actes glorieux
 Assubietir à flammes & orages,
 Firent escriz, qui malgré telz outrages
 Ont faict leurs noms voler iusqs aux cieux.
 Maintz au iourd'huy en signe de victoire
 Pendent au temple armes bien etophees,
 Mais ie ne veux acquerir telle gloire.
 Auoir esté par vous vaincu, & pris,
 Cest mon laurier, mon triumphe, & mō prix,
 Qui ma depouille egale à leurs trophées.

XXXV.

Me soit amour ou rude, ou favorable,
 Ou hault, ou bas me pousse la fortune,
 Tout ce, qu'au cœur ie se pour l'amour d'une,
 Iusq' a la mort, & plus sera durable.
 Ie suis le roc de foy non variable,
 Que vent, que mer, que le ciel importune,
 Et toutesfois aduerse, ou oportune
 Soit la saison, il demeure imployable.
 Plus tost voudra le diamant apprendre
 A samolir de son bon gré, ou prendre
 Soubz vn burin de plom, diuerse forme,
 Que par nouveau ou bonheur, ou malheur
 Mon cœur, ou est de vostre grand' valeur
 Le vray pourtraict, en autre se transforme.

L'unic oyseau (miracle emerueillable)
 Par feu se tue, ennuyé de sa vie,
 Puis quand son ame est par flammes rauie,
 Des cendres naist vn autre à luy semblable.
 Et moy qui suis l'unique miserable,
 Faché de viure vne flamme ay suyvie,
 Dont conuiendra bien tost, que ie deuie,
 Si par pitié ne m'estes secourable.
 O grand' douceur! ô bonté souueraine!
 Si tu ne veulx dure & inhumaine estre
 Soubz ceste face angelique, & seraine.
 Puis qu'ay pour toy du Phenix le semblant,
 Fay qu'en tous poinctz ie luy soy' ressemblât,
 Tu me feras de moy mesme renaistre.

XXXVII.

Celle, qui tient par sa fiere beauté
 Les Dieux en feu, en glace aise, & martire,
 L'œil impiteux soudain de moy retire,
 Quand ie me plain' à sa grand cruauté.
 Si ie la suy' elle fuit d'autre cousté
 Si ie me deulx, mes larmes la font rire,
 Et si ie veux ou parler ou escrire,
 D'elle iamais ne puis estre ecouté.
 Mais (ô moy sot!) de quoy me doy-ie plaindre,
 Fors du desir, qui par trop hault ataindre,
 Me porte au lieu, ou il brusle ses aeles?
 Puis moy tombé, amour qui ne permet
 Finir mon dueil, soudain les luy remet,

Renouvelant mes cheutes eternelles.

XXXVIII.

Sacree, sainte, & celeste figure,
 Pour qui du ciel l'admirable & hault tēple
 Semble courbé, à fin qu'en toy contemple
 Tout ce, que peult son industrie & cure.
 Si de tes yeux les beaux raiz d'auanture
 Daignent mon cœur echauffer, il me semble
 Qu'en moy soudain vn feu diuin s'assemble,
 Qui mue, altere, & rauist ma nature.
 Et si mon œil ose se hazarder
 A contempler vne beauté si grande,
 Vn Ange adonq' me semble regarder.
 Lors te faisant d'ame, & de corps offrande
 Ne puis le cœur idolatre garder,
 Qu'il ne t'adore, & ses vœux ne te rende.

XXXIX.

Plus ferme foy ne fut onques iuree
 A nouveau prince, ô ma seule princesse
 Que mon amour, qui vous sera sans cesse
 Contre le temps & la mort assuree.
 De fosse creuse, ou de tour bien muree
 N'a point besoing de ma foy la fortesse,
 Dont ie vous fy' dame, roine, & maistresse,
 Pour ce qu'ell' est d'eternelle duree.
 Thresor ne peult sur elle estre vainqueur,
 Vn si vil prix n'aquiert vn gentil cœur:
 Non point faueur, ou grandeur de lignage,

Qui eblouist les yeux du populaire,
 Non la beauté, qui vn leger courage
 Peult emouuoir, tāt q̄ vous, me peult plaire.

XL.

Si des saintz yeux que ie vois adorant,
 Viēt mō ardeur, si les miēs d'heure en heure
 Par le degout des larmes, que ie pleure,
 Donnent vigueur à mon feu deuorant,
 Si mon esprit vis dehors, & mourant
 Dedans le cloz de sa propre demeure
 Vous contemplant, permet bien que ie meure
 Pour estre en vous, plus qu'ē moy, demeurāt.
 Bien est le mal & violent, & fort,
 Dont la douceur coupable de ma mort
 Me faiēt auengle à mon prochain dommagē
 Cruel tyran de la serue pensee,
 De ce loyer est d'inq' recompensee
 L'ame qui faiēt à son seigneur hommage.

XLI.

Ie suis semblable au marinier timide
 Qui voyant l'air, ca & la se troubler,
 La mer ses flotz escumeux redoubler
 Sa nef gemir soubz ceste force humide,
 D'art d'industrie, & d'esperance vide
 Pense le ciel, & la mer s'assembler,
 Se met à plaindre, à crier, à trembler
 Et de ses vœux les dieux enrichir cuyde
 Le nocher suis, mes pensers sont la mer,

Souffirs, & pleurs sont les vètz & l'orage,
 Vous ma Deesse estes ma clere estoile,
 Que seule doy' veulx, & puis reclamer,
 Pour asseurer la nef de mon courage,
 Et eclersir tout ce tenebreux voile.

XLII.

Les chauds souffirs de ma flamme incongne
 Ne sont souffirs, & telz ne les veulx dire,
 Mais bien vn vent: car tant plus ie souffire,
 Moins de mon feu la chaleur diminue.
 Ma vie en est toutesfois soutenue,
 Lors que par eux de l'ardeur ie respire,
 Ma peine aussi par eux mesmes empire,
 Veü que ma flamme en est entretenue.
 Tout cela vient de l'amour, qui enflamme
 Mon estommac d'une eternelle flamme,
 Et puis l'eüente au tour de luy volant.
 O petit Dieu qui terre & ciel allumes!
 Par quel miracle en feu si violent
 Tiens-tu mon cœür, & point ne le consumes?

XLIII.

Penser volage, & leger comme vent,
 Qui or' au ciel, or' en mer, or' en terre
 En vn moment cours, & recours gräd erre,
 Voire au seiour des vmbres bien souuent.
 Et quelque part, que voisies t'esteuant
 Ou rabaißant, celle, qui me faißt guerre.
 Celle beauté, tousiours deuant toy erre.

Et tu la vas d'un léger pié suivant.
 Pourquoi suis-tu (ô penser trop peu sage!)
 Ce qui te nuist? pourquoi vas-tu sans guide
 Par ce chemin plein d'erreur variable?
 Si de parler au moins eusses l'usage,
 Tu me rendrois de tant de peines vuide,
 Toy en repos, & elle pitoyable.

XLIII.

Au goust de l'eau la fieure se rappaïse,
 Puis feuertue au cours, qui sembloit lent,
 Amour aussi m'est humble, & violent
 Quand le coral de voz leures ie baise.
 L'eau goute à goute anime la fournaise
 D'un feu couuert le plus etincelant:
 L'ardent desir, que mon cœur va celant,
 Par voz baisers se faiet plus chault q̄ braize
 D'un grand traict d'eau, qui freschemēt distile,
 Souvent la fieure est etainte, Madame.
 L'onde à grand flot rent la flamme inutile.
 Mais ô baisers, delices de mon ame!
 Vous ne pourriez, & fussiez vous cent mile,
 Guerir ma fieure, ou eteindre ma flamme.

XLV.

Ores qu'en l'air le grand Dieu du tonnerre
 Se rue au seing de son eponse annee,
 Et que de fleurs la nature semee,
 A faiet le ciel amoureux de la terre.
 Or que des ventz le gouverneur desserre

Le doux Zephire, & la forest armee,
 Voit par l'epaiz de sa neuue ramee
 Maint libre oiseau, qui de tous coutez erre,
 Je vois faisant vn cry non entendu
 Entre les fleurs du sang amoureux nees
 Pasle, deffoubz l'arbre pasle entendu:
 Et de son fruiet amer me repaissant,
 Aux plus beaux iours de mes verdes anne'es
 Vn triste hyuer sen' en moy renaissant.

XLVI.

Lequel des Dieux fera que ie ne sente
 L'heureux malheur de l'spoir, qui m'attire
 Si le plaisir, subiect de mon martire,
 Fuyant mes yeux à mon cœur se presente?
 Quel est le fruiet de l'incertaine attente,
 Ou sans profit si longuement i'aspire?
 Quel est le bien, pour qui tant ie sospire?
 Quel est le gaing du mal qui me contente?
 Qui guerira la playe de mon cœur?
 Qui tarira de mes larmes la source?
 Qui abatra le vent de mes sospirs?
 Montre le moy, ô celeste vainqueur!
 Qui as finy le terme de ma course
 Au ciel, ou est le but de mes desirs.

XLVII.

Le doux sommeil paix, & plaisir m'ordonne,
 Et le reueil guerre, & douleur m'apporte,
 Le faux me plaist, le vray me deconforte,

L'OLIVE

Le iour tout mal, la nuit tout biẽ me donne.
 S'il est ainsi, soit en toute personne
 La verité enseuelie, & morte,
 O animaux de plus heureuse sorte
 Dont l'œil six mois le dormir n'abandonne!
 Que le sommeil à la mort soit semblant,
 Que le veiller de vie ait le semblant,
 Je ne le dy, & le croy' moins encores.
 Ou si il est vray, puis que le iour me nuist
 Plus que la mort, ô mort, veilles donq' ores
 Clore mes yeux d'une eternelle nuit.

XLVIII.

Pere Ocean, commencement des choses,
 Des Dieux marins le sceptre vertueux,
 Qui maint ruisseau, & fleuve impetueux
 En ton seing large enfermes & composes.
 Tu ne sens point, quand moins tu te reposes,
 Plus s'irriter de stotz tempestueux
 Contre tes bords, qu'en mon cœur fluctueux
 Je sen' de ventz, & tempestes encloses.
 Helas recoy mes chaudes larmes donques
 En toy liquide: esteins leur feu, si onques
 Tu as senty d'amour quelque sciintile,
 Et si tes eaux peuuent le feu esteindre,
 Qui rend la foudre, & trident inutile,
 Et qui se faict iusques aux enfers creindre.

XLIX.

Sacré rameau, de celeste presage,
 Rameau,

Rameau, par qui la colombe enuoyee,
 Au demeurant de la terre noyee
 Porta iadis vn si ioyeux message.
 Heureux rameau, soubz qui gist à l'vmbage
 La douce paix icy tant desiree,
 Alors que Mars, & la Discorde iree
 Ont tout remply de feu, de sang, de rage:
 S'il est ainsi que par les saintz escriptz
 Sois tant loué, hélas! recoy mes criz,
 O mon seul bien! ô mon espoir en terre!
 Qui seulement ne me tesmoignes ores
 Paix, & beau tēps: mais toymesmes encores
 Me peulx sauuer de naufrage, & de guerre.

L.

Si mes pensers vous estoyent tous ouuers,
 Si de parler mon cœur auoit l'vsaige,
 Si ma constance estoit peinte au visaige,
 Si mes ennuis vous estoyent decouuers,
 Si les souffirs, si les pleurs, si les vers
 Montroyent au vis vne amoureuse raige,
 Lors ie pourroy' flechir vostre couraige,
 Voire à pitié mouuoir tout l'vniuers.
 A doncq' amour seul tesmoing de ma peine
 Vous pourroit estre vne preuue certaine
 De ma fidelle, & serue loyauté,
 Qui d'aussi loing deuant les autres passe,
 Que le parfaict de vostre belle face,
 Hausse le chef sur toute autre beauté.

F

L'OLIVE

LI.

O toy, à qui, à esté ottroyé
Voir ceste flamme ardent, qui s'entretient
En l'estommac du Geant, qui soutient
Vn mont de feu sur son dos foudroyé.
Et cestuy la, qui l'oysseau dedié
Au Dieu vengeur, qui la foudre en main tiét
Paist d'un poulmõ, qui tousiours luy reuiet
Au froid sommet de Caucase lié.
Ie te supply' imaginer encore
Ce, qui mon cœur brusle, englace, & deuore,
Sans me donner loisir de respirer.
Lors me diras, voyant ma peine telle,
Tu sers d'exemple, à qui ose aspirer
Trop hardiment à chose non mortelle.

LII.

Mere d'amour, & fille de la mer,
Du cercle tiers lumiere souueraine,
Qui ciel, & terre, & camps semez d'arene
Peuz iusq' au fond des ondes enflammer.
Toy, qui le doux mesles avec l'amer,
Quand ce beau riz, qui le ciel rassere,ne,
De tous les Dieux le plus cruel refrene,
Et le contrainct ton aide reclamer,
Dont luy tout plein de ce tant doux venin
Entre tes bras paist son œil ia benin
En ta diuine & celeste beauté.
Te plaise (helas) Deesse, à ma priere
Flechir vn peu ceste mienne guerriere,

Qui a trop plus, que Mars de cruauté.

LIII.

Voyant au ciel tant de flambeaux ardens,
 Je dy souuent, ô beauté non pareille !
 Si le dehors est si plein de merueille,
 Combien parfait doit estre le dedans ?
 Si tes beaux yeux traictz, & flammes dardās
 Luysent sur moy, mon ame se reueille
 Au paradis, que ta bouche vermeille
 Ouure aux esprits, qui te sont regardans.
 Mais quand ie sen' soubz ta douce beauté
 L'horrible enfer de ta grand' cruauté,
 Ce qui est beau me semble estre cruel.
 Mesme le ciel, qui tant me souloit rire,
 Me faict douter si plaisant ie doy' dire
 Son beau seiour, qui est perpetuel.

LIIII.

Or' que la nuit son char estoilé guide
 Qui le silence, & le sommeil rameine,
 Me plaist lascher, pour desaignir ma peine
 Aux pleurs, aux criz, & aux souspirs la bride.
 O ciel ! ô terre ! ô element liquide !
 O vëtz ! ô bois ! rochiers, môteigne, & plaine,
 Tout lieu desert, tout riuage, & fonteine,
 Tout lieu remply, & tout espace vuide.
 O demyz dieux ! ô vous nymphes des bois
 Nymphes des eaux, tous animaux diuers,
 Si onq' auez senty quelque amitié,

L'OLIVE

Veillez piteux ouyr ma triste voix,
 Puis que ma foy, mon amour, & mes vers
 N'ont sceu trouver en madame pitié.

LV.

O foible esprit, chargé de tant de peines,
 Que ne veulx-tu soubz la terre descendre?
 O cœur ardent, que n'es-tu mis en cendre
 O tristes yeux, que n'estes vous fontaines?
 O bien douteux! ô peines trop certaines!
 O doux scavoir, trop amer à comprendre,
 O dieu qui fais, que tant i'ose entreprendre,
 Pourquoi rends-tu mes entreprises vaines?
 O ieune archer, archer qui n'as point d'yeux,
 Pourquoi si droict as-tu pris ta visee?
 O vis flambeau, qui embrases les dieux,
 Pourquoi as-tu ma froideur attisee?
 O face d'ange! ô cœur de pierre dure!
 Regarde au moins le torment que i'endure.

LVI.

Amour voulant hausser le chef vainqueur
 Dessus la crainte a la noire sequelle,
 Mist l'esperance, & sa bande avec'elle,
 Sa bande blanche au plus fort de mon cœur.
 Amour est fort, mais foible est la vigueur
 De l'esperance, & la tourbe cruelle
 A ceinct le lieu d'horreur perpetuelle,
 Le foudroyant du canon de rigueur.
 Mais repoussez l'effort de la gent noire,

Vous, qui tenez le sort de la victoire,
 N'avez vous point de voz subiectz emoy?
 Si vous souffrez que ceste prise aduienne,
 Vous y aurez plus grand' perte, que moy,
 Veü, que la place est plus vostre, que mienne.

LVII.

Qui nombré, quand l'astre, qui plus luit,
 La le milieu du bas cercle enuironne,
 Tous ces beaux feux, qui font vne couronne
 Aux noirs cheueux de la plus clere nuit.
 Et qui a sceu combien de fleurs produit
 Le verd printēps, cōbien de fruietz l'autōne,
 Et les thresors, que l'inde riche donne
 Au marinier, qu'auarice conduit.
 Qui a compté les estincelles viues
 D'Aetne ou Vesuue, & les flotz, qui en mer
 Hurtent le front des ecumeuses riuës,
 Celuy encor' d'une, qui tout excelle,
 Peult les vertus, & beautez estimer,
 Et les tormens, que i'ay pour l'amour d'elle.

LVIII.

Cet' humeur vient de mon œil, qui adore
 Tō sainct pourtraict, seul Dieu de mō soucy,
 De mon cœur par maint sousspir adoucy,
 De tes yeux sort le feu, qui me deuore.
 Donques le prix de celuy, qui t'honore,
 Est-ce la mort, & le marbre endurecy?
 O pleurs ingratz! ingratz sousspirs aussi,

L'OLIVE

Mon feu, ma mort, & ta rigueur encore.
 De mon esprit les aeles sont guidees
 Jusques au seing des plus haultes Idees
 Idolatrant ta celeste beauté.
 O doux pleurer ! ò doux souffirs cuysans !
 O douce ardeur de deux Soleilz luisans !
 O douce mort ! ò douce cruauté !

LIX.

Moy, que l'amour à faict plus d'un Leandre,
 De cest oyseau prendray le blanc pennage,
 Qui en chantant plaint la fin de son aage
 Aux bordz herbuz du recourbé Meandre.
 Dessoubz mes chantz voudront (possible) apprédre,
 Maint bois sacré & maint antre sauvage
 Non gueres loing de ce fameux riuage,
 Ou Meine va dedans Loyre se rendre.
 Puis descendant en la saincte forest,
 Ou maint amant à l'vmbage encor' est,
 Iray chanter au bord obliuieux,
 D'ou arrachant vostre bruit non pareil,
 De reuoler icy hault enuieux,
 Luy feray voir l'un, & l'autre soleil.

LX.

Diuin Ronsard, qui de l'arc à sept cordes
 Tiras premier au but de la memoire
 Les traictz aelez de la Francoise gloire,
 Que sur ton luc haultement tu accordes.
 Fameux harpeur, & prince de noz Odes,

Laisse ton Loir haultain de ta victoire,
 Et vien sonner au riuage de Loire
 De tes chansons les plus nouvelles modes.
 Enfonce l'arc du vieil Thebain archer,
 Ou nul que toy, ne sceut onq' enrocher,
 Des doctes sœurs les saiettes diuines,
 Porte pour moy parmy le ciel des Gaules
 Le saint honneur des nymphes Angeuines,
 Trop pesant faix pour mes foibles epaules,

LXI.

Allez mes vers, portez dessus voz aeles
 Les saintz rameaux de ma plante diuine,
 Seul ornement de la terre Angeuine,
 Et de mon cœur les viues etincelles.
 De vostre vol les bornes seront telles
 Que des l'Aurore, ou le Soleil decline,
 le voy desia le monde qui sencline
 A la beauté des beautez immortelles.
 Si quelqu'vn né soubz amoureuse estoile
 Daigne ecclersir l'obscur de vostre voile
 Priez, qu'amour luy soit moins rigoureux:
 Mais sil ne veult, ou ne peult concevoir
 Ce que ie sen', souhaitez luy de voir
 L'heureux obiect, qui m'a faict malheureux

LXII.

Qui voudra voir le plus precieux arbre,
 Que l'Orient, ou le midy auoue,
 Vienne, ou mon fleuve en ses ondes se ioue:

L'OLIVE

Il y verra, l'or, l'ivoire, & le marbre.
Il y verra les perles, le cinabre,
Et le cristal: & dira, que ie loue
Vn digne obiet de Florence, & Mantoue,
De Smyrne encor', de Thebes, & Calabre.
Encor' dira, que la Touure, & la Seine,
Auec la Saone arriueroient à peine
A la moitié d'un si diuin ouvrage:
Ne cestuy la, qui naguere à faict lire
En lettres d'or graué sur son riuage
Le vieil honneur de l'une, & l'autre Lire.

LXIII.

Ma plus grand' force estoit retraicte au cœur,
Et contre Amour faisoit plus de deffence,
Quand ce cruel pour venger telle offence,
Feut par mes yeux de ma vertu vainqueur.
Lors de ses traictz ne sentoy' la rigueur,
Lors ie n'auoy' de son feu congnoissance,
Lors ne cuidoy' que sa haulte puissance
Sur ma foiblesse eust aucune vigueur.
Mais, ô le fruiet de ma belle entreprise!
Il a choisi pour gaing de ma victoire
Au plus hault ciel la beauté, qui me tue:
La, fault chercher le bien, que tant ie prise,
Faisant à tous par mon malheur notoire
Que l'homme en vain contre dieu seuertue.

LXIII.

Comme iadis l'ame de l'uniuers

Enamouree

Enamouree en sa beauté profonde
 Pour faconner ceste grand' forme ronde,
 Et l'enrichir de ses thresors diuers,
 Courbât sur nous son temple aux yeux ouuers,
 Separa l'air, le feu, la terre, & l'onde,
 Et pour tirer les semences du monde
 Sonda le creux des abismes couuers.
 Non autrement ô l'ame de ma vie!
 Tu feuz à toy par toymesme rauie
 Te voyant peinte en mon affection.
 Lors ton regard d'un accord plus humain
 Lia mes sens, ou amour de sa main
 Forma le rond de ta perfection.

LXV.

Ces cheueux d'or, ce front de marbre, & celle
 Bouche d'œilles, & de liz toute pleine,
 Ces doux souspirs, cest' odorante haleine,
 Et de ces yeux l'une, & l'autre etincelle,
 Ce chant diuin, qui les ames rapelle,
 Ce chaste ris, enchanteur de ma peine,
 Ce corps, ce tout, bref ceste plus qu'humaine
 Douce beauté si cruellement belle,
 Ce port humain, ceste grace gentile,
 Ce vis esprit, & ce doux graue stile,
 Ce hault penser, cest' honneste silence,
 Ce sont les haims, les appas, & l'amorse,
 Les traittz les rez qui ma debile force
 Ont captiué d'une humble violence:

L'OLIVE

LXVI.

Pour mettre en vous sa plus grande beauté,

Le ciel ouurit ses plus riches thresors,

Amour choisit de ses traictz les plus fors,

Pour me tirer sa plus grand' cruauté.

Les astres n'ont de luyre liberté,

Quand le soleil ses rayons met dehors:

Ou apparoist vostre celeste corps,

La beauté mesme y perdroit sa clerté.

Si le torment de mes affections

Croist à l'egal de voz perfections,

Et si en vous plus qu'en moy ie demeure

Pourquoy n'as tu ô fiere destinee!

Rompu le fil de ma vie obstinee?

Ie ne croy point, que de douleur on meure.

LXVII.

Sus chaulx souspirs, allez à ce froid cœur,

Rompez ce glas, qui ma poitrine enflamme.

Et vous mes yeux, deux tesmoings de ma flâme,

Faiçtes pluuoir vne triste liqueur.

Allez pensers, flechir ceste rigueur,

Engrauuez moy au marbre de ceste ame,

Et vous mes vers, criez deuant Madame,

Mort, ou mercy soit fin de ma langueur.

Diçtes, comment ces tenailles d'iuoire

Pour animer l'immortel de sa gloire

Ont arraché mon esprit de sa place,

Et que mon cœur rien qu'elle ne respire.

O bien heureux qui void sa belle face!

O plus heureux, qui pour elle souspire!

LXVIII.

Que n'es-tu las (mon desir) de tant suiure
 Celle, qui est tant gaillarde à la fuite?
 Ne la vois-tu deuant ma lente suite
 De laqs d'amour voler franche & deliure?
 Ce faulx espoir, dont la douceur m'enyure
 Tout en vn poïct m'arreste & puis m'incite,
 Me pousse en hault, & puis me precipite,
 Me faict mourir, & puis me faict reuiuire.
 Ainsi courant de sommez en sommez
 Avec amour, ie ne pense iamais
 Fol desir mien, à te hausser la bride,
 Bien m'as-tu donq' mis en proye au danger,
 Si ie puis à mon gré te ranger,
 Et si i'ay pris vn aueugle pour guide.

LXIX.

L'enfant cruel de sa main la plus forte
 M'ouurit le flanc, qui est le plus debile,
 Plantant au roc de mon cœur immobile
 Le saint rameau qu'en mon ame ie porte.
 Toute vertu, tout honneur, toute sorte
 De bonne grace, & de facon gentile
 Sont pour racine à la plante fertile,
 Dont la haulteur iusq' au ciel me transporte.
 L'eau de mes yeux, & la viue chaleur,
 De mes souspirs en vigueur la maintiennent:
 Son pasle teinct ressemble à ma couleur.

L'OLIVE

La mes escrie fueille seiche deuiennent
 Mon vain espoir y est tousiours en fleur,
 Et mes ennuis s'ot les fruietz, qui en viennēt

LXX.

Cent mile fois, & en cent mile lieux
 Vous remontrant, ô ma douce guerriere!
 Le pié tremblant me retire en arriere
 Pour auoir paix avecques voz beaux yeux.
 Mais ie ne puis, & ne pourroyent les Dieux
 Frener le cours de ma volonté fiere.
 Si ie le puis, la superbe riuiere
 Fera le sien monter iusques aux cieux.
 Que te sert donq' eloingner le vainqueur
 O toy mon œil! si au milieu du cœur
 Ie sen' le fer, dont, il fault que ie meure?
 Ainsi le cerf par la peine elancé
 Euite l'arc meurtrier, qui l'a blessé,
 Mais non le traict, q̄ tousiours luy demeure.

LXXI.

Le cresphe honneur de cest or blondissant
 Sur cest argent vny de tous coutez,
 Sur deux soleilz deux petis arcz voutez,
 Deux petis brins de corail rougissant,
 Ce cler vermeil, ce vermeil vnissant
 Oeillez & lyz freschement enfantez,
 Ces deux beaux rancz de perles bien plantez,
 Et tout ce rond en deux pars finissant,
 Ce val d'albastre, & ces cotaux d'iuoire,

Qui vont ainsi comme les flots de Loire
 Au lent soupir d'un Zephire adoucy,
 C'est le moins beau des beautez de Madame,
 Mieux engravee au marbre de mon ame,
 Que sur mon front n'en est peinct le soucy.

LXXII.

Ce voile blanc, que vous m'avez donné,
 Je le compare à ma foy nette, & franche,
 L'antique foy portoit la robe blanche,
 Mon cœur tout blanc est pour vous ordonné.
 Son beau caré d'ouvrage environné.
 Seul ornement & thresor de ma manche,
 Pour Vostre nom, porte l'heureuse branche
 De l'arbre saint dont ie suis couronne.
 Mile couleurs par l'aiguille y sont iointes,
 Amour à fait en mon cœur mile pointes.
 La, sont encor sans fruiet bien mile fleurs.
 O voile heureux, combien tu es vtile
 Pour essuyer l'œil, qui en vain distile
 Du fond du cœur mile ruisseaux de pleurs!

LXXIII.

Le beau cristal des saintz yeux de Madame
 Entre les lyz, & roses degoutoit,
 Et ce pendant amour, qui le goutoit,
 En arrousa le iardin de mon ame.
 Au soupirer, qui les marbres entame,
 Le ciel pleurant, & triste se voutoit,
 Et le soleil, qui pleindre l'ecoutoit

L'OLIVE

S'osta du chef les rayons de sa flamme.
 Les ventz brusloyent d'une chaste amitié,
 L'air, qui au tour s'enflammoit de pitié,
 En fist pluuoir vne triste rousee.
 Mes yeux estoyent deux fontaines de pleurs,
 La terre adonq' qui en fut arrousee,
 En fist sortir mille amoureuses fleurs.

LXXIII.

Si le pinceau pouuoit montrer aux yeux
 Ce que le ciel, les Dieux, & la nature
 Ont peint en vous, plus viuante peinture
 Ne virent onq' de Grece les ayeux.
 Toy donq' amant, dont l'œil trop curieux
 Prent seulement des beautez nourriture,
 Fiche ta veue en ceste pourtraicture,
 Dont la beauté plairoit aux plus beaux Dieux.
 Mais si la viue & immortelle image
 Ne te desplaist, seule qui le dommage
 De maladie, ou du temps ne doyt craindre:
 Voy ses escrits, oy son diuin scauoir,
 Qui mieux au vif l'esprit te fera voir,
 Que le visage Appelle n'eust sceu peindre.

LXXV.

Nymphes, meslez voz plus vermeilles roses
 Parmi les lyz, qui sont plus blanchissans,
 Et les œillez qui sont plus rougissans,
 Parmi les fleurs plus freschement decloses:
 De tout cela, & des plus belles choses,

Que vous ayez en voz prez verdissans,
 Faictes bouquez, & chappeaux florissans,
 Or que des champs les beautez sont encloses,
 Et toy, qui fais du monde le grand tour,
 Bien que tu n'ay's au taureau faict retour,
 En mile fleurs, & mil', & mil' encore
 Peinctz mes ennuis, & qu'on y puisse lire
 Le nom, qu'Aniou doyt sur tout autre elire
 Pour decorer celle qui le decore.

LXXVI.

Quand la fureur, qui bat les grands coupeaux
 Hors de mon cœur l'Olive arrachera,
 Avec le chien le loup se couchera,
 Fidele garde aux timides troupeaux.
 Le ciel, qui void avec tant de flambeaux,
 Le violent de son cours cessera,
 Le feu sans chault, & sans clerté sera,
 Obscur le rond des deux astres plus beaux.
 Tous animaux changeront de sejour
 L'un avec l'autre, & au plus cler du iour,
 Ressemblera la nuit humide, & sombre
 Des prez seront semblables les couleurs,
 La mer sans eau, & les forests sans vmbre,
 Et ans odeur les roses, & les fleurs.

LXXVII.

O fleuve heureux, qui as sur ton riuage
 De mon amer la tant douce racine,
 De ma douleur la seule medecine,

L'OLIVE

Et de ma soif le désiré breuage!
O roc feutré d'un verd tapy sauvage!
O de mes vers la source cabaline!
O belles fleurs l'ô liqueur cristaline!
Plaisirs de l'œil, qui me tient en seruage.
Je ne suis pas sur vostre aise enuieux,
Mais si i'auoy' pitoyable les Dieux,
Puis que le ciel de mon bien vous honnore,
Vous sentiriez aussi ma flamme viue,
Ou comme vous, ie seroy' fleuue, & riue,
Roc, source, fleur, & ruisselet encore.

LXXVIII.

La Canicule au plus chault de sa rage
Ne faict trouuer la fresche onde si belle,
Ny l'arbrisseau si doucement appelle
Le voyageur au fraiz de son vmbage.
La santé n'est de si ioyeux presage
Au lent retour de sa clerté nouvelle,
Que le plaisir en moy se renouuelle,
Quand i'appercoy l'angelique visage.
Soit qu'en riant ses leures coralines
Montrent deux rancz de perles cristalines
Soit qu'elle parle, ou danse, ou bale, ou châte,
Soit que sa voix diuinement accorde
Auec le son de la parlante corde,
Tous mes ennuis doucement elle enchante.

LXXIX.

Du ciel descend tout celeste pouuoir,

Pour

Pour decorer cest' ame bien heureuse,
 Qui dessus toy ma terre plantureuse,
 Comme vn Phenix faict les aeles mouuoir.
 Le Dieu de Loire enflammé de la voir
 Ard iusq' au fond de son onde plus creuse,
 O grand' beauté, ô puissance amoureuse,
 Qui faict aux eaux nouveau feu conceuoir!
 S'elle est à rine, il semble que les fleuves
 Tardent leurs cours: s'elle erre par les bois,
 Les chesnes vieux en prènent robes neufues.
 Le ciel courbé se mire dans ses yeux:
 Echo respond à sa diuine voix,
 Qui faict mourir les hommes & les Dieux.

LXXX.

Toy, qui courant à voile haulte & pleine
 Sage, ruzé, & bien heureux nocher,
 Loing du destroict, du pyrate, & rocher
 Voles hardy ou le desir te meine,
 Ne crain pourtant, oyant ma souuerene,
 Caler la voile, ou les ancras lacher.
 Sa douce voix ne te pourra facher,
 Voix angelique, & non d'vne Serene.
 Si tu la vois, tu verras le soleil
 Du beau visage, à cestuy-la pareil,
 Que l'Ocean de ses longs bras enserre.
 Omile fois le bien aimé des Dieux!
 Qui sans mourir, & sans voler aux cieus,
 Peult contempler le paradis en terrei

L'OLIVE

LXXI.

Celle qui tient l'aële de mon desir,
 Par vn seul ris achemine ma trace
 Au paradis de sa diuine grace,
 Diuin sejour du Dieu de mon plaisir.
 La les amours volent tout à loisir,
 La est l'honneur, engraüé sur sa face
 La les vertus, ornement de sa race,
 La les beautez, qu'au ciel on peult choisir.
 Mais si d'un œil foudroyant elle tire
 Dessus mon chef quelque traict de son ire,
 P'abisme au fond de l'eternelle nuit.
 La n'est ma soif aux ondes perissante,
 La mon espoir & se fuit, & se suit,
 La meurt sans fin ma peine renaissante.

LXXII.

Vous, qui aux bois, aux fleunes, aux cāpagnes,
 A cry, à cor, & à course hatiue
 Suyuez des cerfs la trace fugitiue,
 Auec' Diane, & les nimphes compagnes,
 Et toy ô Dieu! qui mon riuage bagnes,
 As-tu point veu vne nimphe craitine,
 Qui va menant ma liberté captiue
 Par les sommez des plus haultes môtagnes?
 Helas enfans! si le sort malheureux
 Vous monstre à nu sa cruelle beauté,
 Que telle ardeur longuement ne vous tienne.
 Trop fut celuy chasseur auantureux,
 Qui de ses chiens sentit la cruauté,

Pour auoir veu la chaste Cyntienne.

LXX XIII.

Deia la nuit en son parc amassoit

Vn grand troupeau d'estoiles vagabondes,

Et pour entrer aux cauernes profondes

Fuyant le iour, ses noirs cheuaux chassoit.

Deia le ciel aux Indes rougissoit,

Et l'aube encor' de ses tresses tant blondes

Faisant gresler mille perlettes rondes,

De ses thresors les prez enrichissoit.

Quand d'Occident, comme vne estoile viue,

Le vy sortir dessus ta verde riue

O fleuue mien ! vne nymphe en rient

Alors voyant ceste nouvelle Aurore,

Le iour honteux d'un double teint colore,

Et l'Angeuin & l'indique Orient.

LXX XIII.

Seul, & pensif par la deserte plaine

Resuant au bien, qui me faict doloireux,

Les longs baisers des collombs amoureux

Par leur plaisir firent croistre ma peine.

Heureux oyseaux, que vostre vie est pleine

De grand' douceur t'ô baisers sauoureux!

O moy deux fois, & trois fois malheureux,

Qui n'ay plaisir que d'esperance vaine!

Voyant encor' sur les bords de mon fleuue

Du sep lascif les longs embrassemens,

De mes vieux maux ie fi nouvelle epreuue.

L'OLIVE

Suis-ie donq' veuf de mes sacrez rameaux?
O vigne heureuse! heureux enlacemens!
O bord heureux! ô bien heureux ormeaux!

LXXXV.

Parmy les fleurs ce faulx amour tendit
Vne ré d'or legerement coulante,
Soubz les rameaux d'vne diuine plante,
Ou de pié coy ce cruel m'attendit.
Bien me sembla, que quelque voix me dit,
Haste les pas de ta course trop lente:
Quand vne main doucement violente
Serrant la corde à terre m'estendit.
Lors ie fu' pris: & ne me prenoy' garde,
Qu'en mille næuds lié ie me regarde
En la prison d'vne beauté celeste.
La est ma foy, geolier nuit, & iour.
O douce chartre! ô bien heureux seiour!
Qui m'a rendu la liberté moleste.

LXXXVI.

Pres d'un boccage, au milieu d'un beau pré,
Ou d'un ruisseau la frescheur toujours dure
Ie te feray un autel de verdure
De mille fleurs tout au tour diapré,
La ie pendray en un tableau sacré
A ton saint nom, vne riche peinture,
Ou ie feray de vers vne ceinture,
De mille vers, silz te viennent à gré.
Souffire donq' de ta plus douce haleine,

Me decourant sur ce col de porphire
 Ces laqs dorez coupables de ma peine.
 Ainsi des vens te soit donné l'Empire,
 Ainsi ta Flore, ô bien heureux Zephire!
 Te soit tousiours, & tousiours plus humaine.

LXXVII.

Vent doux soufflant, vent des vens souuerain,
 Qui voletant d'ailes bien empanees
 Fais respirer de soueues halenees
 Ta douce Flore au visage serain.
 Pren de mes mains ce vase, qui est plein
 De mille fleurs avec l'Aurore nees,
 Et mil' encor' à toy seul destinees,
 Pour t'en couvrir & le front & le seing.
 En ce pendant, au thresor de ces riuies
 Ie pilleray ces emerandes viues,
 Ces beaux rubis, ces perles, & saphirs,
 Pour mettre en l'or des tresses vagabondes,
 Qui ca, & la folastrent en leurs ondes,
 Grosses du vent de tes plus doux souffirs.

LXXVIII.

Si longue foy peult meriter mercy,
 I'auray le gaing de ma perte passée,
 Si mon destin toute ardeur n'a chassée
 Du beau soleil, dont ie suis eclercy,
 Amour, qui fut longuement endurcy,
 Ores piteux à mon ame offensée,
 A mis les yeux au creux de ma pensée

L'OLIVE

Cler à luy seul, à tout autre obscurcy.
 La forest prent sa verde robe neufue,
 La terre aussi, qui naguere estoit veufue,
 Promet de fruietz vne accroissance pleine.
 Or cesse donq' l'hiver de mes douleurs
 Et voz plaisirs naissez avec' les fleurs
 Au beau soleil, qui mon printemps rameine.

LXXXIX.

Zephire soufle, & sa Dame ramene
 Les belles fleurs, dont la terre est couuerte.
 La forest neufue oit sur sa teste verte
 Progné gemir, & plaindre Philomene.
 Le ciel trompeur, qui le front rassereine,
 De ces thresors nous tient la porte ouuerte,
 Et pour tirer vn gaing de nostre perte,
 De nouveaux fruietz la nature a fait pleine
 Tous animaux, qui cheminent, & nouent,
 Qui vont glissant, & qui par l'air se iouent,
 Sentent le feu, & ie suis le feu mesme.
 Vous seulement osez faire la guerre
 Contre celuy, dont la puissance extreme
 Domte le ciel, l'air, la mer, & la terre.

XC.

Toy, qui fis voir la lumiere incongnue,
 Au chaste filz du ialoux inhumain,
 Quand tu pillas d'vne trop docte main
 La proye en vain de Pluton retenue.
 L'horrible Dieu, qui tonne sur la nue,

Meu iustement pour son frere germain
 Darda les traictz vangeurs du sort humain,
 Te foudroyant, de sa flamme congne.
 Las mon chetif! qui l'obliuieux bord
 Malgré l'enfer, Acheron, & son port,
 Ay depouillé de sa plus riche proye:
 Celle, que i'ay faict compagne des Dieux,
 Me bat, me poingt, me brusle, me foudroye
 Par les doux traictz, qui sortent de ses yeux,

XCI.

Rendez à l'or ceste couleur, qui dore
 Les blöds cheueux, rëdez mil' autres choses
 A l'Orient tant de perles encloses,
 Et au soleil ces beaux yeux, que i'adore,
 Rendez ces mains au blanc yuoire encore,
 Ce seing au marbre, & ces leures aux roses,
 Ces doux souspirs aux fleurettes decloses,
 Et ce beau teint a vermeille Aurore.
 Rendez aussi à l'amour tous ses traictz,
 Et à Venus ses graces, & attraiçts:
 Rendez aux cieux leur celeste harmonie.
 Rendez encor' ce doux nom à son arbre,
 Ou aux rochers rendez ce cœur de marbre,
 Et aux lions cest' humble felonnie.

XCII.

Ce bref espoir, qui ma tristesse alonge,
 Traitre, à moy seul, & fidele à Madame,
 Bien mile fois a promis à mon ame

L'OLIVE

L'heureuse fin du soucy qui la ronge.
 Mais quand ie voy' sa promesse estre vn songe
 Ie le maudy', ie le hay', ie le blame:
 Puis tout soudain ie l'inuoque & reclame,
 Me repaiissant de sa douce mensonge.
 Plus d'une fois de moy ie l'ay chassé:
 Mais ce cruel qui n'est iamais lassé
 De mon malheur, à voz yeux se va rendre.
 La faiçt sa plainte: & vous qui iours & nuitz
 Auecques luy riez de mes ennuis,
 D'un seul regard le me faiçtes reprendre.

XCIII.

Ores ie chante, & ores ie lamente,
 Si l'un me plaist, l'autre me plaist aussi,
 Qui ne m'arreste à l'effect du soucy,
 Mais à l'obiet de ce, qui me tourmente.
 Soit bien, ou mal, des espoir, ou attente,
 Soit que ie brusle, ou que ie soy' transi,
 Ce m'est plaisir de demeurer ainsi:
 Egalemeut de tout ie me contente,
 Madame donc, amour, ma destinee
 Ne changent point de rigueur obstinee,
 Ou hault ou bas la fortune me pousse.
 Soit que ie viue, ou bien soit que ie meure
 Le plus heureux des hommes ie demeure,
 Tant mon amer a la racine douce.

XCIIII.

Qu'ad voz beaux yeux amour en terre incline,
 Et

- Et voz esprits en vn sousspir assemble
 Avec ses mains, & puis les desassemble
 D'une voix clere, angelique & diuine.
 Alors de moy vne douce rapine
 Se faict en moy: ie me pers, il me semble
 Que le penser, & le vouloir on m'emble
 Avec le cœur, du fond de la poitrine.
 Mais ce doux bruit, dont les diuins accens
 Ont occupé la porte de mes sens,
 Retient le cours de mon ame rauie.
 Voila comment sur le mestier humain
 Non les trois sœurs, mais amour de sa main
 Tist, & retist la toile de ma vie.

XCV.

Dieu qui recois en ton giron humide
 Les deux ruisseaux de mes yeux larmoyās,
 Qui en tes eaux sans cesse tournoyans
 Enflent le cours de ta course liquide.
 Quand fut-ce, ô Dieu! qu'en la carriere vuide
 De ton beau ciel, ces cheueux ondoyans,
 Comme tes flotz au vent sebanoyans
 Deca dela vogoyent à pleine bride?
 Ce fut alors, que cent nymphes captiues
 Entre tes bras, sortirent sur leurs riuēs,
 Laisant le creux de ta blonde maison.
 Ce fut alors, que les Dieux & l'annee
 Firent sur toy, ma terre fortunee,
 Renaistre l'or de l'antique saison.

L'OLIVE

XCVI.

Ny par les bois les Driades courantes,
 Ny par les champs les fiers Scadrons armez,
 Ny par les flotz les grans vaisseaux ramez,
 Ny sur les fleurs les abeilles errantes,
 Ny des forestz les tresses verdoyantes,
 Ny des oyseaux les corps bien emplumez,
 Ny de la nuit les flambeaux allumez,
 Ny des rochers les traces ondoyantes,
 Ny les piliers des saintz temples dorez,
 Ny les palais de marbre elabourez,
 Ny l'or encor, ny la perle tant clere,
 Ny tout le beau, que possèdent les cieux,
 Ny le plaisir pourroit plaire à mes yeux,
 Ne voyant point le soleil qui m'eclere.

XCVII.

Qui a peu voir la matinale rose
 D'une liqueur celeste emmiellee,
 Quand sa rougeur de blanc entremeslee
 Sur le naif de sa branche repose:
 Il aura veu incliner toute chose
 A sa faueur le pié ne l'a foulee,
 La main encor ne l'a point violee,
 Et le troupeau aprocher d'elle n'ose.
 Mais si elle est de sa tige arrachee,
 De son beau teint la frescheur dessechee
 Pert la faueur, des hommes, & des Dieux,
 Helas ! on veult la mienne deuorer:
 Et ie ne puis, que de loing l'adorer

Par humbles vers (sans fruit) ingenieux.

XCVIII.

S'il a dict vray, seiche pour moy l'vmbfrage

De l'arbre saint, ornement de mes vers.

Mon nom sans bruit erre par l'vniuers,

Pluue sur moy du ciel toute la rage.

S'il a dict vray de mes souspirs l'orage,

De cruauté les durs rochers couuers,

De desespoir les abismes ouuers,

Et tout peril conspire en mon naufrage.

S'il a menty, la blanche main d'ivoire

Ceigne mon front des fueilles que i'honore:

Les Astres soyent les bornes de ma gloire.

Le ciel bening me decouure sa trace:

Voz deux beaux yeux, deux flambeaux que l'aurore

Guident ma nef au port de vostre grace.

XCIX.

O faulse vieille ! ô fille de l'enuie,

Et de l'amour ! fille qui à ton pere

As enfanté dommage, & vitupere,

En corrompant le miel de nostre vie.

O gebinne ! ô fleau de nostre fantasie,

Qui iusqu'en l'ame as ton cruel reperer !

O le seul mal du bien, que lon espere !

Faulse auenglee, inique ialousie

Vent pestilent, air infect qui apportes

La mort au cœur par plus de mille portes,

Sale harpie, oyseau de triste angure.

L'OLIVE

Tu es le mal, qui ne craint, ô superbe!
Emplastre, vnguēt, iust de racine ou d'herbe,
Vers enchanté, ou magique figure.

C.

Vieille, qui prens de crainte nourriture
De faulx rapport & de legere foy,
Pourquoy fais-tu soudain que ie te voy,
Geler mon feu d'une triste froidure?
Si tu es donq' à mes plaisirs si dure
Pourquoy viens-tu loger avecques moy?
Va te noyer en ce fleuve d'emoy,
Fleuve infernal, ou le froid tousiours dure.
Au fond d'enfer va pleurer tes ennuis
Parmy l'obscur des eternelles nuits:
Pourquoy te plaist d'amour le beau seiour?
Si la clerté les vmbres epouante,
Ose tu bien ô charongne puante!
Empoisonner le serain de mon iour!

CI.

O que l'enfer estroitement enferre
Cest ennemy du doux repos humain,
De qui premier la sacrilege main
Arracha l'or du ventre de la terre!
Cestuy vrayment mena premier la guerre
Contre le ciel, ce fier, cest inhumain
Tua son pere, & son frere Germain,
Et fut puny iustement du tonnerre.
O peste! ô monstre! ô Dieu des malefices!

Par toy premier la cohorte des vices
 Sortit du creux de la nuit plus profonde.
 Par toy encor' sen reuola d'icy
 L'antique foy, & la iustice aussi
 Avec l'amour l'autre soleil du monde.

CII.

Des chiens veillans le long cry doloieux,
 Le soing du guet, & la ferree porte
 La tour d'airin pouuoÿt rendre assez forte,
 Contre l'assault du nocturne amoureux.
 Trop en estoit le sort auantureux
 Mesm' à celuy, qui la vengeance porte,
 S'il ne se fust de sa diuine sorte
 Changé en or, ce metal malheureux.
 C'est ce fier la, qui egale aux campagnes
 Les durs sommetz des plus haultes môtagnes
 Plus foudroyât, que n'est le traict des cieux.
 Le fer, le feu, les grand's citez fermees,
 Les haults rampars, & les bandes armees
 Donnent passage à l'or audacieux.

CIII.

Mais quel hiuer seiche la verde souche
 Des saintz rameaux, vmbraige de ma vie?
 Quel marbre encor', marbre pasle d'enuie
 Blesmist le teint de la vermeille bouche?
 Mais quelle main, quelle pillarde mouche
 Rauist ses fleurs? c'est toy fieure hardie,
 Qui fais languir par vne maladie

Moy en mon ame, & madame en sa couche,
 O toy, que mere, & maratre appelle
 As-tu donc faiçt vne chose si belle,
 Pour la deffaire? ô Dieu qui n'as poit d'yeux!
 Si contre moy la nature conspire,
 Voire le ciel, la fortune & les Dieux,
 Deffen au moins l'honneur de ton empire.

CIIII.

O Citheree ! ô gloire paphienne!
 Mere d'amour, vien' piteuse à la belle,
 Qui le secours de tes graces appelle,
 Saincte, pudique, & chaste Ciprienne.
 Soutien aussi, vierge Tritonienne,
 De ton vieux tige vne branche nouvelle:
 Toy, qui sortis de la saincte ceruelle,
 Sage Pallas, Minerue Athenienne.
 Oyez encor' vous les deux yeux du monde,
 L'honneur iumeau de l'isle vagabonde,
 Le iuste dueil de ce cœur gemissant.
 Ainsi la nuit tes baisers favorise,
 Chaste Diane: ainsi Parnaze prise
 Docte Phebus, ton laurier verdissant.

CV.

Esprit diuin, que la troupe honnoree
 Du double mont admire, en t'ecoutant
 Cygne nouveau, qui voles en chantant
 Du chault riuage au froid hiperboree.
 Si de ton bruit ma Lire enamouree

Ta gloire encor' ne va point racontant
 L'aime, j'admire, & adore pourtant
 Le hault voler de ta plume doree.
 L'Arne superbe adore sur sa riue
 Du saint laurier la branche tousiours viue,
 Et ta delie enfle la Saone lente.
 Mon Loire aussi, demy Dieu par mes vers,
 Brusle d'amour estent les bras ouuers
 Au tige heureux, qu'à ses riues ie plante.

CVI.

O noble esprits de graces allié,
 Que ta vertu, la muse, & la nature
 Ont par destin, & non par auanture,
 Avec le mien estroitement lié!
 O de mon cœur la seconde moitié!
 Si de ton feu quelque scintille dure,
 Soulage vn peu le torment que i'endure.
 Me consolant d'excuse, ou de pitié.
 Inspire moy les tant douces fureurs,
 Dont tu chantas celle fiere beauté,
 Qui t'auengla à semblables erreurs.
 Ainsi d'amour le feu puisse descendre
 Pour amolir cest' humble cruauté,
 En l'estommac de ta froide Cassandre.

CVII.

Sus, sus mon ame, ouure l'œil, & contemple
 L'arc triomphal de l'amour supernel,
 Qui pour lauer ton peché paternel

L'OLIVE

Porta le faix de ta perte si ample.
La, de pitié est le parfait exemple:
Sus donc mes vers, d'un vol sempiternel
Portez mes vœux en son temple eternal,
Le cœur fidele est de Dieu le saint temple.
S'il a serui pour rendre l'homme franc,
S'il a purgé mes pechez de son sang,
Et s'il est mort pour ma vie assurer,
S'il a goûté l'amer de mes douleurs,
Prodigues yeux, ne devez-vous pleurer
D'auoir sans fruit dependu tant de pleurs?

CVIII.

O seigneur Dieu, qui pour l'humaine race
As esté seul de ton pere enuoyé?
Guide les pas de ce cœur deuoyé,
L'acheminant au sentier de ta grace.
Tu as premier du ciel ouuert la trace,
Par toy la mort à son dard etuyé,
Console donq' cest esprit ennuyé,
Que la douleur de mes pechez embrasse.
Vien, & le braz de ton secours apporte
A ma raison, qui n'est pas assez forte,
Vien eueiller ce mien esprit dormant,
D'un nouveau feu brusle moy iusq' à l'ame,
Tant que l'ardeur de ta celeste flamme
Face oublier de l'autre le torment.

CIX.

Pere du ciel si mil' & mille fois

Au

Au gré du corps, qui mon desir conuie,
 Or que ie suis au printemps de ma vie,
 J'ay asserui & la plume, & la voix,
 Toy, qui du cœur les abyssmes congnois,
 Ains que l'huiuer ait ma force rauie,
 Fay moy brusler d'une celeste enuie
 Pour mieux goûster la douceur de tes loix
 Las! si tu fais comparoistre ma faute
 Au iugement de ta maiesté haute,
 Ou mes forfaitz me viendront accuser,
 Qui me pourra deffendre de ton ire?
 Mon grand peché me veut condamner, Siré,
 Mais ta bonté me peut bien excuser.

CX.

Dieu, qui changeant avec' obscure mort
 Ta bienheureuse, & immortelle vie,
 Fus aux pecheurs prodigue de ta vie,
 Pour les tirer de l'eternelle mort.
 Celle pitié coupable de ta mort
 Guide le pas de ma facheuse vie,
 Tant, que par toy à plus ioyeuse vie,
 Je soy' conduit du trauail de la mort.
 N'auise point, ô Seigneur que ma vie
 Se soit noyee aux ondes de la mort,
 Qui me distraict d'une si douce vie,
 Oste la palme à cest' iniuste mort,
 Qui ia sen va superbe de ma vie,
 Et morte soit tousiours pour moy la mort.

L'OLIVE

CXI.

*Voicy le iour, que l'eternel amant
Fist par sa mort viure sa bien aymee
Quitelle mort au cœur n'a imprimée,
O Seigneur Dieu ! est plus que d'yamant.
Mais qui pourra sentir ce doux tourment,
Si l'ame n'est par l'amour enflammee?
Soufle luy donc, pour la rendre allumee,
L'esprit diuin de ton feu vehement.
Pleurez mes yeux, de sa mort la memoire,
Chantez mes vers, l'honneur de sa victoire,
Et toy mō cœur, fay luy son deu hommage.
O que mon Roy est inuincible, & fort !
O qu'il a faict grand gaing de son dōmage !
Qui en mourant triomphe de la mort.*

CXII.

*Dedans le clos des occultes Idees
Au grand troupeau des ames immortelles
Le preuoyant à choisi les plus belles
Pour estre à luy par luymesme guidees.
Lors peu à peu deuers le ciel guindees
Dessus l'engin de leurs diuines aeles
Volent au seing des beautez eternelles,
Ou elle' sont de tout vice emondees.
Le iuste seul ses eleuz iustifie,
Les reanime en leur premiere vie,
Et à son filz les faict quasi egaux.
Si donq' le ciel est leur propre heritage,
Qui les pourra frauder de leur partage*

Au point, qui est l'extreme de tous maux?

CXIII.

*Si nostre vie est moins qu'une iournee
 En l'eternel, si l'an qui faict le tour,
 Chasse noz iours sans espoir de retour,
 Si perissable est toute chose nee,
 Que songes-tu mon ame emprisonnee?
 Pourquoi te plaist l'obscur de nostre iour,
 Si pour voler en vn plus cler seiour,
 Tu as au dos l'aele empanee?
 La, est le bien que tout esprit desire,
 La, le repos ou tout le monde aspire,
 La, est l'amour, la le plaisir encore.
 La, ô mon ame au plus hault ciel guidee!
 Tu y pourras recongnoistre l'Idée
 De la beauté, qu'en ce monde i'adore.*

CXIIII.

*Arriere, arriere ô mechant Populaire!
 O que ie hay ce faux peuple ignorant!
 Doctes esprits, fauorisez les vers
 Que veut chanter l'hüble prestre des Muses.
 Te plaise donc ma Roynie, ma Deesse,
 De ton saint nom les immortalizer,
 Auec' celuy qui au temple d'amour
 Baise les piedz de ta diuine image.
 O toy, qui tiens le vol de mon esprit,
 Aueugle oiseau, desfile vn peu tes yeux,
 Pour mieux tracer l'obscur chemin des nues*

L'OLIVE AUGMENTEE.

Et vous mes vers deliures & legers,
Pour mieux atteindre aux celestes beautez,
Courez par l'air d'une aele inusitee.

CXV.

De quel soleil, de quel diuin flambeau
Vint ton ardeur? lequel des plus haulx dieux
Pour te combler du parfaict de son mieux
Au Vendomois te fist l'astre nouveau?
Quel cygne encor' des cygnes le plus beau
Te preta l'aele? & quel vêt insqu'aux cieux
Te balanca le vol audacieux
Sans que la mer te fust large tombeau?
De quel rocher vint l'eternelle source,
De quel torrent vint la superbe course,
De quelle fleur vint le miel de tes vers?
Monstre le moy, qui te prise, & honnore:
Pour mieux haulser la Plante que i'adore,
Insq' à l'egal des lauriers tousiours verds.

COELO MVSA BEAT.



LA
Musagnoemachie



*VOUS l'œil palle de la nuit
L'ay faict ma course premiere
Frizant la mer, qui reluit
Sous la tremblante lumiere.*

*Ores l'epesse fumiere
De l'Ocean monte aux cieux
Je voy l'Astre pluuioux,
Et la monstrueuse crouppe
De la grand' marine troupppe
Sus mateloz en auant:
A la proue, & à la pouppe,
Armez vous contre le vent.
Scille en son ventre aboyant
En gouffre le cousté destre
Et Caribde tournoyant
Occupe le flanc fenestre.
Vous, que Iupiter fist naistre,*

MVS AGNOEMACHIE

Flambeaux amis de la nef,
Decouurez moy vostre chef.
Dessus les plus hautes cimes
Ie voy sortir des abismes
Vne Orque, pour m'abismer
En son ventre plein de crimes,
Qui couure toute la mer

Homere premier sonna

Et les ras, & les grenouilles,
Puis horrible il entonna
Les phrygiennes depouilles.
Dieu, qui en mon Loire mouilles
L'or de tes crespes cheueux,
Recoy doucement les vœux
De ceste auantragedie:
A fin qu'apres ie dedie
Et aux Muses, & à toy
D'une trompette hardie
Les victoires de mon Roy.

Au milieu d'un val vmbreux,
Soubs vne voûte ancienne
Gist un Antre tenebreux,
Ou la nuit Cymmerienne
Garde que Phebus ne vienne
Le percer iusqu'au dedens
Des traietz de ses yeux ardens.
Lethe de la prent sa source,
Qui d'une endormante course
Sort du cœur d'un rocher vieux,
Feutrant d'une humide mouffe

Les pauoz obliuieux.

*Le chant du coq reueillant,
Du chien la soingneuse cure
N'habite à lieu sommeillant,
Que le long silence emmure:
L'oye à l'eclatant murmure
N'est en ce clos obscurcy.
La le sommeil endurcy
Tient l'ignorance embrassee:
Que la terre courouffee
D'vn estommac verd de fiel
Auec' Encelade, & Cee
Vomit encontre le ciel.*

*Comme vn lion s'elancant,
Elle a deux leures tortues.
Comme vn asne balancant
Deux grand's oreilles pointues.
Ses pates de poil vestues,
Qui trainent ses membres lourds,
Imitent le pas d'vn ours.
Vne chair de sang mouillee
Enfle sa pense touillee.
Puis veautrant son pesant corps,
Comme vne taupe aueuglee,
Souleue le museau tors.
Maint sceptre victorieux,
Et mainte couronne saincte,
Maint chapeau laborieux,
Et mainte vesture ceincte
Toute diuersement peincte*

Ornoit le monstre hideux,
 Alors que tout depiteux
 Monstroit à la terre plaine
 De son arrogancce vaine,
 Avoir la clef en ses mains
 Du loyer, & de la peine
 Des miserables humains.
 Vous qui les fables contez,
 Ne descriuez plus Antee,
 Ny les fiers cheuaux dontez,
 Ny l'ame en trois corps entee,
 Ny le porc Erimantee,
 Ny le lion Nemean,
 Ny le serpent Lernean,
 Ny la puante Chimere,
 Ny Meduse, ny Cerbere,
 Qui furent moins contrefaictz
 Que ce Monstre, qui est pere
 Des plus horribles forfaictz.
 La Fraude, & le faux conseil,
 Et la Discorde suyvie
 D'ambition, & d'Orgueil,
 Boureaux de l'humaine vie,
 La calumnieuse Enuie,
 La Cruauté, qui consent
 Au sang du peuple innocent,
 La blandissante Malice,
 La miserable auarice,
 Les peu durables plaisirs,
 Et l'Oisueté, nourrice

Des

Des impudiques desirs,
 Les longs tragiques regrez
 La mort en l'ame imprimée,
 Et des mots iadis secrez
 La bande mal enfermée,
 C'est la furieuse armée,
 Qui saccageant l'vniuers
 Par tant d'alarmes diuers,
 Par fer, par flamme, par mine
 Nostre bon heur exterminé,
 Sous le Monstre dereglé
 Par la vengeance diuine
 A son malheur auéglé.
 Francois premier le chassa
 Par la campagne de France,
 Et l'estomac luy passa
 D'une inéuitable lance.
 Voicy Henry, qui s'auance,
 Qui d'un fer etincelant
 Le chef luy va martelant.
 Caterine, & Marguerite
 Chacune d'elles irrite
 La beste au dos, & au flanc,
 Qui d'une haleine depite
 Vomist un fleuve de sang.
 Je voy le royal enfant,
 Que tant de grace enuironne,
 Qui d'un Laurier triomphant
 Desia desia se couronne.
 Voicy, comme il eperonne

Ta iuuenile vertu
 Dessus le Monstre abatu.
 Voicy l'honneur de l'eglise,
 Voicy Chastillon, & Guysé,
 Et qui toucha de sa main,
 Ala couronne promise
 Du saint college Romain.
 Voicy l'arbre plantureux,
 La iuste equité congneue
 De l'Oliuier bien heureux.
 Voicy la vertu chenuue
 Du seing de Pallas venue,
 Mascon, dont la docte voix
 Sucre l'oreille des Roys.
 Voicy Monluc, qui arriue,
 Laisant l'Ecossoise riue,
 Pitho, qui le composa
 D'une humeur persuasue
 Sa docte langue arrousa.
 Le sage docte Chiron
 D'une mammelle fertile
 Alaicte dans son giron
 Le ieune Francois Achille.
 C'est Danaïse, qui distile
 Vne celeste liqueur
 Abbreuant le ieune cœur,
 Qui d'une genereuse ire
 Desia (ce semble) desire
 Manier sous vn Phenix
 Les armes, & de la Lire

Des impudiques desirs
 Les longs et regnes regner
 La mort et la vie impudique
 Et des mortels l'indigne
 La grande mal entendue
 C'est la fautive amorce
 Qui sacageant l'ennemy
 Parant d'armes diuers
 Par son peu de science par science
 Notre bon heur exortant
 Sous le Monstre de regle
 Par la vengeance divine
 A son malheur auant
 Encores premier le chassa
 Par la campagne de France
 Et l'estoiant luy passa
 D'une incantable lance
 Voicy Henry, qui s'auance
 Qui d'un fer etincelant
 Le chef luy va martelant
 Catherine, & Marguerite
 Chacune d'elles iuste
 La beste au dor, & au franc
 Qui d'une balaine de pie
 Voisist de fleurs de sang
 Le roy le roy de France
 Que tant de grace en uerue
 Qui d'un l'auoir ruynephorant
 D'esta de la se couronne
 Voicy, comme il eue done

Les sons en douceur finis.
 Je voy le palais Royal,
 Des parlemens l'excellence,
 Ou d'un contrepoix loyal
 Les saintes loix en balence.
 La superbe violence
 Du monstre ennemy de Dieu
 N'habite point en ce lieu.
 La le pourtraict on contemple
 Du vieil Senat, & l'exemple
 Du iugement, qui estoit
 Ou iadis dedans son temple
 La sage vierge habitoit.
 Comme du present des Grecs
 Sur la sommeillante Troye
 Tomboyent les soudars secres
 Ardens à la riche proye:
 La faueur des dieux ottroye,
 Que la royale cité
 Enfante vn peuple incité
 Des neuf pucelles ensemble
 C'est toy, Paris, ou s'assemble
 La fleur des Grecs, & Latins
 Sur l'ignorance qui tremble
 Parmy ses riches butins.
 Les Scadrons auantureux
 Des abeilles fremissantes
 Forment leur miel sauoureux
 Des fleurs sans ordre naissantes
 Par les plaines verdissantes,

Tel est le vol de mes vers,
 Qui portent ces noms diuers,
 Discourant parmy le monde
 D'une trace vagabonde.
 Mais rien choisir ie ne puis
 Au grand thresor, qui m'abonde,
 Tant riche pauvre ie suis
 Le grand visage des cieux
 Quand le char de la nuit erre,
 Ne rit avecques tant d'yeux
 A la face de la terre.
 Et l'Inde riche n'enferme
 Tant de perles, & thresors,
 Que la France dans son corps,
 Cache d'enfans poetiques:
 Qui en sonnetz, & cantiques,
 Qui en tragiques sangloz
 Font reuiure les antiques
 Au seing de la mort enclos.
 Carle', Heroet, Sainct Gelais
 Les trois fauoris des Graces,
 L'vtil doux Rabelais,
 Et toy Bouiu, qui embrasses
 Suyuant les royales traces
 L'heur, la faueur, & le nom
 De Pallas & de Iunon.
 Sceue, dont la gloire noue
 En la Saone, qui te loue
 Docte aux doctes eclerci,
 Salel, que la France auoue

L'autre gloire de Querci.

Peletier laborieux

En tes poetiques œuures,

Et Martin industrieux

Qui fidelement deceuures

L'art des antiques manœuures,

Ne laissez, diuins esprits,

Vostre labeur entrepris.

Voicy Maclou, qui accorde

Le fer, le feu, la discorde

D'vn pouce non endormy,

Foudroyant dessus sa corde

L'Anglois, iadis ennemy.

Venez l'honneur Loudunois,

Et ceux, que mon Loire prise,

Lyon, & le Masconnois,

Et Tholose bien apprise.

Paris chef de l'entreprise

Faiçt son enseigne vndoyer

Pour l'ennemy foudroyer.

Sus doncq, diuine cohorte,

Qu'on ouure la double porte

Du mont, qui se fend en deux,

A fin, que la guerre sorte

Dessus le monstre hideux.

Je voy luire trois flambeaux,

De Phebus heureux augure,

Qui tremblent ardens, & beaux

Au front de la nuit obscure.

A voir leur belle figure,

Ie preuoy le grand Baif
 En ces trois encores vif
 Sous nostre Dorat, qui dore
 Ses vers, que Parnase adore,
 Dont l'art bien elabouré
 De l'or de Saturne encore
 A ce siecle redoré.

Qui est celuy, qui du chef
 Heurte le front des estoiles?
 Qui les aeles de sa nef
 Empenne de riches toiles?
 Le vent marry, de ses voiles
 Parmy les floz estrangers
 Iusqu'au ventre des dangers
 Le hausse le baisse, & brouille,
 A voir sa riche depouille,
 C'est le Pindare Francois,
 Qui de Thebe & de la Pouille
 Enrichist le Vandomois.

Il est temps de deplacer.
 Sus ma Muse, la derniere,
 Ores il faut delacer
 Vostre course prisonniere.
 Allez ma douce guerriere,
 Et legerement coulant
 Sur le chariot roulant
 Gagnez quelque peu d'espace.
 Ores n'est temps, que l'on face
 Vn trotier, & menu train,
 Ou que des cheu aux l'audace

(Faint mirrored text bleed-through from the reverse side of the page)

Demeure serue du frein.
 Le docte luc tant vanté,
 Qui la mort de l'ignorance
 Parmy Loudun a chanté,
 Voire par toute la France,
 Me veut donner assurance
 De lacher par l'vniuers
 Les traiz de mes petis vers.
 Qui de ceste Lire mienne
 D'une corde horacienne
 Encourageant les doux sons,
 A bien daigné sur la sienne
 Refredonner mes chansons.
 Vous, de qui le front scauant
 Des saincts rameaux se faiet digne
 Venez tonner bien auant
 Dedans la torte buccine
 La voix de l'horrible signe,
 Et vous les scadrons vaillans
 Pour les Muses bataillans,
 Hurtez le depiteux monstre,
 Qui frissonne à la rencontre
 De vostre superbe effort,
 Et en son visage montre
 Le pale teint de la mort.
 Du metal il s'arme encor',
 Dont on sonne les alarmes.
 D'un acier engraué d'or
 Vulcan fist voz belles armes.
 Mais (ô la fleur des gendarmes)

Vous ne le changez pas
 Comme au milieu des combats
 Hif au plus vers l'inde
 Le mal est à l'indien
 C'est pour la raison du point
 L'indien est du Dandin
 Les vers en l'air sont
 L'indien nous a donné
 La terre pour partage
 Et le ciel ordonné
 Aux immortels en partage
 Le tout leur est tout age
 Il compasse tout l'estair
 Ses ingens sont parfaits
 Sa foudre est de la peine
 De l'ignorance indienne
 Porte la mort en enfer.
 Les Dieux ont les piez de laine
 Mais ils ont les bras de fer.
 Le voy tomber d'un hault vol
 La guerriere Athetienne
 Portant perdue son col
 La rage Gorgonienne.
 C'est la grande Tritonienne
 Qui va la bache eleuante
 Sur son charre menestant
 Oublye une femme obscure
 Ses Muses, ma douce cure
 Venez le Moutre affoler.
 De ceste du bon angure

Vous ne le changerez pas,
 Comme au milieu des combas
 Fist au plus ruzé Titide
 Le mal cant Antenoride.
 Cent fois la valeur d'un bœuf
 L'armoit, & du Danaïde
 Les armes en valoyent neuf.
 Iupiter nous a donné
 La terre, pour heritage:
 Et a le ciel ordonné
 Aux immortalz en partage.
 La, de tout sexe, & tout age
 Il compasse tous les faictz.
 Ses iugemens sont parfaictz.
 Sa foudre lente à la peine
 De l'ignorance inhumaine
 Porte la mort, & l'enfer.
 Les Dieux ont les piez de laine,
 Mais ilz ont les braz de fer.
 Je voy tomber d'un hault vol
 La guerriere Athenienne
 Portant pendue à son col
 La targe Gorgonienne.
 C'est la grande Tritonienne,
 Qui va sa hache elencant.
 Sur son tymbre menassant
 Ondoye vne flamme obscure.
 Sus Musés, ma douce cure,
 Venez le Monstre affoler.
 Du costé du bon augure

Deuente serue du seigneur
 Le docteur sans vanité
 Qui le monde de l'ignorance
 Parmy l'audace achuue
 Ne se par tous la France
 Me veut donner d'assurances
 De lacher par l'annivers
 Les traits de mes poez vers
 Qui de ceste terre m'ennuie
 D'une corde horacienne
 Encomragant les deux jours
 A bien daigné par la science
 R'este donner mes chansons
 Nous de qui le front se couronne
 Des saintes rames se fait digne
 Ne sez tomber bien auant
 De dans la terre pacifique
 La voie de l'horrible foudre
 Et vous les cadrons vultans
 Pour les Muses bataillans
 Hurez le debiteux monstre
 Qui s'efforce à la reconnoitre
 De vostre superbe effort
 Et en son visage montre
 Le pale teint de la mort
 Du costé il s'arme encor
 Dont on s'arme les abances
 D'un acier enguë d'or
 Nulcan fist vos belles armes
 Mais (ô la fleur des gardarmes)

I'ay

J'ay veu deux Cignes voler.
 Qui est celuy, qui l'air fend
 Aubalancer des aisselles?
 Porté sur le dos du vent,
 Qu'il eperonne des aeles
 De ses deux plantes isnelles?
 A voir son chapeau doré,
 Et le pourpre coloré
 De sa cappe d'or semee,
 A voir sa verge charmee,
 C'est l'oiseau Cyllenien,
 Auancoureur de l'armee
 Du saint cœur aonien.
 Le dieu qui les longs trauaux
 Au vieil seing de Thetis baigne,
 Faict galloper ses cheuaux
 Par la celeste campagne.
 Dessous la bride compagne
 Ilz sont sortis de la mer
 Epoinconnez d'abismer
 La fiere peste vilaine.
 Leur feu vomissante halaine
 Resoufle vn brazier d'horreur
 Dedans ma poitrine pleine
 D'vne indomptable fureur.
 Io Pæan, desferrez
 Mile traitz d'vne secouffe,
 Et ce Pithon enferrez
 Dedans sa poitrine rouffe.
 J'en ay cent dedans ma trouffe

Des moins rebouchez de tous:
 Pour l'enfoncer de leurs coups
 Au chef, au ventre, à l'aisselle.
 Vne tragique pucelle
 Pour eux vn arc me tendit
 De l'homicide fischelle,
 Dont Lycambe se pendit.
 Allez filles de la nuit,
 De longs serpens cheuelues,
 Suiuez le monstre, qui fuit
 Sur ses grand's pates velues.
 De cent couleures elues
 Dessus vostre horrible front
 Glacez-luy le col en ront:
 Et pleuant en son courage
 De crainte, d'horreur, de rage
 Vne bouillante liqueur,
 De vostre plus grand orage
 Tempestez luy dans le cœur.
 Le sepulcre des Geans,
 Et vous, traiz de la tempeste,
 De l'horrible main cheans,
 Elancez vous sur la teste
 De la sacrilege beste.
 Ioy les gros souspirs ardens.
 Encelade est la dedans,
 Qui anime sa gorge
 La Ciclopienne forge.
 Ie voy cent braz poudroyez,
 Ie voy le feu, qui regorge

Le dieu qui les longz trauaux
 Au viciil seing de Thetis baignt
 Fais galloper les cheuaux
 Par la ceste campagne.
 Dessus la bride compagne
 Il font fortir de la mer
 Epoinconner d'admirer
 La fiere peste vilaine.
 Leur fer vomissant balaine
 Resiste au bracier d'horreur
 Dedans ma poitrine pleine
 D'une indomptable fureur.
 Lo Pan, d'essorer
 Mile traitz d'une secousse,
 Et ce Pithon est feruer
 Dedans la poitrine rouille.
 I en ay cent dedans ma trouille

Des estommacz foudroyez,
 Le monstre aux piez de serpent,
 Qui d'une equailleuse trace
 Le long des cuisses luy pent,
 Et le ventre luy embrasse.
 Bien trois cens de ceste race
 Les montagnes assemblans
 Les astres de peur tremblans
 D'enhault voulurent decoudre:
 Et pour le ciel mettre en poudre
 D'un espouventable cœur
 Faire au prince de la foudre
 Sentir les loix du vainqueur.
 Par la grand' lice des cieux
 La troupe aux aeles humides
 Des freres sedicieux
 Contrecourt à longues brides.
 Or par les carrieres vides
 Porte l'hiuer, & la nuit,
 D'un cours, qui en vain se suit,
 Voltigeant à bride ronde.
 Or sous la voute du monde
 Eloche d'un dos puissant
 De son estable profonde
 Le fondement gemissant.
 Qui court le ciel acrocher,
 Qui arrache les montagnes,
 Qui la teste d'un rocher
 Darde à trauers les campagnes,
 Qui fuit, qui suit les enseignes,

Voicy le pere des dieux
 Qui vole victorieux
 Sur son aigle magnanime
 Voler, comme il aime
 Les bandes du ciel, par tout
 La, ou plus fort s'entrevoit
 L'assaut, que les Gars font
 Les pointes de son errant
 Or d'longues balances
 Or d'longs yeux celerans
 Dans les nues efforcez:
 L'ens grand, & voix ont entonne
 Et la fureur, qui descent
 D'un trait que se souffre
 Les montagnes entoncelle
 La terre beint sous elle
 Les enfers ne cache pas
 Dessus la clere nouvelle
 Les vagues tremblent la bas
 La tressant Atlas
 Anble dessus la charge
 Voicy Bellone, & Pallas
 Quant sur l'extremite
 La Meduse tantage
 S'oppose au cruel effort
 Voicy Mars, voicy la Mort
 Qui par les grands bandes erre
 Voicy la fin de la guerre
 Voicy les dieux triomphans
 Et voicy la triste Terre

Voicy le pere des dieux,
 Qui vole victorieux
 Sur son aigle magnanime.
 Voilecy, comme il anime
 Les bandes du ciel, qui vont
 La, ou plus fort, s'enuenime
 L'assaut, que les Geans font.
 Les poinctes de feu errant's
 Or à longues halenees
 Or à longs yeux eclerans
 Dans les nues estonnees:
 Leurs grand's voix ont entonnees.
 Et la fureur, qui descent
 D'un trait qui le souffre sent,
 Les montagnes emmoncelle
 La terre beant sous elle
 Les enfers ne cache pas.
 Dessous la clerté nouvelle
 Les vmbres tremblent la bas.
 Ia le tressuant Atlas
 Anhele dessous sa charge.
 Voicy Bellone, & Pallas
 Quasi sur l'extreme marge.
 La Medusienne targe
 S'oppose au cruel effort.
 Voicy Mars, voicy la Mort,
 Qui par les grand's bandes erre.
 Voicy la fin de la guerre
 Voicy les dieux triomphans,
 Et voicy la triste Terre

Des efformes foudroyes
 Le montsre aux piez de l'esper
 Qui d'une equilliere trace
 De long des criffes luy pent
 Et le ventre luy embraffe
 Bien trois cens de ceste race
 Les montagnes assomblans
 Les astres de peur tremblans
 D'espant volent decondre
 Et pour le ciel metre en poudre
 D'un efformable corn
 Faire au prince de la foudre
 Sentir les loix du vintement
 Par la grand' lise des cieux
 La troupe aux ailes bruydes
 Des freres sedicieux
 Contrecourt à longues brides
 Or par les carrieres vides
 Porte l'hinne, & la main
 D'un cour d'api en vain se fait
 Voligeant à bride volds
 Or sous la route du monde
 Etoche d'un des piffans
 De son stable profonde
 Le foudrement gemiffant
 Qui court le ciel accrocher
 Qui arrache les montagnes
 Qui la teste d'un rocher
 D'arde à travers les campagnes
 Qui fait dui fait les colignes

M V S A G N O E M A C H I E M M O N A R M

Les ieunes, qui ont choisi
Le thresor presque moisi
De la vieille Poesie,
D'une honneste ialousie
Enflammez par la saueur,
Qui distile en l'Ambrosie
De la royale saueur.

En ton nectar adouci

Muse, enyure ton esponge,
Pour desaignir le soucy,
Qui la poitrine me ronge.
Retien l'ame qui se plonge
Au gouffre tempestueux
Du palais tumultueux.
En ce icy ma nef captiue,
Affin que dessus ta riue
Dedans ton temple immortel
Des rameaux de mon Oliue
L'encourtine ton autel.

COELO MVSA BEAT.

Comment de ses enfans.
D'un en Ciron adont
Coint de branche verdillante
Maire un archet doré
Avec la corde puiffante
De son Lire Maccante.
Sur les ailes de ton rois
Garde bien haute le renom
De la guerre commences
Par moy l'Anglais Alce
Zuant les Scythons diuers
Qui l'ignorance ont chassé
Par la foudre de leurs vers.
A partir Coustiez volans
Dont la blancheur est dorée
De courre dessus leurs flancs
La rage de fers tombés
Vostre cherté courbe
Aidez, d'un troupeau
L'honneur du double compen
Et pour celebrer la feste
Portant nos armes en teste
De couronnes et robes
De vostre heuureuse conduste
Honneur semer et romphes
Leux ou au cieux
Sur deux colonnes dorées
Pour vostre gloire y graver
En cent montures antiques
La digne milles caniques



A SALMON

MACRIN SVR LA MORT
de sa Gelonis.



TOUT ce, qui prend naissance
Est perissable aussi.
L'indomptable puissance
Du sort, le veut ainsi.

Les fleurs, & la peinture
De la ieune saison
Montrent de la nature
L'inconstante raison.
La roze iournaliere
Mefure son vermeil
A l'ardente carriere
Du renaissant Soleil.
La beauté composee
Pour fletrir quelque fois,
Ressemble à la rosee,

MVS. AGNOEMACHIE

Qui tombe au plus doux mois.
La grace, & la faconde,
Et la force du corps
De nature seconde
Sont les riches thresors.
Mais il faut que lon meure,
Et l'homme ne peult pas
Tarder de demyheure
Le iour de son trepas.
Ou est l'honneur de Grece,
L'espouse au fin Gregeois
Et la chaste Lucrece,
Banissement des Rois?
L'aveugle archer surmonte
Les hommes & les Dieux:
Et la Chasteté dompte
L'Amour audacieux.
La Parque depiteuse
De voir l'honnesteté
De sa dextre hideuse
Dompte la Chasteté.
Et puis la Renommee
Par le diuin effort
D'une plume animee
Triomphe de la Mort.
La Renommee encore
Tombe en l'obscur seiour,
Le Temps, qui tout deuoré,
La surmonte à son tour.
L'An, qui en soy retourne,

Court en infinité.
 Rien ferme ne seiourne,
 Que la Diuinité.
 La constance immuable
 De la douce moitié,
 Sa chasteté louable,
 Son ardente amitié,
 O Macrin ! n'ont eu force
 Contre la fiere Loy,
 Qui a faict le diuorce
 De ta femme, & de toy.
 La mort blesme d'enuie
 En la venant saisir,
 A troublé de ta vie
 Le plus heureux plaisir.
 Si as-tu la vengeance
 En ta main bien à point,
 Pour donner allegeance
 A l'ennuy qui te poingt.
 Commande à la Memoire,
 Espendre en l'vniuers
 De Gelonis la gloire,
 Ornement de tes vers.
 L'ambicieuse pompe
 Du funebre appareil
 Si bien que toy, ne trompe
 L'obliuieux Sommeil.
 Quand la douleur trop forte
 D'une amoureuse erreur
 Voudroit fermer la porte

A ta douce fureur,
 Ma muse, ta voisine
 Deffendra que l'oubly
 Du bruit ne s'ensaisine,
 Que tu as ennobly.
 Si ton amour expresse
 N'a sauué Gelonis,
 L'amoureuse Deesse
 Perdit bien Adonis.
 Sus donc, & qu'on effuye
 Les pleurs & le soucy
 Le beau temps, & la pluye
 S'entresuyuent ainsi.
 Celuy, qui bien accorde
 De la Lyre le son,
 Cherche plus d'une corde,
 Et plus d'une chanson.
 Cuydes-tu par ta plainte
 Souleuer vn tombeau,
 Et d'une vie esteinte
 R'allumer le flambeau?
 Ton dueil peu secourable
 Ne desaignira pas
 Le Iuge inexorable,
 Qui preside la bas.
 La harpe tracienne,
 Qui commandoit aux bois,
 Aussi bien que la tienne
 Lamenta quelque fois.
 Son piteyable office

Court ce iustice
 R'ait forme ne s'ionne
 Que la Divinite
 La conscience inuincible
 De la douce mortie
 La chaste l'oubly
 Son ardeur etantie
 O Macrin! n'out en force
 Contre la fere Loy,
 Qui a fait le d'onneur
 De la femme, & de toy.
 La mort le fard d'ennie
 En la venant l'effie
 A trouble de ta vie
 Le plus beau ceux pl'isir
 Si en la vengeance
 En ta main bien d'point
 Pour donner all'egance
 A l'ennuy qui te poingt.
 Com'ant de la d'onneur
 Eff'ocher en l'v'neur
 De Gl'ain la gloire
 O'nerer de tes vers.
 L'indigne poeie
 Du f'ndre opp'ail
 Si par que toy ne troupe
 L'eff'ocher d'onneur
 Quant la d'onneur trop forte
 D'une amoureuse erreur
 L'oubr'ain ferret la porte

Aux enfers penetra,
Ou sa chere Euridice
En vain elle impetra.
Macrin, ta douce Lyre,
La mignonne des dieux,
Ne peult surmonter l'ire
Du sort iniurieux.
Il faut, que chacun passe
En l'eternelle nuit,
La mort, qui nous menasse,
Comme l'umbre, nous suit,
Le temps qui tousiours vire,
Riant de noz ennuis,
Bande son arc qui tire
Et noz iours, & noz nuitz.
Ses fleches empennees
De Siecles reuolus
Emportent noz annees,
Qui ne retournent plus.
N'auance donc le terme
De tes iours limitez,
La vertu, qui est ferme
Fuit les extremitez.
Trop, & trop tost la parque
T'enuoira prisonnier
Dedans l'auare Barque
Du vieillard Nautonnier.
Adonc ira ton ame
Sa moitié retrouver,
Pour ta premiere flame

DESCRIPTION DE LA

Encores esprouver.
L'amour ta douce peine,
T'ouvrira le pourpris,
Ou la mort guide, & meine
Les amoureux esprits.
La, sous le saint vmbage
Des myrtes verdoyans
S'appaisera l'Orage
De tes yeux larmoyans,

DESCRIPTION DE LA

Corne d'abondance presentee à
vne mommerie.

ACHELOYS cest amoureux fleuve,
Se faisant taureau mugissant,
Contre Hercule au combat se treuve,
Mais à son dam il fist esprouue
De l'ennemy le plus puissant.
De cornes sa teste embellie
De l'une eut le front desarmé.
Les Naiades l'ont recueillie,
Et des plus beaux thresors remplie,
Dont le cours de l'an soit semé.
La, sont les vermeillettes roses,
Des lyz la royalle blancheur,
La, les œillez, la sont encloses
Mile marguerites decloses
A la matinale frescheur.
La, est la pomme coloree,
La, est le citron verdissant

La l'Oliue tant honoree,
 La l'orange iaune doree,
 La le beau grenad rougissant.
 La riche pomme enluminee,
 Prix de la plus belle des trois,
 De ce Cor soit exterminée.
 Trop dure fut sa destinee,
 Qui fut la mort de tant de Roys.
 Celles, par qui la Cyprienne
 D'Atalante tarda le cours.
 Soyent dedans ceste corne mienne,
 Et face amour, qu'il m'en auienne
 Contre vous semblable secours.
 Ces fleurs ie voue à la plus belle,
 Mon œil la void, mon cœur la sent:
 Mais ie ne diray le nom d'elle,
 Chacune se peult iuger telle,
 Puis qu'à toutes i'en fay present.
 De mille autres icy cachees
 Les champs de Cypre sont fournis.
 Pour vous y furent arrachees
 Celles, qui sont du sang tachees
 D'Hiacint', Narcisse, Adonis.
 Venus, qui congnoist voz merites,
 En son verger les fist cueillir
 Par les mains de ses trois Carites:
 Ses faueurs ne sont pas petites,
 Veillez en gré les recueillir.
 La riche corne florissante
 Ie la compare à voz valeurs.

AVX DAMES

La fleur des ans est perissante,
Et puis la saison rauissante
Palist les vermeilles couleurs.
Les fruiets, qui les beautez nourrissent,
Ne laissez en l'arbre seicher.
Cueillir les fault, quand ilz meurissent,
Aussi sans meurir ilz fletrissent,
S'on les veult trop verds arracher.

AVX DAMES ANGEVINES.

PLUME, qui as d'une aele inusitee
Depuis deux ans la France visitee,
Chantant des Roys les louanges à gré,
Et l'arbre saint à Minerue sacré,
Baisse ton vol, razant la fresche riue
Ou pres d'Angers le cours de Meine arriue.
Va saluer d'un son melodieux
De mon Aniou les domestiques Dieux:
Qui m'ont souuent de leurs manoirs sauvages
Ouy chanter sur les prochains riuages
Le nom, qu'amour de ma force vainqueur
A erigé pour trophée en mon cœur.
Ne cherche point la tourbe murmurante
Des professeurs de sagesse ignorante,
Mon nom aussi par la France loué
Ne quiert le bruit du palais enroué
Ne le sourcil trop superbe, & seuer
Qui le pouuoir des Muses ne reuere.
Le docte Dieu, qui inspire en mon cœur
Du saint ruisseau la seconde liqueur

Mon sort fatal, & mon Dieu domestique,
 Qui m'a voué au labeur poetique,
 Sachant combien i'y prenoy' de saueur,
 M'ont destiné a plus douce faueur.
 Va plume donc voir les troupes diuines
 Des Demydieux, & nimphes Angeuines,
 Ou ie seray (peult estre) bien receu
 Par ton moyen, quand la France aura sceu
 Que leur haut bruit ie fay sonner à Loire,
 Qui ay chanté des grands Princes la gloire.
 Des enuieux les plumes de corbeau
 Ont mis l'honneur des Dames au tombeau
 Sentant combien les graces feminines
 Seroient en prix, si les plumes benignes
 Les opposoient au tiltre ambicieux,
 Dont nostre nom s'eleue iusq' aux cieux.
 De cigne donc la mienne blanchissante
 Soit à leur los ses aeles flechissante,
 Mienne ie dy, qui au dedans du corps
 Suis aussi blanc, que le Cigne dehors.
 Aussi le Dieu, qui ma fureur allume,
 Me fist iadis present de ceste plume.
 Les doctes sœurs qui parmi l'vniuers
 Feront voler vostre nom par mes vers,
 Tant que viuray, Dames bien fortunees,
 Seront par moy pour vous importunees:
 Qui feray bien, si i'en veux prendre emoy
 Viure deux fois ensemble vous & moy.
 Si vous eussiez de l'vnde obliuieuse
 Tiré voz noms, que la Parque enuieuse,

SVR LA MORT DE LA

*Et noz escrizy ont faiët deualer,
Quel bruit pouroit au vostre segaler?
Toute vertu des Graces ignoree
N'est longuement entre nous honnoree.
Mais maintenant ie voy le temps changer,
Qui vous souloit sous sa force ranger
Puis que desia commencent à vous plaire
Les doctes vers, vous n'aurez plus à faire
Pour voz honneurs rendre à iamais viuans
De mandier la main des escriuans.*

*IMITATION DE L'ODE
TINE DE IAN DORAT.*

*SVR LA MORT DE LA
Royne de Nauarre.*

*COMME en vn char qui bruloit,
Crauy parmy l'air liquide
Le grand Prophete voloit,
Et commandant à la bride
Des cheuaux audacieux,
D'une main etincelante
Guidoit leur trace brulante
Par la carriere des cieux.
Quand du vieil seing foudroyant,
Aux bras du ieune Prophete
La robe en l'air vndoyant
Tomba d'une longue traicte,
Qui sembloit aux regardans
Etinceler par derriere*

Vne brillante lumiere
 A pointes de traiz ardens.
 Comme au serein d'une nuit
 De mille feux couronnee
 De loing quelque fois reluit
 Vne estoile epoinconnee,
 Qui coule, ou semble couler,
 Et trainant apres sa fuite
 De sillons vne grand' suite
 Court par le vague de l'air.
 Ainsi, ayant depouillé
 De sa forme corporelle
 Le manteau iadis souillé
 D'une tache naturelle,
 Marguerite delaisa
 Ce vieil fardeau tant moleste,
 Et aux ronds du feu celeste
 Plus alaigre se haulsa.
 L'esprit du corps deuoilé,
 Et net des terrestres boues
 Jusque au ciel estoilé
 Vola dessus quatre roues:
 La foy, l'esperance aussi,
 La charité tant prisee,
 Et celle, que n'a brisee
 L'effort du cruel soucy.
 Sur ces couples bien appris
 Parmi la celeste trace
 Au ranc des heureux esprits
 Elle alla prendre sa place,

CONTRE LES

La, ou Royne elle se void
D'un monde plus grand, & ferme
Que n'estoit le petit terme,
Que son Nauarrois auoit.

CONTRE LES ENVIEUX

Poetes.

A PIERRE DE RONSARD.

LOR n'est point si precieux,
Si ferme n'est point encore
Le metal audacieux,
Qui tous ses freres deuore,
Comme vn vers, qui nous honnore.
Les vers sont plus doux que miel.
Les vers sont enfans du ciel
Heureux, qui par vn Homere
A domté la mort amere.
Heureux, qui pour guide ont eu
La louange, qui est mere,
Et fille de la vertu.

Mais ceste louange encor
Fille des Dieux auouable
Passe l'Indique thresor,
Venant d'un loueur louable.
C'est vn breuage amiable,
Plus doux que celui des cieux,
Pour mettre du ranc des Dieux
L'ame digne de le boire:
Et pour grauer vne gloire
Au marbre du firmament

Ferrement de la memoire
 Plus dur que le diamant.
 Heureux vous estes mes vers,
 Heureuse tu es ma Lyre,
 Que deux poetes diuers
 Daignent pour subiect elire.
 Pour tes louanges escrire
 Sous celle d'vn arc diuin
 Tire par l'air Angeuin
 Vn traitt Francois, & Patriere
 En courant, laisse derriere
 Les mieux empennez esprits,
 Qui volent par la carriere
 Des vieux Romains bien appris.
 Par leurs vers laborieux,
 Brulans de voir la lumiere
 Nostre Loire glorieux
 Enfle sa course premiere.
 Sa trace non coustumiere
 Sous la bride de ma voix
 Se ioint au Loir Vandomois,
 Qui se gale au Roy des fleuves.
 L'oliue, & ses branches neuues
 Puissent ainsi desormais
 Marier aux forestz veuues
 Mon renom pour tout iamais.
 La nature, & les Dieux sont
 Les architectes homes.
 Ces deux (ô Ronsard) nous ont
 Batiz de mesmes atomes.

CONTRE LES

Or cessent donques les Mêmes
De mordre les escriz miens,
Puis qu'ilz sont freres des tiens,
Que les plus haux dieux admirent.
Si deux bons archers admirent
Ficher les traictz au milieu
Du blanc, bien souuent ilz tirent
Tous deux en vn mesme lieu.

Peletier me fist premier

Voir l'ode, dont tu es prince,
Ouurage non coustumier
Aux mains de nostre prouince.

Le ciel voulut que i' apprinse
A le raboter ainsi

A toy me ioignant aussi,
Qui cheminois par la trace
De nostre commun Horace,
Dont vn Demon bien appris
Les traictz, la douceur, la grace
Graua dedans tes esprits.

La France n'auoit qui peust,
Que toy, remonter de chordes
De la Lyre le vieil fust,
Ou brauement tu accordes
Les douces Thebaines Odes.
Et humblement ie chantay
L'oliue, dont ie plantay
Les immortelles racines.
Par moy les graces diuines
Ont faict sonner assez bien

*Sur les riuës Angeuines
Le Sonnet Italien.*

*Dont le branle industrieux,
Et la pesante mesure
De ses piedz laborieux,
Qui ne vont à l'auanture
Par les champs, dont la peinture
Dyapre ces belles fleurs,
N'entendent point les valeurs,
Que la Lyre babillarde
Te fredonne plus gaillarde
Ores haut, & ores bas
Sur sa chorde fretillarde
A la cadence des pas.*

*Le nourrisson abreuué
Du laiët de la douce Muse
Filz des Dieux est approuué,
Et Apollon, qui s'amuse
A l'enseigner, ne refuse
Le marier aux neuf Sœurs,
Dont tu goutois les douceurs
Lors que la ieunesse tendre,
Qui de soy ne peut etendre
Ses foibles membres au cours,
En vain me faisoit attendre
Orphelain de vray secours.*

*Voyla comment le bonheur
De ceux, que la Muse estime,
S'enuole au palais d'honneur:
Mais l'enuie qui se lime*

CONTRE LES

De voir la vertu sublime,
Dedans son pasle manoir
Platré de sang verd, & noir
Guigne de trauers les œuures
Des ingenieux maneures,
Et regorge tout expres
Le noir venin des couleures,
Pour le remacher apres
Qui le matin vilageois
A veu tombé sous la force
Du generaux dogue Anglois,
Il a veu, comme il sefforce
En vain d'une longue entorce
Sous le mors entrelassé.
Il a le dos herissé
Parmy sa dent venimeuse
Coule vne baue escumeuse:
Et horriblement grinsant
Degorge sa voix fumeuse
D'un œil de feu rougissant.
Telz sont les chiens animez,
Qui loing de Parnase abondent.
Qui d'aboies enuenimez
Aux saintes pucelles grondent.
Mais comme la nege ils fondent
Aux raiz de ce Dieu scauant,
Qui a poussé bien auant
Son chef sur nostre hemisphere:
Malgré la nuit, qui espere
Sortant de son noir seiour

Rebander (ô vitupere)
Les yeux de nostre beau iour.
Voy le combat ancien
Du Cornet contre la Lyre
Du prince Musicien,
Qui a d'un iuste martire
Puny le vaincu Satyre,
Las ! qui en vain se repent
Voyant sa peau, qui luy pent.
Je voy ses entrailles viues,
Ses nerfz, ses venes craintiues
Decouvertes tressaillir:
Je voy deux herbeuses riuies
De l'eau de ses yeux saillir,
Je voy plus de cent ruisseaux
Colez de fange, & de bourbe
Enfans des horribles eaux
Du grand fleuve neu' foi' courbe
Au tour de la noire tourbe.
Ilz ne pauent en coulant
Leur fond de sable roulant.
Des herbes est leur ceincture,
Dont forcerent la nature,
Les deux filles du Soleil:
Leurs vndes font la teincture
De l'obliuieux sommeil.
Mais les fleuves debordez,
Qui du saint Parnase sourdent,
Courent à flotz debridez,
Qui les campagnes essourdent.

CONTRE LES

Ores leurs fors bras dessoudent
Leurs ponts, ecluses, & pors,
Qui fertilizent leurs bors
De mile palmes gaignees.
Ores de fleurs couronnees,
Et d'un mesme enfantement
Auecques l'Aurore nees
Se bornent plus lentement.
Volez bien heureux oyseaux,
Messagers de la victoire,
Sur les eternelles eaux
Des filles de la Memoire
Je voy venir la gent noire.
Mile corbeaux enuieux,
Qui du bord obliuieux,
Et des chaulx riuages mores
Icy reuolans encores,
Troublent d'un son eclattant
Les nouveaux Cygnes, qui ores
Par la France vont chantant.
Qu'on lasche l'etomisseur,
Qui lentement par l'air nage,
Sur ce milan rauisseur.
Il a laissé le carnage,
Il a hausse le plumage.
Sus fauconnier, delongez
Les sacres encouragez,
Qui volent à tire d'aele.
Voyez la guerre cruelle.
Voyez l'importun assault.

Voyez

Voyez rouler pestemeste
 Et sacre, & milan d'enhault.
 Voy la babillarde voix
 De la Pie iniurieuse,
 Qui s'est sauuee en ce bois.
 C'est la race furieuse,
 Qui iadis trop curieuse
 D'egaler ses facheux sons
 O Muses ! à voz chansons
 Prist ceste nouvelle forme,
 Temoing de sa faulte enorme,
 Demeurant tousiours apres
 Et depiteuse, & difforme,
 Et iniure des forestz.
 Voirray-ie point depouiller
 La grand' troupe deloyale,
 Qui du bec osoit souiller
 La belle fleur liliale?
 Je voy la nimphe royalle,
 Qui les eparpille tous,
 Et d'un son heureux, & doux
 Reclame la bande blanche.
 C'est la Marguerite franche
 Promise aux astres luyfans,
 Si la Parque ne me tranche
 Le fil de mes ieunes ans.
 D'ou vient ce plumage blanc,
 Qui ma forme premiere emble?
 Desia l'un, & l'autre flanc

72
CONTRE LES ENVIEUX, &c. EN VIE

Dessous vne aele me tremble.
Nouveau Cygne, ce me semble,
Je remply l'air de mes criz.
Mes aeles sont mes escriz,
Et ie porte par le monde
La memoire vagabonde
De mon prince non pareil
Des l'Aurore, iusq' à l'vnde,
Ou se baigne le Soleil.

COELO MVSA BEAT.

Et de l'air, et de l'air de l'air
Tous les ballades de l'air
De la l'air de l'air de l'air
Qu'il est l'air de l'air de l'air
C'est la l'air de l'air de l'air
Qui est trop de l'air de l'air
De l'air de l'air de l'air de l'air
O l'air de l'air de l'air de l'air
Puis est l'air de l'air de l'air
Tous les de l'air de l'air de l'air
D'ailleurs de l'air de l'air de l'air
Et de l'air de l'air de l'air de l'air
Et de l'air de l'air de l'air de l'air
Voyez de l'air de l'air de l'air
Et de l'air de l'air de l'air de l'air
Qui est de l'air de l'air de l'air
L'air de l'air de l'air de l'air
Je voy de l'air de l'air de l'air
Qui est de l'air de l'air de l'air
Et de l'air de l'air de l'air de l'air
Reclame de l'air de l'air de l'air
C'est la l'air de l'air de l'air
Fronse de l'air de l'air de l'air
Si la l'air de l'air de l'air de l'air
Le fil de l'air de l'air de l'air
D'ailleurs de l'air de l'air de l'air
Qui est de l'air de l'air de l'air
De l'air de l'air de l'air de l'air



RECVEIL
De Poésie, présentée

A TRESILLUSTRE PRIN-
cesse Ma Dame Marguerite, sœur unique du
Roy, & mis en lumière par le com-
mandement de Madicte

Dame.

*

REVUE ET AUGMENTE DEPUIS
la premiere edition, par Ioachim Du Bellay
Anguin.

*



AVEC PRIVILEGE.

A PARIS,

Par Charles Langelier, Libraire iuré, tenant sa bou-
tique au perron de la salle des merciers, joignant
la porte de la grand' salle du Palais.

1561.



A TRESILLV-

*stre Princesse Madame Marguerite,
sœur vnique du Roy.*

*



A Dame, apres auoir depuis peu de temps mis en lumiere quelques petiz ouuraiges poetiques, plus pour satisfaire à l'instance priere d'aucuns miens amis, que pour espoir que i'eusse d'acquerir aucune reputatiõ entre les doctes, i'auoy deliberé me retirer entieremēt de ce labeur aussi peu maintenant fauorizé, comme il estoit anciennement entre les meilleurs espriz singulierement recomman dé. Je ne scay si l'infelicité de nostre siecle en est cause, ayant l'ambition, & l'auarice, & l'ocieuse volupté, pestes des bons espriz, chassé d'entre nous ce tant honneste desir de l'immortalité: ou la trop grande & indocte multitude des escriuains, qui de iour en iour se leue en France, au grand deshonneur & abatardissemēt

A ij

MA SA LYRE.

*Va doncques maintenant ma Lyre,
Ma Princesse te veut ouir.
Il fault sa table docte elire,
Là, quelque amy voudra bien lire
Tes chansons, pour la resjouir.
Ta voix encores basse & tendre,
Apren à hausser des ici,
Et fay tes chordes si bien tendre,
Que mon grand Roy te puisse entendre,
Et sa royale epouze aussi.
Il ne fault que l'enuieux die,
Que trop hault tu as entrepris,
Ce, qui te faiet ainsi hardie,
Cest que les choses qu'on dedie
Au temple, sont de plus grand pris.*

COELO MVSA BEAT.



Prosphonematique

AV ROY TRESCHRE-
stien Henry II.



VOUS, qui tenez les sources de Pegaze,
(Celestes Seurs) bandez vostre arc diuin
Tout au plus hault de vostre saint Parnaze,
Et permettez que ce bras Angeuin,
Par l'air Francois deserre vn traict, qui vole
Mieux que iamais de l'vn à lautre Pole.
Ce traict puissant dessus ses ailes porte
L'horrible nom, qui faict mouuoir les cieux,
Le fer, la flamme: & la non iamais morte
Gloire des Roys, enfans aisnez des Dieux:
Dont le protraict Henry, celeste race,
A peint au vif en sa diuine grace.
La maiesté de son front tant illustre
Entre les Roys apparoist tout ainsi,
Que l'or aupres de l'argent: & son lustre
Ard tout l'obscur de ce beau siecle ici,
Comme la Lune au estoilles eclaire
Par le serain de quelque nuict bien claire.
En quelque part que son bel œil se montre,
Comme vn Printemps il serene le iour:
Et semble bien qu'à si haulte rencontre,

*Renaïsse au monde vn plus ioyeux seiour.
Le Ciel en rid, & le Soleil encore
De nouueaux raiz ses blons cheueux decore.
Vien Prince, vien: rends aux tiens la lumiere
Qu'obscurcissoit ce tien long demeurer:
Et la vigueur de leur vertu premiere,
Qui ne se peult, qu'en ta force, asseurer.
Ton seul regard inspire en leurs couraiges
L'ardent desir des martiaux ouuraiges
Comme la mere au riuage lamente,
Prie, & faict vœux pour son desiré filz,
Qu'vn vent contraire en haulte mer tormente
Outre le terme à son retour prefix:
Paris ainsi languissoit auant l'heure,
Qui a mis fin à ta longue demeure.
La grand Ceres, qui ces murs environne,
A ton passer, de beaux epiz dorez,
Enceinct le tour de sa riche couronne,
Et par les champs de iaune colorez,
Faict ondoyer sa cheueleure blonde,
Pour honnorer le mesme honneur du Monde.
Bacchus aussi orne teste & visaige
De nouueau pampre, & d'odorantes fleurs:
Prez, montz & plains à ton heureux passaige
Vestent habits de diuerses couleurs:
Et la forest branlant sa teste armee.
Donne le fraiz de sa neufue ramee.
Les Demidieux, & Nymphes se retirent
Aux plus haulx lieux, pour à l'aise te voir:
Les plus doulx vents tant seulement sousspirent:*

Les ruisselets ne font moins leur deuoir:
 Et les oizeaux à l'enuy te saluent
 Sur les sommets qui vn peu se remuent.
 Tout animal domestique, ou champestre
 Fiche sur toy son regard estonné:
 Les bas troupeaux en ont laissé le paistre:
 Et les taureaux en ont abandonné
 Leurs fiers combatz: les plus cruelles bestes
 Deuers le ciel ont eleué leurs testes.
 Qui a peu voir les mousches menageres
 Sur le printemps de leurs manoirs saillir,
 Faire vn grand bruit, & s'envoler legeres,
 Puis ca, & là l'honneur des champs cueillir
 Celuy a veu les miliers qui se rendent
 Dessus les murs, & portes, qui t'attendent.
 Paris, qui void son Prince à la campagne,
 A mis au vent tout importun souci:
 Toute maison en tout plaisir se baigne:
 Veuf de procez est le Palais aussi,
 Et par les feuz, qui aux temples s'allument,
 Pour toy Henry, mil' autelz aux dieux fument.
 Enfans bien nez, les plus heureuses bandes,
 Vostre beau chant soit l'io triumphal:
 Vous saints vieillars, chargez les dieux d'offrandes:
 Vierges aussi au visaige Nymphal,
 Faites couler vne pluye de roses
 Des propres mains de l'Aurore decloses.
 Escoute Roy, le plus grand de la terre,
 L'horrible voix du foudroyant canon,
 Qui par le Ciel fait vn nouveau tonnerre,

Moindre pourtant, que le bruit de ton nom,
Seine en fremist, les riuieres craitiuues
Heurtent en vain leurs opposées riuues.
Iupiter mesme, oyant l'air ainsi fendre,
Change couleur pour vn tel foudroyer:
Et craint encor' que la terre n'engendre
Nouveaux enfans, pour le Ciel guerroyer.
La nuict qui sort de l'epesse fumiere
Auant le soir fait faillir la lumiere.
Seine dormoit au plus creux de ses ondes,
Mais te sentant de sa riuue approcher,
A mis dehors ses belles tresses blondes,
Et s'est assise au coupeau d'vn rocher.
Ses filles lors, qui à my corps y nouent,
Diuersement à l'entour d'elle iouent.
Marne paignoit ses beaux cheueux liquides,
Qui luy armoient & l'vn & l'autre flanc.
Oyze au soleil seichoit les siens humides,
Les separant sur son col net, & blanc:
Et de ces iongz, l'onne, que tu portes,
Tu entissois chapeaux de mille sortes.
Lors se tirant sur le rocher sauuaige,
L'vne apres l'autre ont fait plus d'vne fois
Hault rechanter tout le courbé riuaigne,
Soubz l'argent de leurs celestes voix.
Quelqu'vne ainsi consacre à la memoire
(S'il m'en souuient) de sa mere la gloire.
Tage, & Pactol à l'arene dorée,
N'ont merité l'honneur, qui t'appartient,
O fleuve heureux de qui l'onde azurée

Dessus son dos plus grans thresors soutient.
 Ton cours tortu, qui lentement distile,
 D'un gras limon rend la terre fertile.
 En mille tours par la Prouince heureuse
 Tes cleres eaux s'en vont ebanoyant:
 Tes bras y font mainte isle plantureuse
 De tous costez, & ainsi tournoyant,
 Entre hauls murs ton onde estroitte & forte,
 Le riche honneur de l'abondance porte.
 Les grans Cyprez poussent bien hault sur l'herbe
 Leurs fiers sommetz à croistre exercez:
 Le grand Paris d'un tel fleuue superbe
 Leue son chef sur les autres citez,
 Non autrement, qu'on void parmy les nues,
 Les haulx sourcils des grands Alpes chenues.
 Quelqu'un louera (dit la Nimphe seconde)
 Lyon, Rouen, Bordeaux, Orleans, Tours:
 Et ie diray la richesse feconde
 Du grand Paris, & ses superbes tours:
 Ses temples sainctz, & son Palais, qui semble
 Non un Palais, mais deux citez ensemble.
 Mere des arts, ta haulteur ie salue,
 Ie vous salue aussi, vous tous les dieux,
 Qui auez là vostre demeure elue
 Pour y semer les grans thresors des cieux:
 Pallas y est, & les Muses sacrées
 Sur Seine ont fait leurs riuaignes ascrées.
 Comment te peut assez chanter la France,
 O grand Francoys, des neuf sœurs adoré?
 Tu as defaiect ce vil monstre Ignorance,

*Tu as refaiect le bel aage doré:
Par toy premier au monde est reuenue
La belle Vierge aux vieux Siecles congneue.
Les vertueux (dist la troisieme) viennent
Des vertueux: les fiers Taureaux ainsi
La braueté de leur source retiennent:
Des bons cheuaux les bons naissent aussi,
L'aigle haultain ne degenere, & tombe
Au naturel de la simple columbe.
De ton Francois, qu'un autre n'eust peu suyure,
En ton Henry à mesme vertu né,
France, tu vois l'excellence reuiure,
Dont les haulx dieux rien meilleur n'ont donné
Ny donneront, bien qu'ils facent renaistre
Sept, & sept fois le temps du premier estre.
Vy, prince, vy: & de cent ans encores
Pour enrichir le seiour eternal
De nostre bien, ne vole ou reluit ores
Au plus beau lieu ton Astre paternel:
Qui d'œil benin ton franc peuple regarde,
Te fauorize, & ta place te garde,
Ainsi chantoient les trois Nymphes Senoizes
Commē à l'enuy, quand Seine en se leuant
Entrerompit leurs tant doucettes noises:
Et d'une voix, qui perloit bien auant,
Fist resonner aux oreilles royales
L'heureux decret des trois vierges fatales.
Tu es venu finalement ô Prince!
Et ie t'auoy' si long temps attendu,
Tu es au seing de ma belle Prouince*

Entre mes bras heureusement rendu:
Escoute doncq' de quoy m'ont asséeurée
Les non menteurs oracles de Nerée.
Est ce pas toy, à qui les dieux promettent
Tout le bon heur du monarque Romain?
Les dieux, qui ia par leurs arrests soumettent
Tout l'vniuers à ta puissante main?
I'en voy desia les depouilles captiues
Mises par toy pour trophée à mes riués.
Je voy tomber soubz les flesches Francoises
Le Leopard, ton antiq' ennemy,
Qui souloit bruire aux forestz Ecossoises,
Le feu vangeur desia vole parmy
La nef captiue: au sang Anglois encore
L'azur marin de pourpre se colore.
Je voy desia la colonne eleuée
De ta victoire: & ta gloire qui luit,
Est si auant dans les cieulx engrauée,
Qu'on la peult lire en l'obscur de la nuit.
Le beau Croissant, qui le ciel Francois orne,
Ameine en rond & l'vne & l'autre corne.
Vn lieu se treuue hors le cours de l'année,
Loing de la voye au chariot luisant,
Là ou Atlas tient l'epaule inclinée
Dessoubs l'esseul aux estoilles duisant:
Là, tu feras ta renommée entendre,
Et iusqu'aux bords de la terre s'estendre.
Bien tost apres discorde furieuse
Soubs vn frein serf prise tu meneras:
Lors regnera la paix victorieuse,

Lors de Ianus le temple fermeras:
Et de laurier ta teste couronnée
Adoncq' sera d'oliue enuironnée.
Ce nouveau siecle, à l'antique semblable,
Verra fleurir le sceptre de Valois.
La foy chenue, alors non violable,
Tiendra le lieu des punissantes loix.
Vice mourra: & les nopces pollues
Ne seront lors par amours dissolues.
A dieu doncq' Roy, mon destin me rapelle.
Ainsi disant, le genoil auanca:
Puis tout à coup, avec sa troupe belle
D'vn sault leger en l'onde se lanca:
L'eau iette vn son, & en tournoyât toute,
Fait bouillonner mainte escumeuse goutte.

FIN.

CAELO MVSA BEAT.

I. D. B. A.

Chant triumpfal sur

LE VOYAGE DE BOVLON-

gne mil cinq cens quarante
neuf au moys
d'Aouſt.

VOICI le temps ſi long temps deſiré,
Ou noz ayeulx en vain ont aſpiré,
Qui ſur l'Anglois finalement rameine
La juſte (helas) mais trop tardine peine.

Les dieux vengeurs par toy mis à mepris,
Superbe Angloys veulent rendre le pris
A leurs autels, & temples, que tu ſouilles,
Ornez iadis de noz ſerues depouilles.

Du grand Henry le bras puiſſant & forte
Auec les dieux deſia fait ſon effort,
De regaigner par ſes fouldres belliques,
Le vieil butin des grands' pertes galliques.

Si Mars nous a regardé quelquefois
D'un œil felon, onques nul touteſois
S'eſt peu vanter de voir par luy dontée
Noſtre vertu non iamais ſurmontée.

Qui a touſiours cœur, & force repris
De ſon malheur, comme le cheſne appris
A reuerdir ſa perruque nouvelle,
Après le fer ſa teſte renouuelle,

Non autrement que des dents, que planta
Le fort Iason, la terre en enfanta
Hommes armez, France durant la guerre
Nouveaux enfans de son ventre defferre.
Hydre iadis en ce point combattoit
(Dit l'ennemy) quand Hercule abbatoit
L'un de ses chefs, avec peine inutile,
Qui la rendoit par ses playes fertile.
Craindras tu donq' ô bon peuple de Mars,
Craindras tu donq' les flesches & les arcs
Du rouge Anglois ton antique auersaire,
Vivant Henry, seul né pour le deffaire?

Maint Roy Francois a tenté le danger:
Des fiers combats, pour la France venger:
Mais à Henry, enfant de la Victoire,
Le Ciel amy reseruoit ceste gloire.
Son nom fatal à l'Anglois familier,
Et le discours des astres regulier
Luy peuuent bien donner ferme assurance,
De ioindre en bref l'Angleterre à la France,
Alors sera des Roys plus orgueilleux
Presqu'adoré son sceptre merueilleux:
Et sera dict en la Francoise terre
Second du nom, neuvieme en Angleterre.

La Francoys, la: aidez vostre bon heur,
Favorisez d'un tel Prince l'honneur,
Et auancez par vostre diligence
De voz ayeulx la boiteuse vengeance.
Vne Bonlongne, ou Calais ne sont pas

Puissans

9
Puissans assez pour vous clore le pas,
Non l'Ocean, qui de vous aura crainte
De sang Angloys voyant son onde teinte.

Là d'un costé des nostres le grand cœur
A triumphe du souldard belliqueur,
Qui sous le coup de la hache Francoise
En gemissant, mord la terre Ecoissoise
De l'autre donq' ne soyez endormis,
A fouldroyer voz mortelz ennemis,
A fin que d'eulx la depouille soit mise
Tout à l'entour des bords de la Tamise.

C'est chose doulce & belle, que mourir
Pour son pays, & son Roy secourir.
De quoy te sert, ô personne craintiuel
Fuir la mort d'une course hastiue?
Elle te suit, qui n'a point pardonné
Au doz craintif, à la fuite adonné,
Ny au iaret trop peu ferme, & debile
De la ieunesse à la guerre inhabile.

La vertu seule, à qui a merité
Avoir le pris de l'immortalité
Ouvre le ciel, & d'une aile courante
Laisse la terre à la tourbe ignorante.
Hercule ainsi par cest art glorieux
Iadis s'assist à la table des dieux,
Et des iumeaux le signe heureux aux voiles
Ainsi accreut le nombre des estoilles.
Ainsi Auguste, ainsi le grand Francois,
Et toy Henry, quelque part ou tu sois
Ia destiné, ta belle estoille ardente

Sera du ciel au plus hault euidente.

Comme l'on void pour la fureur des vents

En l'Ocean les flots s'entresuyuans,

Tous argentez d'ecumes blanchissantes

Heurter le front des riuës gemissantes:

Ou les epiz ia non plus verdoyans,

D'vn ordre egal iusqu'à terre ondoyans

Faire vne mer de la blonde Champaigne,

Ou de la Beauce à la large campagne.

Ainsi seront noz souldars par les champs

Contre l'Anglois, à la guerre marchans,

Comme vn torrent debordé, qui emmeine

Tectz, & troupeaux contrenal par la pleine.

Là des premiers le hardy Vandomois,

Guyse, & son fort Aumale, mille fois

Par les scadrons feront la presse moindre,

Pour aux plus fors des ennemis se ioindre.

Auecques eulx on pourra voir aussi

Nostre Nestor, le grand Mommorancy,

Vn saint André le bien voulu du Prince,

Et vn Sedan monarque en sa prouince.

Le grand Henry sur tous apparouissant,

Comme vn sapin aux montaignes croissant

Passe le fresne, aimant la fresche riuë,

Ou l'oliuier à la perruque viue,

Souillé du sang des souldars estrangiers

Rendra les siens aueugles aux dangers,

Sans que son bras en vain descendre face

L'horrible coup de sa pesante masse.

Tu n'as plus, ô des tiens le rampart!

Des plus haulx dieux la faueur pour ta part,
 Du noir Pluton le triste domicile
 Mesmes te rend la victoire facile,
 Ia long temps a, les filles d'Acheron,
 Que maints serpens arment à l'enuiron,
 Qui pour cheueux en mille neuds leur pendent,
 Et noir venin leur distillent, & rendent,
 Des cœurs Angloys inspirent au dedens
 Et leurs poisons, & leurs flambeaux ardens,
 Qui font bruler par discordes ciuiles
 Les fors chasteaux, & les superbes villes.
 Du peuple serf l'effort seditieux
 S'est opposé au noble ambitieux.
 Mars les anime, & Discorde qui gronde,
 Espend par tout sa semence feconde.

IO Paris il te fault receuoir

Ton Prince heureux, lequel te vient reuoir,
 Te promettant d'armes bien etophées
 L'esté prochain mille & mille trophées.
 Sus, que de ioye on face nouveaux feux,
 Qu'on rende à Dieu, graces en lieu de veuz,
 Qu'on s'esiouisse, & que chacun s'appreste,
 Pour dedier de ce retour la feste.
 La froide peur, France, a couru souuent
 Parmy tes oz, donne la donq' au vent,
 Puis que tu vois la magesté sacrée
 De ton Seigneur, ou ton œil se recrée.

O quantes fois Royme, & royale sœur,
 Vous avez craint, qu'en quelque lieu mal seur
 Ou trop auant aux assaulx & alarmes,

Il ne tentast la fortune des armes?
Maintenant donq', que ce mordant souci
Voz tristes cœurs ne ronge plus ainsi,
Laissez les vents aux mariniers timides,
Et d'un beau riz seichez ces yeux humides.

Aux nouveaux raiz du matinal soleil
Les fleurs ainsi reprennent leur vermeil,
Dont les beautez se montroient effacées
Presqu'à demy par les pluyes passées.
N'avous encor' voz celestes espriz
De nostre court, quelque ouuraige entrepris
Digne du nom, dont la France vous prise,
Et de ce Roy qui tant vous favorise?

Les vers sucez du luc melodieux,
Qui resjouist les hommes, & les dieux
Auront le pris, si la Muse heroique
Ne fait sonner sa trompette bellique.
Ronsard premier osa bien attenter
De faire Horace en France rechanter,
Et le Thebain (ô gloire souhaitable)
Qu'à grand labour il a fait imitable.

Ainsi me fault quelque voye eprouver,
Pour Apollon, & les Muses trouver,
Qui me feront en la terre, ou nous sommes,
Voler vainqueur par les bouches des hommes
L'ameneray le premier si ie puis
A mon retour au pays, d'ou ie suis,
Les saintes sœurs, qui me feront reuiure
Mieux que la main, qui anime le cuyure.
De marbre noir au milieu d'un beau pré

J'edifiray vn temple dyapré
 Tout au plus pres, ou Loyre plus profonde
 En l'Ocean fait couler sa clere onde.
 De marbre aussi les coulottes seront,
 Qui en blancheur la neige passeront,
 Avec l'autel construict de mesme pierre
 Encourtiné de laurier, & de l'hyerre.

De ce beau lieu la superbe grandeur
 Imitera du croissant la rondeur,
 Ou seront peints de diane honoree
 Les arcs, les traicts, & la trouffe doree.
 On ne verra par le fer demolir,
 Ny par l'orage, ou la flamme abolir
 Cest oeuvre fait de matiere si dure,
 Que la rigueur des siecles il endure.

Là mon grand Roy sera mis au milieu
 Sur pilliers d'or, qui tout au tour du lieu
 Tesmoigneront sa louange notoire:
 Et sera dict le temple de victoire:
 Là ie peindray comme il aura donté
 Calais, Boulongne, & l'Anglois surmonté,
 Puis l'Hibernie, & tout ce qui attouche
 L'humide liét, ou le soleil se couche.

Tu y seras de Florence l'honneur,
 Roine en qui gist le comble de bon heur,
 Que la vertu digne epouze a fait estre
 Du plus grand Roy, que ce siecle ait veu naistre.
 Toy Vierge aussi, miracle de ton temps,
 Qui rends le ciel, & nature contens,
 Alors qu'en toy l'vn & l'autre contemple

De son scauoir le plus parfaict exemple.
De voz grandeurs le prestre ie seray,
Et deuant vous maint hymne chanteray,
Duquel pourront les nations estranges,
Et noz nepueuz apprendre voz louanges.

Ce doulx labour la Muse me donnoit
Lors, que Henry à Boulongne tonnoit,
Luy faisant ia de son bras la vaillance
Chemin au ciel par le fer de sa lance.

VERS LIRIQUES.

A la Royne.

Ode I.

LA louange nous agrée
La louange nous recrée,
Louange, qui va foulant
L'honneur de l'arene blonde,
Qu'Herme tourne dans son onde
Tout trouble de l'or coulant.

La vertu est mesprisée,
Qui n'est point fauorisée
Des Graces, contre ces trois,
Le temps, la mort, & l'enuie,
Desquels souuent est rauie
La gloire mesme des Roys.
Royne donques ne refuse
De l'humble & petite Muse

Les vers que i'ay mariez
 A ma lyre, qui accorde
 Leurs sons diuers sur sachord
 A ta grandeur dediez.
 Par eux n'agueres fut dicte
 Ceste belle Marguerite,
 Qui enclose en mes escripts
 Ainsi que la pierre honnore
 Son anneau, elle decore
 Mes vers d'assez petit priz.
 Pourtant si tu es chantée
 Par la Muse tant vantée
 Du tien Bouiu bien souuent,
 Ne dedaigne point d'entendre
 La mienne encor' ieune & tendr
 Qui met ses ailes au vent.
 De Phebus la sainte bande
 A chacun, qui le demande,
 N'a fait liberalité
 De pouuoir ainsi aux hommes,
 Mesme en la terre, ou nous sommes,
 Donner immortalité.
 Sur la riue obliuieuse
 La noire tourbe enuiieuse
 Des corbeaux, fait deualer
 Les noms, que de l'eau profonde
 Les cygnes tirant sur l'onde,
 Font par le monde voler.
 Iadis Romme faisoit naistre
 Aux disciplines adestre

51
Maint bon esprit feminin:
Mais ton Italie encores,
Dont la gloire tu es ores,
A eu le ciel plus benin.
Celle, ou Ferrare se mire,
Qu'ores nostre France admire,
Seconde entre les siens luit,
Comme aux mariniers eclaire
Celle Tramontane claire,
Qui tant decore la nuit.
Royne à nulle autre seconde,
Le ciel t'a rendu seconde,
A fin de perpetuer
La race en France eternelle,
Qu'à la vertu paternelle
On verra seuertuer.
Morte est donq' la maladie,
Qui fut bien assez hardie
De monstrer quasi la nuit
A ce petit second Prince,
Qui ia en nostre prouince
Comme vn nouuel astre, luit.
Sus donq', qu'on chante, qu'on bale
Puisque la main triste & pale
A caché ses dards hideux.
Roy, en qui l'honneur se baigne,
Et toy, sa chere compaigne,
Resiouissez vous tous deux.
O dieux, combien est heureuse
La belle estoille amoureuse,

Qui plus

Qui plus fort que les ormeaux
 La vigne n'estreinct, & lie,
 Vous tient, & que ne s'alie
 L'hyerre à ses prochains rameaux.
 Romme doncq', chante Lucrece,
 Et ta Penelope, ô Grece,
 Toy Pont, celle de grand cœur,
 Qui suiuit par maintes terres
 Son mary parmi les guerres,
 Comme vn souldard belliqueur.
 Et toy Carie honorable
 Par ton sepulchre admirable,
 Prends de ta gloire le fruit
 En la louange qui vole
 De celle, qui son Mausole
 Eterniza d'vn hault bruit.
 La France dira sans cesse
 Les vertus de sa Princesse:
 Mais moy, ie les vanteray,
 Et tant les feray s'estendre,
 Qu'Arne pourra bien entendre
 Les vers, que i'en chanteray.

A tresillustre Princesse Madame Marguerite.
 sœur vnique du Roy.

Ode II.

LA sainte horreur, que sentent
 Tous ceux, qui se presentent
 Craintifs deuant les dieux,

Rendoit ma muse lente,
Bien qu'elle fut bruslente
De s'offrir à voz yeulx.
I'admiroy bien la grace,
Qui montre en vostre face
Des cieux le pus grand soing,
Mais si grande hauteffe
Mon humble petiteffe
Regardoit de bien loing.
Ores, ores le temple
Des Graces, ie contemple
Desia plus d'une fois,
Et la coulonne seure,
Ou humblement s'asseure
Mon courage, & ma voix.
Là, mon ame incitée,
Là, mon ame agitée
D'une diuine ardeur,
Comme toute ecstastique,
Pend ce veu poetique
Deuant vostre grandeur.
De Dieu la bonté haulte,
Bien qu'il n'ait de rien faulte,
Recoit pourtant à gré
Vne volonté grande,
Qui faict petite offrande
A son autel sacré.
Si vostre bruit, qui touche
Le ciel, vole en la bouche
De l'immortalité,

*Pourtant il ne refuse
De ma petite muse
La liberalité.*

*Chante ma lyre doncques
Plus hault, que ne feiz onques,
Et parmy l'vniuers
Fay resonner sans cesse
Le nom de ma Princesse,
Seul honneur de mes vers.*

A Mellin de Saint Gelais,

Ode III.

*Mellin, que cherist & honnore
La court du Roy plein de bon heur:
Mellin, que France auoue encore
Des Muses le premier honneur:
Mes vers, qui souloyent resonner
De Venus les ardentes larmes,
Audacieux vouloint tonner
De Mars les fouldroiantes armes.
Quand le dieu, qui regne en la lyre,
Ceinct du laurier victorieux
Me reprist, de vouloir elire
Vn œuure tant laborieux.
Ne souille point le luc doré
Au sang, qui coule en la campagne,
Ou le dieu en Thrace adoré
Plein de pouldre, & Sueur se baigne.
Qui dira d'assez bonne grace*

Les trophées de Marignan?
Ou l'Espagnol fuyant la face
Du ieune Prince à Carignan?
La Parque sur noz ennemis
Ebranlant son Vrne fatale,
Et l'heur que les dieux ont promis
Au grand Henry, qui les egale?
Que ceux là les batailles chantent
Plus hault que le Grec ou Romain,
Qui la bonne fortune sentent,
Et l'heur de la royale main.
Des Indes le premier vainqueur.
Le soing, qui la ieunesse amuse
Et l'archer qui blesse le cœur,
Seront les labeurs de ma Muse.
Labeur est en petite chose,
Mais non petit honneur attent
Celuy, qui heureusement ose,
Et Phebus inuoqué, l'entend.
Si homere, & Virgile ont pris
L'honneur de la premiere place,
Pourtant n'est demeuré sans pris
Le nom de Pindare, & d'Horace.
Celuy, à qui le ciel n'ottroye
Le plus fort des Grecz ressembler,
Qui les superbes murs de Troye
Fist mille & mille fois trembler,
Desdaigner il ne doit pourtant
La vertu Salaminienne,
Ou celuy, qui en combatant

Blessa Mars, & la Cyprienne.
 Comme la Saone douce, & lente
 Dedans son sein non fluctueux
 Coule beaucoup moins violente,
 Que le fort Rhosne impetueux:
 Mellin, tes vers emmielez
 Qui aussi doux, que ton nom coulent,
 Au nectar des Muses meslez
 L'honneur de tous les autres foulent.
 Celuy qui n'a eu favorable
 La Muse lente à son secours,
 D'un artifice miserable
 Enfante les siens durs, & lours.
 Pourquoi doncques si longue nuit
 Veux tu sur tes labeurs estendre,
 Opprimant la voix de ton bruit,
 Qui malgré toy se fait entendre?
 Telle est la vertu, qu'on palie,
 Estant à soy mesmes cruel,
 Que la paresse enseuelie
 D'un silence perpetuel.
 Sus mon luc, va toy reposer
 En la royale Marguerite.
 Que le ciel voulut composer
 Sur le protrait d'une Charite.

A Madame Marguerite.

D'escire en sa langue.

Ode IIII.

Quiconque soit, qui s'estudie

En leur langue imiter les vieulx,
D'une entreprise trop hardie
Il tente la voye des cieulx.
Croyant en des ailes de cire,
Dont Phebus le peult desplumer,
Et semble à le voir qu'il desire
Nouveaux noms donner à la mer.
Il y met de l'eau, ce me semble,
Et pareil (peult estre) encor' est
A celuy, qui du bois assemble,
Pour le porter en la forest.
Qui suyura la diuine Muse,
Qui tant sceut Achille extoller
Ou est celuy, qui tant s'abusait
De cuider encores voler.
Ou, par regions incongneues
Le Cygne Thebain si souuent
Dessous luy regarde les nues,
Porté sur les ailes du vent?
Qui aura l'haleine assez forte,
Et l'estommac pour entonner
Iusqu'au bout la buccine torte,
Que le Mantuan fist sonner?
Mais ou est celuy qui se vante
De ce Calabrois approcher,
Duquel iadis la main scauante
Sceut la lyre tant bien toucher?
Princesse, ie ne veux point suyure
D'une telle mer les dangers,
Aimât miculx entre les miens viure

Ode III

Que mourir chez les estrangers.
 Mieux vault que les siens on precede,
 Le nom d' Achille poursuyuant,
 Que d'estre ailleurs vn Diomedes,
 Voire vn Thersite bien sonnans.
 Quel siecle esteindra ta memoire,
 O Bocace & quels durs hyuers
 Pourront iamais seicher la gloire
 Petrarque de tes lauriers verds?
 Qui verra la vostre muette
 Dante, & Bembe à l'esprit hautain?
 Qui fera taire la musette
 Du pasteur Neapolitain?
 Le Lot, le Loyr, Touure, & Garonne,
 A voz bords vous direz le nom
 De ceux que la docte couronne
 Eternize d'un hault renom.
 Et moy (si la douce folie
 Ne me decoit) ie te promets
 Loyre, que ta lyre abolie
 Si ie vy, ne sera iamais.
 Marguerite peut donner celle
 Qui rendoit les enfers contens,
 Et qui bien souuent apres elle
 Tiroit les chesnes escoutans.

A tres illustre Prince Monseigneur Re-
 uerendiss. Cardinal de Guyse.

Ode v.

LE sentier de la vertu

N'est vn grand chemin batu,
Ou tous viateurs arriuent.
C'est vn sommet hault & droict,
Espineux & fort estroict,
Aussi peu de gens le suiuent.
Heureux, qui pour y monter,
Tout labeur peut surmonter,
Quelque danger qu'il y voye.
Celuy qui iadis naquit
D'Alcmene, le ciel aquit,
Ayant esleu ceste voye.
O Prince bien fortuné!
Le ciel prodigue a donné
Ce bon heur à ta ieunesse.
Je dy ce mesme bon heur,
Dont à peine a eu l'honneur
La plus constante vieillesse.
Le Printemps dessus les fleurs
En mille & mille couleurs
Prent la premiere apparence
Des fruiets de l'esté suiuant:
Mais les tiens sont nez auant,
Que d'en donner l'esperance.
De leurs mains les mesmes dieux
Se sont peints dedans tes yeulx,
Et en ton esprit encore:
Ton grand Roy le congnoist bien,
Et sa France void combien
Il te cherist, & honnore.
Et qui n'y est inuité

Par ta douce gravité!
 A qui n'est desia congneue
 A voir tes gestes duisans,
 Mesme en ces tant ieunes ans
 Ceste vertu tant chenuë!
 Quel ennemy du Francois,
 Quelle ville, mais aincois
 Quelle mer, ou quelle terre
 N'a congneu iusques icy
 Ton pere & freres aussi,
 Ces trois fouldres de la guerre!
 Qui n'oit encores le nom,
 Qui faiët bruire le renom
 Du grand prelat de Loraine!
 Dont le tige antiq' & beau
 Est planté sur le tombeau
 De la fameuse Sereine.
 Le mont, qui fut enuoyé
 Dessus le doz fouldroyé,
 N'esclaire d'un plus grand lustre
 Que ton sang, dessus les lieux,
 Ou tes couronnez ayeux
 Ont haussé le chef illustre.

A Monseigneur Reuerendiss. Cardinal
 de Chastillon.

Ode VI.

Quelle grande vertu
 Maintenant ose tu

Celebrer, ô ma Muse!
Cet œuvre humain n'est pas,
Et ton pouuoir trop bas
Si grand' charge refuse.
Le luc melodieux
A bien chanté les dieux,
Et leurs enfans encore:
Chanton' les donq' aussi,
Et entre eux cestuy ci,
Qui Chastillon decore.
Je sens desia combien
Mes vers luy plaisent bien,
Je scay qu'il fauorise
Cet honneste labeur,
Que retardoit la peur
De ma ieune entreprise.
Que diray ie premier
De luy, tant coustumier
D'aimer ceulx qui escriuent
Les vers laborieux,
Par qui victorieux
Les noms au ciel ariuent?
Heureux qui scait gouster
Ce, qui le peult ouster
Des mains de la mort blesme,
Vrayement il ne mourra,
Mais viuant se pourra
Tirer du tumbeau mesme.
Maint Prince, dont le nom
Se taist, a eu renom

Par la douce gracie!
A qui n'est desia congneu
A voir tes vers des durs
M'asme en ces vers icelle
Ceste vers et au chenu
Quel ennemy de France
Quelle ville, mais au cors
Quelle mer, ou quelle terre
M'a congneu infuses
Ton pere & freres aussi
Ces trois fontaines de la guerre!
Qui n'ont racores le nom
Qui fait bruir le renom
Du grand prelat de Lorraine!
Dont le rige antip' & beau
Est planté sur le tombeau
De la France & de la
Le mont qui fut connoye
Dessus le doz foudroye
Et d'elice est un plus grand luy
Que ton sang de la France
O tes conuents & de
O me hanté le chef illustre
A Montaigne & au chenu
de Chastillon
Ote N.
Quelle grande terre
M'auant de m'

Deuant Charles en guerre:
 D'un seul Roland si fort,
 D'un seul Regnauld l'effort
 N'a faict trembler la terre.
 Maints viuans ont eu bruit,
 Dont or' la longue nuit
 Enseuelist la gloire:
 Pour ce qu'ils n'ont point eu,
 Qui leur morte vertu
 Feist viure en la memoire.
 Mais ie voue & promes
 De n'endurer iamais
 Que l'oubly sacrilege
 Morde sur mon grand Roy,
 Sur ton oncle & sur toy,
 L'honneur du saint College.
 Iadis le grand Atlas
 Quand son dos estoit las
 Soubs le faiz tant moleste,
 Se tenoit bien plus seur,
 Ayant vn successeur
 A sa charge celeste.
 Hercule sceut combien,
 Le secoururent bien
 Les flammes puissantes,
 O d'Egee le filz!
 Quand steriles tu feiz
 Les testes renaissantes.
 Et ta nef bien souuent
 Fut maistresse du vent,

*Ayant Typhis pour guyde:
Quand tu alois, Iason,
Voir la riche toison
En la terre Colchide.*

*O grand Mommorenci,
Tu seras donq' ainsi
A ce Roy nostre Prince
Le plus grand des Chrestiens,
Qui dessoubs luy soustiens
Le faiz de sa prouince.*

*Angloys, reprenez cœur
Contre Henry vainqueur,
Boulongne estant reprise:
Osez encor' armer
Et la terre, & la mer?
Vaine est vostre entreprise.*

*Prelat, les fors Iumeaux
Dessus les grandes eaux
Leurs estoilles font luire:
Tes deux freres vaillans
Pour France bataillans
Leurs noms y feront bruyre.*

*L'auant retour en Frãce de Mõseigneur
Reuerendis. Cardinal du Bellay.*

Ode VII.

*TU viendras donq' finalement
Heureux Prelat, & à ta suite
Retourneront semblablement*

L'esprit, la vertu, la conduite,
 Qui te suivent ou que tu vois es,
 Veillant aux affaires Francoises.
 Les dieux, & les astres aussi
 Favoriserent bien la France,
 Qui en toy feirent naistre ainsi
 La mesme mort de l'ignorance:
 Le ciel, qui ton esprit admire,
 Dedans son ouuraige se mire.
 Ou est le lieu, qui n'a congneu
 Ce grand Langé inimitable:
 Dont le renom est parvenu
 Aux fins de la terre habitable.
 Qui est celuy nostre auersaire,
 Qui n'a veu ce qu'il scauoit faire?
 Casar a senty mille fois,
 Que pouuoit la sage entreprise,
 La vertu, la plume, la voix,
 Qu'encores tout le monde prise,
 De celuy, qui n'a ce me semble,
 Laisé que toy, qui luy ressemble.
 Le ciel cruel, à qui sembla
 Fräce par vous deux trop puissante,
 Las, par mort vous desassembla,
 Dont mon ame en est gemissante:
 Saichant bien qu'vne telle perte
 Iamais ne sera recouuerte.
 Ce grand Roy gueres n'admiroit
 Celuy, dont Troye se lamente,
 Qui dix Nestors se desiroit,

Non vne force vehemente.
Le miel, qui les oreilles touche,
A Nestor couloit de la bouche.
Le saige Grec, dont le parler
Sembloit aux neiges hyuernales,
Que le Printemps faict deualer
Par les montaignes inegales,
Congneut par cent mile trauerses
Et hommes, & citez diuerses.
Sa chaste epouze ce pendant
De poursuiuans sollicitée
Fut bien vingt hyuers attendant
L'heure heureuse tant souhaitée,
Qui apres la rendit contente
Par le fruit de sa longue attente.
La France, qui bien aperçoit
Combien vault vn esprit si saige,
Après longs trouaulx te recoit
Auecques vn ioyeux visaige:
Si faict tō Roy, biē heureux Prince,
D'auoir tel homme en sa prouince.
Haste toy donq', & n'attens pas
Que la grand' epaule cheuue
Des Alpes, decoiue tes pas,
Paris ioyeux de ta venue
Ia de loing venir te regarde:
Mon dieu, que l'arriuer me tarde!
Io ma lyre, io ie veulx,
Qu'vn tel iour me soit tousiours feste
Pour payer tous les ans mes vœuz.

*Sus donq', qu'un autel on m'appreste
D'hierre à la racine velue,
Et de veruene cheuelue.*

*Celuy Macrin, que tu congnois,
Aux Latins sacra ta memoire:
Et moy apres ce Loudunoy
Aux Francois ie chante ta gloire:
Tant i'ay desir de voir en France,
Les Musés faire demourance.*

*Le Lesbien ses vers sonnoit
Parmy les armes non timide,
Ou quand à sa nef il donnoit
Repos sur le riuage humide:
Prelat, te plaise temps elire
Pour mes vers ecouter, ou lire.*

*Des vents encores soutenu,
Sortant du maternel boccaige
L'oyseau par sentier incongneu
Tente le premier nauigaige
Des ailes, que sa mere gujde,
L'asseurant parmy l'air liquide.*

*Moy ieune, & encor peu fier
Laisant la maison paternelle,
Au ciel ie m'oseray fier
Dessous la faueur de ton aile:
Aile, dont la plume dorée
De tout le monde est adorée.*

*O la grand' ardeur que i'auois
D'appaiser ma soif en cest onde,
Qui veid à son bord quelque fois*

Les deponilles de tout le monde!
Et la grand' cité, qui encore
Ainsi qu'un demy dieu t'adore.
Le bruloy' tous les iours apres,
Alors que les fieures cruelles
Mes oz vont ronger de si pres,
Qu'ilz n'ont quasi plus de nouvelles:
La desia me monroit la Parque
De Charon la fatale barque.
Mais les dieux n'ont voulu chasser
De moy cest heur tant souhaitable,
Que d'estre tien, feust pour passer
Le froid Caucase inhospitable,
Ou parmy les ondes auares
Le destroit des Syrthes barbares.

Contre les Auaritieux.

Ode VIII.

TOY, de qui la richesse excede
Celle que l'Afrique possede,
Et les grands thesors non touches,
Qui sont en la terre cachez,
Combien que desia soient comprises
En ce Palaiz, que tant tu prises,
Plus des deux pars de la Cité,
Si la dure necessité,
Qui à toutes les loix renonce,
Ses cloux de dyamant enfonce
De ssustoy iusq' au dernier point,

Ton

Ton serf esprit ne sera point
 De peur deliure, ny ta teste
 Des liens, que la mort t'appreste.
 Le Scythe a plus grande raison,
 Qui sa vagabunde maison
 Par tout ou bon luy semble, meine:
 Et les Getes durs à la peine
 Nature à trop mieulx contentez,
 Qui ont leurs champs non arpentez:
 Et ou la culture annuelle
 A chacun n'est perpetuelle.
 Venus & la forte liqueur,
 Qui arrache le soing du cœur,
 Les viandes elabourées
 Avec sauces bien sauourées,
 Le son du luc, & sur les eaux
 Le doulx ramaige des oyseaux
 N'ostent de l'or la faim sacrée
 Au cœur ambicieux ancrée,
 Qui iamais ne sent en son œil
 Couler l'emmiellé sommeil.
 Le doulx sommeil plus tost habite
 La maisonnette humble & petite
 Du berger, ou du laboureur,
 Que le Palaiz d'un Empereur.
 La mer, qui est tempetueuse
 Par la descente impetueuse
 De l'Arcture, ou par le leuer
 Du Bouq, ne sceurent oncq' greuer
 Celuy, qui d'assez se contente.

La gresle qui decoit l'attente
Du vigneron, le champ trompeur,
L'arbre sans fruiçt, ne luy font peur:
Soit que la terre soit bruslée
Du chauli, ou par l'hyuer gelée.
Pourquoy en auroit il ennuy,
Puis qu'immortelz ainsi que luy
Sont les biens, ou son cœur il fiche?
O l'homme heureux! ô l'homme riche!
Si les honneurs ambicieux,
Les Palais eleuez aux cieuz,
Le doulx nectar & l'ambrosie
Ne contentent la fantasie
De celuy, qui nourrist le soing
D'vn cœur à soy mesmes tesmoing,
Pourquoy hausseray-ie les voiles
Dessoubz la faueur des estoiles?
Par mille & par mille dangers
Suyuant les thesors estrangers,
Et la pauureté renaiçsante
Auec la richesse croiçsante.
Vole donq' auare marchant,
Des Indes au soleil couchant,
Et du Septentrion encore
Iusqu' au bord de la terre more
Cerue le tour continuel
Si tu veuz, de l'astre annuel
Auecques vn labeur extreme,
Et te fuy si tu peux toymesme,
Pourtant si ne fuiras tu pas

Le soing, qui te suit pas à pas,
Et la crainte, qui tourne, & vire
Le gouuernal de ta nauire.

Moy, que la Muse veut aimer
Par les vents ie feray semer
Tout le soucy, qui me fait guerre,
Dessus l'ennemie Angleterre,
Ou regne l'horrible fureur
D'Erynnys, avec la terreur
Des armes & de l'entreprise
De Henry, que Mars fauorise.

A Bouiu.

Les conditions du vray Poete.

Ode IX.

Bouiu, celuy que la Muse
D'un bon œil a veu naissant,
De l'esper qui nous abuse,
Son cœur ne va repaissant.
La faueur ambicieuse
Des grands, voluntiers ne suit,
Ny la voix contencieuse
Du Palaiz, qui tousiours bruit.
Sa vertu n'est incitée
Aux biens, que nous admirons,
Et la mer sollicitée
N'est point de ses auirons.
Lavielle au visaige blesme
Iamais greuer ne le peult,

Qui se tourmente elle mesme,
Quand tormenter elle veult.
Son estoille veult qu'il viue
Toufiours de l'amour amy,
Mais la volupté oysue
Ne l'a onques endormi.
Il fuit voluntiers la ville,
Il hait en toute saison
La faulse tourbe civile
Ennemie de raison.
Les superbes Collifées,
Les Palaiz ambicieux,
Et les maisons tant prisées
Ne retiennent point ses yeux.
Mais bien les fontaines viues
Meres des petits ruisseaux
Autour de leurs verdes riués
Encourtinez d'arbrisseaux.
Dont la frescheur qui contente
Les bœufz venans du labour,
De la Canicule ardente
Ne sentit oncques la peur.
Il tarde le cours des ondes,
Il donne oreilles aux bois,
Et les cauernes profondes
Faiçt rechanter sous sa voix.
Voix, que ne feront point taire
Les siecles sentresuiuans:
Voix, qui les hommes peult faire
A eulx mesmes suruiuans.

Ainsi ton bruit qui se carte,
 Bouiu, tu feras parler,
 Ainsi ta petite Sarte
 Au mesme Pau s'esgaler.
 O que ma Muse a d'enuie
 D'ouyr (te suiuant de pres)
 La tienne des bois suyuie
 Commander à ces forestz i
 En leur apprenant sans cesse,
 Et à ces rochers ici
 Le nom de nostre Princesse,
 Pendant que ma lyre aussi
 Ceste belle Marguerite
 Sacre, à la posterité,
 Et la vertu, qui merite
 Plus d'une immortalité.
 O l'ornement delectable
 De Phebus l'ô le plaisir,
 Que Iupiter à la table
 Sur tous a voulu choisir!
 Luc, qui eteins la memoire
 De mes ennuitz, si ces doigtz
 Ont rencontré quelque gloire,
 Tienne estimer tu la doibs.
 Ou me guidez vous Pucelles,
 Race du Pere des dieux?
 Ou me guidez vous les belles,
 Et vo^s Nymphes aux beaux yeux?
 Fuyez l'ennemy riuaigne,
 Gaignez le voisin rocher:

Le roy de ce bois sauuaige
Les Satyres approcher.

De l'Innocence, & de n'attenter contre
la maiesté diuine.

Ode X.

Qui vers le ciel les mains renuerfera,
L'œil & le cœur, & la douce faconde,
Des bienheureux le plus heureux sera,
Et la fureur de l'air ne blessera
Ses blezioureux, ny sa vigne seconde.
Il ne craindra le bras du fier Angloys,
Qui sa vertu porte enclose en sa trouffe.
Besioing n'aura du fidele carquoys
Plein de ces traicts, que souuēt l'arc turquois
Enuenimez contre l'ennemy pousse.
D'un mur d'airain son cœur enuironné
La froide peur ne peindra dans sa face,
Soit que le pere ait en fureur tonné,
Ou que le vent soubs la terre entonné
Les fondemens du monde trëbler face,
Celuy qui a engraué bien auant
Dedans son cœur la coulpe vengeresse,
Son peché palle il voit courir deuant
Les piedz aislez de la peine suiuant
Qui ia desia les deux talons luy presse.
Il sent encor' les furieux serpens,
Auec l'oiseau qui te ronge & moleste
Toy, dõt le corps couure bië neuf arpës:

Et toy aussi, qui en vain te repens
 Du larecin de la flamme celeste.
 Cefut au temps que ce languissant corps
 Sentit premier les fieures tant cruelles.
 Mille malheurs, mille sortes de morts
 Le ciel vengeur feist descēdre, & alors
 La mort boiteuse à ses piedz mist des aisles.
 Que n'ont ozé les hommes attenter
 Contre les dieux? cest audacieux feuure
 De l'air iadis le vyde osa tenter:
 Mais bien l'enfer ne se peult exempter,
 Que s'obscure mesmes on ne descœure.
 Celuy vrayement contre Dieu s'esleua,
 Qui feist premier le tonnerre imitable:
 Cefut celuy qui le canon trouua,
 Et Salmonée encores eprouua
 De Iupiter la foudre veritable.
 A son dommaige Orion quelquefois
 Tēta la Vierge aux forests tant cōgneue,
 Trois cens liens enchainent Pirithoys,
 En mesme erreur Ixion, tu estois,
 Quand tu aimas la tromperesse nue.
 Et qui ne scait cōment le Roy des dieux,
 Dont le sourcil fait trēbler ciel & terre,
 Brisa iadis l'escadron furiéux,
 Qui pour monter au ciel victorieux
 Osa dresser la sacrilege guerre?

Au seigneur du Boysdauphin, mai-
 stre d'hostel du Roy.

Les Roys sont enfans des dieux,
Les dieux les Roys fauorizent,
Et bien sont vouluz des cieux,
Qui les honnorent & prisent:
Ceux qui des Roys ont la grace,
N'ont pas vn petit bon heur,
Et qui honnore leur face,
Aux Roys mesmes fait honneur.

Ton Prince qui bien entend
La grandeur de ton merite,
Sur toy sa faueur estend,
Fauueur qui n'est pas petite.
Mais qui bien te congnoist ores,
Et n'est aussi congnoissant
L'esprit, qui est plus encores
Que son corps, apparoiſſant?

Ma lyre, qui ſceut chanter
N'agueres des Roys la gloire
S'ose encores bien vanter
D'eternizer ta memoire.
La nature me feiſt naiſtre
De ton ſang non gueres loing,
Et à vertu me fait eſtre
De tes honneurs le teſmoing.

Celuy qu'amour de ſoy poingt,
Sa figure ait contrefaicté:
Le tableau ne parle point,
Et la ſtatue eſt muette.
Les vers iamais ne ſe taiſent,
De vers pauvre ie ne ſuis.

*Les vers (Boysdauphin) te plaisent:
Des vers donner ie te puis.*

A Carles.

Ode XII.

*Laisse de celuy les dangers,
Qui veid maintz peuples estrangers,
Après auoir donné en proye
Les murs de la fatale Troye.
Il faut plus grand œuure mouuoir,
Et tu en as bien le pouuoir
Carles, dont la Muse prisee
Est du Roy tant fauorisee.
La donc' fay ta plume voler
Pour France, & son Prince extoller:
Et avec vne voix hardie
Sonne l'Angloise tragedie.
Tu pourras bien tout à loisir
Le vent & la saison choisir,
Pour ramener au port d'Itaque
Le pere au saige Telemaque.
Le grand vainqueur de l'vniuers,
Dist le grec gisant à l'enuers,
Bien heureux, dont sa gloire insigne
Trouua d'Homere la buccine.
O Prince heureux, ou que tu sois,
Ton siecle & ton peuple Francois,
Et heureux tous ceux dont tu parles
O la docte Muse de Carles!*

Qui eust congneu les longs erreurs,
Et les belliqueuses terreurs,
Ou la vertu presque incroyable
De ce grand Troyen pitoyable.
Qui eust sceu de Mars les enfans,
Leurs lauriers, leurs chars triumphās,
Si ores l'enuieux silence
A leurs noms faisoit violence?
Les sepulchres laborieux,
Collosses, Arcz victorieux,
Et les batailles engrauees
Sur les columnes eleuees.
La main du peintre, & la faueur
De l'ingenieux engraueur,
Le tableau, le marbre & le cuyure,
Qui font les hommes deux fois viure,
Ne scauroint si bien exprimer,
Ce, qui Henry fait estimer,
Comme le sonnent en leur onde
Les flots de la docte Gyronde.
I'oy la buccine à ceste fois,
Avec l'expouentable voix
Du canon, qui l'oreille etonne,
Et le hault phyfre qui resonne.
Ia le harnois resplendissant
Fait peur au cheual hanissant,
Et aux yeulx du souldard timide,
Qui fait de sang la terre humide.
Ie voy les vainqueurs chevaliers
Ardentes au milieu des miliers,

Souillez des piedz iusqu'à la teste
 D'une pouldre non deshonneste.
 Quel champ par la main de Valoys
 N'est engressé du sang Angloys?
 Qui n'oit le bruit que fait la terre
 Soubs la ruine d'Agleterre?
 Quel destroit, quel haure & rocher
 Ne void les nefz s'entr'acrocher!
 Sur l'onde le flotant bagaige,
 Et le feu qui la mer saccaige?
 Mais afin, luc trop couraigeux,
 Que tu ne delaiesses tes yeux,
 Cesse ton chant, ou bien accorde
 Vn plus doux son dessus ta chorde.

A Heroet.

Ode XIII.

Les Thraces chantent leur Orphée,
 La Grece encores se debat
 De cil qui du Troyen combat
 Dressa le superbe trophée.
 Thebes encor' est glorieuse
 Du luc sur tous le mieux appris,
 Qui donne en Olympe le pris
 De la palme victorieuse.
 Paris, mais bien la France toute,
 De Seine oit tous les iours le son,
 Qui fait de toy mainte chanson,
 Que nostre siecle heureux ecoute.

Heroet aux vers heroiques,
(Subiect vrayement digne du ciel)
Qui en douceur passent le miel,
En grauité les fronts Stoiques.
Ta Muse des Graces amie,
La mienne à te louer semond,
Qui sur le hault du double mont
As erigé l'Academie.
Si l'on doibt croire à Pythagore,
Qui les corps fait reanimer,
On peut, Heroet, estimer
En toy celuy reuiure encore,
A qui iadis dedans la bouche
Les abeilles alloint formant
Le miel, lors qu'il estoit dormant
Encor' enfant dedans sa couche,
Tu as rompu l'arc & la trouffe
Du ieune archer malicieux,
Qui bleffoit la terre & les cieulx,
Luy baillant nature plus douce,
Venus qui n'a plus de puissance,
En vain par tout cherche son fils,
Que n'agueres voler tu feis
D'ici au lieu de sa naissance.
Sus, Musés que l'on enuironne
Le front scauant de cestuicy,
Qui a bien merité aussi
De vos mains receuoir couronne.
Vos mains donques la luy composent
Non du victorieux laurier,

Mais du pacifique oliuier,
Dessous qui les loix se reposent,

A Mercure, & à sa lyre.
Pour adoucir la cruauté de sa dame.

Ode XIII.

Neveu d'Atlas, qui donnas le pouuoir
Au vieil Thebain tes pierres esmouuoir,
Et toy encor' ô coquille dorée,
Des pl^s grās Roys aux vieux siecle adorée

Monstre moy les accords

Des accordans discords,

Dont ma douce ennemie

Se puisse emerueiller,

Et face reueiller

Son oreille endormie.

Elle fuit ainsi que la ieune iument,

Qui va l'ardeur des cheuaulx allumant

Decà delà, iouant par les campagnes,

Ou sur le doz des prochaines montaignes.

Des nopces le doux point

Encores ne la poingt

(La sauuaige & farouche)

Mais d'un pié non oisif,

Fuit le mary lascif,

De peur qu'il ne la touche.

Tu peulx mener les campagnes forestz

Tygres, lyons, te vont suiuant de pres:

Et sous ton chant les riuieres bruytes

Haussent la bride à leurs ondes fuyantes.

Le portier aboyant
Tes chansons fut oyant,
Bien que sa teste porte
Serpens pleins de laideur,
Et que puante odeur
De ses trois gueulles sorte.

Le grand Tytie à lœil fier & hydeux,
Et Ixion rirent en depit d'eulx.
La roue aussi qui iamais ne s'arreste,
Avec la pierre à t'escouter fut preste.

La douceur de ta voix
Arresta quelque fois
Le Bussard tousiours vyde,
Cependant que chantant
Tu alois esbatant
La race Danaide.

Ecoute donq' de ces vierges icy
La cruauté & les tourments aussi,
Celle qui m'est en plus cruelle peine,
Qu'à leurs maris ceste gent inhumaine.

Dont l'vne seulement,
Qui mentit noblement
A son pere infidele,
Valoit bien que le fruit
De nuptiale nuit
Ne fust esloingné d'elle.

Sus, leue toy (tout bas dist elle adonc
Au ieune espoux) q̄ ton sommeil trop long
Tout maintenant par la tourbe cruelle

Ne soit mué en nuit perpetuelle.

Desia toutes ont mis

Leurs espoux endormis

A mort (les inhumaines)

La lyonne courant

Ainsi va deuorant

Les veaux parmy les plaines.

Moy, que pitié & l'amour de toy poingt,

O mon amy! ie ne t'occiray point,

Haste toy donq, ta vie (helas) ie n'ose

Tenir icy plus longuement enclose.

Soint de pesans liens

Chargez les membres miens,

Ou face que i'endure

Exil perpetuel

Le mien pere cruel,

Pour n'auoir esté dure.

Fuy derechef, ou le vent te conduit,

Fuy cependant que Venus, & la nuit

Donnent faueur à ta course hastiue,

Ie demouray en ta place captiue.

Sur mon sepulchre au moins

Graue ces pleurs tesmoings

De mon amour extreme:

Tesmoings dor'enauant,

Que ie t'ay fait viuant

Par la mort de moy mesme.

La louange du feu Roy Francois, &
du treschrestien Roy Henry.

Ode XV.

Combië tu doibs Fräce, à ceulx de Valoys,
Tefmoings en söt les armes, & les loix,
Qui ont fleury sous Fräcois, ainsi cöme
Iadis en Grece, & sous Auguste ä Röme
C'est luy, qui a de ce beau Siecle ici
Comme vn soleil, tout obscur eclairci,
Ostät aux yeux des bös esprits de Fräce
Le noir bandeau de l'aneugle ignoräce.
C'est luy premier, qui du double coupeau,
A ramenë des Muses le troupeau
Pour consacrer à leur mere, la gloire
Du Lot, du Loyr, de la Touure, & de Loyre
Si n'a-il point vn plus grand oeuvre fait,
Que de laisser vn enfant si parfaict
Comme ce Roy, qui rendra eternelle
Par sa vertu, la vertu paternelle.
Comm e l'oyzeau de prodige annonceur
Du blond Troyen fidele r auisseur,
A qui des dieux le souuerain octroye
Les vagabonds volatiles en pryë,
Dës plus doulx vents au printëps soutenu
Vole bardy parmy l'air incongnu
Si tost que l'aage, & vigueur paternelle
Dehors le nid ont esbranlé son aile,
Suit les oiseaux, puis fait plus courageux,
Ose assaillir les serpents outraigeux.

Tel

Tel fut senty, & tel sera encore
 Ce nouveau Roy, que nostre siecle adore.
 La bische ainsi, ou le ieune cheual
 Ont veu de loing descendre contrenal
 Le lyonceau hardy, qui les deuore
 Auec' ses dents innocentes encore.
 Qui tost apres ose en faueur saillir,
 Pour les taureaux indomtez assaillir,
 Et appaiser par le sang, qu'il en tire,
 Sa longue faim, & l'ardeur de son ire.
 Iadis Angloys, iadis preuue tu feis,
 Que c'est d'auoir de Francois esté filz,
 Et combien vault la bonne discipline
 Au naturel, qui à vertu s'incline.
 Maintenant donq' edrouuer tu peuz bien
 Par la grandeur de tes pertes, combien
 D'vn si grand Roy peult sa saige entreprise
 Et la vertu, que le ciel fauorise.

A Madame la Contesse de
 Tonnerre

Ode XVII.

Haulte vrayement dire i'ose
 Trois & quatre fois la chose,
 Ou les feminins espritz
 N'ont peu quelque fois atteindre.
 Bien doit doncq' la cheute craindre,
 Qui a tel œuure entrepris.
 Dieu leur a donné des aisles,

Qui sont bien assez isnelles,
Pour voler iusques aux cieux.
Quelle grandeur de couraiges?
De leurs belliqueux ouuraiges
Tesmoings furent noz ayeux.
Le bruit iusqu'icy resonne
De celle braue amazone,
Qui par l'espez des milliers
A Mars se donnant en proye,
Feist rougir les champs de Troye
Au sang des Grecz cheualiers.
Des ans viuront mil & mile
L'Asyrienne, & Camille,
Quel marbre, quel diamant
Est plus dur que la memoire,
Qui garde encores la gloire
De Marphise & Bradamant?
Thebes encores se vante
De sa Corinne scauante.
Sur toy Pindare mordoit
La douce lyre ancienne,
Que la fille Lesbienne
Si doctement accordoit.
Celle qui feist plus feconde
De ses enfans la faconde,
Romme, en memoire tu l'as.
Mainte autre n'est plus prisée,
Qui se veit fauorisée
De l'une & l'autre Pallas.
O plumes trop enuieuses,

Qui es eaux obliuieuses
 Laissez noyer le renom
 De tant de celestes dames,
 Dont ores les tristes lames
 Couurent le corps & le nom!
 Combien sont mieux fortunées,
 Qui en cet age sont nées,
 Ou maint gentil escriuant
 A bien osé entreprendre
 Par ses doctes vers de rendre
 Leur hault honneur suruiuant?
 La vertu est trop seuerie,
 Qui la Muse ne reuerie.
 La Muse aime la vertu.
 Tu ne verras donc' Contesse,
 Deualer de sa hauteesse
 Ton loz par mort abatu.
 Qui publiera les louanges
 Des nostres, ou des estranges,
 Et de toy ne chantera
 L'esprit, la douceur, la grace,
 Dont la genereuse race
 De Clairmont se vantera?
 Cest pourquoy mes vers aspirent
 Ou tes louanges les tirent.
 Bien que ton sauoir soit tel,
 (Si tu le veulx entreprendre)
 Que ton renom se peut rendre
 Par toymesmes immortal.

A vne Dame.

*J'ay oublié l'art de petrarquizer
Je veulx d'amour franchement deuiser
Sans vous flater, & sans me deguiser.*

*Ceulx, qui font tant de plaintes
N'ont pas le quart d'une vraye amytié,
Et n'ont pas tant de peine la moitié,
Comme leurs yeux, pour vous faire pitié,
Getent de larmes feintes.*

*Ce n'est que feu de leurs froides chaleurs,
Ce n'est q'horreur de leurs feintes douleurs
Ce n'est encor' de leurs souffirs, & pleurs,
Que vents, pluye, & orages.*

*Et bref, ce n'est, à ouyr leurs chansons
De leurs amours, que flâmes & glacons,
Flesches, lyens, & mille autres facons
De semblables outrages.*

*De voz beautez, ce n'est que tout fin or,
Perles, Crystal, Marbre, & Iuoyre encor',
Et tout l'honneur de l'Indique thesor,
Fleurs, lys, œilletz, & roses.*

*Devoz douceurs, ce n'est que sucre & miel
De voz rigueurs n'est qu'aloës, & fiel,
De voz esprits c'est tout ce que le ciel
Tient de graces encloses.*

*Puis tout soudain ils vous font mille tors,
Disans, que voir voz blös cheueux retors,
Voz yeux archiers auteurs, de mille mors
Et la forme excellente*

*De ce que peult l'accoutrement couuer,
Dyane en l'ode il vaudroit mieux trouuer*

*Ou voir Meduse, ou au cours s'esprouuer
Auecques Athalante.*

*Tout l'orient, avec' toutes les fleurs,
Dont le printemps bigarre ses couleurs,
Ne fourniroient à peindre vos valeurs,
Ny le cor d' Amalthee.*

*De leur largesse, icy ie n'en dy rien,
Aussi l'amour, qui est souuerain bien
Par les presens d'un auoir terrien
Ne peult estre achetée.*

*S'il faut parler de vostre iour natal,
Vostre Ascendant heureusement fatal,
De vostre chef escarta tout le mal,
Qui aux humains peult nuire.*

*Quant au trespas scauons quand ce sera,
Que vostre esprit le monde laissera?
Ce sera lors, que là hault on voirra
Un nouuel Astre luyre.*

*Cen'est assez à leur subtil parler
Ou ma maistresse, ou madame appeller,
Cela est trop voz beautez r'aualer,
Pour oindre voz oreilles.*

*Ce mot, Deesse, est beaucoup mieux duisät
Mais ie ne puis, tant ie suis mal plaisant,
Vser ainsi en me contrefaisant,
De ces faulses merueilles.*

*Si pour sembler autre que ie ne suis,
Ie me plaisois à masquer mes ennuys,
I'irois au fond des eternelles nuictz
Plein d'horreur inhumaine.*

Là d'un Syfiphe, & là d'un Ixion,
I'esprouverois toute l'affliction,
Et de celuy, qui pour punition
Rid, & meurt à sa peine.

De voz beautez, scauons que i'en dirois,
De voz deux yeulx deux astres ie ferois,
Voz blonds cheulx en or ie changerois,
Et voz mains en yuoire.

Quant est du teinct, ie le peindrois trop mieux
Que le matin ne colore les cieulx,
Bref, vous seriez belle comme les dieux,
Si vous me vouliez croire.

Mais cet enfer de vaines passions,
Ce paradis de belles fictions,
Deguisement de noz affections,
Ce sont peintures vaines.

Qui donnent plus de plaisir aux lisans,
Que voz beautez à tous voz courtisans,
Et qu'au plus fol de tous ces biendisans
Vous ne donnez de peines.

Il n'y a roc, qui n'entende leur vois,
Leurs piteux cris ont faiet cent mille fois
Pleurer les monts, les plaines, & les bois,
Les antres & fontaines.

Bref, il n'y a ny solitaires lieux,
Ny lieux hantez voire mesmes les cieux,
Qui cà & là ne monstrent à leurs yeux
L'image de leurs peines.

Cestuy là porte en son cœur fluctueux

De l'océan les flots tumultueux.

Cestuy l'horreur des ventz impetueux

Sortans de leur Cauerne.

L'un d'un Caucase & mötgibel se plaint

L'autre en veillant plus de songes se peinct,

Qu'il n'e fut onq' en cet orme qu'on feinct

En la fosse d'Auerne.

Ores luy semble estre arbre deuenu,

Ores vn mont de nege tout chenu,

Ores l'oyzeau en Meandre congneu,

Ore il se faict accroire

Sentir ses nerfs tiedement languissans,

Entre voz bras les siens entrelacans,

Mais tout cela sont des songes passans

Par la porte d'Yuoire.

L'un contrefait ce Tantale mourant

De soif, qu'il a au milieu d'un torrent,

L'autre qui paist vn aigle deuorant

S'accoustre en Promethée,

Mais cestui la par vn plus chaste veu,

En se bruslant veult Hercule estre veu,

L'autre se mue en eau, air, terre & feu,

Comme vn second Prothée.

L'un meurt de froide & l'autre meurt de chault,

L'un vole bas, & l'autre vole hault,

L'un est chetif, l'autre à ce qu'il luy fault,

L'un sur l'esprit se fonde,

L'autre s'arreste à la beauté du corps,

On ne Veit onq'si terribles discords

En ce Chaos, qui troubloit les accords

Dont fut basty le monde.

Quelque autre apres, ayant subtilement
Trouuë l'accord de chascun element,
Faconne vn rond tendant egalement

Au centre de son ame.

Son firmamët est peint sur vn beau front,
Tous ses esprit sont balancez en rond,

Son pol artiq', & antartiq', ce, sont

Les beaux yeux de sa dame.

Quelqu' autre encor' la terre dedaignant

Va du tiers ciel les secretz enseignant,

Et de l'amour ou il se va baignant

Tire vne quinte essence.

Mais quant à moy, qui plus terrestre suis,

Et n'ayme rien, que ce qu'aymer ie puis,

Le plus subtil, qu'en amour ie poursuis,

S'appelle iouyssance.

Cestuy voulant plus simplement aymer

Veult vn Properce, & Ouide exprimer,

Et voudroit bien encor' se transformer

En l'esprit d'un Tibulle.

Mais cestuy la, cōme vn Petrarque ardent

Va son amour & son style fardant.

Cet autre encor' va le sien mignardant

Comme vn autre Catulle.

Ie ne veulx point scauoir si l'amitié

Prest du facteur, qui iadis eut pitié

Du pauvre tout fendu par la moitié

Sa celeste origine.

Vous souhaiter autant de bien qu'à moy,

Vous estimer autant comme ie doy,

Avoir de vous le loyer de ma foy,

Voila mon Androgine.

Noz bons ayeux, qui cet art demenoient,

Pour en causer, Petrarque n'apprenoient,

Ains franchemēt leur dame entretenoient

Sans fard, ou couuerture.

Mais aussi tost qu'Amour s'est fait scauāt,

Luy qui estoit Francois au parauant,

Est deuenu menteur, & deceuant,

Et de Thusque nature.

Ie scay qu'Amour est le subiect des vers,

Et que sans luy tant d'escriuains diuers

Ne voleroyent si bien en l'vniuers

Par les bouches estranges.

Mais ces beautez, dont tant de bōs espritz

Se vont plaignant auoir esté surpris,

Ne furent onq' vers en si hault pris

Que chantent leurs louanges.

Voz beautez dōq' leurs seruent d'argumēs,

Et ne leur fault de meilleurs instrumens

Pour les tirer tous vifz des monumens,

Aussi comme ie pense,

Sans que plus fort vous les recompensez

De tant d'ennuiz mieux escriz que pēsez,

Amour les a de peine dispensez,

Et vous de recompense.

Ie ry souuent, voyant pleurer ces foulx,

Qui mile fois vouldroïēt mourir pour vous

Si vous croyez de leur parler si doulx

Le pariure artificie.

Mais quāt à moy, sans feindre ny pleurer
Touchant ce point, ie vous puis asseurer,
Que ie veulx sain & dispos demeurer
Pour vous faire seruice.

Si vous trouuez quelque importunité
En mon amour, qui vostre humanité
Prefere trop à la diuinité

De vos graces cachées,
Changez ce corps, obiect de mon ennuy,
Alors ie croy que de moy ny d'aultruy,
Quelque beauté, que l'esprit ait en luy,
Vous ne serez cherchées.

Et qu'ainsi soit, quand les hyuers nuisans
Auront terny la fleur de vos beaux ans,
Rydé ce marbre, esteint ces feuz luisans,

Quand vous verrez encore
Ces cheueux d'or en argent se changer,
De ce beau seing l'yuoire s'allonger,
Ces lys fanir, & de vous s'estranger

Ce beau teinct de l'Aurore.

Qui pensez vous qui vous aille chercher,
Qui vous adore, ou qui daigne toucher
Ce corps diuin, que vous tenez tant cher?

Vostre beauté passée

Ressemblera vn iardin à noz yeux,
Riant n'aguere aux hōmes & aux dieux,
Ores faschant de son regard les cieulx.

Et l'humaine pensée.

N'attēdez donq' q' la grād' faulx du tēps
Moissonne ainsi la fleur de voz Printēps,
Qui rend les dieux & les hommes cōtens,

Les ans qui peu seiournent,
 Ne laissent rien, que regretz & souffirs,
 Et empennez de noz meilleurs desirs
 Auecques eulx emportent noz plaisirs,
 Qui iamais ne retournent.

Pour faire fin, ie vous prie excuser
 Mon amitie, qui ne peult abuser,
 Et mon esprit, qui ne sauroit vser
 De plus belle harengue.

Puis que voz yeulx appris à deceuoir
 Da ma parole empeschent le deuoir,
 Et que les miens esblouys de les voir
 Font office de langue.

Si ie n'ay peints mes ennuys sur le front,
 Et les assaulx que voz beautez me font,
 Ils sont pourtant en grauez plus profond
 De ma volunté franche.

Non cōme vn tas de vains admirateurs,
 Qui fōt souuēt par leurs souffirs mēteurs
 Et par leurs vers honteusement flateurs
 Rougir la carte blanche.

Desormais dōq' (Amour) si tu m'en croys
 Adresse là ton petit arc Turquois,
 Tes petis traictz, & ton petit carquois,
 Et telles mignardises,

Presente les à la legere foy
 D'vn plus scauāt, mais moins aimāt quē moy,
 Qui n'ait iamais rien esprouue de toy,
 Que ces belles faintises.

Si toutes fois tel style vous plaist mieuilx,

I ij

Je reprendray mon chant melodieux,
Et voleray iusqu'au seiour des dieux
D'une aisle mieux guidée.
Là dans le seing de leurs diuinitez
Je choisiray cent mille nouueautez,
Dont ie peindray voz plus grādes beautez
Sur la plus belle Idée.

La mort de Palinure.

*Du cinqiesme de
Virgile.*

Mais ce pendant Venus de dueil atteinte
Degorge ainsi à Neptune sa plainte,
Le fier desdaing, l'insatiable raige,
Qui de Iunon tourmente le couraige,
Que la pitié ny la longue saison,
Ny iupiter n'ont sceu mettre à raison,
Et que les sorts mesmes n'ont peu plier,
Me font (Neptune) vn chacun supplier.
Auoir parmy les peuples Phrygiens
Rongé, mangé les murs Dardaniens,
Auoir trainé par tout genre de peines
Cruellement les reliques Troyennes,
Ne luy suffist, mais son courroux enclos
Poursuit encor leurs cendres & leurs oz.
De sa fureur la cause ien'entens,
Tu m'es tesmoing, cōbien puis peu de tēps
Elle agita d'oraige furieux
L'onde Libyque, elle mesla aux cieux
Toutes les mers, & osa ceste fole

Mettre (ô forsaict) les tempestes d'Eole
 Ou tu es Roy, les Troyennes Gallées
 Par son moyen vilainement bruslées,
 N'agucrer' aussi furent mises en proye
 A la fureur des matrosnes de Troye,
 Forcant les miens de laisser en arriere
 Leurs compagnons, en prouince estrāgere.
 Au demeurant, ie te pry que tes eaux
 Donnent passaige au reste des vaisseaux,
 Et que mon fils (au moins s'il est permis,
 Et les destins ces murs luy ont promis)
 Puisse aborder au Tybre Ausonien.

Alors respond le fils Saturnien
 Roy de la mer, tu peux, ô Cytherée,
 Estre par tout en mon regne assuree,
 Dont tu nasquis, & ie merite aussi
 Que de ma foy tu estimes ainsi,
 Moy, qu'on a veu tant de fois reprimer
 Telles fureurs du ciel & de la mer,
 Et si n'ay eu (Xante m'en soit tesmoing,
 Et Simois) sur terre moindre soing
 De ton Enée, alors qu'on veid. Achille
 Chasser les tiens, & que sa course agile,
 Contre les murs demy mors les pressoit,
 Lorsqu'à milliers sō bras les meurtrissoit
 Et que les corps les canaulx remplissans
 Bouchoiēt la voye aux fleuves gemissans,
 Et que les eaux de Xante ne couloient
 Dedans la mer, ainsi qu'elles souloient.

Alors i'ostay sous vne nue vuide

Ton fils Enée au superbe Pelide
Plus fauory des armes & de nous,
Bien que voulusse alors dessus dessous
Verser les murs de Troye pariurée,
Dont ie l'auois moymesme emmurée.
Ce bon vouloir est encor' arresté
Dedans mon cœur, ton fils en seureté
(Chasse ta peur) conduira ses nauires
Au port d'Auerue, ainsi que tu desires.
Vn seul sans plus dans la mer perira,
Vn seul sans plus pour le reste mourra.

Incontinent que le Pere eut ainsi
Le cœur ioyeux de Venus adoucy,
Ses fiers cheuaux il attele & enbouche
D'escumeux freins: leur braueté farouche
Lasche la resne, & à bride aualée
Raze le hault de la plaine salée,
Sur son char bleu, les flotz incontinent
Se sont planez dessous l'esseul tonnant,
La mer s'vnist, les vents audacieux
Fuyent parmy le grand vague des cieux.

Voicy apres vn horrible exercite
De grands poissons, Glauque, & sa blanche Suyte,
Et Palemon, & Phorce avec sa troupe,
Et les Tritons à la legere crouppe.
Sur l'aisle gauche estoit l'onde couppee
Dessous Thetis, Melite, & Panopée,
Nisée aussi à leur bande s'alie,
Auec' Spion, Cymodoce, & Thalie.

La gayeté à son ranc retournée
Chatouille ici le cœur douteux d'Enée,

Il faiçt soudain ses vaisseaux enuoiler,
 Guinder au mast, les verges estaler.
 Chacun se prend à tendre le cordaige,
 Et à donner la voile au nauigaige,
 Ores à dextre, or' à senestre, & ores
 Croisent bien hault les antennes encorés.
 Lors vn bon vent vint empouper la flote,
 Au front estoit Palinur' le Pilote,
 Qui d'auirons vn grand nombre menoit,
 Tous vont suiuant la route qu'il tenoit.

Ia de la nuit la moyteuse carriere
 Touchoit du ciel la moyenne barriere,
 Et les nochers d'vn doulx sōme allechez
 Estoyent de ranc soubs les rames couchez,
 Quand le sommeil des estoilles coulant
 L'air tenebreux esclaircit en volant,
 Pour t'abuser, & d'vn somme trop dur
 Charmer tes yeux, ô pauure Palinur'
 Ne meritant vn si triste mechef.

Luy donq' assis au plus hault de la nef
 De Phorbe prist la parole, & la grace.

O Palinur', la Iasienne race
 Noz vaisseaux ont le vent & la marée,
 La saison est au repos preparée,
 Repose toy, & tous ennuiz chassez
 Au long traual emble tes yeux lassez,
 En cependant ie feray ton deuoir.

Lors Palinur' à peine ayant pouuoir
 D'entr'ouuir l'œil, veux tu donq' que i'ignore
 La mer paisible, & ses doulx flots encor'?

Que ie me fie à ce fier monstre icy?
Comment veulx tu que i'abandonne ainsi
Mon Prince Enée à la fraude du vent,
Du temps serain abusé si souuent?

Ainsi parloit au gouuernail fiché,
Et par les yeux aux astres attaché.
Le Dieu alors vn rameau stygieux
Trempé en l'eau du fleuue obliuieux,
Sur vne temple, & l'autre secouant,
Luy ferme l'œil vagabond, & mouuant
Ce faux dormir alors non attendu
L'auoit à peine au repos estendu,
Qu'ad dessus luy tumbât le cruel somme
Rēuerse en l'eau & gouuernail & hōme,
Et avec' luy grande part de la poupe.
Cestuy en vain huche souuent sa troupe,
Et cestuy la, qui en volant s'ensuit,
D'vne aisle prompte en l'air s'esuanouit.

La flote alors vsant de la fortune
Qu'auoit promis le bon pere Neptune
Single à plaisir par les humides plenes.
Et ia les nefz costoyoient des Syrenes
Les haulx rochers iadis pleins de d'agers,
Et blanchissans d'ossements estrangers,
L'enroué bruit de l'onde retournée
Tempestoit là, quand le bon Prince Enée
Se sent errer à brides vagabondes.
Luy mesme adōq' par les nocturnes ondes
Seruit de guide à son vaisseau flotant
S'as gouuerneur, & d'un cœur s'anglotāt
De son amy plaint beaucoup l'auenture.

*Las il te fault, ô pauvre Palinure,
 Trompé du ciel, & de la mer seréne,
 Coucher tout nu sur la deserte aréne.*

Elegie.

*Non que d'excuse ou feinte ou veritable
 Ne soit besoing en ma cause equitable,
 Non que ie soye en doute de la foy
 Qui vous vnist estroitement à moy.
 Non que ie pense vn traict de ialousie
 D'estre fiché dans vostre fantasie.
 Pour tout cela, ou pour tel autre poinct,
 O le cœur mien, ie ne vous escry point,
 Mais bien pourtant que la ferme pensée
 Qui tient mon ame à la vostre enlacée
 Ne me permet vn seul ennuy sentir,
 Ou vn seul bien, sans vous en aduertir.*

*Or saichez donq' qu' Amour qui fauorize
 D'vn chaste cœur la louable entreprise,
 Au poinct heureux m'a n'aguere aduacé,
 Dont vous m'avez maintefois dispensé,
 Me remonstrant or' l'estat de mon aage,
 Ores les ieux de fortune volage.
 Et combien nuist d'attēdre au lendemain
 Ce qu'aniourd'huy se presente à la main,
 Vous me disiez (Il m'en souuient encore)
 Bien que l'ennuy tout mon plaisir deuore,
 Pour voir assez, combien à l'aduenir
 J'auray pour toy de triste souuenir.
 Si veulx ie bien te donner congnoissance
 Que mon plaisir n'a point tāt de puissance
 Sur ma raison, que ton aduancement*

Je ne preferé à mon contentement.
Or poursuy donq' (amy) ton aduantage,
Dont le moyen est le seul mariage,
Ce bon conseil vous me donniez alors,
Et moy apres cent contraires efforts
Persuadé de vostre aduis honneste,
Finablement à ce poinct ie m'arreste,
Qui n'ha iamais contenté mon desir,
Sinon d'autant que c'est vostre plaisir.

Aussi les cienlx, & les enfers ie iure,
Que pour ne faire à nostre amour iniure,
Iamais tel ioug mon desir n'eust dompté,
S'il eust despleu à vostre volonté.
Ce n'est vn ioug qui captiue mon ame
Soubz le lyen d'une impudique flamme:
Ce n'est vn ioug, qui dompte mon desir
Soubz l'aiguillon d'un follastre plaisir,
Mais c'est vn ioug d'amitié coniugale,
Qui d'une foy honnestement egale
Separe en deux celle chaste amitié,
Dont vous auez la premiere moitié.

Ceste moitié que vous auez pour gaige,
Long temps y a que l'eustes en partage,
Et ce fut lors qu'Amour & fermeté
Me firent serf de vostre honnesteté.
L'autre moitié, celle qui l'ha saisie,
Croyez qu'elle ha si bien esté choisie,
Qu'autre ne peult mieulx qu'elle meriter
L'honeste amour que ie vous veulx porter.

L'une a esté, comme la plus aagée,
Premierement sur mon cœur partagée,
Et sur luy mesme en mesme chasteté

Secondement vne aultre l'ha esté.

Ne craignez donq, que soyez dessaisie

De vostre droict, ou qu'autre fantaisie

Puisse rauir ce cœur, qui n'est point mien,

Sinon d'autant que de vous ie le tien.

Cœur, qui l'honneur si saintement regarde,

Que l'honneur mesme en est la seule garde,

Cœur, qui ne peult gouster plaisir plus doulx,

Que tout hayr pour estre aymé de vous,

Cœur, qui ne peult sentir plus grand dommage

Qu'estre affranchi du droit de vostre hommage.

Plus tost les Cerfz viuront parmy les eaux,

Et les poissons, ou viuent les oizeaux.

Plus tost sera la grande mer sans voiles,

Les boys sans vmbre, & le ciel sans estoiles,

Et voyra lon plus tost le monde enclos,

Dedans le seing de son premier cahos,

Que pour vertu en mon cœur imprimée

Vostre vertu de moy soit moins aymée,

Ou que d'un cœur honnestement lié

L'honneste amour soit iamais oublié.

Ains tout ainsi qu'un impetueux fleuve,

Plus furieux par un autre se treuve,

Quand les deux cours en un cours assemblez

Vont rauissant les arbres, & les bledz,

Pierres, maisons, boys, & toute autre chose

Qui au deuant de leur fureur s'oppose,

Ainsi l'Amour qui en mon chaste cœur

D'un autre Amour prent nouvelle vigueur,

Courra tousiours d'une si viue source,

Qu'aultre Amitié n'arrestera sa course.

O doncq' heureux, heureux double lyen,

Qui deux esprits vnis auécq' le mien,
Double lyen, qui d'une double force
Plus fermement que la corde retorse
N'estreinct le faiz, enchaines dedäs moy
Troys cœurs vnis d'une eternelle foy,
Soit à iamais ta puissance immortelle
Et puisse encor' dessus l'une & l'autre aelle
De ces deux cœurs, le mien si hault voler
Qu'aulture amitié ne le puisse aualer.

Combien qu'un clou par l'autre se repousse
Ne pensez voir par aucune secousse
L'accord premier entre nous commencé,
Par le second estre desaduancé:
Car la vertu, dont cestuy prist naissance,
A cestuy la donne encor' accroissance.

Le feu ne peult habiter nullement
Auecques l'eau, son contraire element:
Les animaulx de diuerse nature
Ne prennent point ensemble nourriture.
Mais vn amour saigement entrepris,
Qui sur vertu son fondement ha pris,
Ne crainct iamais l'amour, qui luy ressemble
Car la vertu à la vertu s'assemble.

Chanson.

On peult feindre par le cizeau,
Ou par l'ouuraige du pinceau
Toute visible chose,
Mais d'Amour le seul poingnant traict
Vous peult figurer le protraict
De ma tristesse enclose.
On peult diffinir au compas

De tout ce qu'on void ici bas
 La forme en rond vnüe,
 Mais on ne scauroit mesurer
 Le mal, que me faiët endurer
 Mon amour infinie.

Au centre, au tour duquel se faiët
 Du monde le cercle parfaët,
 Toutes les lignes tendent,
 Et le diuin de voz beautez
 Est le poinët ou mes voluntez
 Egalement se rendent.

L'esprit infus en ce grand corps
 Vnist par differents accords
 Et les cieux & la terre,
 Et voz saintes perfections
 Assemblent mes affections
 Par vne douce guerre
 Dū chault, & de l'humidité
 Procède la fecondité,
 Des semences du monde,
 Et de ma violente ardeur
 Ioincte à vostre lente froideur,
 Naist ma peine feconde.

Le mal d'un corps intemperé
 Peult estre esteint ou moderé
 Par iust d'herbe, ou racine:
 Mais du trop de mon amitié
 Ou la mort, ou vostre pitié
 Sera la medecine.

La gloire incite l'empereur,
 La richesse le laboureur,
 Le butin l'homme d'armes:

83
Mais tout le gaing que ie recoy
De mon inuiolable foy,
Ce sont souffirs & larmes.
Tout cela qu'on void de mondain,
Suiuant du ciel le cours soudain,
Se change d'heure en heure,
Mais le desir ambitieux
Qui me tire apres voz beaux yeux,
Toufiours ferme demeure.
La pierre dont le seul toucher
Guide l'aiguille du nocher,
Toufiours se tourne au pole,
Et mon cœur de voz yeux touché
Ne peult si bien estre attaché,
Qu'apres eulx il ne vole.
Le roq des flots marins batu
N'est iamais par eulx abbatu,
Mais demeure imployable,
Et mon cœur plein de fermeté
De mille peines tourmenté
N'est iamais variable.
La cire transformer se peult
En telle imaige que lon veult,
Non pas la gemme dure,
Qui plus tost se laisse briser,
Qu'en autre protraict deguifer
Sa premiere figure.
Amour graua vostre beauté
Au plus fort de ma loyauté
De vous tant esprouuée,
Et mon cœur si bien la recoit
Qu'autre beauté, tant belle soit,

N'y peult estre engraüée.
 Tout cœur leger est incité
 Par les dons, ou l'auctorité,
 Que le vulgaire adore,
 Mais le mien qui vous est aquis,
 Par or ne peult estre conquis,
 Ny par grandeur encore.
 Par force, par mine, ou trahison,
 On peult gaigner vne maison,
 Tant soit elle tenable:
 Mais la fortreffe de mon cœur
 Dont vostre œil fut le seul vainqueur,
 S'est rendue imprenable.
 Il ne fault muraille ou rampart
 Pour garder qu'un autre y ait part,
 Car soyez assuree
 Que plus ferme & entiere foy
 De loyal subiect à son Roy
 Ne fut onques iurée.
 Quant à celle que ie vous doy,
 Croyez que vous estes de moy
 Encores mieulx seruie,
 Et que pour vostre honneur garder,
 Je voudrois le mien hazarder,
 Qui m'est plus que la vie.
 Si vous traictez si mal celuy,
 Qui vous a plus chere que luy,
 Que pourriez vous pis faire
 A vestre cruel ennemy,
 Ou celuy qui sous nom d'amy
 Vous seroit aduersaire?
 Toutefois si mon desplaisir

Peult contenter vostre desir,
Soyez moy pitoyable,
Ou comme bon vous semblera,
Iamais rien ne me desplaira,
Qui vous soit agreable.

F I N.

Dialogue d'un amoureux,
& d'Echo.

Piteuse Echo, qui erres en ces bois,
Respons au son de ma dolente voix:
D'ou ay-ie peu ce grand mal concevoir,
Qui m'oste ainsi de raison le deuoir? (de voir.
Qui est l'autheur de ces maulx auenuz? (Venus.
Comment en sont tous mes sens deuenuz? (nuds.
Qu'estois ie auant qu'entrer en ce passaige? (saige.
Et maintenāt que sens ie en mō couraige? (raige.
Qu'est ce qu'aimer, & s'en plaïdre souuēt? (vent.
Que suis ie dōq' lors que mō cœur en fend? (enfant.
Qui est la fin de prison si obscure? (cure.
Dy moy, quelle est celle pour qui i'endure? (dure.
Sent elle bien la douleur qui me poingt? (point.
O que cela me vient bien mal à point.
Me fault il donq' (ô debile entreprise)
Lascher ma proye auant que l'auoir prise?
Si vault-il mieulx auoir cœur moins hautain,
Qu'ainsi languir soubs espoir incertain.

F I N.

CAELO MVSA BEAT.



L'ANTERO

TIQUE DE LA VIEILLE, ET
de la ieune amyé.



VIEILLE, aussi vieille comme ce
Qui apres l'Vnde vniuerselle
Du iect de la Pierre secunde
Engendra la Moitié du Monde.

*Vieille, plus sale qu' Auarice,
Vieille, qui serois bien Nourrice
A celle de Nestor le Saige,
Vieille, qui portes au visaige,
Et au moins laids endroictz de toy
Des Sillons à coucher le Doy.*

*Vieille, qui as, ô vieille Bestel
Plus d'yeux, que de cheueux en Teste,
Vieille, à trois petitz boutz de Dentz
Tous rouillez dehors, & dedens,
Vieille, qui as ioue, & Narine*

DE LA VIEILLE,

Bordees de Crasse, & farine,
De baue la Bouche, & Gensive,
Et les yeux d'Ecarlate viue.

Vieille, qui as telle Couleur,
Que celle, qui par grand' douleur
Du bien d'autruy se lamentant
Se va soy mesmes tormentant,
Et couchee à plat sur le ventre
En lieu, ou point le Soleil n'entre,
Pour nourrissement de ses œuures
Sepaist de Serpens, & Couleures.

Vieille, horrible plus que Meduse,
Vieille, au ventre, hola ma Muse,
Veux-tu toucher les Membres ords,
Qui point ne se montrent dehors?
Veu que ce, qui au iour se montre,
Est de si hydeuse rencontre,
Que mesmes le Soleil se cache
De peur d'y prendre quelque tache:
Ie te pry, ne t'y souille point,
De peur que venant sur le point
De la Beaulté, pour qui i'endure,
Tu n'y aportes quelque ordure.

Vieille doncq' plus que toy, vilaine,
Vieille, qui rends semblable halaine
A celle du stigieux Gouffre.
Ou d'une Miniere de Souphre.
Et si à ryre tu te boutes
Semble à ceux, qui sont aux ecoutes
Ouyr l'epouentable voix

Du Chien Portier à trois aboys.

Vieille, Peur des chastes familles,
Vieille, peste des ieunes Filles

Que tout Pere auare, & antique,
Et toute Matrone pudique
Craignent trop plus, que le Berger
Du loup ne doute le danger.

Bien infortuné deuoit estre
L' Astre, soubz qui tu vins à naistre,
Et bien estoit fachez les Dieux,
Quand tu naquis en ces bas Lieux,
Qui des maulx y semes encore,
Plus que la fatale Pandore.

O que n'ay-ie de vehemence
Autant que tu as de semence
D'estranges vices, & diuers !
Ma Plume vomiroit vn Vers,
Teint au sang de ce Malheureux,
Qui de peur du Traict dangereux,
Que la Muse alloit debendant,
Sauua sa vie en se pendant.

Vieille, que tous oyzeaux funebres,
Chaz huans amys des Tenebres,
Auecq' maint charoingneux Corbeau
Ont ia condamnee au Tumbau.

Que dy-ie? tu ne mouras point,
Pource que la Mort, qui tout poingt,
Quoy qu'elle soit fiere, & terrible,
Te voyant encor' plus horrible,
De toy approcher n'osera,

DE LA VIEILLE, ET LEVNE

Mais de peur tremblente sera,
Comment? ell' cuydera aincoys,
Que la Mort de la Mort tu soys.
Ou bien si le Ciel pitoyable
De ce Monstre tant incroyable
Purge la Terre, qui tel fruit
Voudroit onques n'auoir produit,
Ton Ame sale, & depiteuse
Sortant de sa Prison hydeuse
S'en ira blaphemer la bas
Prenant (comme icy) ses ebas
A donner Peines, & encombres.
Malheur à vous (ô pauvres Vmbres)
Qui d'endurer serez contraintes
Les fouetz, Torches, & attintes
Et la Cruelle Seigneurie
De ceste quatrieme Furie.
Quand tu vois (ô Vieille, & Immunde,
Vieille, Deshonneur de ce Monde)
Celle, qui (si bien m'en souvient)
Sur l'An quinzieme à peine vient.
Qui enuoy' iusq' aux Talons
Des Cheueulx, si crespes, & blonds,
Qu'ilz font honte au beau Soleil mesme.
Cheueulx dignes d'un Diadesme,
Cheueulx, qui d'un fil delié
M'ont à eux si tresfort lié,
Que la Mort le seul fer sera,
Qui ce doulx Lyen brisera.
Cheueulx, dont ce petit Enfant,
Qui sur les Dieux est triumpant,

A fait la Chorde, dont il tyre
Traictz empennez de doulx martyre.

Ces Traictz, sont les beaux yeux ryans
Qui ont (tant me semblent frians)
Ce croy-ie, depuis ma Naissance
Ma Mort, ma vie en leur puissance.

L' Arc, sont ces beaux Sourcilz voutilz,
Ainsi, d' Amour tous les Outilz
(Quoy qu'il s'en fache, ou qu'il en hongne)
Sont empruntez de ma Mignonne.

Qui a bien d' auantaige encores.
Et quoy? ce front, qui or' & ores
Semble le Ciel, quand il deceuvre
Le plus luyfant de son chef d'Oeuure,
Ou quand quelque petite Nue
Nous rend sa clarté moins congne.

Ce beau Teint, qui nostre seiour
Embellist encor' d'vn beau Iour,
Et tel, qu'on voit, lors que l' Aurore
L'Orient de Pourpre colore.
Teint, qui fait le Ciel amoureux
De la Terre, & moy langoureux.

Ce Nez, ce Menton, ceste Ioue,
Ces Leures, ou souuent se ioue
Amour, quand il montre en rient
Tous les Thesors de l'Orient.
D'ou sort vne Halaine fleurante
Mieux qu' Arabie l' Odorante.
D'ou sort l' Angelique Parler,
A qui ne pouroit segaler

DE LA VIEILLE,

La plus rauissante douceur
Du Luc des Ennuiz effaceur,
Encores qu' Albert le manie:
Mais bien ressemble l'Harmonie,
Et les Accords melodieux,
Qu'on oit à la Table des Dieux.

Bref (& de peur que d'avanture
Mon Oeil, ma Main, mon Escriture
Ne se garent, ou perdent, voyre
Par ceste Valee d'Iuoyre,
Et ces petiz Coustaux d'Albastre)
M' Amye est vn beau petit Astre
Si clair, si net, que ie crain' bien,
Que le Ciel ne l'auoue sien.

Bien estoit l'Influence heureuse
De la belle Estoile amoureuse
Soubz qui M' amyie prist naissance,
Et les Dieux, qui ont congnoissance
De tout, nous feurent bien Amys
Veu que celle au Monde ilz ont mis
Qui seule y a plus aporté
D'Amour, de grace, & de Beauté
Que d'Odeurs l'Arabie heureuse,
De Perles l'Inde plantureuse
Ou le verd Printemps de fleurettes
Fideles temoings d'Amourettes.

Que plust au Muses, & charites
M'honorer selon les Merites
De la belle, que r'ayme tant
Sans cesse ie l'iroy' chantant

Et par des Vers, qui seroyent telz,
 Qu'elle, & moy serions Immortelz,
 Quand tu vois (O Vieille edētee!)
 Que la Beauté que i'ay chantee,
 D'un œil folastre me sourit
 Et noz Cœurs ensemble nourrit
 D'humides Baysers, qui ressemblent
 Ceux, qui les Columbes assemblent
 Remordant, la vindicatiue,
 Ma L'eure de sa Dent lasciue,
 Et d'un long Souspir adoucy
 M'embrasse, & serre tout ainsi,
 Que la Vigne au cent braz espars
 Estreint l'Ormeau de toutes pars.

Lors de moy approcher tu oses
 Pour me faire semblables Choses.
 Je suy' ton Dieu plus qu'à demy,
 Tu m'appelles ton doux Amy.
 Motz, qui aux Oreilles me sonnent
 Si doucement, que plus m'estonnent
 Que les Grenoilles, ou Cygales,
 Ou que l'Enroué des Cymbales
 De tous les Ecouillez ensemble
 De la Vieille, qui te ressemble:
 Et court par la Montaigne Idee
 De Lyons indomtez guydee:
 Pour l'Amour, qui par tout le Monde
 Comme toy, la rend furibonde,
 Si que mes Mouelles, qui ardent
 Aux douces flâmes, que leur dardent

DE LA VIEILLE, ET IEVNE AMYE.

Les yeux Archers de ma Maitresse,
Te voyant, vieille Enchanteresse,
Deuiennent, ie ne scay comment,
Toutes froydes en vn moment.

Or fais-tu maintenant bien voir
Quel est (ô Amour !) ton pouuoir.
Certes vanter tu te peux bien
Qu'en Ciel, & Terre n'y a rien,
Qui plus fort que ton feu, se treuue.
Tu en as Vieille, faict l'Epreuue
Qui en ta plus chaulde Partie
Es plus froyde, que la Schytie,
Ou les hautes Alpes cornues
De Nege comme toy, chenues.
Toutefoisces Regards meslez
Aux doux Baysers emmiellez
De deux ensemble perissans
Echaufent tes Oz languissans.

FIN.



VERS

LYRIQUES.



Au Lecteur.

IE N'AY, Lecteur, entremel-
lé fort supersticieusement les
Vers Masculins avecq' les Fe-
minis, cōme on vse en ces Vau-
devilles, & Chançons, qui se
chantent d'un mesme Chant,
par tous les Coupletz, craignāt
de contraindre, & gehinner ma Dictiō pour l'ob-
servation de telles choses. Toutesfois à fin que
tu ne penses, que i'aye dedaigné ceste diligence,
tu trouueras quelques Odes, dont les Vers sont
disposez avecques telle Religion. Cōme la Lou-
ange de deux Damoizelles, Des miseres, & Cala-
mittez humaines : Le Chant du Desesperé : & les
Louanges de Bacchus.

LES LOVANGES D'AN-
iou, Au Fleuve de Loyre.

Ode I.

O De qui la viue Course
Prent sa bienheureuse source
D'une argentine Fontaine,
Qui d'une fuyte loingtaine,
Te rends au Seing fluctueux
De l'Océan Monstrueux,
Loyre, hausse ton Chef ores
Bien haut, & bien haut encores,
Et iecte ton Oeil diuin
Sur ce Pais Angeuin,
Le plus heureux, & fertile,
Qu'autre, ou ton Vnde distile.
Bien d'autres Dieux, que toy, Pere,
Daignent aymer ce Repaire
A qui le Ciel feut donneur
De tout' grace, & bonheur.
Ceres, lors que vagabunde
Aloit querant par le Monde
Sa Fille, dont possesseur
Feut l'Infernal Rauisseur,
De ses pas sacrez toucha
Ceste Terre, & se coucha
Lasse sur ton verd Ryuaige,
Qui luy donna doux Bruuaige.
Et cestuy la, qui pour Mere
Eut la Cuysse de son Pere,

Le Dieu des Indes vainqueur
 Arrousa de sa Liqueur
 Les Montz, les Vaulx, & Campaignes
 De ce Terroir, que tu baignes.
 Regarde mon Fleuve, aussi
 Dedans ces forestz ici,
 Qui leurs Chevelures Vives
 Haussent au tour de tes Rives.
 Les Faunes aux Piedz soudains,
 Qui apres Bisches, & Daims,
 Et Cerfz aux Testes ramees
 Ont leurs forces animees.
 Regarde tes Nymphes belles
 A ces Demydieux rebelles,
 Qui à grand' Course les suyuent,
 Et si pres d'elles arriuent,
 Qu'elles sentent bien souuent
 De leurs Haleines le vent.
 Je voy' deia hors d'Haleine
 Les Pauuretes, qui à peine
 Pouront atteindre ton Cours,
 Si tu ne leur fais secours.
 Combien (pour les secourir)
 De foys t'a-lon veu courir
 Tout furieux en la Plene?
 Trompant l'esper, & la peine
 De l'auare Laboureur,
 Helas ! qui n'eut point d'horreur
 Blessier du Soc sacrilege
 De tes Nymphes le College.

College, qui se recree
 Dessus ta Rive sacree.
 Nymphes des Iardins fertiles,
 Hamadryades gentiles,
 Toy Pryape, qui tant vaulx
 Auecq ta lasciuie Faulx,
 Pales, qui sur ces Rinaiges
 Possedes tant beaux Herbaiges,
 Que Flore va tapissant
 De mainte fleur d'eux yssant
 Toy pasteur Amphrisien,
 Chacun de vous garde bien
 Ses Richesses de l'Iniure
 Du Chault, & de la Froidure.
 Ces Masses laborieuses,
 Que les Mains Industriuses
 Quasi egalent aux Cieux,
 Ne sont elles pas aux Dieux.
 Qui voudra doncq loue, & chante
 Tout ce, dont l'Inde se vante,
 Sicile la fabuleuse,
 Ou bien l'Arabie heureuse.
 Quant à moy, tant que ma Lyre
 Voudra les Chançons elire,
 Que ie luy commenderay,
 Mon Aniou ie Chanteray.
 O mon Fleuve Paternel,
 Quand le Dormir eternal
 Fera tumber à l'enuers
 Celuy, qui chante ces Vers,

Le Dieu des Indes vrayement
 Avons de sa Lyre
 Les Monts les Nils, & Campagnes
 De ce Tiroir, que en bagues
 Regarde mon Fleuve aussi
 Dehors ces forêts ici
 Qui leurs Chemises Vives
 Haillent au tour de tes Rives
 Les Fleuves aux Pieds fondans
 Qui apres Biches, & Daims
 Et Ceste aux Têtes vives
 Ont leurs forces amies
 Regarde ces Nymphes belles
 A ces Demydieux rebelles
 Qui à grand' Course les font
 Et si pres d'elles arrivent
 Qui elles font tout bien font
 De leurs Haliers le vent
 Le voy deis hors d'Haliers
 Les Pannes qui de pins
 Pouront attendre ton Cours
 Si en ne leur fais secours
 Combien pour les secours
 De Joye à ton ven cours
 Tout fureux en la Plece
 Trompant l'esper, & la paine
 De l'annee Laboureux
 Helas! qui n'ont point de horreur
 Blesser du Soc sacrilege
 De ces Nymphes le College

Et que par les Braz amys
 Mon Corps bien pres sera mis
 De quelque Fontaine viue,
 Non gueres loing de ta Riue
 Au moins sur ma froyde Cendre
 Fay quelques Larmes descendre
 Et sonne mon Bruyt fameux
 A ton Riuaige ecumeux.
 N'oublie le Nom de celle,
 Qui toutes Beutez excelle,
 Et ce, qu'ay pour elle aussi
 Chanté sur ce Bord icy.

❀ DES MISERES, ET
 Fortunes Humaines.

Au Seigneur Ian Proust.

Ode II.

Bellonne seme sang, & raige
 Parmy les Peuples ca, & la,
 Et chasse à la Mort maint Couraige
 De ce fouet tortu, qu'ell' a.
 Son Ame cestuy cy ottroye
 A vn venin froid, & amer.
 Cestuy la est donné en Proye
 Au flotz auares de la Mer.
 Aucuns d'vne Main vengeresse
 Veulent par la Mort esprouuer
 Si du mal, qui tant les oppresse,
 Pouront la guerison trouuer.

Quelques autres venans de naistre
 Auant qu'ilz aillent rencontrant
 Ce, qui malheureux nous faict estre,
 Sortent du Monde en y entrant.
 Mercure des mains de la Parque
 Prent noz Vmbres, & les conduyt
 Au Bord, ou la fatale Barque
 Nous passe en l'eternelle Nuyt.
 Ou Minos Iuge inexorable
 Toutes Excuses deboutant,
 La Langue autresfois secourable
 De l'Orateur, n'est ecoutant
 Le Chemin est large, & facile
 Pour descendre en l'obscur Seiour
 Pluton tient de son Domicile
 La porte ouuerte Nuyt, & Iour.
 La gist l'Oeuure, la gist la Peine
 Ses pas de l'Orque retirer
 A l'estroit Sentier, qui nous meine
 Ou tout mortel doit aspirer.
 Le nombre est petit de ceux ores,
 Qui sont les bien aymez des Dieux
 Et ceux, que la Vertu encores
 Ardente a eleuez aux Cieux.
 Iupiter tient deuant sa Porte
 Deux Tonneaux, dont il faict pluuoir
 Tout ce, qui aux Humains aporte
 De quoy ayse, ou tristesse auoir.
 Qui a veu en ce vieil Poete,
 (Et le voyant, ne pleure lors)

La trop tost ouuerte Boete,
 Et les Vertuz volants dehors?
 L'Esperance au bord arrestee
 Outre son gré demeure icy
 Puis que seule nous est prestee,
 Gardon' qu'ell' ne s'en vole aussi.

LES LOVANGES D'A-
 mour Au Seigneur René Vruoy.

Ode. III.

Le cler Ruyffelet courant,
 Murmurant
 Aupres de l'hospitale Vmbre
 Plaist à ceux, qui sont lassez,
 Et pressez
 De chault, de soif, & d'encombre.
 Et ceux, qu'Amour vient saisir,
 Leur plaisir
 C'est parler de luy souuent.
 D'Amour soyez doncq' mes Chantz,
 Par ces Champs
 Dessoubz la frescheur du Vent.
 Ces eaux cleres, & bruyantes
 Eaux fuyantes
 D'un Cours assez doux, & lent
 Donneront quelque froideur
 A l'ardeur
 De mon feu trop violent.
 Erato, à ma Chançon

Donne Son,
 Et me permetz approcher
 Pres de toy pour m'esiouyr,
 Et i'ouyr
 Du hault de ce creux Rocher.
 Le Roy, le Pere des Dieux,
 Tient les Cieux
 Dessoubz son obeissance,
 Neptune la Mer tempere,
 Et son frere
 Sur les Enfers a puissance.
 Mais ce petit Dieu d'aymer,
 Ciel, & Mer,
 Et le plus bas de la Terre
 D'un Sceptre victorieux
 Glorieux
 Soubz son pouuoir tient, & serre.
 Sans luy, du Ciel le haut Temple
 Large, & ample
 En Ruyne tumberoit,
 Auecq' chacun Element
 Tellement
 Discorde par tout seroit.
 Amour gouverneur des Villes
 Loix Ciuiles,
 Et iuste Police ordonne,
 Et l'heur de Paix, qu'on va tant
 Souhaitant,
 C'est luy seul, qui le nous donne.
 Les Richesses de Ceres,

Les forestz,
 Les Sepz, les Plantes, & Fleurs
 Prennent d'Amour origine,
 Goust, Racine,
 Vertu, Formes, & Couleurs.
 Par luy tout genre d'Oyzeaux
 Sur les Eaux,
 Et par les Boys s'entretient.
 Tout Animal de seruaige,
 Et sauuaige
 De luy son Essence tient.
 Par ce petit Dieu puissant,
 Delaisant
 Le doulx Gyron de la Mere
 La Vierge femme se treuue
 Et faict preuue
 De la flamme douce amere.
 Que me chaut si on le blasme,
 Et sa flamme?
 Amour ne scait abuser
 Et ceux, qui mal en recoyuent,
 Ne le doyuent,
 Mais eux mesmes accuser.
 Amour est tout bon, & beau,
 Son flambeau
 N'enflamme les Vicieux:
 Iuste est, & de simple foy,
 C'est pourquoy
 Il est tout nu, & sans yeux.
 Leurs victorieux Charroys

VERS

Ducz, & Roys
 Doyuent à ses saintz Autelz,
 Le Poetique ouurier
 Son Laurier,
 Et les Dames leur Beutez.
 Puis doncq' qu'il est nostre Autheur
 Sa Haulteur
 Bien adorer nous deuons,
 Dessus son Autel sacré
 Saichant gré
 A luy, de quoy nous viuons.
 La Jeunesse (belas) nous fuyt
 Et la fuyt
 Le froid Aage languissant,
 Adonques sont inutiles
 Les Scintiles
 Du feu d' Amour perissant.

DE L'INCONSTAN-
 ce des choses.

Au Seigneur Pierre de Ronsard.

Ode IIII.

Nul, tant qu'il ne meure,
 Heureux ne demeure:
 Le Sort inconstant
 Or' se hausse, & ores
 S'abaisse, & encores
 Au Ciel va montant.

La Nuyt froyde, & sombre
 Courant d'obscure ombre
 La Terre, & les Cieux,
 Aussi doux que Miel
 Faict couler du Ciel
 Le Someil aux yeux.

Puis le Iour luyfant
 Au Labeur duysant
 Sa Lueur expose,
 Et d'un Teint diuers
 Ce grand Vniuers
 Tapisse, & compose.

Quand l'Hyuer tremblant
 Les Eaux asssemblant
 De Glace polie,
 Des Astres puissans
 De dueil gemissans
 La Rage delie.

La Terre couuerte
 De sa Robe verte
 Deuiet triste, & nue,
 Le vent furieux
 Vulturne en tous Lieux
 Les forestz denue.

Puis la Saison gaye
 A la Terre essaye
 Rendre sa verdure,
 Qui ne doit durer,
 Las! mais endurer
 Vne autre froidure.

Ainsi font retour

D'un successif tour

Le Jour, & la Nuyt,

Par mesme Raison

Chacune saison

L'une l'autre suyt.

Le pueril, Aage

Lubric, & volaige

Au Printemps ressemble.

L'Este vient apres,

Puis l'Autonne est pres,

Puis l'Hyuer, qui tremble.

O que peu durable

(Chose miserable)

Est l'humaine vie,

Qui sans voyr le Jour

De ce cler Sejour

Est souuent rauie.

Soubz le grand Espace

Du Ciel, le Temps passe

Par course subite

Theatres, Colosses

En Ruines grosses

Le Temps precipite.

Que sont deuenuz

Les Murs tant congnoz

De Troye superbe?

Ilion est comme

Maint Palais de Romme

Caché, dessoubz l'Herbe.

Torrentz, & Ryuieres
 Bruyantes, & fieres
 Courent en maint Lieux,
 Ou Rochers, & Bois
 Sembloyent autresfois
 Menasser les Cieux.

Les fieres Montaignes
 Aux humbles Campaignes
 On voit egalees
 Maintz Lieux foudroyez
 Les autres noyez
 Des Vndes salees.

Regnes, & Empires
 En meilleurs, & pires
 On a veu changer,
 Maint Peuple puissant
 Ses Loix delaisant
 Suyure l'Etranger.

Superbe Couraige,
 Qui ne crains Oraige,
 Foudre, ny Tempeste,
 A ton fier Marcher
 Tu sembles toucher
 Les Cieux de la Teste.

Mais ta Voyle enflee
 De faueur souflee
 Metz hardiment bas,
 Le Ciel variable
 Toujours amyable
 Ne te serapas.

Quoy doncq' ne sçais-tu,
 Qu'un Buysson batu
 Moins est du Tonnerre,
 Qu'un haut Chesne, ou Tremble,
 Ou qu'un Mont, qui semble
 Depriser la Terre?
 Amy, qui pour viure
 Des ennuiz deliure,
 Que la Court procure
 T'es venu ranger
 Comme un Etranger,
 En la Tourbe obscure.
 Ne regrette point
 L'ambicieux poinct
 De ceste faueur.
 Le Ciel fauorable
 D'un plus honorable
 T'a faict receueur.
 De Ronsard le Nom
 Ne soit en Renom
 Par le Populaire:
 Amy, tu es tel,
 Que rien, qu'Immortel,
 Ne te pouroit plaire.
 Laisse aux Courtizants
 Les souciz cuyzans:
 Ne soys Curieux
 Des biens aquerir,
 Ou de t'enquerir
 Du Secret des Dieux.

L'IRIQUER
 Torment & Ruyeres
 Bruyantes & fieres
 Courent en moult lieux
 Or Rochers & Bois
 Se comployent autersfois
 Meussier les lieux
 Les fieres Montaignes
 Aux humbles Campagnes
 Or voit eulx
 Maints lieux foudroyer
 Les autres noyer
 Des Indes faler
 Regnes & Empires
 En meilleurs & pires
 On de ven changer
 Maint Peuple puissant
 Ses Loix delaisant
 En un Etranger
 En une Courtoise
 Qui ne craint Orage
 Foudre, ny Tempelle
 A tout fier de archer
 Tu humbles toucher
 Les lieux de la Terre
 Mais ta Noble crosse
 De ferrer foyse
 Ne se foudroyent pas
 Le Ciel & tempele
 Tousjours & joyable
 Ne se foudroyent pas

À DEUX DAMOYZELLES.

Ode V.

Il faut maintenant, ô ma Lyre!
 Sur ta meilleure Corde elire
 Vn Chant, qui penetre les Cieux,
 Par vne aussi estrange voye
 Que celles, à qui ie t'enuoye,
 Sont dignes du plus grād des Dieux.
 Dy leur, que ie n'ay l'Artifice
 D'vn Peintre, ou Engraeur, qui puisse
 Au vray le semblable egaler.
 Mais bien ie les puy' faire viure
 Mieux qu'en Tableau, en Marbre, ou Cuyure.
 Qui n'ont l'vsaige de parler.
 Mes Vers, qui portent sur leurs Esles
 Les louanges des Damoyzelles,
 Se varent de voler vn Iour
 Parmi la Region des Nues.
 Et les Beutez du Ciel venues
 Sacrer au celeste Seiour.
 Les Beutez iusques aux Dieux montent,
 Celles, que les Muses racontent.
 Les autres, qui n'ont ce bon heur,
 Les Vmbres solitaires suyuent:
 Mais les vostres (si mes Vers viuent)
 N'iront soubz Terre sans Honneur.
 Je chanteray, que voz Merites

Vous egalent aux trois Charites,
 Qui font des Chapeaux florissans
 A la ioyeuse Cyprienne,
 Dansant avecq' la Trope sienne
 Par les Prez de loing rougissans.
 Telles sont les chastes Compaignes,
 Qui parmy forestz, & Campaignes,
 Fleuves, & Ruysseaux murmurans
 Suyuent la Vierge Chasseresse,
 Quand d'un pié leger elle presse
 Le Doz des Cerfz leger courans.
 Qui a veu les Lyz, & les Rozes
 Avecq' la belle Aube decloses
 Celuy a veu vostre beau Teint:
 Dont le Blanc, & Vermeil ensemble
 Le Pourpre coloré ressemble,
 Et du Lait la Blanchueur esteint.
 Qui a conté les fleurs sacrees
 Des Rives, Campaignes, & Prees
 Dont l'Air, quand il est plus riant,
 Orne les Cheueux de la Terre,
 Et les Pierres, que lon va querre
 Par tant de flotz en Orient:
 Celuy a nombré (ce me semble)
 Voz Graces, & Vertuz ensemble
 Avecques les Traictz de voz yeux,
 Dont mil, & mile fleches darde
 Contre celuy, qui vous regarde,
 L'Enfant, qui surmonte les Dieux.
 Qui de la Harpe Thracienne

A ouy la voix ancienne,
 Des forestz l'Ebahissement,
 Les vostres luy fera pareilles,
 Qui font des plus rudes Oreilles,
 Voyre des Cœurs rauissement.
 Voulez-vous que ma Plume escriue
 Comment dessus la verde Ryue
 De Cadme la peu fine Sœur
 Eloignant sa fidele Trope,
 Osa presser la blanche Crope
 Du diuin Thureau Rauisseur?
 Iadis soubz Plume blanchissante
 Du Ciel la Maïeste puissante
 Remplit celle, qui enfanta
 Les fors Iumeaux avecques celle
 Qu'en Ide des troys la plus belle
 Au Iuge Bergier tant vanta.
 Dela Pluye Iaune coulante
 Au Seing d'une Vierge excellente
 Naquit le cheualier volant.
 Telles sont les flammes subtiles
 Du feu, dont les viues Scintiles
 Vont Dieux, & Hommes affolant.
 Qui est celuy, qui voudroit taire
 Le filz du Mari adultere?
 Le Monde de Monstres purgé
 De ses faictz la gloire conserue,
 Des Enfers la Depouille serue,
 Et le Ciel sur son Doz chargé.
 Qui ne cognoist bien les deux Ourses

Fuyantes de Thetis les Sourfes?
 Ou qui est celuy, que n'attaint
 La plainte de la belle Vache,
 Qui aux tristes Rives d'Inache
 De l' Amy cruel se complaint?
 Fuyez doncq' les facons Cruelles
 Que Beauté couue soubz ses Esles.
 Faictes à l' Amour humbles vœuz,
 Qu'à Iupiter ne vous otroye,
 Pour croistre (ô bien heureuse Proye!)
 Le Nombre des celestes Feuz.
 Par les mains du chaste Hymenee
 Chacune de vous soit menee
 Au lieu, ou l' Ennemy humain
 Soubz vne agreable Lumiere
 De voz Iardins la fleur premiere
 Pille d' audacieuse Main.
 Ces petites Vndes enflees
 Des plus doux Zephires soufflees
 Sans fin vont disant à leur Bord,
 Heureuse la Nef arrestee
 Par le mors de l' Anchre ietee
 Dedans le Seing, d' vn si beau Port.

DV PREMIER IOVR

Del' An.

Au Seigneur Bertran Bergier.

Ode VI.

Voicy le Pere au double front,

Le bon Ianus, qui renouuelle,
Le cours de l'An, qui en vn Rond
Ameine la Saison nouvelle.

Renouuelons aussi
Toute vieille Pensee,
Et tuons le Soucy
De Fortune insensee.

Sus doncq', que tardons-nous encore?
Auant que Vieillars deuenir,
Chassons le Soing, qui nous deuore
Trop curieux de l'Aduenir.

Ce, qui viendra demain,
Ia pensif ne te tienne,
Les Dieux ont en leur Main
Ta fortune, & la mienne.

Tu Voy de Nege tous couuers
Les Sommetz de la forest nue,
Qui quasi enuoye à l'enuers
Le faix de sa Teste chenue.

La froide Bize ferme
Le gosier des Oyzeaux,
Et les Poissons enferme
Soubz le Cristal des Eaux.

Veux-tu attendre les frimaz
De l'Hyuer, qui deia s'appreste,
Pour faire de Nege vn amaz
Sur ton Menton, & sur ta Teste?

Que tes Membres transiz
Priuez de leur verdeur,

Et les Nerfz endureciz
 Tremblent tous de froideur?
 Quand la Saison amolira
 Tes braz autresfois durs, & roydes,
 Adoncq' malgré toy perira
 Le feu de tes Mouelles froydes.
 Que toute Herbe, ou Estuue,
 Tout genial Repas
 Mais tout l' Aethne, & Vesuue
 Ne rechauffroient pas.
 Mon filz, c'est assez combatu,
 (Disoit la Mere au fort Gregeois,)
 Pourquoi ne te reiouys-tu
 Auecqu' ces filles quelques fois?
 Les Vins, l' Amour consolent
 Le triste cœur de l' Homme:
 Les Ans legiers s'en volent,
 Et la Mort nous assomme.
 Ie te souhaite pour t'ebatre
 Durant ceste morte Saison,
 Vn plaisir, voyre trois, ou quatre,
 Que donne l' Amye Maison.
 Bon vin en ton Celier,
 Beau feu, Nuyt sans Soucy,
 Vn Amy familier,
 Et belle Amye aussi.
 Qui de son Luc, qui de sa Voix
 Endorme souuent tes ennuiz,
 Qui de son Babil quelques fois
 Te face moins durer les Nuitz.

*Au liét follastre autant
Que ces Cheures lascives,
Lors, qu'elle vont broutant
Sur les herbeuses Rives.*

*DV IOVR DES BAC-
chanales.*

Au Seigneur Rabestan.

Ode VII.

*Quel bruyt Inusité
A mes oreilles tonne?
Je suy' tout excité
De l'Horreur, qui m'estonne:
Mon Cœur fremist, & tremble,
Euoé, Euoé.
Ioy' la voix (ce me semble)
D'un Cornet enroué.
Je voy' le deux fois né,
L'Indique Dieu, qui erre
Le Chef environné
De verdoyant Lysterre:
Les fiers Tygres souspirent
Soubz le Ioug odieux,
Et tous paisibles tirent
Son Char victorieux.
Maint Satyre lascif
Ryant soutient à peine
Sur vng Asne tardif
Le chancelant Sylene.*

VERS

Triumphe à la bonne heure
 Dieu, dont feut le Butin
 Ce peuple, qui demeure
 Le plus pres du Matin.
 Mon Ame eprise au feu
 De ta Liqueur tant bonne
 Ce Poetique Vœu
 Te consacre, & ordonne.
 Je te salue Pere,
 Qui tout Soucy deffent,
 Soubz ton Regne prospere
 Fay viure tes Enfans.
 Celuy, qui sceut les Boys,
 Et les Rochers attraire,
 Qui fist les trois Aboys
 Tous ebahiz se taire,
 Sceut au prix de sa Teste,
 Combien est perilleux
 Blamer la Saincte feste
 De ton Nom merueilleux.
 Sans Iarretz se trouua
 Le braue Roy de Thrace,
 Et ta force esprouua
 L'Echionnee Race.
 Bien que tu sembles estre
 Au Ryz, Banquetz, & Jeux
 Plus idoyne, qu'à dextre
 Aux Combatz outraigeux.
 Rheteste inhumain
 D'une horrible Machoire

LIRIOVER.

André folleste autime
 Que ces cheuers la cines
 Lors qu'elle vont prout
 Sur les herbes Rines

DU LOUR DES B
 Au 2^e regner R de l'au
 Ode VII.

Quel bruyt l'instie
 A mes oreilles tonnes
 Je s'uy tout excite
 De l'horreur qui m'estonne
 Mon cœur s'emplit & tremble
 Enod Enod.
 Joy, la voix (ce me semble)
 D'un corist enod.
 Le roy, le deux fois né,
 L'Indique Dieu qui est
 Le chef emirant
 De veroyant & yore
 Les sers Tignes soupirant
 Soud le long adier
 Et tout p'issibles tint
 Son char victorieux
 M'aim 2^e regner l'ist
 R'at fontent & pins
 Sur roy l'ine tardif
 Le chancelier & l'ens.

Renuersé par ta Main,
 Feut tesmoing de ta gloire:
 Quand les filz de la Terre
 Ozerent s'auancer
 Pour au Ciel faire Guerre,
 Et ton Pere offenser.
 Sans toy, n'ard qu'à demy
 La furieuse flamme
 De Venus, ô l' Amy
 Et du Corps, & de l' Ame!
 Donq' à force de boyre
 Noye, ou brusle au dedans,
 La facheuse Memoire
 De noz souciz mordans.
 Amy, ceste Rigueur
 Au vieil Caton delaisse,
 Mais ou est la vigueur
 De ta verde Vieillesse?
 Le Soing de tout affaire
 Que n'est-il endormy?
 Quelquesfois il faut faire
 Le fol pour son Amy.

DV RETOVR DV
 Printemps.

A Ian D'orat.

Ode VIII.

De l'Hyuer la triste froydure
 Va sa Rigueur adoucissant

Et des Eaux l'Ecorce tant dure
 Au doux Zephire amolissant.
 Les Oyzeaux par les Boys
 Ouurent à ceste foys
 Leurs Gosiers estreciz
 Et plus soubz durs glacons
 Ne sentent les Poissons
 Leurs Manoirs racourciz.
 La froide Humeur des Montz chenuz
 Enfle deia le Cours des Fleuves,
 Deia les Cheueux sont venuz
 Aux forestz si longuement veufues.
 La Terre au Ciel riant
 Va son Teint variant
 De mainte couleur viue,
 Le Ciel (pour luy complaire)
 Orne sa face claire
 De grand' Beauté nayue.
 Venus ose ia sur la Brune
 Mener danses gayeres & cointes
 Aux pasles Rayons de la Lune,
 Ses Graces aux Nymphes bien iointes.
 Maint Satyre outraigeux
 Par les Boys vmbraigeux
 Ou du haut d'un Rocher,
 (Quoy que tout brusle, & arde)
 Estonné les regarde,
 Et n'en ose approcher.
 Or'est Tens, que lon se couronne
 De l'Arbre à Venus consacré:

Ou que sa Teste on environne
Des fleurs, qui viennent de leur gré.

Qu'on donne au vent aussi

Cest importun Soucy,

Qui tant nous faict la guerre

Que lon voyse sautant

Que lon voyse hurtant

D'un Pié libre, la Terre.

Voicy, deia l'Esté, qui tonne,

Chasse le peu durable Ver.

L'Esté le fructueux Automne,

L'Automne le Frilleux Hyuer.

Mais les Lunes volaiges

Ces celestes dommaiges

Reparent: & nous Hommes

Quand descendons aux Lieux

De noz Ancestres vieux,

Vmbre, & Poudre nous sommes.

Pourquoy doncq' auons-nous enuie

Du Soing, qui les Cœurs ronge, & fend?

Le terme bref de nostre vie

Long Espoir nous deffent.

Ce que les Destinees

Nous donnent de Iournees

Estimons, que c'est gaing.

Que scais-tu si les Dieux

Ottroyront à tes yeux

De voir vn Lendemain?

Dy à ta Lyre, qu'elle enfante

Quelque Vers, dont le bruyt soit tel,

VERS

*Que ta Vienne à iamais se vante
Du nom de Dorat Immortel.*

*Ce grand Tour violant
De l'An leger volant
Rauist & Iours, & Moys:
Non les doctes Escriz
Qui sont de noz Espris
Les perdurables Voix.*

ACHANT DV DES.
esperé.

Ode IX.

*La Parque si terrible
A tous les Animaux
Plus ne me semble horrible,
Car le moindre des maux,
Qui m'ont faiët si dolent,
Est bien plus violent.*

*Comme d'une Fontaine
Mes yeux sont degoutens,
Ma face est d'Eau' si pleine
Que bien tost ie m'attens
Mon cœur tant soucieux
Distiler par les yeux.*

*De mortelles Tenebres
Ilz sont de-ia noirciz,
Mes Plaintes sont funebres,
Et mes Membres transiz:
Mais ie ne puy' mourir,*

Et si ne puy' guerir.
La Fortune amyable
Est-ce pas moins que rien?
O que tout est muable
En ce Val terrien!
Helas, ie le congnoy',
Qui rien tel ne craignoy'.
Langueur me tient en Lesse,
Douleur me suit de pres,
Regret point ne me laisse,
Et crainte vient apres:
Bref, de Iour, & de Nuyt
Toute chose me nuit.
La verdoyant' Campaigne,
Le flory Arbrisseau,
Tumbant de la Montaigne
Le murmurant Ruysseau,
De ces plaisirs iouyr
Ne me peut reiouyr.
La Musique sauuaige
Du Rosignol au Boys
Contriste mon Couraige,
Et me deplaiſt la voix
De tous ioyeux Oyzeaux,
Qui sont au bord des Eaux.
Le Cygne Poetique
Lors, qu'il est myeux chantant,
Sur la Ryue aquatique
Va sa mort lamentant.
Las! tel Chant me plaiſt bien

VERS

Comme semblable au mien.
 La voix Repercussive
 En m'oyant lamenter,
 De ma Plainte excessiue
 Semble se tormenter
 Car cela, que i'ay dict,
 Toujours elle redict.
 Ainsi la ioye, & l'ayse
 Me vient de dueil saisir,
 Et n'est, qui tant me plaise
 Comme le deplaisir,
 De la mort en effect
 L'esper viure me fait.
 Dieu tonnant, de ta foudre
 Viens ma mort auencer
 A fin que soye en poudre
 Premier que de penser
 Au plaisir, que i'auroy
 Quand ma mort ie scauroy.

✿ AV SEIGNEVR
 Pierre de Ronsard.

Ode X.

Chante l'emprise furieuse
 Des fiers Geans trop deuoyez,
 Et par la main victorieuse
 Du Pere tonnant foudroyez;
 Ou bien les labeurs enuoyez

Par Iunon Deesse inhumene
 A l'invincible enfant d'Alcmene,
 Chante les martiaux alarmes
 D'un son heroic, & hault style,
 Chante les amoureuses larmes,
 Ou bien le champ graz, & fertile,
 Ou le cler ruyssseau, qui distile
 Du môt pierreux, ruyssseau, qui baigne
 Prez, & spacieuse campagne.
 Chante doncq les biens de Ceres
 Et de Bacchus les ieux mystiques,
 Chante les sacrees fores,
 Seiour des Demydieux rustiques:
 Chante tous les Dieux des antiques,
 Pluton, Neptune impestueux,
 Et les Austres tempetueux,
 Bref, chante toute ce, qu'ont chanté
 Homerc, & Maron tant fameux,
 Pyndare, Horace tant vanté,
 A fin d'estre immortal comme eux,
 En depit du dard venimeux
 De celle, qui ne peut deffaïre
 Ce, qu'un Esprit diuin scait faire.
 Ton œuvre sera plus durable,
 Qu'un Theatre, ou un Colisee,
 Ou qu'un Mausolee admirable
 Dont l'estophe si fort prisee
 Par le temps a esté brisee
 Ou que tout autre œuvre excellent
 De la main de l'Ouvrier volant.

Quant à Moy, puis que ie n'ay peu
 Comme toy, de l'vnde sacree,
 Et puis que songer ie n'ay peu
 Sur le Mont double comme Ascree,
 Cest bien force, que me recree
 Avec Pan, qui soubz les Ormeaux
 Faict resonner les Challumeaux.

Mais toy, si desires pour viure,
 Delaisser quelque Monument,
 Pourquoi aussi ne veux-tu suyure
 Quelque haut, & brave Argument?
 Amy, vole plus hautement
 Et en lieu si humble n'amuse,
 Qu'à me louer ta docte Muse.

Si tu m'eusses facund Mercure
 Voulu estre vn peu fauorable,
 Et toy Phebus, j'eusse pris cure
 De rendre mon bruyt honorable,
 Voyre par Escrit memorable
 Vn Iour avec triumphe, & gloire
 Marier Loyr avecques Loyre.

❁ A VNE DAME CRUEL-
 le, & Inexorable.

Ode XI.

Muse, que tant ie voys cherchant,
 Inspire moy encor' vn Chant,
 Vn chant, qui entre en l'obstinee Oreille
 De la Beauté, qui n'a point sa pareille.

Le feu en la Fournaize estreint,
Ard plus, que cil, qui non contreint
Par le Ciel libre en ca, & la espars
Donne sa flamme au Vent de toutes pars.
Amour iusqu' au profond de l' Ame
A dardé la cruelle flamme,
Que suy' contreint de vomir en mes Vers
D'vn son Tragic tout estrange, & diuers.
Cruelle, tu voys de bien loing
Ce feu, dont tu n'as point de soing
Comme celuy, qu'on voit voler parmy
La ville prise, ou le Camp ennemy.
Tu m'as ouuert le manque Flanc
Auecques cest Iuoyre blanc,
Qui montre au bout cinq Perles plus exquisés
Que d'Orient les Pierres tant requisés.
Pourquoy arraches-tu le Cœur,
Dont Amour par toy feut vainqueur?
Pourquoy fais-tu ainsi que deux Tenailles,
Sentir tes Mains en mes viues Entrailles?
Les Tygres (ô fiere Beauté!)
N'ont tant que toy, de Cruauté:
Ny le Serpent, qui se trayne soubz l'herbe,
Ny des Lyons la Semence superbe.
Pas n'auoit si grande rudesse
La cruelle Vierge Deesse,
Qui fist aux chiens deuorer le Veneur
Criant en vain, ie suy' vostre seigneur.
Qui est celuy, qui ne s'estonne
Quand le Pere courroussé tonne?

Dardant ca bas de foudroyante Main
Le Traict vangeur de tout Acte inhumain.

Amour pourtant dedans les Cieux
Enflamme le plus grand des Dieux,
Hommes en terre, & en l'air les oyzeaux,
Et les poyssons iusq' au fond de leurs eaux.

O Repaire moins souhaitable,
Que le Caucaſe inhospitable,
Ou le RaptEUR du ſainct feu, va paiffant
L' Aigle ſacr   d'vn poumon renaiffant.

Tu me fais par ta grand froydeur
Sentir plus violente ardeur
Que ceſtuy la, dont le doz grand, & large
Soutient d'vn mont la trop peſante charge.

Qui d'Amour blame les edictz,
Semble ces Geans, qui iadis
Des plus hauts montz vne echelle erigerent,
Et les manoirs celeſtes aſiegerent.

Ne crains-tu point qu'il ſe courrouſſe?
Ne crains-tu point que de ſa trouſſe
Te darde vn traict empenn   de fureur
Pour ſe vanger d'vn ſi cruel erreur?

Ou vas-tu Muſe? ſi grand Ire
Ne conuient    la douce Lyre.
Tu es trop humble, & de trop petit ſon
Pour accorder ſi tragique chanſon.

DE

DE PORTER LES MISE-
res, & la Calummie.

Au Seigneur Christofle du Breil.

Ode XII.

Rien n'est heureux de tous poinctz en ce Monde
L'air, & le feu, & le ciel, la terre, & l'vnde
Nous font la guerre, & les iustes Dieux mesmes
N'ont pardonné à leurs Palaiz supremes.
Ne voy-tu pas, que les Signes des Cieux
Sont mutilez de piez, de braz, ou d'yeux?
N'as-tu iamais d'eclypse coustumiere
Veu obscurcir l'vne, & l'autre lumiere?
O que d'ennuy sans repos nous tormente!
Les vns par faim ont peine vehemente,
Autres on voit en la prison mourir,
Plusieurs aussi à la guerre courir.
Ioyeux spectacle à ce furieux Dieu,
Qui maintenant obtient le premier Lieu
Entre les Roys, les Empereurs, & Princes
Au grand dommaige (helas) de leurs Prouinces.
Le flot, le vent, le Pyrate, & rocher
Sont les perilz de l'auare Nocher,
Qui de son ayse, & repos s'ennuyant
Aux Indes court, la pauureté fuyant.
Cestuy par fer, par cordeau, ou poyson
Cherche de mort volontaire achoyson
Et pour trouuer de ses maulx allegence,
A pris de soy luy mesmes la vengeance,
Et cestuy la, qui est myeux fortuné
Que les premiers, auant que d'estre né

VERS

Enseuely d'un Sommeil eternal,
 Faiet son Tumbreau du ventre maternel,
 D'un egal pié la Mort, qui tout attrape,
 Et des petiz les humbles manoirs frape,
 Et des plus grands les tours hautes, & fortes
 Vne Mort seule en mile, & mile sortes.
 De maulx soudains, nouveaux, & incurables
 Va tormentant les Humains miserables.
 Le Cours des Ans, des Siecles, & Saisons,
 Les grands Citez, & superbes Maisons
 Mises par terre, & les Ruines grosses
 Des vieux Palaiz, Theatres, & Collosses
 Montrent à l'œil tout ce, qui est ca bas,
 Estre caduqu', & subiect à trepas.
 O malheureux, qui batist Esperance
 Sur fondement d'incertaine assurance!
 De tous Estaz, de tout Sexe, & tout Aage
 Solitude est le propre Heritaige.
 Ell' suyt des Roys les Palaiz sumptueux.
 Conuentz sacrez, Parquetz tumultueux,
 Le Laboureur la porte en sa charrue,
 Et du Pasteur aux toictz elle se rue.
 L'Homme de Guerre aussi la porte en croupe,
 Et le Marchant auare dans la Poupe
 Rien que vertu, ne domte la Fortune.
 Comme le Roc, quand la Mer importune
 En ca, & la contre luy se courrousse,
 Rompt les gros flotz, & de soy les repousse.
 O bien heureux qui de rien ne sestonne,
 Et ne palist, quand le Ciel iré tonne!
 O bienheureux, que les Torches ardentes,

Et des troys Sœurs les Couleures pendentes
 N'excitent point ! qui n'entrerompent le fruit.
 De son Repos, pour quelque petit bruit.
 Cest Homme la pour vray iamais ne tremble,
 Bien que le Ciel à la Terre s'assemble:
 Et ont les Dieux sa forteresse munie
 Contre fortune, & contre Calumnie.
 Le Ciel vengeur, Protecteur d'Innocence,
 Donne au peruers souuent longue licence
 De nuire aux bons: puis contre eux irrité
 Commande au Temps, pere de verité,
 Decourir tout, lors la Cause plus forte
 Deuiet soudain la plus foible, de sorte
 Que la grandeur de la peine compense
 La tardité de la iuste vengeance.
 Espere Amy, espere, dure, attens
 Ceste faueur & du Ciel, & du Temps.
 Et quand le Ciel n'auroit aucun soucy,
 De tout cela, que nous faisons ici,
 Mais bien seroient toutes humaines choses
 Soubz le Pouuoir de la fortune encloses,
 Me vault-il myeux (veu qu'elle faict son tour)
 Auoir espoir de son heureux retour,
 Qu'estre tousiours en peur de la ruyne?
 Cest Air couuert d'une obscure Bruyne
 S'eclercira, ces vndes courroussées
 Iusques au Ciel par l'Aquilon poussées
 S'apaiseront, & par l'Anchre iectée
 Au Port sera la Nauire arrestée.
 O combien doux sera le souuenir
 Des maux passez ! pour donq' là paruenir,

VERS

*Endure Amy, ces peines doloieuses
Et te reserue aux choses plus heureuses*

DE L'IMMORTALITE

des Poetes.

Au Seigneur Bouiu.

Ode XIII.

*Sus Muse, il fault que lon s'euille,
Je veux sonner vn chant diuin.
Ouvre donques ta docte oreille,
O Bouiu, l'honneur Angeuin!*

*Pour ecouter ce, que ma Lyre accorde
Sur sa plus haute, & mieux parlante chorde.
Cestuy quiert par diuers dangers
L'honneur du fer victorieux:
Cestuy la par flotz estrangers
Le soing de l'or laborieux.*

*L'vn aux clameurs du Palaiz s'estudie,
L'autre le vent de la faueur mandie.
Mais moy, que les Graces cherissent,
Je hay' les biens, que lon adore,
Je hay' les honneurs, qui perissent,
Et le soing, qui les cœurs deuore:*

*Rien ne me plaist, fors ce, qui peut deplaire
Au iugement du rude populaire.
Les Lauriers, prix des frontz scauans,
M'ont ia faict compaignon des Dieux:
Les lascifz Satyres suyuan
Les Nymphes des rustiques lieux
Me font aymer loing des cõgnuz Riuaiges*

La sainte horreur de leurs Antres sauuaiges.

*Par le Ciel errer ie m'attens
D'une esle encor' non vsitee,
Et ne sera gueres long temps
La terre par moy habitee.*

Plus grand, qu'Enuie, à ces superbes Villes

Ie laisseray leurs tempestes ciuiles

Ie voleray depuis l'Aurore

Iusque à la grand Mere des eaux:

Et de l'Ourse à l'Epaule more,

Le plus blanc de tous les oyzeaux.

Ie ne craindray, sortant de ce beau iour,

L'epesse nuyt du tenebreux seiour.

De mourir ne suys en emoy

Selon la loy du sort humain,

Car la meilleure part de moy

Ne craint point la fatale main:

Craingne la Mort, la Fortune & l'Enuie,

A qui les Dieux n'ont donné qu'une vie.

Arriere tout funebre chant

Arriere tout marbre, & peinture,

Mes cendres ne vont point cherchant

Les vains honneurs de sepulture.

Pour n'estre errant cent ans à l'environ

Des tristes bords de l'auare Acheron.

Mon nom du vil Peuple incögnu

N'ira soubz terre inhonoré,

Les Sæurs du Mont deux fois cornu

M'ont de sepulchre decoré,

Qui ne craint point les Aquilons puissans,

Ny le long cours des Seicles renaissans.

EPITAPHE DE CLEMENT
M A R O T

*Si de celuy le Tumbeau veux scauoir,
Qui de Marot auoit plus que le nom,
Il te conuient tous les Lieux aller voir
Ou France a mis le but de son renom:
Qu'en Terre soit, ie te respons que non,
Au moins de luy c'est la moindre partie,
L' Ame est au lieu, d'ou elle estoit sortie,
Et de ses Vers, qui ont domté la Mort,
Les Sœurs luy ont Sepulture batie
Iusques au ciel, ainsi, LA MORT NY MORD.*

COELO MVSA BEAT.

